

ფ.ენბელსი

გლესთა ომი
ბერმანიაში

ქართული გამოცემის რედაქციისაგან

ფრიდრიხ ენგელსის ნაწარმოების «გლენთა ომი გერმანიაში». ახალი, მეორე ქართული გამოცემა წარმოადგენს შესწორებულ და გადაშუშავებულ თარგმანს. წიგნს დართული აქვს დამატებანი, სადაც ქართულ ენაზე პირველად ქვეყნდება ფ. ენგელსის მთელი რიგი სტატია: «პრუსიის გლენთა ისტორიისათვის», მასალები «ფ. ენგელსის ხელნაწერი მემკვიდრეობიდან» («ფეოდალიზმის დაშლისა და ეროვნულ სახელმწიფოთა წარმოშვების შესახებ», «გლენთა ომისათვის») და ა. შ.

ამ წიგნის ახალი ქართული გამოცემის ძირითად ტექსტს საფუძვლად დაედო 1932 წლის გამოცემა. წიგნი გამოსაცემად მოაწაზარდა და ახალი მასალები თარგმნა მარქსიზმ-ლენინიზმის ინსტიტუტის საქართველოს ფილიალის უფროსმა მეცნიერმა მუშაკმა ლ. ჩიქოვანმა. როგორც ძირითადი ტექსტის მომზადებისას, ასევე ახალი მასალის თარგმანისას ორიგინალთან ერთად გამოყენებულ იქნა რუსული გამოცემაც (მოსკოვი, 1953 წ.).

ქართული გამოცემის რედაქცია შეასრულა ინსტიტუტის უფროსმა მეცნიერმა მუშაკმა დ. ლაშქარაძემ.

ფრიდრიხ ენგელსის ნაწარმოები «გლეხთა ომი გერმანიაში» დაიწერა 1850 წლის ზაფხულში 1848 — 1849 წლების რევოლუციის დამარცხების შემდეგ. ისევე როგორც მარქსიზმის ფუძემდებელთა ამავე პერიოდის სხვა ღირსშესანიშნავი ნაწარმოებნი, ეს ნაშრომიც შეიცავს უმნიშვნელოვანეს იდეებს, რომლებიც მარქსმა და ენგელსმა 1848 — 1849 წლების რევოლუციის ისტორიული გამოცდილებისა ღრმა შესწავლისა და განზოგადების შედეგად წამოაყენეს.

ენგელსის ნაშრომი მიძღვნილია გერმანიის გლეხებისა და ქალაქის მდაბიოთა (პლებეების) მძლავრი აჯანყების ისტორიისადმი. მარქსი 1844 წ. ამ აჯანყებას გერმანელთა ისტორიის ყველაზე რადიკალურ ფაქტს უწოდებდა (იხ. კ. მარქსი და ფ. ენგელსი. თხზულებანი, ტ. 1, 1938, გვ. 393). იგი წარმოადგენს გერმანიის ადრინდელი ბურჟუაზიული რევოლუციის — XVI საუკუნის დასაწყისის რეფორმაციის — კულმინაციურ პუნქტს. რეფორმაცია მიმართული იყო ფეოდალურ-რეაქციული ძალების, მათ შორის, შუასაუკუნებრივი კათოლიკური ეკლესიის წინააღმდეგ, რომლებიც აფერხებდნენ კაპიტალისტური ურთიერთობის მომწიფებას გერმანიაში და ხელს უშლიდნენ გერმანიის ცენტრალიზებული სახელმწიფოს ჩამოყალიბებას. გლეხებისა და ქალაქის მდაბიოთა 1525 წლის დამარცხებას მოჰყვა ის, რომ ადრინდელმა ბურჟუაზიულმა რევოლუციამ გერმანიაში მარცხი განიცადა. მხდალი გერმანელი ბიურგერობა მუხანათურად გამოვიდა აჯანყებული გლეხების წინააღმდეგ და ფეოდალებს მიემხრო. ამის შედეგად ლუთერანული რეფორმაციაც მსხვილ საერო ფეოდალთა — მთავართა — ინტერესებისადმი იქნა შეგუებული. გერმანია საუკუნეთა მანძილზე ეკონომიურად და პოლიტიკურად დაქუცმაცებული დარჩა.

ენგელსის მიმართვა გერმანიის ისტორიული წარსულისადმი გამოწვეული იყო მისი მისწრაფებით ეჩვენებინა გერმანელი ხალხის

რევოლუციური ტრადიციები. მარქსიზმის ფუძემდებლებს ეს მიანიჭდათ ერთ-ერთ საშუალებად, რათა ემხილებინათ რევოლუციური ტრადიციებისადმი მტრულად განწყობილი რეაქციული კლასების პოლიტიკა და აღეზარდათ გერმანელი ხალხი გერმანიის პროგრესული განვითარებისათვის, მისი რევოლუციური, დემოკრატიული გზით გაერთიანებისათვის ბრძოლის სულისკვეთებით.

XVI ს. მოვლენათა ანალიზისას, ენგელსმა მთელი რიგი უმნიშვნელოვანესი დასკვნა გამოიტანა აგრეთვე 1848—1849 წლების რევოლუციის გაკვეთილების შესახებ. კერძოდ მან ნათელყო 1848 — 1849 წლებში გერმანელი ბურჟუაზიის მოღალატური მოქმედება, რომელიც მოგვაგონებს მისი ისტორიული წინამორბედის — XVI საუკუნის გერმანელი ბიურგერობის — მოქმედებას. ენგელსმა გამოაშკარავა მერყეობა და პროვინციული შეზღუდულობა, რომელიც დამახასიათებელია როგორც გლეხთა მასებისათვის გლეხთა ომის დროს, ისე XIX საუკუნის გერმანიის წვრილი ბურჟუაზიისათვისაც. «ფრ. ენგელსი, — მიუთითებდა ვ. ი. ლენინი, — განსაკუთრებით ხაზს უსვამდა გამოცდილების გაკვეთილს, რომელიც რამდენადმე აერთიანებს XVI საუკუნის გლეხურ აჯანყებას და 1848 წლის რევოლუციას გერმანიაში, სახელდობრ ხაზს უსვამდა გამოსვლების დაქსაქსულობას, ჩაგრულ მასებში ცენტრალიზაციის უქონლობას, რაც დაკავშირებული იყო მათი ცხოვრების წვრილბურჟუაზიულ მდგომარეობასთან». (ვ. ი. ლენინი, თხზულებანი, მე-4 გამ. ტ. 25, გვ. 237). ამასთანავე ენგელსმა მკვეთრად მოხაზა ის საზღვარი, რომლის იქით თავდება პარალელი 1525 წლისა და 1848 წლის მოვლენებს შორის. მან გვიჩვენა, რომ 1848 — 1849 წლების რევოლუცია მიმდინარეობდა სრულიად სხვაგვარ ისტორიულ ვითარებაში: მთელ რიგ ქვეყნებში წარმოების კაპიტალისტური წესის გამარჯვების პირობებში, როდესაც პროლეტარიატი უკვე გამოვიდა ისტორიულ სარბიელზე.

გერმანიის ისტორიის უმნიშვნელოვანესი პერიოდის კვლევისას ენგელსმა გამოიყენა მატერიალისტური დიალექტიკისა და ისტორიული მატერიალიზმის მეთოდი და პირველმა ისტორიულ ლიტერატურაში გამოაშკარავა XVI საუკუნის დამდეგს გერმანიაში წარმოებული პოლიტიკური და რელიგიური ბრძოლის სოციალ-პოლიტიკური მიზეზები და კლასობრივი არსი. ენგელსის ნაშრომი იძლევა კლასიკურ ნიმუშს ფეოდალიზმის წინააღმდეგ გლეხთა მოძრაობის შესწავლისათვის არა მარტო გერმანიაში, არამედ სხვა ქვეყნებშიც. იგი გვიჩვენებს იმ უდიდეს როლს, რომელსაც საზოგადოების ის-

ტორიაში ასრულებდა ხალხთა მასების ბრძოლა მჩაგვრელთა წინააღმდეგ.

ენგელსი ხაზს უსვამდა გლეხობის როლს, როგორც რევოლუციური ძალისას, რომელიც ძირს უთხრის ფეოდალური საზოგადოების საფუძველს, მაგრამ ამასთანავე იგი ამხელდა აგრეთვე გლეხთა მოძრაობის სუსტ მხარეებსაც. გლეხთა მოძრაობის არაორგანიზებულობა, სტიქიური ხასიათი, დაქსაქსულობა, გლეხთა შეგნებულობის დაბალი დონე — ყოველივე ეს ენგელსის მიერ აღნიშნული იყო, როგორც გლეხური აჯანყების დამარცხების მიზეზები.

«გლეხთა ომი გერმანიაში» ადასტურებს მარქსიზმის უმნიშვნელოვანეს დასკვნას იმის შესახებ, რომ ყველა ჩაგრულ კლასს შორის, რომლებიც ოდესმე მოქმედებდნენ ისტორიაში, მხოლოდ პროლეტარიატი — კაპიტალიზმის მესაფლავე და ახალი სოციალისტური საზოგადოების შემომქმედი — წარმოადგენს ბოლომდე რევოლუციურ კლასს, რომელიც მოწოდებულია განახორციელოს ყველა ექსპლოატირებულისა და ჩაგრულის ბელადისა და განმათავისუფლებლის დიადი მისია. ამასთან ერთად გლეხთა აჯანყებებისა და ომების მაგალითით ენგელსი ამ ნაწარმოებში გვიჩვენებს, რომ გლეხობა საუკუნეთა მანძილზე იბრძოდა თავის მჩაგვრელთა წინააღმდეგ. ამით ენგელსი ხაზს უსვამს მუშათა კლასისათვის გლეხთა მასების რევოლუციურ შესაძლებლობათა გამოყენების უდიდეს მნიშვნელობას ექსპლოატატორული კაპიტალისტური წყობილების წინააღმდეგ ბრძოლაში. შინაარსი «გლეხთა ომისა გერმანიაში» მკვიდროდ არის დაკავშირებული პროლეტარიატის ჰეგემონიის იდეის მონახაზთან, რომელიც მარქსიზმის ფუძემდებლებმა წამოაყენეს. განავითარა რა სწორედ ეს აზრები გლეხობის, როგორც მუშათა კლასის მოკავშირის, შესახებ; მარქსმა 1856 წ. 16 აპრილს ენგელსისადმი გაგზავნილ წერილში გამოთქვა გენიალური დებულება, რომ საჭირო იქნება პროლეტარულ რევოლუციას ზურგი გაუმაგრდეს «გლეხთა ომის რომელიმე მეორე გამოცემით».

ამ გამოცემის დამატებებში ქვეყნდება მთელი რიგი ნაშრომები და წერილები, რომლებიც ავსებენ შინაარსს ენგელსის წიგნისა «გლეხთა ომი გერმანიაში».

მარქსისა და ენგელსის წერილები ლასალისადმი (1859 წ. 19 აპრილისა და 18 მაისის) მიმართულია ლასალის დრამის «ფრანც ფონ ზიკინგენის» რეაქციული ტენდენციების წინააღმდეგ. მარქსიზმის ფუძემდებლებმა, რომლებმაც გადაჭრით გაილაშქრეს ლასალის ცდის წინააღმდეგ — განედიდებინა აზნაურთა 1522 — 1523 წლების

აჯანყების ბელადის ზიკინგენის სახით XVI საუკუნის გერმანელი რაინდობა, ჯერ კიდევ მაშინ ამხილეს ლასალელობის ერთ-ერთი ყველაზე უფრო მავნე ნიშანი — გლეხთა მოძრაობის რევოლუციური ხასიათის უარყოფა, გლეხობის რეაქციული კლასისადმი მიკუთვნების მისწრაფება.

მომდევნო წლებში ენგელსი არაერთხელ გამოსულა პრესაში გლეხობის მიმართ პროლეტარული პარტიის პოლიტიკის დასაბუთებით. ამ საკითხს, ენგელსმა მიუძღვნა ისეთი ნაწარმოებები, როგორცაა «მარკა» (1882 წ.) «პრუსიის გლეხობის ისტორიისათვის», (1885 წ.) «გლეხთა საკითხი საფრანგეთსა და გერმანიაში» (1894 წ.) და სხვა. პირველი ორი ნაშრომი შეტანილია ამ გამოცემის დამატებებში.

დამატებებში ქვეყნდება აგრეთვე ენგელსის მთელი რიგი დაუმთავრებელი ზეღნაწერები, რომლებიც მიძღვნილია გერმანიის ისტორიისადმი. 1873 — 1874 წლებში ენგელსი აპირებდა დაეწერა გერმანიის ისტორიის სპეციალური ნარკვევი (იხ. ენგელსის წერილი ვ. ლიბკნეხტისადმი, 1874 წ. 27 იანვარი. კ. მარქსი და ფ. ენგელსი, თხზულებანი, ტ. XXVI, გვ. 361). ამ ნარკვევის მოსამზადებელი მასალებიდან მოყვანილი ფრაგმენტი — «შენიშვნები გერმანიის შესახებ», როგორც იგი თვით ენგელსმა დაასათაურა, — წარმოადგენს განზრახული ნაშრომის დაწერილებითი გეგმის ნაწილს. მასში კონსპექტის სახით მოხაზულია გერმანიის ისტორიის ძირითადი ეტაპები 1500 წლიდან 1815 წლამდე.

როდესაც ენგელსი 80-იან წლებში — ხოლო შემდეგში აგრეთვე 90-იან წლებშიც — თავის ჩანაფიქრს დაუბრუნდა, მან გადაწყვიტა თავისი ისტორიული კვლევის შედეგები გადმოეცა «გერმანიაში გლეხთა ომის» ახალი, გადამუშავებული გამოცემის სახით. «გლეხთა ომი, — სწერდა იგი 1884 წ. 31 დეკემბერს ფ. ა. ზორგეს, — წარმოდგენილ იქნება როგორც გერმანიის მთელი ისტორიის ქვაკუთხედი» (კ. მარქსი და ფ. ენგელსი, თხზულებანი, ტ. XXVII, გვ. 444). ენგელსის 1884 და 1885 წლების მიმოწერიდან ჩანს, რომ მას უნდოდა უფრო დაწვრილებით გაეშუქებინა გერმანიის ისტორია XVI საუკუნის დასაწყისამდე ფეოდალიზმის დაშლის, კაპიტალისტური ელემენტების განვითარებისა და ევროპის ნაციონალურ სახელმწიფოთა ჩამოყალიბების პროცესის ანალიზის საფუძველზე. ზეღნაწერები «გლეხთა ომისათვის» და «ფეოდალიზმის დაშლისა და ეროვნულ სახელმწიფოთა წარმოშობის შესახებ», რომლებსაც აქ ვაქვეყნებთ, ალბათ, უნდა წარმოადგენდნენ: პირველი — გეგმის

მონახაზს, ხოლო მეორე — იმ შესავლის მზა ნაწილს, რომელიც ენგელსს სურდა დაემატებინა «გლეხთა ომისათვის გერმანიაში». ენგელსს განზრახული ჰქონდა აგრეთვე გაეფართოებინა თავისი ნაშრომის დასკვნითი ნაწილი და გაეშუქებინა მასში გერმანიის ისტორიის მსვლელობა 1525 წლის შემდეგაც. მაგრამ დაძაბულმა მოღვაწეობამ, რომელიც საერთაშორისო მუშათა მოძრაობის ხელმძღვანელობასთან იყო დაკავშირებული, და აგრეთვე მარქსის შრომების დასაბეჭდად მომზადებამ ხელი შეუშალეს ენგელსს განეხორციელებინა თავისი შემოქმედებითი გეგმები.

* * *

ამ გამოცემის მომზადების დროს რუსული თარგმანი «გლეხთა ომისა გერმანიაში» და სხვა აქ გამოქვეყნებული ნაწარმოებები შედარებულია ორიგინალთან და დაზუსტებულია. გასწორებულია აგრეთვე შეცდომები თარიღებსა, გეოგრაფიულ სახელწოდებებსა და საკუთარ სახელებში, რომლებიც გაპარულია «გლეხთა ომის» 1875 წლის (მესამე) გერმანულ გამოცემაში; 1875 წლის გერმანული გამოცემა დაედო საფუძვლად რუსულ თარგმანს. ტექსტს დართული აქვს საცნობარო ხასიათის სტრიქონქვეშა შენიშვნები და სახელთა საძიებელი.

სკკპ ცკ-თან არსებული
მარქსიზმ-ლენინიზმის ინსტიტუტი

ფრიდრიხ ენგელსი

გლესთა ომი
გერმანიის

წინასიტყვაობა¹

ეს შრომა ლონდონში დაიწერა 1850 წლის ზაფხულში, ახლად დამთავრებული კონტრრევოლუციის უშუალო შთაბეჭდილებით; იგი გამოქვეყნდა ჟურნალში «ახალი რაინის გაზეთი. პოლიტიკურ-ეკონომიური მიმოხილვა», მე-5 და მე-6 რვეული, ჰამბურგი 1850, რო-მელსაც კარლ მარქსი რედაქტორობდა. ჩემმა პოლიტიკურმა მეგობრებმა გერმანიაში ამ წიგნის ხელახლა გამოცემა მოისურვეს და მეც ვასრულებ მათ სურვილს, რადგან, ჩემდა სამწუხაროდ, მას დღესაც არ დაუკარგავს თავისი მნიშვნელობა.

ამ წიგნს იმის პრეტენზია არა აქვს, რომ დამოუკიდებელი კვლევა-ძიების მასალა გადმოსცეს. პირიქით, მთელი მასალა, რომელიც გლეხთა აჯანყებებსა და თომას მიუნცერს ეხება, ციმერმანიდანაა² ამოღებული. თუმცა მისი წიგნი ალაგ-ალაგ ნაკულ-ლოვანია, მაგრამ დღემდე მაინც ფაქტების საუკეთესო დალაგებას წარმოადგენს. ამასთან მოხუცი ციმერმანი ხალისით ეკიდებოდა

¹ ამ წინასიტყვაობის პირველი განყოფილება ფ. ენგელსმა დაწერა 1870 წ. თებერვალში «გლეხთა ომის» მეორე გერმანული გამოცემისათვის, რომელიც 1870 წ. ლაიპციგში გამოვიდა. მესამე გამოცემის მომზადებასთან დაკავშირებით ენგელსმა 1874 წ. 1 ივლისს დაწერა დამატებითი, მეორე განყოფილება. მესამე გამოცემა გამოვიდა 1875 წელს ლაიპციგში, რ. ედ.

² W. Zimmermann. Allgemeine Geschichte des grossen Bauernkrieges, T. 1—3, Stuttgart, 1841 — 1843. (ვ. ციმერმანი, დიდი გლეხთა ომის საყოველ-თაო ისტორია, ტ. 1 — 3, შტუტგარტი, 1841 — 1843). რუსული თარგმანი შესრუ-ლებულია 1856 წ. გერმანული მეორე გადამუშავებული გამოცემიდან (იხ. ვ. ცი-მერმანი, გერმანიის გლეხთა ომის ისტორია, ტ. 1 — II, შოსტოკი, 1937 წ.). რ. ედ.

თავის საგანს. იმავე რევოლუციურმა ალლომ, რომელიც მას უკარნახებდა, რომ თავის წიგნში ყველგან ჩაგრული კლასის მხარეზე გამოსულიყო, იგი შემდეგ უკიდურესი მემარცხენეების საუკეთესო წარმომადგენლად გახდა ფრანკფურტში¹. თუმცა შემდეგ, მისი შეხედულებანი რამდენადმე მოძველდა².

თუ ციმერმანის მოთხრობას შინაგანი კავშირი აკლია, თუ იგი ვერ ახერხებს იმ ეპოქის რელიგიურ-პოლიტიკური საკამათო საკითხები იმდროინდელივე კლასობრივი ბრძოლის ასახვად წარმოგვიდგინოს; თუ იგი ამ კლასობრივ ბრძოლებში მხოლოდ მჩაგვრელებსა და ჩაგრულთ, ბოროტებასა და სიკეთეს და ბოროტების საბოლოო გამარჯვებას ხედავს; თუ მისი გაგება იმ საზოგადოებრივი პირობებისა, რომლებმაც თავიდან ბოლომდე ბრძოლის მსვლელობა განსაზღვრეს, მეტად ნაკლებოვანია, ეს იმ დროის ნაკლი იყო, რომელშიც ეს წიგნი წარმოიშვა. პირიქით, თავის დროისათვის იგი მეტად რეალისტურად დაწერილ და სასიქადულო გამონაკლისს წარმოადგენს გერმანულ იდეალისტურ ისტორიულ ნაწარმოებთა შორის.

მე მხოლოდ ბრძოლის ისტორიული მსვლელობის ზოგადი ნარკვევი ვაღმოვეცი, მე შევეცადე გლახთა ომის წარმოშობა, მისი მონაწილე სხვადასხვა პარტიების პოზიციები, პოლიტიკური და რელიგიური თეორიები, რომელთა შემწეობითაც ეს პარტიები თავიანთ მდგომარეობის გარკვევას ცდილობდნენ, ბოლოს, თვით ბრძოლის შედეგი იმდროინდელი კლასების საზოგადოებრივი ცხოვრების პირობებით ამეხსნა. მაშასადამე, მე შევეცადე დამენახებინა, რომ გერმანიის იმდროინდელი პოლიტიკური წესწყობილება, აჯანყებანი მის წინააღმდეგ, იმ დროის პოლიტიკური და რელიგიური თეორიები არა მიზეზებს, არამედ განვითარების იმ საფეხურის შედეგებს წარმოადგენენ, რომელზედაც მაშინ გერმანიაში სოფლის მეურნეობა, მრეწველობა, მიმოსვლის საშუალებანი, საქონლის და ფულის ტრიალი იმყოფებოდა. ეს ერთადერთი მატერიალისტური გაგება ისტორიისა აღმოჩენილ იქნა არა ჩემს მიერ, არამედ მარქსის მიერ და საფუძვლად უდევს აგრეთვე იმავე «მიმოხილვაში» დაბეჭდილ მის შრომებს 1848—1849 წლის საფრანგეთის რევოლუციაზე და «თერამეტ ბრიუმერს ლუი ბონაპარტისა»³.

¹ ე. ი. ფრანკფურტის ნაციონალური კრების მემარცხენე ფრაქციისა; ეს კრება მოწვეული იყო გერმანიის 1848—1849 წლების რევოლუციის დროს. რ ე დ.

² ეს ბოლო ფრაზა ენგელსმა დაუმატა 1875 წლის გამოცემას. რ ე დ.

³ იხ. კ. მარქსის შრომები «კლასთა ბრძოლა საფრანგეთში 1848 წლიდან 1850 წლამდე» და «თერამეტი ბრიუმერი ლუი ბონაპარტისა» (კ. მარქსი და ფ. ენგელსი. რჩეული ნაწერები, ტ. 1, თბილისი, 1950) რ ე დ.

პარალელი 1525 წლის გერმანიის რევოლუციასა და 1848 — 49 წლების რევოლუციას შორის იმდენად აშკარაა, რომ შეუძლებელი იყო იმ დროს იგი არ გამოემყენებინა, მაგრამ მიუხედავად მოვლენათა საერთო მსვლელობის მსგავსებისა, რომელიც იმით გამოიხატა, რომ იქაც და აქაც მთავრების ჯარებმა სხვადასხვა ადგილობრივი ამბოხებანი ერთი მეორის მიყოლებით დაამარცხეს, იმისდა მიუხედავად, რომ ორივე შემთხვევაში ბიურგერებმა სასაცილო მსგავსება გამოააშკარავეს თავიანთ მოქმედებაში, განსხვავება მინც ნათლად და აშკარად ჩანდა:

«ვინ ნახა სარგებლობა 1525 წლის რევოლუციაში? მთავრებმა. — ვინ ნახა სარგებლობა 1848 წლის რევოლუციაში? დიდმა ხელმწიფეებმა, ავსტრიამ და პრუსიამ. 1525 წელს წვრილი მთავრების უკან წვრილი ბიურგერები იდგნენ, რომლებიც მათ ბოქავდნენ გადასახადების შემწეობით, 1850 წელს დიდი ხელმწიფეების, ავსტრიის და პრუსიის უკან კი თანამედროვე მსხვილი ბურჟუაზია დგას, რომელიც მათ ჩქარა იმორჩილებს სახელმწიფოებრივი ვალების შემწეობით. ხოლო მსხვილი ბურჟუაზიის უკან პროლეტარიატი დგას»¹.

სამწუხაროდ, უნდა ვაღიარო, რომ ამ დებულებით გერმანელ ბურჟუაზიას მეტისმეტი პატივი დავდე. მას მართლაც ჰქონდა შესაძლებლობა «სახელმწიფოებრივი ვალების შემწეობით მონარქია ჩქარა დაემორჩილებია» როგორც ავსტრიაში, ისე პრუსიაში, მაგრამ არსად და არასოდეს არ გამოუყენებია ეს შესაძლებლობა.

ბატონობა ავსტრიაში ბურჟუაზიას საჩუქრად ერგო 1866 წ. ომის² წყალობით. მაგრამ მას არ ძალუძს ბატონობა, იგი ყოვლად უილაჯო და უნიჭოა. მას მხოლოდ ის შეუძლია, რომ მუშებს შეუტოს გააფთრებით, როგორც კი ძინი თავს ასწევენ. ავსტრიაში ბურჟუაზიას მხოლოდ მიტომ უჭირავს მმართველობის საჰე, რომ ეს უნგრელებისთვისაა საჭირო.

რალა ითქმის პრუსიაზე? მართალია, სახელმწიფოს ვალმა უზომოდ იმატა, დეფიციტი მუდმივ მოვლენადაა გამოცხადებული, სახელმწიფოს ხარჯები წლიდან წლამდე იზრდება, ბურჟუაზიას უმრავლესობა ჰყავს პალატაში, უმისოდ შეუძლებელია როგორც

¹ იხ. უკანასკნელი თავი შრომისა «გლებთა ომი გერმანიაში», გვ. 129. რედ.

² ენგელსს მხედველობაში აქვს 1866 წ. ავსტრია-პრუსიის ომი, რომელიც დამთავრდა ავსტრიის სამხედრო განადგურებით საღოვასთან 1866 წ. 3 ივლისს მომხდარ ბრძოლაში. დამარცხების ზეგავლენით ავსტრიის რეაქციული მმართველი წრეები იძულებული შეიქნენ მთელი რიგი ბურჟუაზიული რეფორმები გაეტარებინათ (1867 წ. ახალი კონსტიტუცია და სხვ.). რედ.

გადასახადების გადიდება, ისე სესხის მიღება, — მაგრამ სადაა მისი ბატონობა სახელმწიფოზე? ჯერ კიდევ ამ რამდენიმე თვის წინათ, როცა ახალი დეფიციტი იყო მოსალოდნელი, ბურჟუაზიას საუკეთესო პოზიცია ჰქონდა. მას შეეძლო მნიშვნელოვანი დათმობანი მიეღო თუ ცოტაოდენ გამძლეობას გამოიჩენდა. რა ქნა მან? მან საკმაო დათმობად მიიჩნია ის, რომ მთავრობამ ნება მისცა მის ფეხთ ქვეშ ცხრა მილიონი დაედო არა ერთი წლით, არამედ ყოველწლიურად მთელი მომავალი დროისთვის.

მე არ მსურს იმაზე უფრო მეტად გავკიცხო საბრალო «ნაციონალ-ლიბერალები»¹, რომლებიც პალატაში სხედან, ვიდრე ეს მათ დაიმსახურეს. ვიცი, რომ მათ უმუხტლა ბურჟუაზიის მასამ, რომელიც მათ უკან დგას. ამ მასას არსურს ბატონობა. მას ჯერ კიდევ 1848 წლის ამბები აქვს ძვალსა და რბილში გამჯდარი.

თუ რად იჩენს გერმანელი ბურჟუაზია ასეთ გასაოცარ სიმხდალეს, ამის შესახებ ქვემოთ ვილაპარაკებთ.

სხვა მხრივ ზემოთმოყვანილი დებულება სავსებით დადასტურდა. ჩვენ ვხედავთ, რომ 1850 წლის შემდეგ პატარა სახელმწიფოების როლი თანდათან იჩქმალება, ისინი მხოლოდ ბერკეტს წარმოადგენენ პრუსიის და ავსტრიის ინტრიგებისთვის, ავსტრიასა და პრუსიას შორის თანდათან მწვევადება ბრძოლა ჰეგემონიისთვის, ბოლოს 1866 წ. ხდება ანგარიშის გასწორება ძალმომრეობის შემწეობით, ავსტრია ინარჩუნებს თავის საკუთარ პროვინციებს, პრუსია პირდაპირ ან არაპირდაპირ მთელს ჩრდილოეთს იმორჩილებს, ხოლო სამი სამხრეთ დასავლეთი სახელმწიფო ჯერჯერობით ჰაერში რჩება ჩამოკიდებულ².

¹ ნაციონალ-ლიბერალები — გერმანელი, პირველ რიგში პრუსიის ბურჟუაზიის პარტია; შეიქმნა 1866 წ. დასასრულს იმ გათიშვის წყალობით, რომელიც განიცადა ბურჟუაზიულმა პროგრესისტმა პარტიამ, ეს პარტია ოპოზიციამი ედგა ბისმარკის იუნკრულ მთავრობას. ნაციონალ-ლიბერალთა პოლიტიკა ასახავდა გერმანული ლიბერალური ბურჟუაზიის კაპიტულაციას ბისმარკის წინაშე, მას შემდეგ, რაც მან განახორციელა ამ ბურჟუაზიის პროგრამა გერმანიის ზემოდან გაერთიანებისა. რ ე დ.

² ავსტრია-პრუსიის ომში გამარჯვების შედეგად შემამულურ-იუნკრულმა პრუსიამ ყველაზე მეტი წონა მიიღო გერმანიაში და ხელი მიჰყო მის გაერთიანებას ანტირევოლუციური გზით თავისი ჰეგემონიობით. ნაცვლად იმისა, რომ გაუქმებულიყო ეფემერული გერმანიის კავშირი, შეიქმნა ჩრდილოეთ გერმანიის კავშირი 22 სახელმწიფოს შემადგენლობით, რომელსაც პრუსია ჩაუდგა სათავეში. გარდა ავსტრიისა, კავშირის გარეთ აღმოჩნდა კიდევ სამი სამხრეთ გერმანული სახელმწიფო (ბავარია, ბადენი, ვიურტემბერგი), და აგრეთვე ჰენსენ-დარმშტადტი (დასავლეთ გერმანია). რ ე დ.

გერმანიის მუშათა კლასისთვის მთელ ამ მთავარ სახელმწიფოებრივ აქტში მხოლოდ შემდეგს აქვს მნიშვნელობა:

ჯერ ერთი, მუშებმა საყოველთაო კენჭის ყრის უფლებით შესაძლებლობა მიიღეს უშუალო წარმომადგენლობა იყოლიონ საკანონმდებლო კრებაში.

მეორე, პრუსიამ კარგი მაგალითი გვიჩვენა, როდესაც სამი სხვა გვირგვინი გადაყლაპა წყალობითა ღვთისათა¹. თითქოს ამ ოპერაციის შემდეგაც იგივე შეუზღუდავი «წყალობითა ღვთისათა» გვირგვინი ჰქონდეს, რომელსაც წინათ ვითომ ფლობდა. ეს თვით ნაციონალ-ლიბერალებსაც კი აღარ სწამთ.

მესამე, გერმანიის რევოლუციას მხოლოდ ერთი სერიოზული მოწინააღმდეგე ჰყავს — პრუსიის მთავრობა.

მეოთხეც, ავსტრიის გერმანელებმა, ბოლოს, ეს საკითხი უნდა გადაწყვიტონ, რა სურთ მათ, გერმანელობა თუ ავსტრიელობა? რომელ მხარეზე ურჩევნიათ მათ ყოფნა — გერმანიისა თუ გერმანიის გარეშე მყოფი ტრანსლეიტარული მაჩანჩალების მხარეზე? მათ რომ ან ერთი უნდა დასთმონ ან მეორე, ეს დიდი ხანია თავისთავად იგულისხმება, მაგრამ წვრილბურჟუაზიული დემოკრატია ცდილობს მიჩქმალოს ეს.

რაც შეეხება 1866 წელთან დაკავშირებულ სხვა მნიშვნელოვან სადავო საკითხებს, რომელთაც დაუსრულებლივ იხილავენ ერთი მხრივ ნაციონალ-ლიბერალები, ხოლო, მეორე მხრივ, სახალხო პარტია² უახლოესი წლების ისტორიამ უნდა დაამტკიცოს, რომ

¹ იგულისხმება პანოვერის სამეფო, ჰესენ-კასელის საკურფიურსტო და ნაუსის დიდი საჰერცოგო, რომლებიც პრუსიამ 1867 წ. თავის ტერიტორიას შეუერთა. რეღ.

² სახალხო პარტია, ანუ საქსონიის სახალხო პარტია, შედგებოდა უმთავრესად სამხრეთ გერმანიის სახელმწიფოთა ბურჟუაზიისა და წვრილი ბურჟუაზიის ელემენტებისაგან. ნაციონალ-ლიბერალების საწინააღმდეგოდ იგი ებრძოდა პრუსიის ჰეგემონიის დამყარებას და იცავდა გეგმას ეგრეთ წოდებული «დიდი გერმანიისა», რომელშიც შევიდოდა როგორც პრუსია, ისე ავსტრია. სახალხო პარტია შეიცავდა ჯანსაღ ოპოზიციას პრუსიელობის წინააღმდეგ, მაგრამ ამასთანავე გამოხატავდა რეაქციულ პარტიკულარულ მისწრაფებებსაც. იგი ეწეოდა გერმანიის სახელმწიფოს ფედერაციული წყობილების იდეის პროპაგანდას და ამით ფაქტიურად ხელს უშლიდა გერმანიის გაერთიანებას ერთიან ცენტრალიზებული დემოკრატიული რესპუბლიკის სახით. რეღ.

ეს თვალსაზრისები მიტომ ებრძვიან ერთმანეთს ასე მძაფრად, რომ ისინი ერთი და იმავე შეზღუდულობის ერთი მეორის მოპირდაპირე პოლუსებს წარმოადგენენ.

გერმანიის საზოგადოებრივ ურთიერთობაში 1866 წელს თითქმის არაფერი შეუცვლია. ორიოდ ბურჟუაზიული რეფორმა, — ზომა-წონის ერთიანი სისტემა, მიმოსვლის თავისუფლება, მოსაქმეობის თავისუფლება და სხვ., და ეს — ყოველივე ბიუროკრატიისთვის შესაფერ ჩარჩოებში გატარებული, — იმასაც ვერ აღწევს, რაც დასავლეთ ევროპის სხვა ქვეყნების ბურჟუაზიას უკვე დიდი ხანია აქვს და ხელუხლებლად ტოვებს მთავარ ბოროტებას — ბიუროკრატიული მეურვეობის სისტემას. პროლეტარიატისთვის ყველა ეს კანონი მიმოსვლის თავისუფლებისა, ქვეშევრდომობისა, პასპორტის მოსპობისა და სხვ. შესახებ სრულიად ილუზორული ხდება დამკვიდრებული პოლიციური პრაქტიკის წყალობით.

ბევრად უფრო დიდი მნიშვნელობა, ვიდრე 1866 წლის სახელმწიფოებრივ აქტს, გერმანიაში აქვს 1848 წლის შემდეგ მრეწველობისა და ვაჭრობის, რკინიგზებისა, ტელეგრაფისა და ოკეანური ნაოსნობის განვითარებას. თუმცა ეს პროგრესი ჩამორჩება იმავე დროს ინგლისში და თვით საფრანგეთში მიღწეულ პროგრესს, გერმანიაში იგი მაინც უბადლო მოვლენას წარმოადგენს და ოც წელიწადში მან მეტი მოგვცა, ვიდრე სხვა დროს მთელ საუკუნეს მოუცია. გერმანია მხოლოდ ახლა ჩაება გადაჭრით და საბოლოოდ მსოფლიო ვაჭრობაში. მრეწველთა კაპიტალები სწრაფად იზრდება, ბურჟუაზიის საზოგადოებრივი მდგომარეობაც სათანადოდ ძლიერდება. ინდუსტრიული აყვავების უტყუარი ნიშანი, სპეკულაციაცა, ფართოდ გაიშალა და გრაფები და ჰერცოგები თავის სატრიუმფო ეტლში შეაბა. გერმანული კაპიტალი დღეს რუსეთის და რუმინეთის რკინიგზებს აგებს (დაე მას დედამიწა ფიანდაზად გაეგოს!), მაშინ როცა თხუთმეტი წლის წინათ გერმანული რკინიგზები ინგლისელ მწარმოებლებთან მიდიოდნენ მოწყალების სათხოვნელად. როგორაა შესაძლებელი, რომ ბურჟუაზიამ პოლიტიკურადაც არ დაიპყრო ხელისუფლება, რომ იგი ასეთ სიმხდალეს იჩენს მთავრობის მიმართ?

გერმანელი ბურჟუაზიის უბედურება ისაა, რომ ჩვეულებრივი გერმანული წესის მიხედვით მან მეტად დაიგვიანა. მისი აყვავება იმ ხანაში მოხდა, როცა ევროპის სხვა ერების ბურჟუაზია პოლიტიკური თვალსაზრისით უკვე დაქვეითების გზას ადგა. ინგლისში ბურჟუაზიამ მხოლოდ მას შემდეგ შესძლო მთავრობაში თავისი ნამ-

დვილი წარმომადგენლის — ბრაიტის შეყვანა, როცა ხმის უფლება გააფართოვა, რასაც შედეგად მთელი ბურჟუაზიის ბატონობის დამხობა უნდა მოჰყვეს. საფრანგეთში, სადაც ბურჟუაზიამ როგორც ასეთმა, როგორც მთლიანმა კლასმა რესპუბლიკაში მხოლოდ ორი წელიწადი, 1849- და 1850 წლები იბატონა, თავისი სოციალური არსებობა მხოლოდ იმით გაიხანგრძლივა, რომ თავისი პოლიტიკური ბატონობა ლუი ბონაპარტესა და ჯარს გადასცა. ხოლო ევროპის სამ ყველაზე დაწინაურებულ ქვეყანას შორის დაუსრულებლივ მზარდ ურთიერთზემოქმედების პირობებში, დღეს უკვე შეუძლებელია, რომ გერმანიაში ბურჟუაზიამ შეუშფოთებლად დაამყაროს თავისი პოლიტიკური ბატონობა მაშინ, როცა ინგლისსა და საფრანგეთში ეს ბატონობა უკვე დრომოქმული მოვლენაა.

ბურჟუაზიის განსაკუთრებული თავისებურება ყველა წინაღობა-ინდელ გაბატონებულ კლასთან შედარებით სწორედ ის არის, რომ მის განვითარებაში არსებობს ერთი გარდატეხის პუნქტი, რომლის იქით ყოველი შემდგომი განვითარება მისი ძლიერებისა, მამასადამე, უწინარეს ყოვლისა მისი კაპიტალებისა მხოლოდ იმას იწვევს, რომ იგი თანდათან ჰკარგავს პოლიტიკური ბატონობის უნარს. «მ ს ხ ვ ი ლ ი ბ უ რ ჟ უ ა ზ ი ი ს უ კ ა ნ პ რ ო ლ ე ტ ა რ ი ა ტ ი დ გ ა ს». რამდენადაც ბურჟუაზია თავის მრეწველობას, თავის ვაჭრობას და თავის მიმოსვლას საშუალებებს ავითარებს, იმდენად იგი პროლეტარიატსაც ჰქმნის. და განსაზღვრულ წერტილზე, არა ყველგან ერთსა და იმავე დროს და ერთი და იმავე განვითარების საფეხურზე, იგი ამჩნევს, რომ ეს მისი პროლეტარული ორეული წინ უსწრებს მას ზრდაში. ამ მომენტიდან იგი ჰკარგავს ძალას, ქვეყანაში მარტოდმარტო იბატონოს პოლიტიკურად; იგი მოკავშირეების ძებნას იწყებს, რომელთაც გარემოების მიხედვით ან თავის ბატონობას გაუნაწილებს ან სრულიად დაუთმობს.

გერმანიაში ამ გარდატეხის პუნქტს ბურჟუაზიამ უკვე 1848 წელს მიაღწია. მაშინ გერმანელ ბურჟუაზიას იმდენად გერმანელი პროლეტარიატისა არ შეშინებია, რამდენიც ფრანგი პროლეტარიატის შეეშინდა. პარიზში 1848 წლის ივნისში მომხდარმა ბრძოლამ მას დაანახვა, რისი მოლოდინი უნდა ჰქონოდა მომავალში; გერმანელი პროლეტარიატი საკმაოდ აღელვებული იყო, რათა იმისთვის დაემტკიცებინა, აქაც მიწაზე თესლია გაბნეული იმავე სამკალის მისაღებად; ამ დღიდან ბურჟუაზიის პოლიტიკურ მოქმედებას სიმძაფრე მოაკლდა. იგი მოკავშირეებს ეძებდა. იგი მათზე თავის თავს ჰყიდდა რა ფასადაც გასურთ და დღემდე ერთი ნაბიჯით ვერ წასულა წინ.

ეს მოკავშირეები ყველანი რეაქციული ბუნებისა არიან. აქაა მეფის ხელისუფლება თავისი ჯარითა და თავისი ბიუროკრატით, აქაა მსხვილი ფეოდალური დიდკაცობა, აქ არიან წვრილი სოფლის აზნაურები და თვით ხუცები. ყველა მათ ბურჟუაზია უთანხმდებოდა და უკავშირდებოდა მხოლოდ იმისთვის, რომ თავისი ძვირფასი ტყავი შეენარჩუნებინა, სანამ მას ბოლოს არაფერი დარჩა გასაყიდი. და რამდენადაც უფრო ვითარდებოდა პროლეტარიატი, რამდენადაც უფრო კლასად გრძნობდა იგი თავს და კლასივით მოქმედებდა, მით უფრო სულმოკლე ხდებოდა ბურჟუაზია. როცა სადოვასთან პრუსიელების გასაოცრად ცუდმა სტრატეგიამ ავსტრიელების კიდევ უფრო ცუდი სტრატეგია დაამარცხა, ძნელი სათქმელი იყო, ვინ ამოისუნთქა უფრო თავისუფლად — პრუსიელმა ბურჟუამ, რომელიც აგრეთვე დამარცხებულ იქნა სადოვასთან, თუ ავსტრიელმა.

ჩვენი მსხვილი ბურჟუები 1870 წელს სწორედ ისე მოქმედებენ. როგორც საშუალო ბიურგერები 1525 წელს მოქმედებდნენ. რაც შეეხება წვირლ ბურჟუებს, ხელოსნებსა და მეღუჭნეებს, ისინი ყოველთვის უცვლელი დარჩებიან. მათ სხვადასხვა ოინებით მსხვილი ბურჟუაზიის რიგებში შეძკრენის იმედი აქვთ და ეშინიათ პროლეტარიატის რიგებში არ მოხვდნენ. შიშსა და იმედს შორის ამ მერყეობაში ისინი თავიანთ ძვირფას ტყავს იცავენ ბრძოლის დროს, ხოლო გამარჯვების შემდეგ გამარჯვებულს ემხრობიან. ასეთია მათი ბუნება.

მრეწველობის აყვავებას 1848 წლიდან ფენდაფენ მისდევდა პროლეტარიატის სოციალური და პოლიტიკური მოქმედება. მარტო ის როლი, რომელსაც გერმანელი მუშები დღეს თავიანთ პროფესიულ კავშირებსა, კოოპერატივებსა, პოლიტიკურ ორგანიზაციებსა და კრებებსა, არჩვენებსა და ეგრეთწოდებულ რაიხსტაგში ასრულებენ, ამჟღავნებს, რა გადატრიალება განიცადა გერმანიამ შეუძინველად უკანასკნელი ოცი წლის განმავლობაში. ეს დიდად სასახელოა გერმანელი მუშებისთვის, რომ მარტოდ მარტო მათ შეძლეს მუშები და მუშათა წარმომადგენლები გაეგზავნათ პარლამენტში, მაშინ როცა ეს დღემდე ვერც ფრანგებმა მოახერხეს დევერც ინგლისელებმა.

მაგრამ არც პროლეტარიატი გაზრდილა იმდენად, რომ შეუძლებელი იყოს მისი შედარება 1525 წელთან. კლასი, რომელიც მთელი თავისი სიცოცხლის მანძილზე მხოლოდ ხელფასით არსებობს; ჯერ კიდევ სრულიადაც გერმანელი ხალხის უმრავლესობას არ წარმოადგენს. მაშასადამე, იგიც მოკავშირეებისაგანაა დამოკი-

დებული. ამ უკანასკნელთა მოძებნა კი შეიძლება მხოლოდ წვრილ ბურჟუეზებსა, ქალაქების ლუმპენპროლეტარიატსა, წვრილ გლებებსა და სოფლის მოჯამაგირეებს შორის.

წ ვ რ ი ლ ი ბ უ რ ჟ უ ე ბ ი ს შესახებ ჩვენ უკვე ვილაპარაკეთ. ისინი მეტად არასაიმედონი არიან, გარდა იმ შემთხვევისა, როცა გამარჯვება მოპოვებულა, მაგრამ მაშინ მათგან ყურთა სმენა არაა ლუდხანებში. ამისდა მიუხედავად მათ შორის ძლიერ კარგი ელემენტებიც მოიპოვებიან, რომლებიც თავისთავად ემხრობიან მუშებს.

ლ უ მ პ ე ნ პ რ ო ლ ე ტ ა რ ი ა ტ ი, ეს ყველა კლასის ნაძირალების ხროვა, რომელიც თავის უმთავრეს ბანაკს დიდ ქალაქებში შლის, ყველაზე უარესია შესაძლებელ მოკავშირეთა შორის. ეს ხროვა აბსოლუტურად გამყიდველი და აბსოლუტურად აბეზარია. თუ ფრანგი მუშები ყოველი რევოლუციის დროს სახლებზე წერდნენ: *Mort aux voleurs!*—სიყვილი ქურდებსო! — და ზოგიერთს კიდევ ხვრეტდნენ, ეს ხდებოდა არა საკუთრების სიყვარულის შთაგონებით, არამედ იმ სწორი შეგნების ზეგავლენით, რომ უწინარეს ყოვლისა სწორედ ამ ბანდის თავიდან მოშორებაა საჭირო. ყოველი მუშათა ბელადი, რომელიც ამ გარეწარებს გვარდიად იყენებს ან მათ ეყრდნობა, ამით უკვე ამტკიცებს, რომ იგი მოძრაობის მოლატეა.

წ ვ რ ი ლ ი გ ლ ე ხ ე ბ ი — მსხვილები ხომ ბურჟუაზიას ეკუთვნიან—სხვადასხვაგვარი არიან. ისინი ან ფ ე ო დ ა ლ უ რ ი გ ლ ე ხ ე ბ ი არიან და ბეგარას უხდიან ბატონებს. რაკი ბურჟუაზიას დაავიანდა ეს ადამიანები ბატონყმური ბეგარისაგან გაენთავისუფლებია, რაც მისი ვალდებულება იყო, ძნელი არაა მათი დაჯერება, რომ მათი ხსნა მხოლოდ მუშათა კლასს შეუძლია. ან კიდევ მ ო ი ჯ ა რ ე ე ბ ი არიან. ამ შემთხვევაში უმეტესწილად ავივე ურთიერთობა არსებობს, როგორც ირლანდიაში. საიჯარო გადასახადი ისეთი მაღალია, რომ გლებს თავისი ოჯახით საშუალო მოსავლის დროს მხოლოდ გაკვირვებით შეუძლია თავის გატანა, ცუდი მოსავლის დროს თითქმის დამშეულია, იჯარის გადახდა არ შეუძლია და ამიტომ საესებით მემამულის მოწყალეობაზეა დამოკიდებული. ასეთი ადამიანებისთვის ბურჟუაზია მხოლოდ იძულებით თუ აკეთებს რამეს. მაშ ვისგან უნდა ელოდნენ ისინი ხსნას თუ არა მუშებისგან?

გერჩებიან გლებები, რომლებიც თავიანთ საკუთარ პატარა მიწის ნაკვეთებს ამუშავენ. ისინი უმეტეს შემთხვევაში ისე დატვირთული არიან ჰიპოთეკებით, რომ ჩარჩებისაგან არიან დამოკიდებული სწორედ ისე, როგორც მოიჯარეები მემამუ-

ლევებისაგან. მათაც მხოლოდ მცირე, ცუდი ან კარგი მოსავლის მიხედვით მეტად არასაიმედო შემოსავალი რჩებათ. მათ ყველაზე ნაკლებ უნდა ჰქონდეთ ბურჟუაზიის იმედი მიტომ, რომ სწორედ ბურჟუები, ჩარჩი კაპიტალისტები სწოვენ მათ სისხლს. მაგრამ ისინი უმეტეს წილად ძალიან ებლაუჭებიან თავიანთ საკუთრებას, თუმცა სინამდვილეში იგი მათ კი არ ეკუთვნის, არამედ ჩარჩს. ამისდა მიუხედავად მათ ის აზრი უნდა ჩაენერგოს, რომ ისინი მხოლოდ მაშინ განთავისუფლდებიან ჩარჩებისაგან, თუ ხალხისაგან დამოკიდებული მთავრობა ყველა ჰიპოთეკურ ვალს სახელმწიფოსადმი ვალად გადააქცევს და ამით პროცენტებს შეამცირებს. ამის განხორციელება კი მხოლოდ მუშათა კლასს შეუძლია.

ყველგან, სადაც საშუალო და მსხვილი მიწათმფლობელობა ბატონობს, სოფლის მეურნეობის მუშებში ყველაზე მრავალრიცხოვან კლასს შეადგენენ სოფლად. ასეა მთელ ჩრდილო და აღმოსავლეთ გერმანიაში და აქ ქალაქის ინდუსტრიულ მუშებს ყველაზე მეტი და ყველაზე ბუნებრივი მოკავშირეები ჰყავთ. როგორც კაპიტალისტი ინდუსტრიული მუშის წინააღმდეგ, ისე მიწათმფლობელი ან მსხვილი მოიჯარე სოფლის მეურნეობის მუშის წინააღმდეგ დგას. იმავე ღონისძიებებმა, რომლებიც პირველთ შველიან, მეორეთაც უნდა უშველონ. ინდუსტრიულ მუშებს შეუძლიათ განთავისუფლდნენ მხოლოდ მაშინ, თუ ისინი ბურჟუაზიის კაპიტალს, ე. ი. ნედლ მასალას, მანქანებს, ხელსაწყოებს და საარსებო საშუალებებს, რომლებიც წარმოებისთვის არიან საჭირო, საზოგადოების, ე. ი. თავიანთ, საკუთრებად აქცევენ და კოლექტიურად გამოიყენებენ. აგრეთვე სოფლის მეურნეობის მუშებს მხოლოდ მაშინ შეუძლიათ თავი დააღწიონ შემადარწუნებელ სილატაკეს, თუ უწინარეს ყოვლისა მათი შრომის მთავარი საგანი, თვით მიწა მსხვილი გლეხებისა და კიდევ უფრო მსხვილი ფეოდალი მებატონეების საკუთრებიდან, საზოგადოებრივ საკუთრებად იქცევა და სოფლის მეურნეობის მუშების ამხანაგობათა მიერ დამუშავდება მათს საერთო ანგარიშზე. აქ ჩვენ ვაღგებით ინტერნაციონალის ბაზელის კონგრესის¹ ცნობილ გადაწყვეტილებას: საზოგადოების ინტერესი მოითხოვს, რომ მიწა საერთო, ნაციონალურ საკუთრებად იქცეს. ეს გადაწყვეტილება მიღებულ იქნა უმთავრესად იმ ქვეყნებისთვის, სადაც მსხვილი მიწათმფლობელობა არსებობს და მასთან დაკავშირებით მსხვილი მამულების დამუშავება ხდება, ხოლო ამ მსხვილ

¹ ინტერნაციონალის ბაზელის კონგრესი შედგა 1869 წლის სექტემბერში. რედ.

მამულებში ერთი პატრონი და მრავალი დაქირავებული მუშაა. მაგრამ ასეთი მდგომარეობა საერთოდ დღემდე გერმანიაშია ჭერ კიდევ გაბატონებული და ამიტომ ეს გადაწყვეტილება ინგლისის შემდეგ სწორედ გერმანიისათვის იყო უაღრესად დროული. მიწათმომქმედი პროლეტარიატი, სოფლელი დღიური მუშები სწორედ ის კლასია, საიდანაც მეფეების დიდი ჯარები იკრიფება. ეს ის კლასია, რომელიც ამჟამად საყოველთაო ხმის უფლების ძალით მრავალ ფეოდალ მებატონეს და იუნკერს ჰგზავნის პარლამენტში; მაგრამ იგი აგრეთვე ის კლასია, რომელიც ყველაზე ახლო დგას ქალაქის ინდუსტრიულ მუშებთან, რომელიც მისი ცხოვრების პირობებს იზიარებს და მასზე კიდევ უფრო ღრმადაა ჩაფლული სიღარიბეში. ეს კლასი უილაჯოა, იმიტომ რომ გაფანტული და დაქსაქსულია, მის ფარულ ძალას მთავრობა და თავადაზნაურობა ისე კარგად იცნობს, რომ სკოლების საქმეს განზრახ აფერხებს, რათა იგი უმეცარი დარჩეს; გერმანიის მუშათა მოძრაობის უახლოესი და უსაქიროესი ამოცანაა ეს კლასი გამოაცოცხლოს და მოძრაობაში ჩააბას. იმ დღიდან, როცა სოფლის მეურნეობის მუშათა მასა თავისი საკუთარი ინტერესების გაგებას ისწავლის, გერმანიაში შეუძლებელი გახდება ყოველგვარი რეაქციული მთავრობა, იქნება ის ფეოდალური, ბიუროკრატიული თუ ბურჟუაზიული.



ოთხ წელზე მეტია რაც ზემომოყვანილი სტრიქონები დაიწერა. მათ დღემდე არ დაუკარგავთ თავიანთი მნიშვნელობა. რაც სადოვასა და გერმანიის დანაწილების შემდეგ სწორი იყო, დასტურდება სედანისა და პრუსიის ერის საღვთო გერმანული იმპერიის¹ შექმნის შემდეგაც. ასე ნაკლებ შეუძლიათ ეგრეთწოდებული დიდი პოლიტი-

¹ ინგელსს მხედველობაში აქვს 1871 წ. 18 იანვარს ვერსალში გერმანიის იმპერიისა და პრუსიის შეფის ვილჰელმ I გერმანიის იმპერატორად გამოცხადება ნაპოლეონ III არმიის სედანთან განადგურების შემდეგ (1870 წ. 2 სექტემბერს) 1870 — 1871 წლების საფრანგეთ-პრუსიის ომის დროს. გერმანიის იმპერია, რომლის შექმნამ დააბოლოვა გერმანიის გაერთიანება რეაქციული პრუსიული იუნკრობისა და პრუსიული სამხედრო-ბიუროკრატიული კასტის მეთაურობით იყო მარქსის სიტყვების თანახმად, ესხვა არაფერი, თუ არ პარლამენტური ფორმებით შელაპაჯებული, ფეოდალური ნაშთებით შენარევი, უკვე ბურჟუაზიის გავლენას დაქვემდებარებული, ბიუროკრატიულად შედგენილი და პოლიციის საფარველ ქვეშ მყოფი სამხედრო დესპოტიზმი...» (ქ. მარქსი და ფ. ენგელსი. რჩეული ნაწერები, ტ. II, თბილისი, 1950 წ. გვ. 28). რ. ე. დ.

კის «მსოფლიოს შემაზანზარებელ» სახელმწიფოებრივ მოქმედებათ ისტორიული მოძრაობის მიმართულება შესცავალონ.

მათ შეუძლიათ მხოლოდ დააჩქარონ ამ მოძრაობის მსვლელობა. ამ მხრივ ზემოაღნიშნული «მსოფლიოს შემაზანზარებელი მოვლენების» შემქმნელებმა ძალაუნებურად წარმატება მოიპოვეს, რაც თვით მათთვის უეჭველად მეტად არასასურველია, მაგრამ რაასაც ისინი ასე თუ ისე უნდა შეუტრიგდნენ.

ჯერ კიდევ 1866 წლის ომმა შეარყია ძველი პრუსიის საფუძვლები. დიდი ძალღონის დახარჯვა გახდა საჭირო, რომ 1848 წლის შემდეგ ხელახლა დაემორჩილებინათ ძველი დისციპლინისადმი დასავლეთ პროვინციების აჯანყებული ინდუსტრიული ბურჟუაზიული და პროლეტარული ელემენტები; მაგრამ ეს მაინც მოხერხდა და სახელმწიფოში ხელახლა აღმოსავლეთ პროვინციელი მემამულეების და აგრეთვე არმიის ინტერესები გაბატონდა. 1866 წელს თითქმის მთელი ჩრდილო დასავლეთი გერმანია პრუსიული გახდა. გარდა იმ აუნაზღაურებელი ზნეობრივი ზიანისა, რომელიც მიაყენა თავის თავს პრუსიის «წყალობითა ღეთისათა» გვირგვინმა, იპით რომ «წყალობითა ღეთისათა» სამი სხვა გვირგვინი გადაყლაპა, ახლა მონარქიის სიმძიმის ცენტრმა შესამჩნევად გადაინაცვლა დასავლეთისკენ. რაინის ოლქისა და ვესტფალიის ხუთმილიონიან მოსახლეობას ჯერ პირდაპირი ანექსიით ოთხი მილიონი გერმანელი მიემატა, ხოლო შემდეგ ექვსი მილიონი, რომელთა ანექსია არაპირდაპირ მოხდა ჩრდილო გერმანიის კავშირის შემწვობით. 1870 წელს კი ამას ზედ დაემატა რვა მილიონი სამხრეთ დასავლეთელი გერმანელი, ისე რომ «ახალ იმპერიაში» თოთხმეტ მილიონ ნახევარ ძველ პრუსიელს (ექვსი ოსტელბურგი პროვინციიდან, მათ შორის ორი მილიონი პოლონელიც ურევია) დაუპირისპირდა ოცდახუთი მილიონი სული, რომელიც დიდი ხანია გამოსული იყო ძველი პრუსიული იუნკერთა ფეოდალიზმის არტახებიდან. ამრიგად, სწორედ პრუსიის არმიის გამარჯვებამ სრულიად შეცვალა პრუსიის სახელმწიფოს შენობის საფუძველი; იუნკერთა ბატონობა სულ უფრო და უფრო აუტანელი ხდებოდა თვით მთავრობისთვის. მაგრამ ამავე დროს სწრაფად მოხეთქილმა ინდუსტრიულმა განვითარებამ იუნკრების და ბურჟუაზიის ბრძოლა შეცვალა ბურჟუაზიისა და მუშების ბრძოლით, ასე რომ შიგნითაც ძველი სახელმწიფოს საზოგადოებრივმა საფუძველმა სრული გარდაქმნა განიცადა. იმ მონარქიის ძირითად პირობას, რომელიც 1840 წლის შემდეგ ნელა იხრწნებოდა, წარმოადგენდა ბრძოლა თავადაუნაურობასა და ბურჟუაზიას შორის, ამ ბრძოლაში

მონარქია წონასწორობას იცავდა; მაგრამ იმ წუთიდან, როცა საჰი-
რო გახდა უკვე არა თავადაზნაურობის დაცვა ბურჟუაზიის შეტევი-
საგან, არამედ ყველა შეძლებული კლასის დაცვა მუშათა კლასის
შეტევისაგან, ძველი აბსოლუტური მონარქია სავსებით უნდა გადა-
სულიყო საკუთრივ ამ მიზნით შემუშავებულ სახელმწიფოს ფორ-
მაში — ბონაპარტიისტულ მონარქიაში. პრუსიის ეს
გადასვლა ბონაპარტიზმში მე უკვე განვიხილე სხვა ადგილას («ბი-
ნის საკითხისათვის» 2 განყოფილება. გვ. 26 და შემდ.)¹. მაგრამ მე
იქ ხაზგასმით არ აღმინიშნავს ერთი ფაქტი, აქ კი მას არსებითი მნიშ-
ვნელობა აქვს, სახელდობრ ის, რომ ეს გადასვლა იყო უდიდესი
ნაბიჯი, რომელიც პრუსიამ წინ გადადგა 1848 წლის შემდეგ, იმდენ-
ად ჩამორჩენილი იყო ეს სახელმწიფო თანამედროვე განვითარე-
ბას. იგი მანამდე ნახევრადფეოდალური სახელმწიფო იყო, ბონა-

¹ ენგელსს მხედველობაში აქვს შემდეგი ადგილი თავის შრომიდან «ბინის
საკითხისათვის» (გამოცემულია სამ განაკვეთად ლაიპციგში 1872 — 1873 წ. წ.);
«პრუსიაში — ხოლო პრუსიას ამჟამად ვადამწყვეტი მნიშვნელობა აქვს — ჯერ
კიდევ მძლავრ მსვილ მემამულურ თავადაზნაურობასთან ერთად არსებობს შედა-
რებით ახალგაზრდა და უაღრესად მხდელი ბურჟუაზია, რომელმაც აქამდე ვერ
მოაპოვა ვერც პირდაპირი პოლიტიკური ხელისუფლება, როგორც საფრანგეთში,
ვერც ცოტად თუ ბევრად არაპირდაპირი, როგორც ინგლისში. მაგრამ ამ ორი კლას-
ის გვერდით არსებობს პროლეტარიატი, რომელიც სწრაფად იზრდება, ინტელექ-
ტუალურად მეტად განვითარებულია და ყოველდღიურად სულ უფრო და უფრო
ორგანიზებული ხდება. მასასადავს, ძველი აბსოლუტური მონარქიის ძირითად პი-
რობასთან ერთად — მემამულე თავადაზნაურობასა და ბურჟუაზიას შორის არსე-
ბულ წონასწორობასთან ერთად — ჩვენ აქ ეხედეთ თანამედროვე ბონაპარტიზმის
ძირითად პირობას: წონასწორობას ბურჟუაზიასა და პროლეტარიატს შორის. მაგ-
რამ როგორც ძველი აბსოლუტური მონარქიის დროს, ასევე თანამედროვე ბონა-
პარტიისტული მონარქიის დროსაც ნამდვილი სახელმწიფო ხელისუფლება იმყოფება
ოფიცერთა და მოხელეთა საგანგებო კასტის ხელში, რომლის შევსებაც პრუსია-
ში ხდება ნაწილობრივ საკუთარი წრიდან, ნაწილობრივ წერილი სამიორატო
თავადაზნაურობიდან, უფრო იშვიათად — უმალესი თავადაზნაურობიდან და
ფრიალ უმნიშვნელო ოდენობით — ბურჟუაზიიდან. დამოუკიდებლობა ამ კასტისა,
რომელიც საზოგადოების გარეშე და ასე ვთქვათ, საზოგადოებაზე მალა მდგომად
გვეჩვენება, სახელმწიფოს ანიჭებს მოჩვენებით დამოუკიდებლობას საზოგადოე-
ბის მიმართ.

სახელმწიფოებრივი ფორმა, რომელიც პრუსიაში (ხოლო მისი მაგალითის
მიხედვით გერმანიის ახალ საიმპერიო წყობილებაში) ამ უაღრესად წინააღმდეგობ-
რივი საზოგადოებრივი პირობებიდან აუცილებელი თანამიმდევრობით განვითარ-
და, მოჩვენებითი კონსტიტუციონალიზმია; ეს სახელმწიფოებრივი ფორმა წარმო-
ადგენს როგორც ძველი აბსოლუტური მონარქიის დამსის თანამედროვე ფორმას
ისე ბონაპარტიისტული მონარქიის არსებობის ფორმასაც...» (ე. მარქსის დ •
ფ. ენგელსის, რჩეული ნაწერები, ტ. I, თბილისი 1950 წ. გვ. 701 — 702). რ • ლ.

პარტიზმი კი ყოველ შემთხვევაში თანამედროვე სახელმწიფოებრივი ფორმაა, რომლის წინასწარ პირობას ფეოდალიზმის მოსპობა წარმოადგენს. მაშასადამე პრუსია იძულებულია გაანადგუროს მრავალი ფეოდალური ნაშთი, მოსპოს იუნკრობა როგორც ასეთი. რასაკვირველია, ეს ურბილესი ფორმით ხდება, საყვარელი მელოდიის მიხედვით: «წინ, ნელი ნაბიჯით!» ეს ითქმის, მაგალითად, ცნობილ საოლქო განრიგებაზე. იგი სპობს ცალკე იუნკრების პრივილეგიებს მათს მამულში, მაგრამ მხოლოდ იმისათვის, რომ ხელახლა აღადგინოს მსხვილი მიწათმფლობელების პრეროგატივები მთელს ოლქში. საქმე არსებითად უცვლელი რჩება, მხოლოდ იგი ფეოდალური დიალექტიდან ბურჟუაზიულად ითარგმნება. ძველი პრუსიელი იუნკერი ძალდატანებით რაღაც ინგლისელი სკვიარის მსგავს არსებად იქცევა, და მას არაფერი უნდა ჰქონოდა ამის საწინააღმდეგო, იმიტომ რომ ერთი იხევე სულელია როგორც მეორე.

ამრიგად, პრუსიას უცნაური ბედი ეწვია, თავისი ბურჟუაზიული რევოლუცია, რომელიც მან 1808 — 1813 წელს დაიწყო და 1848 წელს რამდენადმე წინ წასწია, ამ საუკუნის დამლევს ბონაპარტიზმის სასიამოვნო ფორმით დაესრულებია. და თუ საქმე კარგად წავიდა, ქვეყნიერებაზე მშვიდობა იქნა და ჩვენ ყველანი უღროოდ არ დავიხოცენით, შეიძლება 1900 წელს მოვესწროთ, რომ მთავრობამ პრუსიაში მართლაც ყველა ფეოდალური დაწესებულება მოსპოს, რომ პრუსიამ, ბოლოს, იმ პუნქტს მიაღწიოს, სადაც საფრანგეთი 1792 წელს იდგა.

ფეოდალიზმის მოსპობა, პოზიტიურად რომ ვთქვათ, ბურჟუაზიული წყობილების დამყარებას ნიშნავს. იმდენად, რამდენადაც თავადაზნაურობის პრივილეგიები ისპობა, კანონმდებლობა ბურჟუაზიული ხდება. და აქ ჩვენ ვეჩახებით მთავრობისადმი გერმანელი ბურჟუაზიის დამოკიდებულების ძირითად პუნქტს. ჩვენ დავინახეთ, რომ მთავრობა იძულებულია ეს ნელი და უბადრუკი რეფორმები შემოიღოს. მაგრამ ბურჟუაზიას იგი თვითეულ დათმობას ისე აჩვენებს, თითქო იგი ბურჟუებისადმი შეწირული მსხვერპლი იყოს, მეფის ხელიდან ტანჯვა-წვალებით გამოგლეჯილი დათმობა, რისთვისაც ბურჟუებმაც მთავრობას რაიმე უნდა დაუთმონ. და თუმცა ბურჟუები საკმაოდ იცნობენ საქმის ვითარებას, მაინც იტყუებენ თავს. აქედან წარმოდგა ის მღუმარე შეთანხმება, რომელიც რაიხსტაგისა და პრუსიის ლანდტაგის კამათის ფარულ საფუძველს წარმოადგენს ბერლინში. ერთი მხრივ, მთავრობა ბურჟუაზიის ინტერესებისათვის კანონების რეფორმას ახდენს კუს ნაბიჯით,

სპობს ინდუსტრიის განვითარების ფეოდალურ და სახელმწიფოს დაქუცმაცებიდან წარმომდგარ დაბრკოლებებს, ქმნის ფულის, ზომის და წონის ერთიანობას, მოსაქმეობის თავისუფლებას და სხვ. მიმოსვლის თავისუფლებას აწესებს და კაპიტალის შეუზღუდველ განკარგულებაში აძლევს გერმანიის მუშაძალას, ხელს უწყობს ვაჭრობას და სპეკულაციას; მეორე მხრივ, ბურჟუაზია მთავრობას უთმობს მთელ ნამდვილ პოლიტიკურ ძალათფლებას, ხმას აძლევს გადასახადების ჯალუბას, სესხის აღებას და ჯარისკაცების გაწვევას და ხელს უწყობს ახალი სარეფორმო კანონების ისე შედგენას, რომ ძველმა პოლიციურმა ხელისუფლებამ მთელი ძალათფლება შეინარჩუნოს მისთვის არასასურველი პირების მიმართ. თავის თანდათანობით საზოგადოებრივ განთავისუფლებას ბურჟუაზია ყიდულობს იმით, რომ ახლავე უარს ამბობს საკუთარ პოლიტიკურ ხელისუფლებაზე. რასაკვირველია, მთავარი მამოძრავებელი მოტივი, რომლის გამო, ბურჟუაზიისათვის ასეთი შეთანხმება მისაღები ხდება, არის არა შიში მთავრობის წინაშე, არამედ შიში პროლეტარიატის წინაშე.

მაგრამ რა რიგ უზადრუჟადაც უნდა გამოდიოდეს ჩვენი ბურჟუაზია პოლიტიკურ ასპარეზზე, შეუძლებელია იმის უარყოფა, რომ იგი მრეწველობასა და ვაჭრობაში, ბოლოს, თავის ვალდებულებას ასრულებს. მრეწველობის და ვაჭრობის აყვავებამ, რომელზეც მეორე გამოცემის წინასიტყვაობაში მივუთითეთ, შემდეგ კიდევ მეტი სიძლიერით იჩინა თავი. რაც ამ მხრივ 1869 წლის შემდეგ რაინ-ვესტფალიის სამრეწველო ოლქში ხდება, გერმანიისათვის პირდაპირ უზადლო მოვლენას წარმოადგენს და იმ აყვავებას მოგვაგონებს, რომელიც ამ საუკუნის დამდეგს ინგლისის საფაბრიკო ოლქებში მოხდა. იგივე მოხდება საქსონიასა და ზემო სილეზიაში, ბერლინსა, ჰანოვერსა და ზღვისპირა ქალაქებში. ჩვენ, ბოლოს, მსოფლიო ვაჭრობა, ნამდვილი მსხვილი მრეწველობა გვაქვს და ნამდვილი თანამედროვე ბურჟუაზია გვყავს; მაგრამ სამაგიეროდ ნამდვილი კრიზისიც გვქონდა და აგრეთვე ნამდვილი, ძლიერი პროლეტარიატიც გაგვიჩნდა.

მომავალი ისტორიკოსისათვის გერმანიის მატრიანეში 1869 — 1874 წ. წ. შპინერნის, მარს ლა ტურის და სედანის ზარბაზნების გრგვინვას და ყოველივე იმას, რაც ამასთანაა დაკავშირებული ბევრად ნაკლები მნიშვნელობა ექნება, ვიდრე გერმანელი პროლეტარიატის უპრეტენზიო, წყნარი, მაგრამ მტკიცე ნაბიჯით წინ მიმავალ განვითარებას. უკვე 1870 წელს გერმანელმა მუშებმა მძიმე გამოცდა ჩააბარეს. ეს იყო ბონაპარტისტული ომის პროვოკაცია

2 ფ. ენგელსი

და მისი ბუნებრივი შედეგი — საყოველთაო ნაციონალური აღფრთოვანება გერმანიაში. გერმანელი სოციალისტი მუშები ერთი წუთითაც არ მოტყუებულან. მათ ნაციონალური შოვინიზმის ნატამალიც არ გამოუჩენიათ. გამარჯვებით გამოწვეულ შმაგ ღრიანცელში მათ გულგრილობა შეინარჩუნეს, მოითხოვდნენ «სამართლიან ზავს საფრანგეთის რესპუბლიკასთან და ანექსიების უარყოფას»¹ და თვით საალყო წესების შემოღებას არ შეეძლოთ მათი დაჩუქება. ისინი არ გაუტაცნია არც სამხედრო სახელს, არც ფრაზებს გერმანიის იმპერიის დიდებაზე; მათი ერთადერთი მიზანი მთელი ევროპის პროლეტარიატის განთავისუფლება იყო. თამამად შეიძლება ვთქვათ: ესოდენ მძიმე გამოცდის ასე ბრწყინვალედ ჩაბარება დღემდე არც ერთი სხვა ქვეყნის მუშებს არ რგებია წილად.

ომის დროის საალყო მდგომარეობას მოჰყვა მშვიდობიანობის დროის პროცესები სახელმწიფოს ღალატსა, მეფის და მოხელეების შეურაცხყოფაზე, მშვიდობიანობის დროის პოლიციის გაბოროტებული აბეზარობა, რომელიც თანდათან მატულობდა. «Volksstaat»-ის რედაქციიდან ჩვეულებრივ სამი-ოთხი კაცი იქდა სატუსალოში; ასეთსავე მდგომარეობაში იყო სხვა გაზეთებიც. ყოველი მეტად თუ ნაკლებად ცნობილი პარტიული ორატორი იძულებული იყო ერთხელ მაინც წელიწადში სასამართლოს წინაშე წარმდგარიყო, სადაც მას თითქმის ყოველთვის სასჯელს გადაუწყვეტდნენ ხოლმე. სეტყვასავით განშირდა გაძევება, კონფისკაცია, კრებების დაშლა. მაგრამ ყოველივე ამაო აღმოჩნდა. თვითეული გაძევებულის ან დატუსალებულის ადგილს მაშინვე მეორე იკერდა; თვითეული დაშლილი კრების მაგივრად ორ ახალს იწვევდნენ და პოლიციის თვითნებობას ხან აქ, ხან იქ გამძლეობითა და კანონების ზედმიწევნითი დაცვით ღლიდნენ. ყოველი დევნა განზრახული მიზნის საწინააღმდეგო შედეგს იწვევდა; იმის მაგივრად, რომ მას მუშათა პარტია გაეტეხა ან თუნდ მოედრიკა, იგი მას მხოლოდ ახალ მიმდევრებს უძენდა და ორგანიზაციას უმაგრებდა. თავიანთ ბრძოლაში ხელისუფალთა და ცალკე ბურჟუების წინააღმდეგ მუშებმა ყველგან გონებრივი და ზნეობრივი უპირატესობა გამოიჩინეს და განსაკუთრებით თავიანთ კონფლიქტში ეგრეთწოდებულ «სამუშაოს მიმწოდებლებთან» დაამტკიცეს, რომ დღეს მუშები განათლებული ადამიანები არიან, ხოლო,

¹ ენგელსს მოჰყავს აქ ის მოწოდებანი, რომლებიც იბეჭდებოდა 1870 წ. 21 სექტემბრიდან გერმანიის სოციალ-დემოკრატიული მუშათა პარტიის (აიზენახელთა) მთავარი ორგანოს «Volksstaat»-ის (ახალხოს სახელმწიფოთა) მთელ რიგ ნომრებში. რ ე დ.

კაპიტალისტები უმეცრები. ამასთანავე ისინი ბრძოლას უმეტეს შემთხვევაში იუმორით აწარმოებენ, რაც იმის საუკეთესო დამამტკიცებელ საბუთს წარმოადგენს, რომ მათ სწამთ თავიანთი საქმე და შეგნებულნი აქვთ თავიანთი უპირატესობა. ასე წარმოებულმა ბრძოლამ ისტორიულად მომზადებულ ნიადაგზე კარგი ნაყოფი უნდა მოგვეცეს. იანვრის არჩევნების¹ შედეგები ჭერ-ჭერობით უბადლო მოვლენას წარმოადგენს თანამედროვე მუშათა მოძრაობის ისტორიაში, და განცვიფრება, რომელიც მან მთელს ევროპაში გამოიწვია, სავსებით გამართლებულია.

გერმანულ მუშებს დანარჩენი ევროპის მუშების წინაშე ორი არსებითი უპირატესობა აქვთ. პირველი—ის, რომ ისინი ევროპის ყველაზე უფრო თეორეტიკოს ერს ეკუთვნიან და შენარჩუნებული აქვთ ის თეორიული გულისყური, რომელიც ევროეფოდებულ «განათლებულ» კლასებს სრულიად დახშული აქვთ გერმანიაში. გერმანული მეცნიერული სოციალიზმი, — ერთადერთი მეცნიერული სოციალიზმი, — რომელიც კი ოდესმე არსებულა, ვერასოდეს ვერ შეიქმნებოდა, წინამორბედად გერმანული ფილოსოფია, განსაკუთრებით ჰეგელიის ფილოსოფია, რომ არ ჰქონებოდა. მუშებს რომ თეორიული გულისყური არ ჰქონოდათ, ეს მეცნიერული სოციალიზმი ვერასოდეს ვერ შეეისისხლბორცებოდა მათ იმ ზომამდე, როგორც ამას ახლა ვხედავთ. ხოლო თუ რა განუზომლად დიდია ეს უპირატესობა, ამას გვიჩვენებს, ერთი მხრივ, ის გულგრილობა ყოველგვარი თეორიისადმი, რომელიც ერთი მთავარი მიზეზთაგანია იმისა, თუ ინგლისური მუშათა მოძრაობა რატომ მიდის წინ ასე ნელა, მიუხედავად ცალკე პროფესიათა საუცხოო ორგანიზაციისა, — ხოლო, მეორე მხრივ, ამას გვიჩვენებს ის არევ-დარევა და მერყეობა, რომელიც პროდონიზმმა დათესა თავისი პირვანდელი ფორმით ფრანგებსა და ბელგიელებში, ხოლო ბაკუნინის მიერ გაკაროკატურებული ფორმით — ესპანელებსა და იტალიელებში.

მეორე უპირატესობა ის არის, რომ გერმანელები მუშათა მოძრაობაში თითქმის ყველაზე გვიან ჩაებნენ. როგორც გერმანულ თეორიული სოციალიზმი ვერასოდეს ვერ დაივიწყებს, რომ იგი სენ-

¹ გერმანიის რაიხსტაგის არჩევნებში, რომელსაც ადგილი ჰქონდა 1874 წ. იანვარში, მიუხედავად მუშათა ორგანიზაციების პოლიციური დევნისა, არჩეულ იქნა მუშათა ცხრა წარმომადგენელი. გერმანიის სოციალ-დემოკრატიულმა მუშათა პარტიამ (აიზენახელები) მიიღო 171 351 ხმა და რაიხსტაგში მთელი რიგი თავისი კანდიდატი გაიყვანა. რ. ელ.

სიმონის, ფურიესა და ოუენის მხრებზე დგას — იმ სამი მოაზროვნის მხრებზე, რომლებიც მათი მოძღვრების მთელი ფანტასტიურობისა და უტოპიზმის მიუხედავად, ყველა ღროის უდიდეს მოაზროვნეებს ეკუთვნიან და რომლებმაც გენიალურად წინასწარ განჭვრიტეს უამრავი ისეთი ჭეშმარიტება, რომელთა სისწორეს ჩვენ ახლა მეცნიერულად ვამტკიცებთ; — ისევე გერმანიის მუშათა პრაქტიკულმა მოძრაობამ არასოდეს არ უნდა დაივიწყოს, რომ იგი განვითარდა ინგლისისა და საფრანგეთის მუშათა მოძრაობის მხრებზე, რომ მას შესაძლებლობა მიეცა მხოლოდ გამოეყენებინა თავის სასარგებლოდ ის გამოცდილება, რომელიც ასე ძვირად დაუჯდათ ფრანგებსა და ინგლისელებს, თავიდან აეცილებინა ახლა ის შეცდომები, რომელთა აცილება უმეტეს შემთხვევაში მაშინ არ შეიძლებოდა. სად ვიქნებოდით ჩვენ ახლა, რომ ინგლისის ტრედუნიონთა და საფრანგეთის მუშათა პოლიტიკური ბრძოლის მაგალითებით არ გვესარგებლნა, და ის კოლოსალური ბიძგი არ მიგველო, რომელიც განსაკუთრებით პარიზის კომუნამ მოგვცა?

სამართლიანობა მოითხოვს ითქვას, რომ გერმანიელმა მუშებმა იშვიათი ოსტატობით გამოიყენეს თავიანთი მდგომარეობის უპირატესობანი. პირველად მას შემდეგ, რაც მუშათა მოძრაობა არსებობს ბრძოლა გეგმაშეწონილად წარმოებს სამივე მიმართულებით, ერთმანეთთან შეთანხმებულად და შეკავშირებულად: თეორიული, პოლიტიკური და პრაქტიკულ-ეკონომიური (წინააღმდეგობა კაპიტალისტებისადმი) მიმართულებით. სწორედ ეს, ასე ვთქვათ, კონცენტრიული თავდასხმა არის გერმანიის მუშათა მოძრაობის სიძლიერე და უძლეველობა.

ერთი მხრივ, მათი ამ ხელსაყრელი მდგომარეობის გამო, ხოლო, მეორე მხრივ, ინგლისის მუშათა მოძრაობის კუნძულებრივ თავისებურებათა და საფრანგეთის მუშათა მოძრაობის ძალადობით დათრგუნვის გამო, გერმანელი მუშები ამჟამად მებრძოლი პროლეტარიატის ავანგარდს წარმოადგენენ. შეუძლებელია იმის წინასწარმეტყველება, რამდენ სხანს დატოვებს მათ მოვლენათა განვითარება ამ საპატიო პოსტზე. მაგრამ სანამ მათ იგი უჭირავთ, იმედი უნდა ვიქონიოთ ღირსეულად შეასრულებენ მათზე დაკისრებულ მოვალეობას. ამისთვის საჭიროა ძალღონის გაორკეცებული დაძახვა ბრძოლისა და ავითაციის ყველა სფეროში. განსაკუთრებით ბელადების მოვალეობა იქნება უფრო და უფრო გათვითცნობიერდნენ ყველა თეორიულ საკითხში, უფრო და უფრო განთავისუფლდნენ ძველი მსოფლმხედველობის ტრადიციული ფრაზების გავლენისაგან და მუდამ მხედველობა-

ში იქონიონ, რომ სოციალიზმი მას შემდეგ, რაც ის მეცნიერებად იქცა მოითხოვს, რომ მას სწორედ ისე მოექცნენ, როგორც მეცნიერებას, ე. ი. შეისწავლონ იგი. საჭიროა, რომ აჭრივად შექნილი და სულ უფრო გარკვეული შეგნება სულ უფრო მეტი გულმოდგინებით გაეავრცელოთ მუშათა მასებში და როგორც პარტიის, ისე პროფკავშირების ორგანიზაცია უფრო და უფრო მტკიცედ დაეკრავნოთ. თუ იანვრის არჩევნებში სოციალისტების სასარგებლოდ მიცემული ხმები უკვე მოზრდილ არმიას წარმოადგენენ, ისინი მაინც გერმანიის მუშათა კლასის უმრავლესობას არ გამოხატავენ; და რა რაგ გამამხნევებელიც არ უნდა იყოს იმ პროპაგანდის შედეგები, რომელიც სოფლის მოსახლეობაში სწარმოებს, აქ მაინც ძლიერ ბევრი რამ რჩება გასაკეთებელი. მაშასადამე, უნდა შევეცადოთ, რომ ბრძოლაში არ დავიქანცოთ, მტერს ერთი ქალაქი, ერთი საარჩევნო ოლქი წაეართვათ მეორის მიყოლებით; მაგრამ უწინარეს ყოვლისა საჭიროა, რომ შევინარჩუნოთ ნამდვილი ინტერნაციონალური შეგნება, რომელიც ხელს უშლის ყოველივე შოვინისტური პატრიოტიზმის განვითარებას და სიხარულით მიესალმება ხოლმე ყოველივე ახალ ნაბიჯს პროლეტარულ მოძრაობაში, სულ ერთია რომელი ვარიც უნდა სდგამდეს მას. თუ გერმანელი მუშები განაგრძობენ ასე წინსვლას, ისინი, მართალია, მოძრაობის სათავეში მარშით არ ივლიან, — მოძრაობის ინტერესი სრულიად არ მოითხოვს, რომ ერთი რომელიმე ერის მუშები მის სათავეში მარშით მიდიოდნენ — მაგრამ საპატიო ადგილი კი ეკავებათ მეზობლთა რაზმში; და ისინიც თავით ფეხებამდე შეიარაღებული იქნებიან, თუ მოულოდნელად მძიმე გამსაცდელმა ან დიდმა ამბებმა მათგან უფრო დიდი ფაქტობა, უფრო დიდი გამბედაობა, და ენერჯია მოითხოვა.

ფრიდრიხ ენგელსი

ლონდონი, 1 ივლისი 1874 წ.

გერმანელ ხალხსაც აქვს თავისი რევოლუციური ტრადიცია. იყო დრო, როცა გერმანია ისეთ პიროვნებებს წამოაყენებდა ხოლმე, რომლებიც შეიძლება გვერდში აშოფუყენოთ სხვა ქვეყნების საუკეთესო რევოლუციონერებს, როცა გერმანელმა ხალხმა ისეთი გამძლეობა და ენერგია განავითარა, რომ მათი შემწეობით ცენტრალიზებული ერი დიდებულ შედეგებს მიაღწევდა, როცა გერმანელი გლეხებისა და პლებეების შეგნებაში ისახებოდა იდეები, რომლებიც მათს შთამომავალთ ხშირად შიშის ჟრუანტელს ჰკვრიან.

წინააღმდეგ დროებითი აპათიისა, რომელიც თითქმის ყველგან მოჰყვა ორი წლის ბრძოლას, დროულად მიგვაჩნია კვლავ ვუჩვენოთ გერმანელ ხალხს დიდი გლეხთა ომის ტლანქი, მაგრამ ღონიერი და უჭიათი ფიგურები. მას შემდეგ სამმა საუკუნემ განვლო და ბევრი რამ შეიცვალა; ამისდა მიუხედავად, გლეხთა ომი არც ისე დაშორებულია ჩვენს დღევანდელ ბრძოლებს, და მოწინააღმდეგენიც, რომლებთანაც ბრძოლა გვიხდება, უმეტესწილად იგივენი არიან. ის კლასები და კლასთა ჯგუფები, რომლებიც 1848 და 1849 წლებში ყველგან გვალაატობდნენ, სწორედ ისინი გვეკლინებიან მოღალატეებად ჯერ კიდევ 1525 წელს, ოღონდ განვითარების უფრო დაბალ საფეხურზე. და თუ უკანასკნელი წლების მოძრაობაში გლეხთა ომის ჯანსაღმა ვანდალიზმმა მხოლოდ ალაგ-ალაგ იჩინა თავი. ოდენვალდსა, შვარცვალდსა და სილეზიაში, ეს სრულიადაც არ ჩაითვლება თანამედროვე ამბოხების უპირატესობად.

1

თავდაპირველად მოკლედ განვიხილოთ გერმანიის მდგომარეობა XVI საუკუნის დასაწყისისათვის.

XIV და XV საუკუნეებში გერმანიის მრეწველობა მნიშვნელოვან აღმავლობას განიცდიდა. ფეოდალური, სოფლური ლოკალური

მრეწველობის ადგილი ქალაქების ამქრულმა ხელოსნობამ დაიჭირა, რომელიც თავის პროდუქციას უფრო ფართო წრეებისათვისა და უფრო შორეული ბაზრებისთვისაც კი აწარმოებდა. ტლანქი შალეულობის და ტილოს მომზადება მუდმივ, ფართოდ გავრცელებულ სამრეწველო დარგად გადაიქცა; აუგსბურგში უფრო ფაქიზი შალისა და სელის ქსოვილებსა და აბრეშუმეულობასაც ამზადებდნენ. ფეიქრობასთან ერთად განსაკუთრებით განვითარდა ის ხელოვნებასთან დაახლოებული მრეწველობა, რომელიც გვიან შუასაუკუნეების სასულიერო და საერო წოდებათა წარმომადგენლების ფუფუნებით საზრდოობდა: ოქრომკვებლობა, ქანდაკება, ხისა და სპილენძის ამოქრა, მესაკურველობა, ბეჭდების ჩამოსხმა, ხარატობა და სხვ. ხელოსნობის აყვავებას დიდად შეუწყო ხელი მეტად თუ ნაკლებად მნიშვნელოვანმა აღმოჩენებმა, რომელთა უბრწყინვალეს ისტორიულ პუნქტს თოფის წამლის* და წიგნის ბეჭდვის გამოგონება წარმოადგენდა. მრეწველობის განვითარებას ფეხდაფეხ მიჰყვებოდა ვაჭრობა. ჰანზის¹ კავშირმა თავისი ასი წლის საზღვაო მონოპოლიის შემწეობით, საბოლოოდ გაათავისუფლა მთელი ჩრდილო გერმანია საშუალო საუკუნებრივი ბარბაროსობისაგან; და თუმცა მან უკვე XV საუკუნის დასასრულიდან სწრაფად იწყო ჩამოქვეითება ინგლისელებისა და პოლანდიელების კონკურენციის გამო, მაგრამ ვასკო დე გამას აღმოჩენების მიუხედავად, ინდოეთიდან ჩრდილოეთისკენ მიმავალი დიდი სავაჭრო გზა, მაინც გერმანიაზე გადიოდა და აუგსბურგი კვლავ დიდი საწყობი იყო იტალიური აბრეშუმეულობისა, ინდური სანელებლისა და ლევანტის ყველა ნაწარმოებისთვის. ზემო გერმანიის ქალაქები, განსაკუთრებით აუგსბურგი და ნიურნბერგი, იმ დროისათვის მნიშვნელოვანი სიმდიდრისა და ფუფუნების ცენტრებს წარმოადგენდნენ. მნიშვნელოვნად გაიზარდა აგრეთვე ნედლი მასალის მოპოვება. გერმანელი მემალაროები XV საუკუნეში ყველაზე დახელოვნებულნი იყვნენ მთელ მსოფლიოში. ქალაქების აყვავებამ სოფლის მეურნეობაც გამოიყვანა საშუალო საუკუნეების პრიმიტიულ მდგომარეო-

* თოფის წამალი, როგორც ეს ამჟამად უთუოდაა დამტკიცებული, არაბებმა ინდოეთის ჰემეობით ჩინეთიდან შემოიტანეს, ხოლო არაბებისაგან იგი ცეცხლ-მსროლელ იარაღთან ერთად ესპანეთის მეშვეობით ევროპაშიც გავრცელდა. ენგელსის შენიშვნა 1875 წლის გამოცემისათვის.

¹ ჰანზა — ჩრდილოეთისა და ბალტიის ზღვის სანაპიროებზე და მათი შემდინარე წყლების გასწვრივ მდებარე შუასაუკუნებრივი გერმანული ქალაქების კავშირი; საბოლოოდ იგი ჩამოყალიბდა XIV საუკუნის მეორე ნახევარში. მთავარ როლს ჰანზაში ასრულებდნენ ჰამბურგი, ლუბეკი და ბრემენი. რეღ.

ბიდან. არა მარტო ფართო ტერიტორიები იქნა დამუშავებული, არამედ შემოღებულ იქნა საღებავი და სხვა უცხო მხარიდან შემოტანილი მცენარეების გაშენება, რომელთა კულტურამ საერთოდ ხელსაყრელი გავლენა იქონია მიწათმოქმედებაზე.

მაგრამ გერმანიის ეროვნული წარმოების აყვავება მაინც ვერ შეედრებოდა სხვა ქვეყნების მრეწველობის ზრდას. მიწათმოქმედება ბევრად ჩამორჩებოდა ინგლისისა და ნიდერლანდის მიწათმოქმედებას. გერმანიის მრეწველობა ჩამორჩებოდა იტალიის, ფლამანდიისა და ინგლისის მრეწველობას, ხოლო საზღვაო ვაჭრობაში გერმანელებს უკვე ინგლისელები და განსაკუთრებით ჰოლანდიელები ამარცხებდნენ. მოსახლეობა ჯერ კიდევ მეტად თხელი იყო. ცივილიზაცია გერმანიაში მხოლოდ სპორადულად არსებობდა, განცალკევებული სამრეწველო და სააღებმიცემო ცენტრების გარშემო; თვით ამ განცალკევებული ცენტრების ინტერესები გათიშული იყო და მხოლოდ აქა-იქ თუ ხვდებოდა ერთმანეთს. სამხრეთს სულ სხვა სააღებმიცემო კავშირები და ბაზრები ჰქონდა, ვიდრე ჩრდილოეთს; აღმოსავლეთსა და დასავლეთს შორის თითქმის არავითარი სააღებმიცემო ურთიერთობა არ არსებობდა. ვერც ერთმა ქალაქმა ვერ შესძლო მთელი ქვეყნის სამრეწველო და სავაჭრო ცენტრი გამხდარიყო, როგორც მაგალითად ინგლისისთვის უკვე ლონდონი იყო. მთელი შინაური მიმოსვლა განისაზღვრებოდა სანაპირო და სამდინარო ნაოსნობითა და ორიოდ დიდი სავაჭრო გზით, რომელიც აუგსბურგიდან და ნიურნბერგიდან კელნზე ნიდერლანდისკენ მიდიოდა, ხოლო ერთფურტზე ჩრდილოეთისკენ. ამ მდინარეებისა და სავაჭრო გზების მოშორებით მრავალი პატარა ქალაქი იყო, რომლებიც დიდი ალებმიცემობიდან გამოთიშულნი განაგრძობდნენ შეუშფოთებელ ცხოვრებას გვიან შუა საუკუნეების პირობებში; ისინი ნაკლებად ხმარობდნენ უცხო საქონელს, ნაკლებად აწარმოებდნენ გასატან პროდუქტებს. სოფლის მოსახლეობიდან მხოლოდ თავადაზნაურობას ჰქონდა ურთიერთობა უფრო ფართო წრეებთან და მხოლოდ იგი ავითარებდა ახალ მოთხოვნილებათ; გლეხთა მასა ვერ სცილდებოდა ადგილობრივ ურთიერთობას და მასთან დაკავშირებულ ვიწრო ადგილობრივ ჰორიზონტს.

მაშინ როცა ინგლისსა და საფრანგეთში ვაჭრობისა და მრეწველობის აღმავლობამ მთელი ქვეყნის ინტერესთა გადახლართვა და ამით პოლიტიკური ცენტრალიზაცია გამოიწვია, გერმანიაში ამ პროცესის შედეგად მოხდა მხოლოდ ინტერესთა დაჯგუფება პროვინციების მიხედვით, წმინდა ადგილობრივი ცენტრების გარშემო

და, მაშასადამე, ქვეყნის პოლიტიკური დაქუცმაცება, რაც შემდეგ კიდევ უფრო განმტკიცდა მსოფლიო ვაჭრობიდან გერმანიის გამოდევნით. იმდენად რამდენადაც წმინდა ფეოდალური სახელმწიფო იშლებოდა, წყდებოდა საზოგადოდ კავშირი საიმპერიო სამფლობელოებს შორის, დიდ საიმპერიო სამკვიდროთა მფლობელები თითქმის დამოუკიდებელ მთავრებად იქცეოდნენ, ხოლო საიმპერიო ქალაქები, ერთი მხრივ, და საიმპერიო რაინდები, მეორე მხრივ, კავშირს ჰკარავდნენ ხან ერთმანეთისა, ხან კი მთავრებისა ან იმპერატორის წინააღმდეგ. საიმპერიო ხელისუფლება, რომელიც თვითონაც ვერ გარკვეულიყო საკუთარ მდგომარეობაში, უმწეოდ მერყეობდა იმპერიის შემადგენელ სხვადასხვა ელემენტებს შორის და ამასთანავე თანდათან ჰკარგავდა ავტორიტეტს; მისი ცდა, სახელმწიფოს ცენტრალიზაცია მოეხდინა ლუი XI წესისამებრ ვერ გასცილდა ავსტრიის სამკვიდრო მამულებთან კავშირის განმტკიცებას, მიუხედავად ინტრიგებისა და ძალმომრეობისა. თუ ამ არეულარევაში, ამ ურიცხვ ერთმანეთში გადახლართულ კონფლიქტებში ბოლოს ვინმემ მოიგო, და უნდა მოეგოთ კიდევ, ეს იყვნენ ცენტრალიზაციის წარმომადგენლები თვით ამ დაქუცმაცების შიგნით, ადგილობრივი და პროვინციული ცენტრალიზაციის წარმომადგენლები, მთავრები, რომელთა გვერდით თვით იმპერატორი თანდათან სხვების თანასწორ მთავრად ხდებოდა.

ამ პირობებში შუა საუკუნეებიდან შემორჩენილ კლასთა მდგომარეობა არსებითად შეიცვალა და ძველი კლასების გვერდით ახალი კლასები წარმოიშვა.

უმაღლესი თავადაზნაურობიდან მთავრები წარმოიშვნენ. ისინი თითქმის სრულიად დამოუკიდებელი იყვნენ იმპერატორისაგან და უზენაეს სუვერენულ უფლებათა დიდ ნაწილს ჰფლობდნენ. ისინი ომს აცხადებდნენ და ზავს ჰკარავდნენ დამოუკიდებლად, მუდმივ ჯარს ინახავდნენ, ლანდტაგებს იწვევდნენ და გადასახადებს აწესებდნენ. მათ უკვე დამორჩილებული ჰყავდათ დაბალი თავადაზნაურობის და ქალაქების დიდი ნაწილი და ყოველ ღონისძიებას ხმარობდნენ, რათა თავიანთი სამფლობელოებისათვის შეეერთებინათ დანარჩენი უშუალო საიმპერიო ქალაქები და საბარონოები. ამ უკანასკნელთა მიმართ ისინი ცენტრალიზმის მომხრენი იყვნენ, მაშინ როცა საიმპერიო ხელისუფლების მიმართ დეცენტრალიზების მომხრეებად გამოდიოდნენ. შინაურ საქმეებში მათი მმართველობა უკვე დიდი თვითნებობით ხასიათდებოდა. ისინი წოდებოდათ კრებებს უმეტეს შემთხვევაში მხოლოდ მაშინ იწვევდნენ, როცა სხვა გამო-

სავალი არ ჰქონდათ. ისინი გადასახადებს აწესებდნენ და ფულს, ჰკრებდნენ, როცა მოეხალისებოდათ; ისინი იშვიათად სცნობდნენ წოდებათა უფლებას დაემტკიცებინათ გადასახადები და კიდევ. უფრო იშვიათად ახორციელებდნენ მას. ასეთ შემთხვევაში მთავარს ჩვეულებრივ მაინც ჰყავდა უმრავლესობა ორი წოდების საშუალებით, რომელნიც თავისუფალი იყვნენ გადასახადებისაგან, მაგრამ ამ გადასახადებით სარგებლობდნენ, სახელობრ, რაინდებისა და სამღვდელთა მემკვიდრეობით. რაც უფრო მატულობდა ფუფუნება და ფართოვდებოდა მთავრის კარის მოთხოვნილებები, იქმნებოდა მუდმივი ჯარი და იზრდებოდა მმართველობის ხარჯები, მით მეტი ფული სჭირდებოდა მთავრებს. გადასახადები თანდათან უფრო მძიმე ხდებოდა. ქალაქები გადასახადებისაგან უმეტეს შემთხვევაში პრივილეგიებით იყვნენ დაცულნი; გადასახადთა მთელი სიმძიმე გლეხობას აწევებოდა, როგორც თვით მთავართა საბატონო გლეხებს, ისე რაინდთა ხელდებულ ყმებს, დამოკიდებულებსა და მებეგვრეებს. სადაც პირდაპირი დაბეგვრა არ კმაროდა, მიმართავდნენ ხოლმე არაპირდაპირ დაბეგვრას; იყენებდნენ საფინანსო ხელოვნების ურთულეს ოინებს, რათა აეცნოთ ფსკერგავარდნილი ხაზინა. როცა ყოველივე ეს არ შველოდა, როცა დასაგირავებელი არაფერი იყო, ხოლო თავისუფალი საიმპერიო ქალაქები სესხს აღარ იძლეოდნენ, მაშინ მიმართავდნენ ფულის მოჭრის ყველაზე საეჭვო ოპერაციებს: სჭრიდნენ არასრულფასიან ფულს, აწესებდნენ მაღალ ან დაბალ იძულებითს კურსს, იმისდა მიხედვით, თუ რა უფრო სასარგებლო იყო ხაზინისთვის. ვაჭრობა სამოქალაქო და სხვა პრივილეგიებით, რასაც მთავრები შემდეგ ძალით იბრუნებდნენ, რათა შემდეგ ხელახლა უფრო ძვირად გაეყიდათ, ყოველი ოპოზიციური ცდის საბაბად გამოყენება ხარკის დასადებად და დასარბევად და სხვ. და სხვ. — ყოველივე ეს შემოსავლის ჩვეულებრივ და ამასთანავე ფრიად მომგებიან წყაროს წარმოადგენდა იმდროინდელი მთავრებისთვის. მართლმსაჯულებაც მუდმივი და საკმაოდ მნიშვნელოვანი სავაჭრო საგანი იყო მთავრობისთვის. ერთი სიტყვით, იმდროინდელი ქვეშევრდომნი, რომლებსაც, გარდა ამისა, მთავართა მოურავებისა და მოხელეების პირადი გაუმადლობაც უნდა დაეკმაყოფილებინათ, უნდა დაპტკებარიყვნენ «მამობრივი» მმართველობის სისტემის ყველა მშვენიერებით.

შუა საუკუნეების ფეოდალური იერარქიიდან საშუალო თავდაზნაურობა თითქმის სრულიად გაქრა; მისი ერთი ნაწილი დამოუკიდებელ წვრილ მთავრებად იქცა, ხოლო მეორე — ჩამოქვეითდა და

დაბალი თავდაღწანაურობის რიგებში მოექცა. დაბალი თავდაღწანაურობა, რაინდობა სწრაფად მიექანებოდა დაღუპვისაკენ. მათი დიდი ნაწილი სრულიად გადატაკებული იყო და მხოლოდ მთავრის სამსახურში სამხედრო ან სამოქალაქო თანამდებობის შესრულებით ცხოვრობდა; მეორე ნაწილი ვასალურ დამოკიდებულებაში იმყოფებოდა და მთავრებს ემორჩილებოდა; მხოლოდ უმცირესი ნაწილი ექვემდებარებოდა უშუალოდ იმპერიას. სამხედრო საქმის განვითარებამ, ქვეითი. ჯარის მნიშვნელობის ზრდამ, ცეცხლმსროლელი იარაღის გაუმჯობესებამ შეამცირა რაინდთა სამხედრო მნიშვნელობა, როგორც მძიმე ცხენოსანი ჯარისა და ამასთანავე მათი ციხეებიც ადვილადსაღები გახადა. მრეწველობის პროგრესმა რაინდებიც ისევე ზედმეტად აქცია, როგორც ნიურნბერგელი ხელოსნები. რაინდობის გაპარტახებას დიდად შეუწყობდა იმ გარემოებამ, რომ მას მუდამ ფული სჭირდებოდა. ცივილიზაციის წინსვლასთან ერთად მატულობდა ფუფუნება ციხე-კოშკებში, რაინდები ერთმანეთს ეჯიბრებოდნენ მორთულობის მხრივ ასპარეზობაზე და დღესასწაულებში, თოფ-იარაღი და ცხენი ძვირდებოდა, რაინდების და ბარონების შემოსავლის წყაროები კი ნაკლებ ან სრულიად არ იზრდებოდა. რაც დრო გადიოდა მით უფრო სახიფათო ხდებოდა ფეოდალური აყალ-მაყალი მისთვის აუცილებელი დარბევითა და კონტრიბუციებით, თარეში და სხვა ამგვარი კეთილშობილური საქმეები. ქვეშევრდომთა გადასახადები და ბეგარა მეტს როდი იძლეოდა, ვიდრე წინათ. თავიანთი გაძლიერებული მოთხოვნილებების დასაკმაყოფილებლად კეთილშობილ რაინდებს იმავე საშუალებისათვის უნდა მიემართათ, რომელსაც მთავრები მიმართავდნენ. წლიდან წლამდე იზრდებოდა გლახთა ექსპლოატაცია თავდაღწანაურობის მიერ. ყმებს უკანასკნელ სისხლის წვეთს სწოდებდნენ, მებეგრეებს ახალ გადასახადებსა და ბეგარას აკისრებდნენ და ამისთვის სხვადასხვა საბაბსა და სახელწოდებას იყენებდნენ. საბატონო ბეგარას, საიჯარო ქირას, ღალას, ხარკს მემამულის გამოცვლისას, სამკვდროს, სასარჩელოს¹ და სხვ. თვითნებურად უპატებდნენ

¹ სამკვდრო გამოსაღები (Sterbefall, Todfall) — სამემკვიდროს გამოსაღები, რომელსაც ახდევინებდნენ გლახს სენიორის იმ ფეოდალური უფლების ძალით, რომ გარდაცვლილი გლახის მიწის ნაკვეთიც და ყველა ქონება ბატონის ქონებად ითვლებოდა (საფრანგეთში — «მკვდარი ხელის უფლება»); გერმანიაში ფეოდალები, როგორც წესი, მემკვიდრეებს საუკეთესო პირტუყვს ართმევდნენ. — სასარჩელო ფული (Schutzgelder) — გამოსაღები, რომელსაც ჰკრებდა ფეოდალი იმ სასამართლო «გამოსარჩელებისა» და «მფარველობისათვის», რომელსაც იგი ვითომდა უწევდა თავის ქვეშევრდომთ. რედ.

ბევლი ხელშეკრულებების მიუხედავად. მართლმსაჯულება ან სრულიად არ ერეოდა საქმეებში, ან მოსყიდული იყო; და როცა რაინდს სხვა გზით არ შეეძლო გლეხებისაგან ფული მიეღო, იგი მათ ციხეში ამწყვდევდა და აიძულებდა თავი გამოესყიდათ.

არც სხვა წოდებებთან ჰქონდა დაბალ თავადაზნაურობას მეგობრული დამოკიდებულება. მთავრების მიმართ ვასალურ დამოკიდებულებაში მყოფი თავადაზნაურობა ცდილობდა უშუალოდ იმპერიის ქვეშევრდომი გამხდარიყო; ისაიპერიო რაინდები კი ცდილობდნენ თავიანთი დამოუკიდებლობა შეენარჩუნებინათ; ამით აიხსნება რაინდობის განუწყვეტელი შუღლი მთავრებთან. იმდროინდელი გულზვიადი სამღვდელოება რაინდს სრულიად ზედმეტ წოდებად მიაჩნდა, იგი შურით უყურებდა მის ვეებერთელა სამფლობელოებს და უცოლობისა და საეკლესიო წესწყობილების წყალობით შეძენილ სიმდიდრეს. ქალაქებთან რაინდს მუდმივი ბრძოლა ჰქონდა; იგი ქალაქების მუდმივი მეველე იყო, იგი მათი ტერიტორიის რბევით, მათი ვაჭრების ძარცვით, ბრძოლებში დატყვევებული მოქალაქეების გამოსასყიდი ფულით ცხოვრობდა. და რაინდობის ბრძოლა ყველა ამ წოდებათა წინააღმდეგ მით უფრო გააფთრებული ხდებოდა, რაც უფრო საარსებო საკითხად იქცეოდა მისთვის ფულის საკითხი.

არა ნაკლებ განიცდიდა ისტორიული გარდატეხის გავლენას სამღვდელთა — შუა საუკუნებრივი ფეოდალიზმის იდეოლოგიის წარმომადგენელი. წიგნის ბეჭდვისა და გაფართოებული ვაჭრობის მოთხოვნილებათა წყალობით მას წაერთვა არა მარტო წერაკითხვის, არამედ უმაღლესი განათლების მონაპოვლიაც. შრომის დანაწილება ინტელექტუალურ დაზგშიც მოხდა. იურისტების ახლადდამოცნებულმა წოდებამ წაართვა მას მთელი რიგი გავლენიანი თანამდებობა. სამღვდელოება უმეტესწილად ზედმეტი ხდებოდა და ამას თვით ადასტურებდა თავისი მუდამ მზარდი სიზარმაცითა და უმეცრებით. მაგრამ რაც უფრო ზედმეტი ხდებოდა იგი, მით უფრო მატულობდა მისი რიცხვი უზარმაზარი სიმდიდრის შემწეობით, რომელსაც იგი განუწყვეტლივ ზრდიდა ყოველგვარი საშუალებებით.

სამღვდელოებაში ორი სრულიად განსხვავებული კლასი არსებობდა. სასულიერო ფეოდალური იერარქია არ ისტოკრატული კლასს წარმოადგენდა; იგი შედგებოდა ეპისკოპოსებისა, არქიეპისკოპოსებისა, აბატებისა, პრიორებისა და სხვა პრელატებისაგან. ეს უმაღლესი საეკლესიო წარჩინებული პირნი ან თვით იყვნენ საიმპერიო მთავრები, ან როგორც სხვა მთავრების უზენაესი ხელის-

უფლებიდან დაქვემდებარებული ფეოდალები დიდ ტერიტორიებს ფლობდნენ მრავალრიცხოვანი ყმებითა და მეზეგრებით. ისინიც თავიანთ ქვეშევრდომთ არა თუ შეუბრალებლად ყვლეფდნენ თავადაზნაურობისა და მთავრების მსგავსად, არამედ კიდევე უფრო ურცხვად იქცეოდნენ. ტლანქ ძალმომრეობასთან ერთად ისინი იყენებდნენ სარწმუნოების ყველა მზაკვრობას, ტანჯვა-წამების მუქარასთან ერთად შეჩვენებისა და ცოდვათა განტევენაზე უარის თქმის მუქარას, საალსარებოს ყველა ინტრიგას, რათა ქვეშევრდომთათვის უკანასკნელი გროში წაეგლიჯათ ან ეკლესიის სამკვიდრო გაედიდებინათ. ამ პატივსაცემი ადამიანების ხელში საბუთების გაყალბება გამორჩენის ჩვეულებრივ და საყვარელ საშუალებად იქცა. მაგრამ თუმცა ისინი ჩვეულებრივი ფეოდალური შემოსავლის გარდა სამეათედოსაც ღებულობდნენ, მათ ეს შემოსავალიც არ ჰყოფნიდათ. რათა ხალხისთვის მეტი სახსრები წაერთმით, კარგა ხანს დიდი წარმატებით მიმართავდნენ სასწაულმომქმედი ხატებისა და ნაწილების ფაბრიკაციას, სულის საცხონებელ სალოცავებში მოგზაურობის ორგანიზაციას, ინდულგენციების¹ გაყიდვას.

პრელატებისა და ბერებისაგან შემდგარი ეს ურიცხვი ჟანდარმერო, რომელიც თანდათან ძლიერდებოდა პოლიტიკური და სარწმუნოებრივი დევნის გაძლიერებასთან ერთად, აღვივებდა სიძულვილს სამღვდელოებისადმი არა მარტო ხალხში, არამედ თავადაზნაურობაშიც. რამდენადაც ისინი უშუალოდ საიმპერიო ხელისუფლებას ექვემდებარებოდნენ, იმდენად გზაზე ელობებოდნენ მთავრებს. ჩასუქებული მღვდელმთავრების და აბატების და მათი ბერების ლაშქრის მხიარული ცხოვრება შურს იწვევდა თავადაზნაურობაში და აღაშფოთებდა ხალხს, მით უმეტეს რომ ამ ცხოვრების ყოველი ხარჯი მას ჰქონდა დაკისრებული, სამღვდელოების სიტყვასა და საქმეს შორის კი მძაფრი წინააღმდეგობა არსებობდა.

სამღვდელოების პ ლ ე ბ ე უ რ ი ფრაქცია სოფლისა და ქალაქის ხუცებისგან შედგებოდა. ისინი ეკლესიის ფეოდალური იერარქიის გარეშე იდგნენ და არავითარი წილი არ ჰქონდათ მის სიმდიდრეში. მათ მუშაობას ნაკლებ უწევდნენ კონტროლს და რა რიგ მნიშვნელოვანიც არ უნდა ყოფილიყო ეს მუშაობა ეკლესიისთვის,

¹ ინდულგენციები — მოწმობა ეგრეთწოდებულ ცოდვათაგან განტევენის, რასაც კათოლიკური ეკლესია ჰყიდდა. ინდულგენციებით ვაჭრობა, ისევე როგორც რელიგიურ ცურაწმენათა ექსპლოატაციის სხვა ფორმებიც, ატარებდა კათოლიკური სამღვდელოების მიერ ხალხის აშკარა ძარცვის ხასიათს. რეღ.

იმ დროს იგი ნაკლებ აუცილებელი იყო, ვიდრე ყაზარმებში მყოფი ბერების პოლიციური სამსახური. ამიტომ მათ ბევრად უფრო ცუდად აჯილდოებდნენ და მათი ბენეფიციებიც უმეტესწილად ღარიბი იყო. ისინი ან ბიურგერული ან პლებეური წრეებიდან წარმოდგებოდნენ და ამიტომ საკმაოდ ახლო იდგნენ მასის მდგომარეობასთან, რათა თავიანთი ხუცობის მიუხედავად ბიურგერული და პლებეური სიმპათიები შეენარჩუნებინათ. იმდროინდელ მოძრაობებში მონაწილეობის მიღება ბერებისთვის გამოწვევად იყო, მღვდლებისთვის კი ჩვეულებრივი მოვლენა. მათი რიგებიდან გამოწვევდნენ მოძრაობის თეორეტიკოსები და იდეოლოგები და მრავალი მათგანი, პლებეების და გლეხების წარმომადგენლები, ემაფოტზე დაიხოცა. ხალხის სიძულვილი მხოლოდ იშვიათ შემთხვევაში თუ იყო მიმართული მათ წინააღმდეგ.

როგორც მთავრებისა და თავადაზნაურობის ზემოთ იმპერატორი იდგა, ასევე მაღალი და დაბალი სამღვდლოების ზემოთ პაპი იდგა. როგორც იმპერატორს «საყოველთაო პფენიგი»¹, სახელმწიფო გადასახადი ეძლეოდა, ასევე პაპს საყოველთაო საეკლესიო გადასახადი ეძლეოდა, აქედან ჰფარავდა იგი თავისი ბრწყინვალე სასახლის ხარჯებს რომში. ყველაზე კეთილსინდისიერად და მკაცრად ეს საეკლესიო გადასახადები გერმანიაში იკრიბებოდა მისი სამღვდლოების სიძლიერისა და სიმრავლის წყალობით. განსაკუთრებით ეს ითქმის ე. წ. ანატებზე სამღვდლომთავროთა გაუქმების² დროს. მოთხოვნილებათა ზრდასთან ერთად აღმოჩენილ იქნა ახალი საშუალებანი ფულის მისაღებად: წმინდა ნაწილების, ინდულგენციების ვაჭრობა, იუბილეებზე ფულის აკრეფა და სხვ. ამრიგად, გერმანიიდან რომში ყოველწლიურად დიდძალი თანხები მიდიოდა, და ამ გზით გამოწვეული ჩაგვრა ძლიერებდა არა მარტო სიძულვილს სამღვდლოებისადმი, იგი აღვივებდა ეროვნულ გრძნო-

¹ «საყოველთაო პფენიგი» (gemeiner Pfennig) — გადასახადი, შემოღებული იმპერატორ მაქსიმილიანე I მიერ; იგი წარმოადგენდა სულობრივი გადასახადისა და ქონების გამოსაღების კომბინაციას. გადასახადის მთავარი ტიპითი გლეხობას ეკისრებოდა. რ. ე. დ.

² ანატები ეწოდებოდა რომის კურონის სასარგებლოდ აკრეფილ ერთდროულ გადასახადს, რომელიც უნდა გაეღოთ იმ პირთ, ვისაც პაპი საეკლესიო თანამდებობებზე ნიშნავდა. უმრავლეს შემთხვევაში ეს გადასახადი უდრიდა წლიურ შემოსავალს ნაწყალობევი სამრევლოებისას, რომელთა მფლობელები შემდეგ ერთი ასად ინაზღაურებდნენ თანამდებობის დაკავებისას გაღებულ თანხას მოსახლეობაზე შეწერილი გამოსაღებითა და გადასახადით. რ. ე. დ.

ზასაც, განსაკუთრებით თავდაზნაურობაში, რომელიც ყველაზე ნაციონალისტური წოდება იყო იმ დროს.

შუასაუკუნებრივი ქალაქების პირვანდელი მდებრივ მოქალაქეებისაგან ვაჭრობისა და ხელოსნობის აყვავებასთან ერთად სამი სრულიად განსხვავებული ფენა განვითარდა.

მოქალაქეთა საზოგადოების სათავეში პატრიციული გვარები იდგნენ, ეგრეთწოდებული «წარჩინებულნი». ესენი უმდიდრესი ოჯახები იყვნენ. მხოლოდ ისინი ისხდნენ საბჭოსა და ყველა სამოქალაქო დაწესებულებაში. ამიტომაც ისინი არა მარტო ჯანაგებდნენ ქალაქის შემოსავალს, არამედ კიდევ სარგებლობდნენ ამ შემოსავლით. ძლიერნი თავიანთი სიმდიდრით, თავიანთი ტრადიციული არისტოკრატიული მდგომარეობით, რომელიც აღიარებული იყო როგორც იმპერატორისა, ისე იმპერიის მიერ, ისინი ყოველნაირად ექსპლოატაციას უწევდნენ როგორც ქალაქის თემს, ისე ქალაქის ქვეშევრდომ გლეხკაცობას. ისინი მეევანშეობას ეწეოდნენ ხორბლითა და ფულით, ყოველგვარ მონოპოლიებს ითვისებდნენ, თემს თანდათან ართმევდნენ ქალაქის ტყეებითა და მიწებებით საერთო სარგებლობაში მონაწილეობის უფლებას და თავიანთ კერძო ინტერესებისთვის იყენებდნენ ამ უკანასკნელთ, თვითნებურად აწესებდნენ გზებისა, ხიდებისა და კარიბჭეების ბაჟს და სხვა ბეგარას, ვაჭრობდნენ საამქრო პრივილეგიებით, საოსტატო და სამოქალაქო უფლებებით და მართლმსაჯულებით. ქალაქისადმი დამორჩილებულ გლეხკაცობას ისინი არა ნაკლებ მკაცრად ეპყრობოდნენ, ვიდრე თავდაზნაურობა ან ხუცობა; უფრო მეტიც, ის ქალაქელი ფოგტები და მოხელეები, რომლებიც სოფლად იგზავნებოდნენ, მხოლოდ პატრიციები იყვნენ და თავიანთ არისტოკრატიულ გულცივობასა და გაუმძღრობასთან ერთად გარკვეულ ბიუროკრატიულ სიმკაცრეს იჩენდნენ გადასახადების აკრეფაში. ამ გზით შეგროვილი საქალაქო შემოსავალი უდიდესი თვითნებობით იხარჯებოდა: საქალაქო დაფთრებში ანგარიშების ჩაწერა ისედაც წმინდა ფორმალობა იყო და მეტისმეტად აგდებულად და არეულ-დაჩეულად წარპოებდა; გაფლანგვა და სალაროს მოუწესრიგებლობა ჩვეულებრივი მოვლენა იყო. შეიძლება წარმოვიდგინოთ რა ადვილი იყო იმ დროს ყოველმხრივ პრივილეგიებით აღჭურვილი, მცირერიცხოვანი და ნათესაობითა და საერთო ინტერესებით მჭიდროდ შეკავშირებული კასტისთვის ქალაქის შემოსავლით გამდიდრებულიყო, თუ გავხსენებთ ურიცხვ თაღლათობასა და გაფლანგვას, რომელიც 1848 წლის რევოლუციამ მრავალი ქალაქის თვითმმართველობაში გამოამყვანა.

პატრიციებმა ყოველივე იღონეს, რათა ქალაქის თემს დაეწყებოდა თავისი უფლებები განსაკუთრებით ფინანსების დარგში. მხოლოდ შემდეგში, როცა ამ ვაუბატონების თაღლითობამ ყოველ ზომას გადააჭარბა, თემები ხელახლა ამოძრავდნენ, რათა ქალაქის მართვა-გამგეობის კონტროლი მაინც ჩაეგდოთ ხელთ. მეტწილ ქალაქებში მათ მართლაც დაიბრუნეს თავიანთი უფლებები. მაგრამ რადგან საამქროები მუდმივ ერთმანეთს ებრძოდნენ, რადგან პატრიციები დიდს გამძლეობას იჩენდნენ, ხოლო იმპერია და მოკავშირე ქალაქების მთავრობები მათ მფარველობდნენ, საბჭოების პატრიციელმა წევრებმა თვალთმაქცობითა და ძალმომრეობით, ფაქტიურად სწრაფად აღადგინეს თავიანთი აღრინდელი ბატონობა. XVI საუკუნის დასაწყისში თემები ყოველ ქალაქში ხელახლა ოპოზიციაში იდგნენ.

პატრიციატის მოწინააღმდეგე ოპოზიცია ქალაქებში ორ ფრაქციად იყოფოდა, ეს ფრაქციები სრულიად გარკვეულად გამოდიოდნენ გლეხთა ომში.

ბიურგერული ოპოზიცია, ჩვენი დღევანდელი ლიბერალების წინამორბედი, შედგებოდა შეძლებული და საშუალო მოქალაქეებისაგან და აგრეთვე წვრილი ბიურგერების მეტნაკლებად ფართო ნაწილისაგან ადგილობრივი პირობებისა და მიხედვით. მათი მოთხოვნები არ ცილდებოდა წმინდა კონსტიტუციურ ნიადაგს. ისინი მოითხოვდნენ კონტროლს სამოქალაქო მმართველობაზე და მონაწილეობას საკანონმდებლო ხელისუფლებაში თვით თემის კრების სახით იქნებოდა ეს, თუ თემის წარმომადგენლობის სახით (დიდი საბჭო, თემის კომიტეტი); შემდეგ ისინი მოითხოვდნენ რამდენიმე წარჩინებული ოჯახის პატრიციული ნათლიმამობისა და ოლიგარქიის შეზღუდვას; ეს ოჯახები თანდათან უფრო აშკარად ეთიშებოდნენ დანარჩენ პატრიციატს. გარდა ამისა, ბიურგერული ოპოზიცია უკიდურეს შემთხვევაში საბჭოში რამდენიმე ადგილს მოითხოვდა თავისი წრიდან გამოსული მოქალაქეებისთვის. ამ პარტიას, რომელსაც აქა იქ პატრიციატის უკმაყოფილო და გაღატაკებული ნაწილი ემხრობოდა, ყველა ჩვეულებრივ სათემო კრებებსა და საამქროებში დიდი უმრავლესობა ჰყავდა. საბჭოს მომხრეები და უფრო რადიკალური ოპოზიცია ერთად ნამდვილ მოქალაქეებს შორის მხოლოდ უმცირესობას წარმოადგენდნენ.

ჩვენ დავინახეთ, რომ XVI საუკუნის მოძრაობაში ეს «ზომიერი», «კანონიერების ნიადაგზე მდგომი», «შეძლებული» და «ინტელიგენტური» ოპოზიცია სწორედ იმავე როლს ასრულებდა და

სწორედ იმავე წარმატებას აღწევდა, როგორც მისი მემკვიდრე-კონსტიტუციური პარტია 1848 და 1849 წლებში¹.

გარდა ამისა, ბიურგერთა ოპოზიცია სერიოზულად ებრძოდა ხუცებს, რომლებიც თავიანთი უქმი, უდარდელი ცხოვრებით და გარყვნილებით დიდად აღაშფოთებდნენ მას. იგი მოითხოვდა ღონისძიებათა მიღებას ამ პატივსაღებები აღამიანების სკანდალური დროსტარების წინააღმდეგ, იგი მოითხოვდა აგრეთვე სამღვდლოების განსაკუთრებული მართლმსაჯულებისა და გადასახადებისაგან თავისუფლების მოსპობას და ბერების რიცხვის შეზღუდვას საერთოდ.

პ ლ ე ბ ე უ რ ი ო პ ო ზ ი ც ი ა შედგებოდა გალატაკებული მოქალაქეებისა და ქალაქის მცხოვრებთა მასისაგან, რომლებიც მოკლებულნი იყვნენ მოქალაქის უფლებებს: ესენი იყვნენ ქარგლები, დღიური მუშები და ახლად წარმოშობილი ლუმპენპროლეტარიატის მრავალრიცხოვანი წარმომადგენლები, რომლებიც მოიპოვებდნენ ქალაქთა განვითარების თვით უდაბლეს საფეხურებზე. საზოგადოდ ლუმპენპროლეტარიატი ისეთი მოვლენაა, რომელიც მეტნაკლებად განვითარებული სახით თითქმის ყველა დღემდე არსებულ საზოგადოებრივ ფაზაში გვხვდება. ფეოდალიზმის დაშლის წყალობით სწორედ იმ დროს მეტად გამრავლდა გაურკვეველი პროფესიისა და მუდმივი ბინის უქონელ აღამიანთა რიცხვი იმ საზოგადოებაში, რომელშიც ყოველი პროფესია, ყოველი სფერო ცხოვრებისა აუარებელი პრივილეგიით იყო დაცული. განვითარებულ ქვეყნებში მაწანწალათა რიცხვი არასოდეს ისე დიდი არ ყოფილა როგორც XVI საუკუნის პირველ ნახევარში. ამათგან ერთი ნაწილი ჯარებში შედიოდა ომების დროს, მეორე ნაწილი მათხოვრობდა კარდაკარ, მესამე ცდილობდა ქალაქებში შავი მუშაობითა და ისეთი საქმიანობით, რომელიც საამქრო წესწყობილებით არ იყო შეზღუდული, ნახევრადმშვიერი არსებობა შეენარჩუნებინა. სამივე ნაწილი გარკ-

¹ ენგელსს მხედველობაში ჰყავს გერმანელი ბურჟუაზიული ლიბერალები, რომლებიც 1848 — 1849 წლების რევოლუციის დროს ფრანკფურტის ნაციონალური კრებისა და ცალკეულ გერმანულ სახელმწიფოთა კრებების უმრავლესობას შეადგენდნენ. რევოლუციის პირველ თვეებში რიგ სახელმწიფოებში (მაგალითად პრუსიაში) ლიბერალები სათავეში ჩაუდგნენ «კონსტიტუციურ მთავრობებს», მაგრამ შემდეგ ისინი შეცვალეს ბიუროკრატისა და თავადაზნაურობის წარმომადგენლებმა. ლიბერალები მიისწრაფოდნენ შეენარჩუნებინათ მეფის ხელისუფლება, როგორც რევოლუციის შემდგომი განვითარებისა და გარდაქმნების საწინააღმდეგო ბუჩქი. ბურჟუაზიულ კონსტიტუციონალისტთა შემთანხმებული ტაქტიკა და რეაქციულ პარტიებთან მათი გამკეცმული მორიგება წარმომადგენდა გერმანიის რევოლუციის დამარცხების ერთ-ერთ მთავარ მიზეზს. რ ე დ.

ვეულ როლს თამაშობს გლეხთა ომში: პირველი — მთავართა ჯარებში, რომლებმაც გლეხები დაამარცხეს, მეორე — გლეხთა შეთქმულებებსა და გლეხთა რაზმებში, სადაც ყოველ წუთში თავს იჩენს მათი ზნეობრივად გამხრწნელი გავლენა, მესამე — ქალაქის პარტიების ბრძოლაში. მაგრამ ისიც არ უნდა დავივიწყოთ, რომ ამ კლასის ერთ დიდ ნაწილს, რომელიც, სახელდობრ, ქალაქებში ცხოვრობდა, იმ დროს ჯერ კიდევ საკმაოდ სალი გლეხური ბუნება ჰქონდა და ჯერ კიდევ დაშორებული იყო თანამედროვე, ცივილიზებული ლუმპენპროლეტარიატის გამყიდველობასა და გარყვნილებას.

აქედან ჩანს, რომ იმდროინდელი ქალაქების პლემბურე ოპოზიცია მეტად შერეული ელემენტებისაგან შედგებოდა. იგი აერთებდა ძველი ფეოდალური და ამქრული საზოგადოების გადაგვარებულ ნაწილებს წარმოშობის პროცესში მყოფი თანამედროვე ბურჟუაზიული საზოგადოების ჯერ კიდევ ჩანასახობრივ პროლეტარულ ელემენტებთან. ერთი მხრივ იდგნენ ამქრების გაღარიბებული წევრები, რომლებიც პრივილეგიების გამო კიდევ დაკავშირებულნი იყვნენ ქალაქების არსებულ წყობილებასთან; მეორე მხრივ იდგნენ გაპარტახებული გლეხები და დათხოვნილი მოსამსახურეები, რომლებსაც ჯერ კიდევ არ შეეძლოთ პროლეტარები გამხდარიყვნენ. მათ შორის მოქცეული იყვნენ ქარგლები, რომლებიც ამჟამად ოფიციალური საზოგადოების გარეშე იმყოფებოდნენ და თავიანთი ცხოვრების პირობებით იმდენად უახლოვდებოდნენ პროლეტარიატს, რამდენადაც ეს შესაძლებელი იყო იმდროინდელი მრეწველობისა და საამქრო პრივილეგიების არსებობისას; ამავე დროს ეს ქარგლები მომავალი ბიურგერები და საამქროს ოსტატები იყვნენ სწორედ ამ საამქრო პრივილეგიების წყალობით. ამიტომ ამ სხვადასხვა ელემენტთა ნარევის პარტიული პოზიცია აუცილებლად მეტისმეტად მერყევიც იყო და ცვალებადიც ადვილობრივი პირობების მიხედვით. გლეხთა ომამდე პლემბურე ოპოზიცია პოლიტიკურ ბრძოლებში გამოდის არა როგორც პარტია, არამედ როგორც ბურჟუაზიული ოპოზიციის მაჩანჩალა, რომელიც ბევრს ხმაურობს, ძარცვა-გლეჯაზე უჭირავს თვალი და თავს ჰყიდის ორიოდ კასრი ღვინისთვის. მხოლოდ გლეხთა აჯანყებებმა აქცია იგი პარტიად, და ამის შემდეგაც იგი გლეხკაცობაზე იყო დამოკიდებული თავის მოთხოვნებსა და მოქმედებაში; — ესაა შესანიშნავი საბუთი იმისა, თუ რამდენად იყო ჯერ კიდევ იმ დროს დამოკიდებული ქალაქი სოფლისგან. რამდენადაც პლემბურე ოპოზიცია დამოუკიდებლად გამოდის, იგი მო-

ითხოვს ქალაქთა სახელოსნო მონოპოლიების აღდგენას სოფლად, ეწინააღმდეგება ქალაქთა შემოსავლის შეკვეცას ფეოდალური ბეგარისა და გადასახადის შემცირებით გააუზუნებში და სხვ.; ერთი სიტყვით, რამდენადაც იგი რეაქციულია, იგი თავის საკუთარ წვრილბურჟუაზიულ ელემენტებს ემორჩილება და ამრიგად გვაძლევს იმ ტრაგიკომედიის დამახასიათებელ შესავალს, რომელსაც უკვე სამი წელიწადია თანამედროვე წერილი ბურჟუაზია ასრულებს დემოკრატიის აბრით.

მხოლოდ ტიურინგიაში მიუნცერის უშუალო გავლენით, ხოლო ზოგიერთ სხვა ადგილას მისი მოწაფეების გავლენით, ქალაქების პლებეური ფრაქცია იმდენად გაიტაცა საერთო ქარიშხალმა, რომ ჩანასახობრივმა პროლეტარულმა ელემენტებმა დროებით უპირატესობა მოიპოვეს მოძრაობის სხვა ფრაქციების წინაშე. ეს ეპიზოდი, რომელიც მთელი გლებთა ომის უმაღლეს მწვერვალს წარმოადგენს და მისი უდიდესი ფიგურის თ ო მ ა ს მ ი უ ნ ც ე რ ი ს გარშემო ტრიალებს, ამავე დროს ყველაზე როკლეცაა. თავისთავად ცხადია, რომ პლებეური ფრაქცია ყველაზე ჩქარა უნდა დამარცხებულიყო, რომ მას იმავე დროს ფანტასტიური ელფერი უნდა ჰქონოდა, რომ მისი მოთხოვნები მეტისმეტად გაურკვეველი უნდა ყოფილიყო; სწორედ მას ყველაზე ნაკლებ მტკიცე ნიადაგი ჰქონდა იმდროინდელ პირობებში.

ყველა ამ კლასის დაბლა, ქალაქთა პლებეური ელემენტების გამოკლებით, იდგა ერის დიდი ექსპლოატირებული მასა — გ ლ ე ხ - კ ა ც ო ბ ა. გლებს მხრებზე აწვა მთელი საზოგადოებრივი შენობა: მთავრები, მოხელეები, თავადაზნაურობა, ხუცები, პატრიციები და მოქალაქეები. მთავარს ეკუთვნოდა იგი, აზნაურს, ეპისკოპოსს, მონატერს თუ ქალაქს. მას ყველგან ისე ეპყრობოდნენ როგორც ნივთს, როგორც მუშა საქონელს და უარესადაც. თუ ყმა იყო იგი, სავსებით ბატონის წყალობასა და რისხვაზე იყო დამოკიდებული. თუ იგი მებეგრე იყო, უკვე კანონიერი, ხელშეკრულებით გათვალისწინებული სამუშაო საკმაო იყო მის მოსადრეკად; ეს სამუშაო კი დღითიდღე მატულობდა. თავისი დროის უდიდესი ნაწილი მას ბატონის მამულზე მუშაობაში უნდა გაეტარებია; ხოლო იქიდან, რასაც იგი თავისთვის ორიოდე თავისუფალი საათის მუშაობით მოიწვედა, მას უნდა გადაეხადა სამეთედო, ლალა, ბეგარა, თავადის სასარგებლო გადასახადები (Bede), გზის გადასახადი (სამხედრო გადასახადი), ადგილობრივი და სახელწიფო გადასახადები. მას არც დაქორწინება შეეძლო და არც სიკვდილი, ისე რომ სანაზღაურო არ

მიეცა თავისი ბატონისთვის. გარდა ჩვეულებრივი ბეგარის მოხდისა მას ჩალა, მარწყვი, მოცვი, ლოკოინა უნდა შეეგროვებინა თავისი ბატონისათვის, მარეკობა ეკისრა ნადირობის დროს, შეშა მოეჭრა და სხვ. თევზაობის და ნადირობის უფლება ბატონს ეკუთვნოდა; გლეხს დამშვიდებით უნდა ეცქირა, როგორ ანადგურებდა ნადირი მის მოსავალს. გლეხთა სათემო საძოვრები და ტყეები თითქმის ყველგან მებატონეებმა მიისაკუთრეს ძალით. ბატონი თვითნებურად განაგებდა არა მარტო გლეხის საკუთრებას, არამედ მის პიროვნებას, მისი ცოლისა და ქალიშვილების პიროვნებასა და ბედსაც. მას ეკუთვნოდა პირველი ღამის უფლება. იგი გლეხს ციხეში აგდებდა, როცა ეს მას მოეპრიანებოდა, იქ კი გლეხს წამება ელოდა ისევე, როგორც დღეს დატუსაღებულს სასამართლოს გაპოძიება ელის. იგი მას სიკვდილის პირს მიიყვანდა ცემით და თუ მოისურვებდა თავსაც მოჰკვეთდა. ეგრეთწოდებული «კაროლინას» — კარლოს V სისხლის სამართლის კოდექსის საგულისხმო მუხლებიდან, სადაც ჩამოთვლილია «ყურების მოჭრა», «ცხვირის მოჭრა», «თვალების დათხრა», «თითების და ხელების მოჭრა», «თავის მოკვეთა», «ბორბალზე დაკვრა», «დაწვა», «გახურებული მარწყუხებით დამწანთვა», «ოთხად ფანკვეთა», არც ერთი არაა ისეთი, რომელიც მოწყალე ბატონსა და მფარველს თავისი შეხედულებისამებრ არ გამოეყენებინოს გლეხების წინააღმდეგ. მერედა ვინ დაიცავდა გლეხებს? სასამართლოებში ბარონები, ხუცები, პატრიციები ან იურისტები ისხდნენ, მათ ხომ შესანიშნავად ესმოდათ, თუ რისთვის ეძლეოდათ ჯამაგირი! სახელმწიფოს ყველა ოფიციალური წოდება გლეხკაცობის სისხლს სწოვდა.

თუმცა გლეხები გაბოროტებული იყვნენ ამ საშინელი ჩაგვრის გამო, მაინც ძნელი იყო მათი აჯანყება. მასების დაქსაქსულობა მეტი სიმეტად ძნელებდა რაიმე შეთანხმებულ გამოსვლას. საუკუნეების განმავლობაში, თაობიდან თაობამდე იგი შეეჩვია მორჩილებას და გადაეჩვია იარაღის ხმარებას, მისი ექსპლოატაციის სიმკაცრე ხან მატულობდა და ხან კლებულობდა იმის მიხედვით, თუ როგორი იყო მებატონე, — ყოველივე ეს ხელს უწყობდა იმას, რომ გლეხები მორჩილებაში ჰყოლოდათ. ამიტომ შუა საუკუნეებში ხშირად ვხვდებით გლეხთა ადგილობრივ ამბოხებას, მაგრამ — ყოველ შემთხვევაში გერმანიაში — გლეხთა ომამდე არც ერთხელ არ ჰქონია ადგილი საერთო ეროვნულ გლეხთა აჯანყებას. ამასთან გლეხებს საკუთარი ძალდონით არ შეეძლოთ რევოლუცია მოეხდინათ, სანამ მათ უპირისპირდებოდა მთავრების, თავადაზნაურებისა და ქალა-

ქების ორგანიზებული, შეკავშირებული და შემკვიდროებული ძალა. მხოლოდ იმ შემთხვევაში შეიძლებოდა მათ გამარჯვების შანსი ჰქონოდათ, თუ კავშირს დაამყარებდნენ სხვა წოდებებთან; მაგრამ როგორ შეეძლოთ გლებებს სხვა წოდებებს დაკავშირებოდნენ, როცა ყველა მათ ექსპლოატაციას ეწეოდა?

ჩვენ ვხვდავთ, რომ XVI საუკუნის დასაწყისში იშპერიის სხვადასხვა წოდებანი—მთავრები, თავადაზნაურობა, პრელატები, პატრიციები, ბიურგერები, პლებეები და გლებები მეტისმეტად არეულ-დარეულ მასას წარმოადგენდნენ, რომლებსაც სხვადასხვაგვარი და ერთი მეორეში გადაზარათული მოთხოვნილებები გააჩნდა. ერთი წოდება გზას უღობავდა მეორეს და დაუსრულებელ, ხან აშკარა, ხან ფარულ ბრძოლას აწარმოებდა ყველას წინააღმდეგ. ასეთ პირობებში სრულიად შეუძლებელი იყო ის გათიშვა მთელი ერისა ორ დიდ ბანაკად, რომელიც იყო საფრანგეთში პირველი რევოლუციის აფეთქების წინ და დღესაც არსებობს განვითარების უფრო მაღალ საფეხურზე მყოფ დაწინაურებულ ქვეყნებში. ეს გათიშვა დაახლოებით მხოლოდ მაშინ შეიძლებოდა წარმოშობილიყო, თუ ერის უდაბლესი, ყველა დანარჩენი წოდების მიერ ექსპლოატირებული ფენა— გლებები და პლებეები აღსდგებოდნენ. იმ დროის ინტერესთა, შეხედულებათა და მისწრაფებათა არე-დარევის წარმოდგენას ის გავვიადვილებს, თუ გავიხსენებთ, რა არე-დარევა გამოიწვია უკანასკნელი ორი წლის განმავლობაში გერმანელი ერის დღევანდელმა ბევრად ნაკლებ რთულმა შემადგენლობამ, რომელიც ფეოდალურ თავადაზნაურობად, მსხვილ და წვრილ ბურჟუაზიად, გლებებად და პროლეტარიატად იყოფოდა.

II

დეცენტრალიზაციის, ცალკეული ოლქებისა და პროვინციების დამოუკიდებლობის, პროვინციათა ინდუსტრიული და კომერციული მხრივ ერთი მეორესაგან მოწყვეტის, გზების უქონლობის გამო თითქმის შეუძლებელი იყო იმდროინდელ მრავალგვარ წოდებათა დიდ ერთეულებად დაჯგუფება. ეს დაჯგუფება იწყება მხოლოდ რევოლუციური რელიგიურ-პოლიტიკური იდეების საყოველთაო გავრცელებასთან ერთად რეფორმაციის ეპოქაში. სხვადასხვა წოდებებმა, რომლებიც ამ იდეებს მიემხრნენ ან დაუპირისპირდნენ, მოახდინეს ერის კონცენტრირება— რასაკვირველია დიდი გაკირვებით და მხოლოდ დაახლოვებით — სამი დიდი ბანაკის: ყათოლი-

კური ანუ რეაქციული, ლუთერის ანუ ბიურგერულ-რეფორმისტული და რევოლუციური ბანაკების გარშემო. თუ ჩვენ ერის ამ დიდ გათიშვაში ნაკლებად ვხედავთ თანმიმდევრობას, თუ ჩვენ პირველ ორ ბანაკში ნაწილობრივ ერთსა და იმავე ელემენტებს ვხვდებით. ეს აიხსნება დაშლის იმ მდგომარეობით, რომელშიც შუა საუკუნეებიდან შემორჩენილ ოფიციალურ წოდებათა უმრავლესობა იმყოფებოდა, და იმ დეცენტრალიზაციით, რომლის შედეგად ერთი და იგივე წოდებები სხვადასხვა ადგილას დროებით ერთი მეორის საწინააღმდეგო მიზნინარეობებს უერთდებოდნენ. უკანასკნელ წლებში ისე ხშირად გვქონია შესაძლებლობა დაგვეჩინა ამგვარივე ფაქტები გერმანიაში, რომ აღარ უნდა გაგვაკვირვოს წოდებათა და კლასთა ასეთმა მოჩვენებითმა აღრევამ XVI საუკუნის ბევრად უფრო რთულ პირობებში.

უკანასკნელი დროის გამოცდილების მიუხედავად, გერმანული იდეოლოგია იმ ბრძოლაში, რომელმაც ბოლო მოუღო შუასაუკუნეობრიობას, მხოლოდ გააფთაბებულ თეოლოგიურ კინკლაობას ხედავს. თანახმად ჩვენი ისტორიის მცოდნე და სახელმწიფოებრივად გამობრძმედილი მამულიშვილებისა, იმ დროინდელი ადამიანები რომ ზეციური საგნების შესახებ შეთანხმებულიყვნენ, მათ არავითარი საფუძველი არ ექნებოდათ სააქაო საგნების გამო ეჩხუბნათ. ეს იდეოლოგიები საკმაოდ მიაპიტნი არიან და სარწმუნოდ მიაჩნიათ ყველა ის ილუზია, რომელსაც ესა თუ ის ეპოქა თვითონ ქმნის თავის შესახებ, ანდა რომელსაც იმდროინდელი იდეოლოგიები თავიანთი ეპოქის შესახებ ქმნიან. იმავე ყაიდის ადამიანები, მაგალითად, 1789 წლის რევოლუციაში ხედავენ ცოტაოდენ ცხარე კამათს კონსტიტუციური და აბსოლუტური მონარქიის უპირატესობათა შესახებ, ივლისის რევოლუციაში — პრაქტიკულ პაექრობას «ღვთით ნაწყალობევი» უფლების უსაფუძვლობის შესახებ, თებერვლის რევოლუციაში — რესპუბლიკისა თუ მონარქიის საკითხის გადაჭრის ცდას და სხვ. კლასთა ბრძოლაზე, რომელსაც ადგილი აქვს ამ შერყევათა დროს და რომლის გამოხატულებას დროშაზე აღბეჭდილი პოლიტიკური ლოზუნგები წარმოადგენენ, ამ კლასობრივ ბრძოლაზე ჩვენს იდეოლოგებს დღესაც თითქმის არავითარი წარმოდგენა არა აქვთ, თუმცა უნდა ითქვას, რომ ამას გვაუწყებენ არა მარტო უცხოეთის ამბები, არამედ მრავალი ათასი გერმანელი პროლეტარის დრტვინვა და გულბწყრომა.

XVI საუკუნის ეგრეთწოდებულ რელიგიურ ომებშიც საკითხი უწინარეს ყოვლისა მეტიხმეტად გარკვეულ მატერიალურ კლასობ-

რივ ინტერესებს ეხებოდა და ეს ომები კლასობრივი ბრძოლის გამოვლინება იყო, ისევე როგორც შემდეგი დროის შინაგანი შეჯახებანი ინგლისსა და საფრანგეთში. თუ ეს კლასობრივი ბრძოლა მაშინ რელიგიური ნიშნით ხდებოდა, თუ ცალკე კლასების ინტერესები, მოთხოვნილებები და მოთხოვნები რელიგიური საბურვეთ იყო დაფარული, ეს სრულებით არ სცვლის საქმის ვითარებას და ადვილად აიხსნება იმ დროის პირობებით.

შუასაუკუნებრიობა სრულად პრიმიტიულ საფუძველზე განვითარდა. მან საესებით ალგავა პირისაგან მიწისა ძველი ცივილიზაცია, ძველი ფილოსოფია, პოლიტიკა და იურისპრუდენცია, რათა ყოველივე თავიდან დაეწყო. ერთადერთი, რაც მან დაღუპულ ძველ სამყაროდან ისესხა, იყო ქრისტიანობა და რამდენიმე ნახევრად-დანგრეული, ცივილიზაციისაგან გაქარცული ქალაქი. ამის შედეგად, როგორც ყოველთვისაა განვითარების ადრინდელ საფეხურებზე, გონებრივი განათლების მონოპოლია ხუცებმა ჩაიგდეს ხელთ და ამიტომ თვით განათლებამ უაღრესად თეოლოგიური ხასიათი მიიღო. ხუცების ხელში პოლიტიკა და იურისპრუდენცია, ისევე როგორც ყველა დანარჩენი მეცნიერება, ღვთისმეტყველების უბრალო დარგებად იქცა და იმავე პრინციპებს დაექვემდებარა, რომელიც ამ უკანასკნელში ბატონობდა. ეკლესიის დოგმები ამავე დროს პოლიტიკურ აქსიომებადაც იქცა და ბიბლიის ტექსტებმა ყოველ სასამართლოში კანონის ძალა მიიღო. თვით იმის შემდეგაც კი, როცა იურისტების სპეციალური წოდება წარმოიშვა, იურისპრუდენცია დიდ ხანს ღვთისმეტყველების ზედამხედველობას განიცდიდა. და ღვთისმეტყველების ეს უზენაესი მბრძანებლობა გონებრივი მოქმედების ყველა დარგში აუცილებელი შედეგი იყო ეკლესიის მდგომარეობისა, როგორც არსებული ფეოდალური წესწყობილების საერთო განზოგადოებისა და სანქციისა.

ცხადია, რომ ამ პირობებში ყველა ზოგადი ხასიათის თავდასხმა ფეოდალიზმზე, უწინარეს ყოვლისა თავდასხმა ეკლესიაზე, ყველა რევოლუციური, საზოგადოებრივი და პოლიტიკური დოქტრინა ამასთანავე უმთავრესად თეოლოგიური ერესი უნდა ყოფილიყო. რათა შესაძლებელი გამხდარიყო თავდასხმა არსებულ საზოგადოებრივ ურთიერთობაზე, მას უნდა წართმეოდა სიწმინდის შარავანდედი.

მთელი შუა საუკუნეების მანძილზე არსებობს რევოლუციური ოპოზიცია ფეოდალობის წინააღმდეგ. პირობების მიხედვით იგი გამოდის ხან როგორც მისტიკა, ხან როგორც აშკარა ერესი, ხან

როგორც შეიარაღებული ამბოხება. რაც შეეხება მისტიკას, ცნობილია როგორ დამოკიდებული იყვნენ მისგან მე-XVI საუკუნის რეფორმატორები; მიუნცერმაც ბევრი რამ ისესხა მისტიკისაგან. ერესი ნაწილობრივ გამოხატავდა პატრიარქალური ალბიელი მწყემსების რეაქციას მათ ქვეყანაში ფეოდალიზმის შექრის წინააღმდეგ (ვალდელები)¹; ნაწილობრივ მომწიფებული ქალაქების თაბოზიციას ფეოდალიზმის წინააღმდეგ (ალბიგოელები², არნოლდ ბრე ს-ჩიელი და სხვ.); ნაწილობრივ გლეხთა აშკარა ამბოხებას (ჯონ ბოლი, უნგრელი მოძღვარი³ პიკარდიაში და სხვ.). ჩვენ აქ შეგვიძლია უყურადღებოდ დავტოვოთ ვალდელების პატრიარქალური ერესი, ისევე როგორც შევიცარიელების აჯანყებაც, რომელიც ფორმითაც და შინაარსითაც წარმოადგენდა რეაქციულ ცდას გამიჯნოდა ისტორიულ მოძრაობას და რომელსაც ამასთანავე მხოლოდ ადგილობრივი მნიშვნელობა ჰქონდა. შუასაუკუნებრივი ერესის ორი დანარჩენი ფორმით ჩვენ უკვე XII საუკუნეში ვპოულობთ წინამორბედს იმ დიდი წინააღმდეგობისა ბურჟუაზიულ და გლეხურ-პლებურ თაბოზიციას შორის, რომელმაც გლეხთა ომი დაღუპვამდე მიიყვანა. ეს წინააღმდეგობა ზოლივით გასდევს მთელ გვიან შუა საუკუნეებს.

ქალაქთა ერესი — სწორედ ის არის შუა საუკუნეების ოფიციალური ერესი — უმთავრესად მიმართული იყო ხუცების წინააღ-

¹ ვალდელები — XII ს. დამლევს სამხრეთ საფრანგეთის ქალაქების დაბალ ფენებს შორის აღმოცენებული რელიგიური სექტა. გადმოცემის თანახმად მისი დამაარსებელი იყო ნიონელი ვაჟარი პეტრე ვალდი. ვალდელები ქადაგებდნენ ქონებაზე უარის თქმას, ჰიცხადდნენ კათოლიკური ეკლესიის მიერ სიმდიდრის დაგროვებას და მოუწოდებდნენ ადრინდელი ქრისტიანობის წესებისადმი დაბრუნებას. ვალდელების ერესი გავრცელდა აგრეთვე ალბელ მწყემსებს შორის, რომლებთანაც მან მიიღო პირველყოფილი-თემური წყობილების გადმონაშთთა და პატრიარქალურ ურთიერთობათა დაცვის ხასიათი. რ. ე. ლ.

² ალბიგოელები — XI — XIII სს. სამხრეთ საფრანგეთისა და ჩრდილოეთ იტალიის ქალაქებში ფართოდ გავრცელებული რელიგიური სექტა. მისი მთავარი კერა იყო სამხრეთ საფრანგეთის ქალაქი ალბი. ალბიგოელები, რომლებიც ილაშქრებდნენ ბრწყინვალე კათოლიკური მღვდელმსახურებისა და საეკლესიო იერარქიის წინააღმდეგ, რელიგიური ფორმით გამოხატავდნენ სამხრეთის ქალაქების ვაჟარ-ხელოსანთა მოსახლეობისა და მასთან ეკონომიურად დაკავშირებული თვადუზნაურობის ნაწილის ადრინდელ პროტესტს ფეოდალიზმის წინააღმდეგ. პაპმა ინოკენტი III მოაწყო 1209 წ. ჯვაროსანთა ლაშქრობა ალბიგოელების წინააღმდეგ. ოკი წლის ომისა და გააფთრებული რეპრესიების შედეგად მათი მოძრაობა ჩახშობილ იქნა. რ. ე. ლ.

³ — ამ სახელით ცნობილი იყო ერთ-ერთი ბელადი 1251 წ. გლეხთა აჯანყების (ეგრეთწოდებული «მწყემსი ბიჭებისა») საფრანგეთში. რ. ე. ლ.

მდგგ, რომელთა სიმდიდრესა და პოლიტიკურ მდგომარეობას იგი თავს ესხმოდა. როგორც ღღეს ბურჟუაზია იაფფასიან მთავრობას *gouvernement á bon marché* მოითხოვს, ისე შუა საუკუნეების ბიურგერები უწინარეს ყოვლისა *église á bon marché* (იაფფასიან ეკლესიას) მოითხოვდნენ. ბიურგერთა ერესი რეაქციული იყო ფორმით, როგორც ყოველი ერესი, რომელიც ეკლესიისა და დოგმების შემდგომ განვითარებაში მხოლოდ გადაგვარებას ხედავს. იგი მოითხოვდა ადრინდელი ქრისტიანული ეკლესიის მარტივი წყობილების აღდგენას და განსაკუთრებული სასულიერო წოდების მოსპობას. ეს იაფფასიანი წესწყობილება სპობდა ბერებს, პრელატებს, რომის სასახლეს, ერთი სიტყვით ყოველივეს, რაც ეკლესიაში დიდ ხარჯს მოითხოვდა. ქალაქებმა, რომლებიც თვითონ რესპუბლიკებს წარმოადგენდნენ მიუხედავად იმისა, რომ მონარქების მფარველობის ქვეშ იმყოფებოდნენ, პაპობაზე თავიანთი თავდასხმებით პირველად გამოთქვეს ზოგადი სახით ის დებულება, რომ ბურჟუაზიის ბატონობის ნორმალურ ფორმას შეადგენს რესპუბლიკა. მათი მტრული დამოკიდებულება მთელი რიგი საეკლესიო დოგმებისა და კანონებისადმი ნაწილობრივ ზემოთქმულით აიხსნება, ხოლო ნაწილობრივ მათი ცხოვრების სხვა პირობებით. თუ რად გამოდიოდნენ, მაგალითად, ისინი ასე ცხარედ სამღვდლოების უცოლობის წინააღმდეგ, ამას ყველაზე უკეთ ბოკაჩიო არკვევს. ამ მიმართულების მთავარი წარმომადგენლები იყვნენ არნოლდ ბრესჩიელი იტალიისა და გერმანიაში, ალბიგოელები სამხრეთ საფრანგეთში, ჟონ ვიკლიფი ინგლისში, ჰუსი და კალიქსტინელები¹ ჩეხეთში. ის გარემოება, რომ ფეოდალიზმის საწინააღმდეგო ოპოზიცია აქ გამოდის

¹ კალიქსტინელები და თაბორელები — ორი მიმდინარეობა ჩეხეთის პუსიტთა ნაციონალურ-განმათავისუფლებელ და რეფორმაციულ მოძრაობაში, (XV ს. პირველი ნახევარი), რომელიც მიმართული იყო გერმანელი თავდაზნაურობის, გერმანული იმპერიისა და კათოლიკური ეკლესიის წინააღმდეგ. კალიქსტინელები (ანუ მეთასეები, ვინაიდან ისინი მოითხოვდნენ წმინდა ზიარებას არა მარტო პურით, არამედ ღვინითაც თასებში), რომლებიც ჩეხელ თავდაზნაურობას და ბიურგერობას ეყრდნობოდნენ, მიისწრაფოდნენ დაკავიჯილებულიყვნენ ზომიერი საეკლესიო რეფორმით და საეკლესიო მამულების სეკულარიზაციით. თაბორელები (ქალაქ თაბორიდან — მოძრაობის ცენტრიდან) შეადგენდნენ ჰუსიტების რევოლუციურ-დემოკრატიულ ფრთას და თავიანთი მოთხოვნებით გამოხატავდნენ გლებთა მასებისა და ქალაქის დაბალი ფენების მოსწრაფებას ყოველგვარი ფეოდალური ჩაგვრის ლიკვიდაციისაკენ. კალიქსტინელთა მოლატერი გამოსვლა თაბორელების წინააღმდეგ, გამოყენებულ იქნა ფეოდალური რეაქციის ბანაკის მიერ პუსიტთა მოძრაობის ჩასახშობად. რედ.

როგორც სასულიერო ფეოდალიზმის საწინააღმდეგო ოპოზიცია, აიხსნება უბრალოდ იმით, რომ მოქალაქეები ყველგან უკვე აღიარებულ წოდებას წარმოადგენდნენ და მათ უკვე საკმაო ძალა შესწევდათ, რათა საერო ფეოდალიზმისა და მისი პრივილეგიების წინააღმდეგ ებრძოლათ იარაღით თუ წოდებათა კრებებზე.

ამ ჩვენ უკვე ვხედავთ, რომ როგორც სამხრეთ საფრანგეთში, ისე ინგლისსა და ჩეხეთში დაბალი თავადაზნაურობის უდიდესი ნაწილი ქალაქებს ემხრობა ხუცების საწინააღმდეგო ბრძოლასა და ერესში; ეს მოვლენა აიხსნება დაბალი თავადაზნაურობის დამოკიდებულებით ქალაქებზე და ორივე მათ ინტერესთა წინააღმდეგობით მთავრების და პრელატების მიმართ; ამ მოვლენას ჩვენ ხელახლა შევხვდებით გლეხთა ომში.

სულ სხვა ხასიათი ჰქონდა ერესს, რომელიც გლეხური და პლებეური მოთხოვნილებების პირდაპირ გამოხატულებას წარმოადგენდა და თითქმის ყოველთვის აჯანყებასთან იყო დაკავშირებული. მართალია, იგი იზიარებდა ბიურგერული ერესის ყველა მოთხოვნას ხუცებისა, პაპობისა და ადრინდელი ქრისტიანული საეკლესიო წყობილების აღდგენის შესახებ, მაგრამ ამასთან ბევრად უფრო შორს მიდიოდა. იგი მოითხოვდა, რომ რელიგიური თემის წევრებს შორის აღდგენილიყო ადრინდელი ქრისტიანული თანასწორობა, და რომ ეს თანასწორობა ნორმად გადაქცეულიყო საერო ქვეყნიერებისთვისაც. «ღვთის შვილთა თანასწორობიდან» მას გამოჰყავდა სამოქალაქო და უკვე მაშინ ნაწილობრივ თვით ქონებრივი თანასწორობაც. თავადაზნაურობის გათანასწორება გლეხებთან, პატრიციებისა და პრივილეგიურებულ მოქალაქეთა — პლებეებთან, ბეგარის, ღალის, გადასახადების, პრივილეგიების გაუქმება და ყოველ შემთხვევაში უმძაფრესი ქონებრივი განსხვავების მოსპობა — აი ის მოთხოვნები, რომლებსაც მეტი თუ ნაკლები გარკვეულობით აყენებდნენ და რომლებსაც ადრინდელი ქრისტიანული მოძღვრების აუცილებელ შედეგად თვლიდნენ. ეს გლეხურ-პლებეური ერესი, რომელიც ფეოდალიზმის აყვავების ხანაში, მაგალითად ალბიგოელებს შორის ჯერ კიდევ ძნელი გამოსაყოფია ბიურგერული ერესისაგან, შემდეგ XIV და XV საუკუნეებში მკაცრად ჩამოყალიბებულ პარტიულ შეხედულებად იქცევა და სრულიად დამოუკიდებლად გამოდის ბიურგერული ერესის გვერდით. ასეთია მაგალითად ჯონ ბოლი, უოტ-ტაი-

ლერის¹ აჯანყების მქადაგებელი, რომელიც ვიკლიფის მოძრაობის გვერდით გამოდის ინგლისში, ასეთი არიან თაბორელები², რომელნიც კალიქსტინელების გვერდით გამოდიან ჩეხეთში. თაბორელებს ჯერ კიდევ მაშინ თეოკრატულ საბურველ ქვეშ რესპუბლიკური ტენდენციაც კი ეტყობათ, ეს ტენდენცია შემდეგ მე-XV საუკუნის დასასრულსა და მე-XVI საუკუნის დამდეგს გერმანიაში განავითარეს პლებეების წარმომადგენლებმა.

ერესის ამ ფორმას მიეკუთვნება მისტიკური სექტების ფლაგელანტთა, ლოლარდთა³ და სხვ. ბოღვა, ეს სექტები რევოლუციურ ტრადიციას განაგრძობდნენ რეაქციის ხანაში.

პლებეები იმ დროს ერთადერთ კლასს წარმოადგენდნენ, რომლებიც სავსებით ოფიციალური საზოგადოების გარეშე იდგნენ. ისინი არ ეკუთვნოდნენ არც ფეოდალთა და არც ბიურგერთა წრეს. მათ არც პრივილეგიები ჰქონდათ, არც საკუთრება; მათ ისიც არ ჰქონდათ, რაც გლებებს და წვრილ ბიურგერებს გააჩნდათ, სახელდობრ, გადასახადებით გადატვირთული საკუთრება. ისინი სრულიად უქონელნი და უუფლებონი იყვნენ; მათი ცხოვრების პირობები ისეთი იყო, რომ მათ უშუალოდ არავითარი დამოკიდებულება არ ჰქონდათ არსებულ დაწესებულებებთან, რომელნიც თავიანთი მხრივ

¹ საუბარია ერთ-ერთ ყველაზე დიდ გლებთა აჯანყებაზე ინგლისში 1381 წლის გაზაფხულსა და ზაფხულში. აჯანყებულმა გლებებმა ქარგალთა და ქალაქის დაბალი ფენების დახმარებით, აიღეს ლონდონი, მაგრამ თავიანთი ბელადის უოტ ტაილერის მოკვლით დემორალიზებულებმა, დაუჯერეს მეფე რიჩარდ II დაპირებებს, დატოვეს ლონდონი და შინ დაარუნდნენ. ფეოდალთა ისარგებლეს ამით და უღმობლად გაუსწორდნენ აჯანყების მონაწილეებს. ახალი აფეთქებით შესინებული თავადაზნაურობა იძულებული გახდა პრაქტიკულად განეხორციელებინა გლებთა ზოგიერთი მოთხოვნა. აჯანყებამ კერძოდ მნიშვნელოვნად შეუწყო ხელი ბატონყმობის გაუქმებას ინგლისში. რ ე დ.

² იხ. ამ გამოცემის 41 გვერდის შენიშვნა. რ ე დ.

³ ფ ლ ა გ ე ლ ა ნ ტ ე ბ ი (ანო მგვემელნი)—რელიგიურ-ასკეტური სექტა, რომელიც გვერდელა ევროპაში XIII—XV ს. ს. ფლაგელანტები ქადაგებდნენ, რომ საკუთარი სხეულის გვემით შეიძლებოდა ცოცხათა გამოსყიდვა.

ლოლარდები (სიტყვასიტყვით ამგოფებელნი)—რელიგიური სექტა ინგლისში (წარმოიშვა XIV ს.), რომელსაც მტრული დამოკიდებულება ჰქონდა კათოლიკურ ეკლესიასთან. ამ სექტამ მიიღო ინგლისელი რეფორმატორის ვიკლიფის მოძღვრება, ოღონდ უფრო რადიკალური დასკვნები გამოიტანა მისგან და რელიგიურ-მისტიკური ფორმით გამოვიდა ყოველგვარი ფეოდალური პრივილეგიების წინააღმდეგ. მრავალმა ლოლარდმა, რომელთა შორის უმრავლესობას შეაკვანდნენ ხალხთა მსახიდან გამოსული პირნი და დაბალი საზღვდელოების წარმომადგენლები, მონაწილეობა მიიღო უოტ ტაილერის 1381 წლის აჯანყებაში. XIV ს. დასასრულიდან ლოლარდები სასტიკ ღვენას განიცდიდნენ. რ ე დ.

სრულიად უგულებელჰყოფდნენ პლებეებს, ისინი წარმოადგენდნენ ფეოდალური და ამქრულ-ბიურგერული საზოგადოების დაშლის ცოცხალ სიმპტომს და ამასთანავე თანამედროვე ბურჟუაზიული საზოგადოების პირველ წინამორბედს.

ამ მდგომარეობით აიხსნება, რატომ არ შეეძლო პლებეურ ფრაქციას ჯერ კიდევ მაშინ მარტო ფეოდალიზმისა და პრივილეგირებული მოქალაქეების წინააღმდეგ ბრძოლით დაკმაყოფილებულიყო; რატომ უნდა გასცილებოდა იგი, თუნდაც თავის ფანტაზიაში, მაშინ ჯერ ოდნავ ფეხნადგმულ თანამედროვე ბურჟუაზიულ საზოგადოებას, რატომ უნდა გაეხადა მას, სრულიად უქონელთა ფრაქციას, საეჭვოდ ის დაწესებულებანი, შეხედულებანი და წარმოდგენები, რომლებიც საერთონი არიან კლასობრივ წინააღმდეგობებზე დამყარებული საზოგადოებრივი ფორმებისთვის. ადრინდელი ქრისტიანობის ქილიასტური ოცნებანი! საამისოდ მოხერხებულ გამოსავალ პუნქტს იძლეოდნენ. მაგრამ ამასთანავე ეს გადალახვა არა მარტო აწმყოსი, არამედ თვით მომავლისაც შეიძლებოდა მხოლოდ ფანტასტიური, ძალდატანებითი ყოფილიყო და პრაქტიკული გამოყენების პირველ ცდასთანვე იმ ვიწრო ჩარჩოებს უნდა დაბრუნებოდა, რომელიც იმდროინდელ პირობებს შეეფერებოდა. თავდასხმა კერძო საკუთრებაზე, ქონების განზოგადოების მოთხოვნა ქველმოქმედების პრიმიტიულ ორგანიზაციად უნდა გადაგვარებულიყო; ქრისტიანული თანასწორობის გაურკვეველი იდეა საუკეთესო შემთხვევაში უნდა დაკმაყოფილებულიყო ბურჟუაზიული «თანასწორობით კანონის წინაშე»; ყოველი ხელისუფლების მოსპობა ბოლოს ხალხის მიერ რესპუბლიკური მთავრობების არჩევად გადაიქცა. კომუნისმის განქვრეტა ფანტაზიის მიერ სინამდვილეში თანამედროვე ბურჟუაზიული ურთიერთობის წინასწარგანქვრეტად იქცა.

ეს სინამდვილესთან დაპირისპირებული, მაგრამ პლებეური ფრაქციის ცხოვრების პირობებით ადვილად ახახსნელი განქვრეტა შემდგომი ისტორიისა პირველად გერმანიაში გვხვდება ტომას მიუნცერიისა და მისი პარტიის აზროვნებაში. მართა-

¹ ქილიაზმი (ბერძნული სიტყვიდან, «ქილიას» — ათასი) — რელიგიურ-მისტიკური მოძღვრება ქრისტეს მეორედ მოსვლისა და სამართლის, საყოველთაო თანასწორობისა და სვიანობის «ათასწლიანი სუფევის» დამყარების შესახებ. ქილიასტური რწმენანი წარმოიშვნენ მონათმფლობელური წყობილების დაშლის პერიოდში, მშრომელთა აუტანელი ჩავჯრისა და ტანჯვის საფუძველზე, რომელნიც ამ მდგომარეობიდან გამოსავალს ფანტასტიკურ ოცნებებში ეძებდნენ. ეს შეხედულებანი ფართოდ გავრცელდა ადრინდელი ქრისტიანობის ღრს და შემდგომ მუდამ ხდებოდა მათი აღდგენა სხვა შუასაუკუნეებრივი სექტების მოძღვრებებში. რ. ე.

ლია თაბორელებსაც უკვე ჰქონდათ ქონების ერთგვარი ქილიასტური განზოგადოება, მაგრამ მხოლოდ როგორც წმინდა სამხედრო ღონისძიება. მხოლოდ მიუნცერის აზროვნებაში გამოხატავენ ეს კომუნისტური იდეები უკვე ნამდვილი საზოგადოებრივი ფრაქციის მისწრაფებებს, მხოლოდ აქ ყალიბდებიან ისინი გარკვეული ფორმულის სახით და მის შემდეგ ჩვენ ამ იდეებს ყოველ დიდ სახალხო მოძრაობაში ვხვდებით, სანამ ისინი ბოლოს ნელნელა შეუერთდნენ თანამედროვე პროლეტარულ მოძრაობას; სწორედ ისე, როგორც შუა საუკუნეებში თავისუფალი გლეხობის ბრძოლა ფეოდალიზმის წინააღმდეგ, რომელიც მას თანდათან ჰბოქავდა, შეუერთდა ყმებისა და მებეგრეების ბრძოლას ფეოდალიზმის სრული მოსპობისათვის.

იმ დროს, როდესაც ამ სამ დიდ ბანაკს შორის პირველში, ე. ი. კონსერვატიულ-კათოლიკურ ბანაკში, თავი მოიყარა ყველა ელემენტმა, რომელიც დაინტერესებული იყო არსებული წესწყობილების შენარჩუნებით, ე. ი. საიმპერიო ხელისუფლებამ, სასულიერო და ნაწილობრივ საერო მთავრებმა, შეძლებულმა თავდაზნაურობამ, პრელატებმა და ქალაქის პატრიციატმა, — ბიურგერულ-ზომიერი, ლუთერანული რეფორმის გარშემო კი ოპოზიციის მესაკუთრული ელემენტები შეიკრიბნენ — დაბალი თავდაზნაურობის მასა, და ასე გასიჩქრეთ საერო მთავრების ერთი ნაწილიც კი, რომელსაც იმედი ჰქონდა, რომ საეკლესიო ქონების კონფისკაციით გაჰდიდრდებოდა და ცდილობდა გამოეყენებინა ხელსაყრელი მომენტი იმპერიისაგან მეტი დამოუკიდებლობის მოსაპოვებლად. ბოლოს გლეხები და პლებეები რევოლუციურ პარტიაში შემქიდროვდნენ, ამ პარტიის მოთხოვნანი და მოძღვრებანი ყველაზე მკვეთრად მიუნცერმა გამოხატვა.

ლუთერი და მიუნცერი როგორც თავიანთი მოძღვრებით, ისე თავიანთი ხასიათით და გამოსვლებით სავსებით განასახიერებენ თავიანთ პარტიებს.

ლუთერმა 1517 წლიდან 1525 წლამდე განიცადა იგივე ევოლუცია, რომელიც თანამედროვე გერმანელმა კონსტიტუციონალისტებმა განიცადეს 1846 წლიდან 1849 წლამდე და რომელსაც განიცდის ყოველი ბურჟუაზიული პარტია, როცა იგი დროებით მოძრაობის სათავეში მოექცევა და როცა მას ამ მოძრაობაში წინ გაუსწრებს მის უკან მდგომი პლებეური ან პროლეტარული პარტია.

როცა ლუთერი 1517 წელს პირველად კათოლიკური ეკლესიის დოგმებისა და წესწყობილების წინააღმდეგ გამოვიდა, მის ოპოზი-

ციას ჯერ კიდევ სრულიადაც არ ჰქონდა გარკვეული ხასიათი. თუმცა იგი არ სცილდებოდა წინანდელი ბიურგერული ერესის მოთხოვნათა ფარგლებს, მაგრამ იგი არ გამოორიციხავდა არც ერთ უფრო რადიკალურ მიმართულებას და არც შეეძლო ეს გაეკეთებინა. პირველ მომენტში საჭირო იყო ყველა ოპოზიციური ელემენტის გაერთიანება, გადამწყვეტი რევოლუციური ენერჯიის განვითარება და კათოლიკური მართლმორწმუნეობისათვის დაპირისპირება მანამდე არსებული ერესების მთელი მასისა. სწორედ ასევე ჩვენი ლიბერალი ბურჟუები ჯერ კიდევ 1847 წელს რევოლუციონერები იყვნენ, თავიანთ თავს სოციალისტებსა და კომუნისტებს უწოდებდნენ და თავი მოჰქონდათ მუშათა კლასის განთავისუფლების იდეებით. თავისი გამოსვლის ამ პირველ პერიოდში ლუთერის ღონიერმა გლეხურმა ბუნებამ შმაგად იჩინა თავი. «თუ მათი (ე. ი. რომაელი ხუცების) გააფთრებული ბორცვა კიდევ გაგრძელდა, ჩემი აზრით საუკეთესო დარიგება და წამალი ამის გასაკურნავად ის იქნებოდა, რომ მეფეები და მთავრები ძალას მიმართავდნენ, აღიჭურვებოდნენ და ამ მავნე ადამიანებს, რომელნიც მთელ ქვეყანას სწამლავენ, თავს დაესხმოდნენ და ბოლოს მოუღებდნენ ი ა რ ა დ ი თ და ა რ ა ს ი ტ ყ ვ ე ბ ი თ. თუ ჩვენ ქურდებს მახვილით ვსჯით, კაცის მკვლელებს საღებრნობელათი, ხოლო ერეთიკოსებს ცეცხლით, რატომ ყოველნაირი იარაღით თავს არ ვესხმით ამ ჯარყვნილების მავნებელ მასწავლებელთ, პაპებსა, კარდინალებსა, ეპისკოპოსებს და რომის სოდომის მთელ ხროვას და რატომ მათი სისხლით არ ვიბანთ ხელეებს?».

მაგრამ ეს პირველი რევოლუციური აღგზნება დიდ ხანს როდი გაგრძელდებულა. ლუთერის მიერ გამოწვეული მუხი გავარდა. მთელი გერმანელი ერი ამოძრავდა. ერთი მხრივ, გლეხებმა და პლებებმა აჯანყების ნიშანი დაინახეს მის მოწოდებაში ხუცების წინააღმდეგ, მის ქადაგებაში ქრისტიანული თავისუფლების შესახებ; მეორე მხრივ, მას უფრო ზომიერი ბიურგერები და დაბალი თავადაზნაურობის დიდი ნაწილი მიემხრნენ; თვით მთავრებიც კი გაიტაცა საერთო ნიაღვარმა. ზოგიერთს ეგონა — დადგა დღე, როცა შეგვიძლია ანგარიში გავუწუროთ ყველა მჩაგვრელსო, ზოგიერთს კი მხოლოდ ის უნდოდა, ბოლო მოეღოთ ხუცების ბატონობისა და რომისაგან დამოკიდებულებისათვის, მოესპოთ კათოლიკური იერარქია და საეკლესიო ქონების კონფისკაციით გაპილიტრებულიყვნენ. პარტიები გაითიშნენ და თავიანთი წარმომადგენლები იპოვეს. ლუთერს არჩევანი უნდა მოეხდინა მათ შორის. ეს ადამიანი, რომელ-

საც საქსონიის კურფიურსტი მფარველობდა, რომელიც ვიტენბერგის პატივცემულ პროფესორად ითვლებოდა, და რომელმაც ერთ ღამეში ძალა და სახელი მოიხვეჭა, ეს დიდი ადამიანი, რომელიც მისგან დამოკიდებული კაცუნებით და მლიქვნელებით იყო გარშემორტყმული, ერთი წუთითაც არ შეეყოყმანებულა. მან ზურგი შეაქცია მოძრაობის ხალხურ ელემენტებს და ბიურგერების, თავადაზნაურობისა და მთავრების მხარეს გადავიდა. მოწოდებანი, რომ რომის წინააღმდეგ გამანადგურებელი ომი ვაწარმოოთო, დადუმდნენ; ლუთერმა ახლა უკვე მ შ ვ ი დ ო ბ ი ა ნ ი გ ა ნ ვ ი თ ა რ ე ბ ი ს ა და პ ა ს ი უ რ წ ი ნ ა ა ლ მ დ ე გ ო ბ ი ს ქ ა და გ ე ბ ა და ი წ ყ ო (შეად., მაგალითად, «გერმანელი ერის თავადაზნაურობისადმი» 1520 წ.) პუტენის მიწვევაზე: ჩემთან და ზიკინგენთან მოდი ებერნბურგშიო (ეს იყო ცენტრი თავადაზნაურობის შეთქმულებისა ხუცების და მთავრების წინააღმდეგ), ლუთერმა უპასუხა: «მე არ მინდა, რომ სახარება ძალმომრეობითა და სისხლისღვრით დავიცივათ. ქვეყანა სიტყვამ დასძლია, ეკლესია სიტყვამ შეინახა, იგი ხელახლა სიტყვით აღსდგება და რაკი ანტიქრისტე თავისას მიიღებს ძალმომრეობის გარეშე, უძალმომრეოდ დაემხოზაო».

ამ შემობრუნებით ან, უკეთ რომ ვთქვათ, ლუთერის მიმართულების ამ უფრო მკვეთრად ჩამოყალიბებით დაიწყო ის ვაქრობა და აწონ-დაწონვა შესანარჩუნებელ თუ გარდასაქმნელ დაწესებულებების და დოგმების შესახებ, ის საზიზღარი დიპლომატიური ფანდები, შემთანხმებლობა, ინტრიგანობა და გარიგებანი, რომლის შედეგი ისწორედ აუგსბურგის მრწამსი იყო — ეს საბოლოო ანგარიშში ვაქრობით მიღებული კონსტიტუცია რეფორმაქმნილი ბიურგერული ეკლესიისა¹. ეს სავსებით იგივე ოინბაზობაა, რომელიც უკანასკნელ დროს გულის არევას იწვევს, ისე ხშირად მეორდება პოლიტიკური ფორმით გერმანულ ეროვნულ კრებებსა, შემათანხმებელ ყრილობებსა, კონსტიტუციის სარევიზიო კამერებ-

¹ აუგსბურგის მრწამსი — ლუთერანობის საფუძველთა გადმოცემა, რომელიც 1520 წ. წარუდგინეს იმპერატორ კარლოს V საიმპერიო სეიმზე აუგსბურგში, წარმოადგენს იაფფასიანი ეკლესიის შესახებ (საზეიმო წესების გაუქმება, საეკლესიო იერარქიის გამარტივება) ბიურგერთა იდეალების შეგუებას მთავრების ინტერესებისადმი. პაპის ნაცვლად ეკლესიის მეთაურად გამოცხადებულ იქნა მთავარი. აუგსბურგის მრწამსი უკუაგდო იმპერატორმა. მის წინააღმდეგ იმ მთავრების ომი, რომლებმაც მიიღეს ლუთერანული რეფორმაცია და შეკრეს ამ რეფორმაციის დასაცავად შალკაენის კავშირი, დაიბრუნდა 1555 წ. აუგსბურგის რელიგიური ზავით; ამ ზავმა დაამტკიცა ყოველი მთავრის უფლება თავისი შეხედულებისდა მიხედვით განესაზღვრა თავის ქვეშევრდომთა რელიგია. რ ე დ.

სა და ერფურტის პარლამენტში¹. ოფიციალური რეფორმაციის ფილისტერულმა ხასიათმა სავსებით აშკარად იჩინა თავი ამ მოლაპარაკებებში.

სერიოზული საფუძველი ჰქონდა იმას, რომ ლუთერი, ამიერიდან ბიურგერული რეფორმის ოფიციალური წარმომადგენელი, ქადაგებდა პროგრესს კანონის ფარგლებში. ქალაქების უმრავლესობა ზომიერ რეფორმას მიემხრო; დაბალი თავად-აზნაურობა თანდათან მას ემხრობოდა, იგივე ითქმის მთავრების ერთ ნაწილზე, ხოლო მეორე ყოყმანობდა. მისი წარმატება უზრუნველყოფილი იყო, ყოველ შემთხვევაში გერმანიის ერთ დიდ ნაწილში. თუ მშვიდობიანი განვითარება გაგრძელდებოდა, დიდი ხნით ვერც დანარჩენი კუთხეები გაუძლებდნენ ზომიერი ოპოზიციის შეტევას. ყოველ ძალდატანებულ შერყევას კი ზომიერი პარტია უნდა დაეჯახებოდა უკიდურეს პლებეურ-გლეხურ პარტიასთან, მოძრაობისთვის ჩამოეცილებინა მთავრები, თავდაზნაურობა და მრავალი ქალაქი; ამით მხოლოდ ორი გამოსავალია რჩებოდა: ან ბიურგერულ პარტიას გლეხები და პლებეები დასძლევდნენ, ან მთელ მოძრაობას კათოლიკური რესტავრაცია დათრგუნავდა. ხოლო როგორ ცდილობენ ბურჟუაზიული პარტიები, როდესაც კი მცირეოდენ გამარჯვებას მოიპოვებენ, კანონის ფარგლებით შეზღუდული პროგრესის შემწეობით მიუხვ-მოუხვიონ რევოლუციის სცილასა და რესტავრაციის ხარბდას შორის, ამის მაგალითი საკმაოდ ბევრი გვქონდა უკანასკნელი დროის განმავლობაში.

როგორც იმ დროის საერთო საზოგადოებრივ და პოლიტიკურ პირობებში ყოველი ცვლილების შედეგები აუცილებლად მთავრებისთვის უნდა ყოფილიყო ხელსაყრელი და მათი ძალა უნდა გაედიდებია, ისე ბიურგერული რეფორმაც მით უფრო უნდა დაქვემდებარებოდა რეფორმაციის მომხრე მთავრების კონტროლს, რაც უფრო მკაფიოდ ეთიშებოდა იგი პლებეურ და გლეხურ ელემენტებს. თვით ლუთერი თანდათან მთავრების შინაყმად იქცეოდა, და ხალხსაც კარგად ესმოდა თუ, რას სჩადიოდა, როცა ამბობდა — ლუთერი სხვებივით მთავრების მსახური შეიქნაო და როცა მას ორლამიუნდში ქვები დაუშინა.

¹ იგულისხმება 1850 წ. ერფურტში 20 მარტიდან 29 აპრილამდე მოწვეული პარლამენტი, რომელშიც მონაწილეობდნენ გერმანული სახელმწიფოები, გერმანიანებულნი პრუსიის მიერ შექმნილ გერმანიის უნიაში. პარლამენტის მთავარ საზრუნავს წარმოადგენდა კონტრარევოლუციური პრუსიის მეთაურობით გერმანიის გერმანიანებისათვის გეგმების შედგენა, რამაც იმ პერიოდში მარცხი განიცადა. გერმანიის უნიის» დაშლამ ბოლო მოუღო ერფურტის პარლამენტის არსებობას. რ ე დ.

როდესაც გლებთა ომი ატყდა და ისიც ისეთ კუთხეებში, სადაც მთავრები და თავადაზნაურობა უმეტესწილად კათოლიკენი იყვნენ, ლუთერი შეეცადა შუამავლის როლში გამოსულიყო. იგი მედგრად დაესხა თავს ხელისუფალთ. ამბობება მათ გამოიწვიეს თავიანთი ჩაგვრითო; მათ წინააღმდეგ გლებები კი არა, თვით ღმერთი აჯანყდაო. მაგრამ მეორე მხრივ ამბობებაც, რა თქმა უნდა, ღვთისა და სახარების საწინააღმდეგო საქმეაო. ბოლოს მან ორივე პარტიას მოუწოდა ერთმანეთისათვის დაეთმოთ და მშვიდობით მორიგებულიყვნენ.

მაგრამ ამ კეთილგანზრახული შუამავლობის მიუხედავად აჯანყება ჩქარა გავრცელდა, მოედო თვით პროტესტანტულ კუთხეებს, რომელთაც ლუთერანი მთავრები, ბატონები ან ქალაქები განაგებდნენ, და სწრაფად გადალახა ბიუტგერული, «კეთილგონივრული» რეფორმა. მემამბონეთა ყველაზე გაბედულმა ფრაქციამ მიუნცერის მეთაურობით ლუთერის მახლობლად, ტიურინგიაში, გაშალა თავისი მთავარი ბანაკი. კიდევ რამდენიმე გამარჯვება და შეიძლება მთელი გერმანია ცეცხლის ალში გახვეულიყო, ლუთერისთვის ალყა შემოერთყა და როგორც მოღალატე რაზმებს შუა გაეტარებიათ გასაწყვებლად, ხოლო მთელი ბიუტგერული რეფორმა გლებურ-პლებურ-რი რევოლუციის წარღვნას წაეღეკა. მოფიქრებისათვის აღარ იყო დრო. რევოლუციის წინაშე დავიწყებას მიეცა ყველა ძველი მტრობა; გლებთა ბრბოებთან შედარებით რომის სოღომის მსახურნი უცოდველ კრავებად იქცნენ, ღმერთის უწყინარ ყრმებად; ბიუტგერები და მთავრები, თავადაზნაურობა და ხუცები, ლუთერი და პაპი გაერთიანდნენ «სისხლისმსმელ და მძარცველ გლებთა ბრბოების წინააღმდეგ»¹. «ვისაც კი ძალგვიძს, უნდა მოვხარნათ ისინი, დავახრჩოთ და გავგმიროთ, ფარულად იქნება ეს თუ აშკარად, როგორც ცოფიან ძაღლს ეკლავთ ხოლმე!» — გაიძახოდა ლუთერი... «ამიტომ, ბატონებო, სააქაოს ახსენით და საიქიოს იხსენით, განგმირეთ, დაჰკარით, დაახრჩვეთ ვისაც შეგიძლიათ. დიდება მათ, ვინც ამ ბრძოლაში მოკვდება, რადგან უნეტარეს სიკვდილს ვერ ისურვებდით». საკირო არაა ყალბი ღმობიერების გამოჩენა გლებებისადმი. თვითონ უერთდება აჯანყებულთ ის, ვინც იცოდებს იმათ, რომელნიც ღმერთმა კი არ შეიყოდა, არამედ დასაჯა და წაწყმიდა. შემდეგ თვით გლებები ღმერთს მადლობას შესწირავენ: ერთი ძროხა რომ გაიღეს, მეორეს

¹ ამ სახელწოდებით ლუთერმა 1525 წ. მაისში, გაცხარებული გლებთა ომის დროს, გამოუშვა მძინარე პამფლეტი გლებთა მოძრაობის წინააღმდეგ. რ ე დ.

წვიდობიანად გამოიყენებენ; ხოლო მთავრები კი ამბოხების წყალობით გაიგებენ, თუ რას წარმოადგენს ბრბო. რომლის მართვა მხოლოდ ძალით შეიძლება. «ბრძენი ადამიანი ამბობს: *cibum, onus et virgam asino*¹. გლეხებს ქერის ბზე მოუხდებათ, მათ სიტყვა არ ესმით და უგუნურნი არიან, ამიტომ მათრასსა და თოფს უნდა დაემორჩილონ, და ეს კიდევ არგებთ. ჩვენ უნდა ვილოცოთ მათთვის, რომ ისინი მორჩილნი იყვნენ; თუ არ იქნებიან, ბევრი სიბრალული როდია საჭირო. და ე თ ო ფ ე ბ მ ა და ი გ რ ი ა ლ ო ნ, თორემ ათასჯერ უარესი იქნება».

სწორედ ასევე ლაპარაკობდნენ ჩვენი განსვენებული სოციალისტი და ფილანტროპი ბურჟუები, როცა მარტის დღეების შემდეგ პროლეტარიატმა თავისი წილი მოითხოვა გამარჯვების ნაყოფში.

ბიბლიის გადმოთარგმნით ლუთერმა პლეზეურ მოძრაობას ძლიერი იარაღი მისცა ხელში. ბიბლიის საშუალებით მან თავის დროის ფეოდალიზმებულ ქრისტიანობას პირველი საუკუნეების თავმდაბალი ქრისტიანობა დაუპირისპირა, დაშლის გზაზე შემდგარ ფეოდალურ საზოგადოებას ისეთი საზოგადოების სურათი უჩვენა, რომელმაც არაფერი იცოდა მრავალფენიან, ხელოვნურად აგებულ ფეოდალურ იერარქიაზე. გლეხებმა ეს იარაღი ყოველმხრივ გამოიყენეს მთავრებისა, თავდაღწაურობისა და ხუცების წინააღმდეგ. ახლა ლუთერმა იგი გლეხების წინააღმდეგ მოაბრუნა და ბიბლიის ამონაწერებიდან შეადგინა ნამდვილი შესახმა ღვთის მიერ დაპყარებული მთავრობისა, — შესახმა, რომლის მსგავსი არააოდეს არაფერი შეუქმნია აბსოლუტური მონარქიის არც ერთს მენამცეცეს. მთავრის ხელისუფლებამ «წყალობითა ღვთისათა», პასიურმა მორჩილებამ, თვით ბატონყმობამ ბიბლიის სანქცია მიიღო. ამრიგად უარყოფილ იქნა არა მარტო გლეხთა აჯანყება, არამედ თვით ლუთერის ამბოხება სასულიერო და საერო ხელისუფლების წინააღმდეგ; ლუთერმა მთავრებს მიჰყიდა არა მარტო ხალხის, არამედ ბიურგერთა მოძრაობაც.

საჭიროა თუ არა იმ ბურჟუების დასახელება, რომლებმაც ამ ცოტა ხნის წინად თავიანთი წარსულის უარყოფის მაგალითები მოგვცეს?

დაუპირისპიროთ ახლა ბიურგერთა რეფორმატორს ლუთერს პლეზეური რევოლუციონერი მიუნცერი.

თ ო მ ა ს მ ი უ ნ ც ე რ ი ჰარცის მთის ძირას დაიბადა, შ ტ ო ლ -

¹ — ლათ. — «საკვები, საბალნე და შოლტი — ვირს». რ ე დ.

ბერგში 1498 წელს¹. როგორც ჩანს მისი მამა შტოლბერგელ გრაფთა თვითნებობის მსხვერპლი გამხდარა და სახორჩობელაზე დაღუპულა. მიუნცერი ჯერ კიდევ თხუთმეტი წლისა იყო, რომ ჰალეს სკოლაში ფარული კავშირი დააარსა მაგდებურგის მთავარეპისკოპოსისა და საერთოდ რომის ეკლესიის წინააღმდეგ. მისმა ღრმა ცოდნამ იმდროინდელი ღვთისმეტყველების დარგში მას ადრე მოუპოვა დოქტორის ხარისხი და კაპელანის ადგილი ჰალეს ერთერთ დედათა მონასტერში. აქ იგი უკვე უდიდესი ათვალწუნებით ეპყრობოდა ეკლესიის დოგმებსა და წესებს, წირვის დროს სრულიად სტოვებდა სიტყვებს გარდაქმნაზე და, როგორც ლუთერი მოგვითხრობს, ღვთის ხორცს უყურთხებლად სჭამდა. იგი უმთავრესად სწავლობდა საშუალო საუკუნეების მისტიკოსებს, განსაკუთრებით იოაქიმ კალაბრიელის ქილიასტურ ნაწერებს. მიუნცერს ეგონა, რომ რეფორმაციასა და მისი დროის საერთო მღელვარებასთან ერთად მოახლოებული იყო ათასწლოვანი სუფევა, საშინელი სამსჯავრო გადაგვარებული ეკლესიისა და გარყვნილი ქვეყნიერების მიმართ, რასაც იოაქიმ კალაბრიელი წინასწარმეტყველებდა და ხატავდა. მიუნცერი დიდი წარმატებით ქადაგებდა ჰალეს მიდამოებში. 1520 წელს იგი ცვიკაუში გაემგზავრა როგორც პირველი ევანგელისტი მქადაგებელი. აქ იგი გაეცნო ერთ-ერთ იმ ეგზალტირებულ ქილიასტურ სექტას, რომლებიც მრავალ კუთხეში ფარულად არსებობდნენ და დროებითი თავმდაბლობისა და მოკრძალების საფარველით ნიღბავდნენ უდაბლესი საზოგადოებრივი კლასების მხარდ ოპოზიციას არსებული წესწყობილების წინააღმდეგ; ახლა ეს სექტა აგიტაციის ზრდასთან ერთად უფრო აშკარად და მედგრად გამოვიდა შუის სინათლეზე. ეს იყო ანაბაპტისტთა სექტა, რომლის სათავეში ნიკლას შტორხი იდგა. ეს ადამიანები საშინელი სამსჯავროს და ათასწლოვანი სუფევის მოახლოვებას ქადაგებდნენ; მათ ჰქონდათ «ხილვანი, ექსტაზი და წინასწარმეტყველების სული». სულ მალე ისინი ცვიკაუს საბჭოს შეეჯახნენ; მიუნცერი იცავდა მათ, თუმცა საესებით კი არ ემხრობოდა, არამედ, პირიქით, უფრო თავის გავლენას უქვემდებარებდა. საბჭომ ენერგიულად გაილაშქრა ანაბაპტისტთა წინააღმდეგ; ისინი იძულებული გახდნენ ქალაქი დაეტოვებინათ და მიუნცერიც მათ გაჰყვა. ეს მოხდა 1521 წლის ბოლოს.

¹ ეს თარიღი მოყვანილი ჰქონდა ციმერმანს თავისი ნაშრომის პირველ გამოცემაში. შემდგომი დაზუსტებული მონაცემების თანახმად თომას მიუნცერი დაიბადა დაასლოებით 1490 წ.

იგი წავიდა პ რ ა ლ ა შ ი, სადაც შეეცადა ჰუსიტური მოძრაობის ნაშთებთან კავშირი გაება და აქ დამკვიდრებულიყო; მაგრამ მის პროკლამაციებს მხოლოდ ის შედეგი მოჰყვა, რომ იგი იძულებული გახდა ჩეხეთიდანაც გაქცეულიყო. 1522 წელს იგი მქალაგებელი ხდება ალტშტედტში, ტიურინგიაში. აქ იგი თავის მოღვაწეობას მღვდელმსახურების რეფორმით იწყებს. მან სავსებით გააუქმა ლათინური ენა, სანამ ლუთერი ასეთი ნაბიჯის გადადგმას გაბედავდა, და დააწესა, რომ ეკლესიაში ხმამაღლა ეკითხათ არა მარტო საკვირაოდ დაწესებული სახარება და ეპისტოლეები, არამედ მთელი ბიბლია. ამავე დროს მან პროპაგანდა გაშალა ახლომხლო ადგილებში. ხალხი ყოველ მხრიდან მოაწყდა, და ჩქარა ალტშტედტი ხუცების საწინააღმდეგო ხალხური მოძრაობის ცენტრად გადაიქცა მთელს ტიურინგიაში.

მიუნცერი მაინც, უწინარეს ყოვლისა, თეოლოგი იყო; იგი ჯერ კიდევ თითქმის მხოლოდ ხუცებს უტევდა. მაგრამ მიუნცერი შეუშფოთებელ დისკუსიასა და მშვიდობიან პროგრესს როდი ქადაგებდა, როგორც იმეამდ უკვე იქცეოდა ლუთერი, იგი ლუთერის წინანდელ მქუხარე ქადაგებებს განაგრძობდა და საქსონელ მთავრებს და ხალხს მოუწოდებდა შეიარაღებული გამოსვლისაკენ, რომელი ხუცების წინააღმდეგ. ქრისტე ხომ ამბობს, მე მოვედი არა მშვიდობის მოსატანად, არამედ მახვილისათ. რა უნდა მოიმოქმედოთ თქვენ (საქსონიის მთავრებმა) ამ მახვილით? თუ გინდათ, რომ ღვთის მსახური იყვნეთ, თქვენ უნდა განაცალკეოთ და მოსრნათ ბოროტნი, რომელნიც ხელს უშლიან სახარებას. ქრისტემ დიდი სიმკაცრით გვიბრძანა (ლუკა, თ. თ. 19, 27): მტერნი იგი ჩემნი მოსწყვიდენით წინაშე ჩემსათ... ნუ ითვალთმაქცებთ და ნუ გვეტყვიით, ეს თვით ღვთის ძალამ უნდა ჰქმნას ჩვენი მახვილის დაუხმარებლადო, თორემ იგი თქვენ ქარქაშში დაგიყვანდებათ. ვინც ღვთის გამოცხადებას ეწინააღმდეგება, შეუბრალებლად უნდა მოისრნას როგორც ეზეკიელმა, კიროსმა, იოსიამ, დანიელმა და ილიამ ბაალის ქურუმები მოსრნეს, სხვანაირად ქრისტიანული ეკლესია ვერ დაუბრუნდება თავის პირვანდელ მდგომარეობას. მკის დროს უნდა ამოვაგლოთ ღვარძლი ღვთის ვენახიდან. ღმერთმა უთხრა მოსეს (მოსეს ზეხუთე წიგნი, თავი V): ნუ შეიბრალებთ კერპთ თაყვანისმცემელთ, შემუსრეთ მათი ბომონნი, დაღეწეთ და დასწვიეთ მათი ხატები, რათა მე არ გაგირისხდეთ თქვენო.

მაგრამ ეს მოწოდებანი მთავრებისადმი უშედეგონი აღმოჩნდნენ, მაშინ როცა ხალხში რევოლუციური მღელვარება დღითი დღე იზრდებოდა. მიუნცერი, რომლის იდეები თანდათან უფრო მკაფიო

და თამამი ხდებოდა, გადაჭრით გამოეთიშა ბიურგერულ რეფორმაციას და პირდაპირ გამოვიდა როგორც პოლიტიკური აგიტატორი.

მისი თეოლოგიურ-ფილოსოფიური მოძღვრება თავს დაესხა არა მარტო კათოლიციზმის, არამედ საზოგადოდ მთელი ქრისტიანობის ყველა ძირითად პუნქტს. ქრისტიანულ ფორმებში იგი ახვევდა პანთეიზმის მოძღვრებას, რომელსაც საოცარი მსგავსება აქვს თანამედროვე სპეკულაციურ მსოფლმხედველობასთან¹ და ალაგ-ალაგ თვით ათეიზმს უახლოვდება. მან უარჰყო ბიბლია როგორც გამოცხადების ერთადერთი და შეუცდომელი წყარო. ნამდვილი და ცხოველი გამოცხადება, მისი აზრით, არის გონება, იგი ყოველ დროსა და ხალხში არსებულა და ახლაც არსებობსო. გონებისთვის ბიბლიის დაპირისპირება იმას ნიშნავს, რომ სული ასოკირკიტობით მოვკლათო. იმიტომ რომ სულიწმინდა, რომელზედაც ბიბლია ლაპარაკობს, არ არის რაღაც ჩვენს გარეშე არსებული; სულიწმიდა სწორედ ჩვენი გონებაა. რწმენა სხვა არაფერია, თუ არა ადამიანის გონების გამოფხიზლება და ამიტომ წარმართთაც შეიძლება რწმენა ჰქონდეთ. ამ რწმენის, ამ გამოფხიზლებული გონების მეშვეობით ადამიანი ღვთაებას ემსგავსება და ნეტარებას აღწევს. ამიტომ სამოთხე საიქიოში კი არ უნდა ვეძებოთ, არამედ სააქაო ცხოვრებაში და მორწმუნე ადამიანის მოწოდებაა ეს სამოთხე, ღვთის მეთუფება, აქ, დედამიწაზე დაამყაროს. როგორც არ არსებობს საიქიო სამოთხე, ისე არც საიქიო ჯოჯოხეთი ანუ წაწყმედა არსებობს. არც სხვა რაიმე უშმაკი არსებობს, გარდა ადამიანის ბოროტ ვენებათა და გულისთქმათა. ქრისტე ჩვენი მსგავსი ადამიანი იყო, მხოლოდ წინასწარმეტყველი და მოძღვარი, ხოლო მისი სერობა იყო უბრალო ალაპი, სადაც პურს სჭამდნენ და ღვინოს სვამდნენ ყოველი მისტიური სანელებლის გარეშე.

მიუნცერი ამ მოძღვრებას უმეტესწილად იმავე ქრისტიანულ ფრაზებში ახვევდა, რომელშიც კარგა ხანს ახალი ფილოსოფიაც იძულებული ხდებოდა გახვეულიყო. მაგრამ მისი ნაწერებიდან ყველგან გამოსჭვივის ძირითადი არქიერესული იდეა და ნათლად ჩანს რომ მისთვის ბიბლიურ საბურველს ბევრად უფრო ნაკლებ სერიოზული მნიშვნელობა ჰქონდა, ვიდრე ჰეგელის ზოგიერთი მიმდევრისთვის ჩვენს დროში. მიუნცერსა და ახალ ფილოსოფიას შორის კი მთელი სამი საუკუნეა.

¹ ენგელსს მხედველობაში აქვს გერმანელი იდეალისტი-ფილოსოფოსის შტრაუსის და აგრეთვე ფოიერბახის შეხედულებანი; ფოიერბახი თავის აღრინდელ ნაწარმოებებში ავითარებდა რელიგიურ საკითხებზე პანთეისტურ შეხედულებებს. რ ე დ.

მისი პოლიტიკური მოძღვრება საეკლესიო შეესაბამებოდა ამ რევოლუციურ რელიგიურ მსოფლმხედველობას და ასევე სცილდებოდა უშუალოდ არსებულ საზოგადოებრივ და პოლიტიკურ პირობებს, როგორც მისი თეოლოგია მის დროში გაბატონებულ წარმოდგენებს შორიდებოდა. მიუნცერის რელიგიური ფილოსოფია ისევე უახლოვდებოდა ათეიზმს, როგორც მისი პოლიტიკური პროგრამა — კომუნისმს, ხოლო მრავალ თანამედროვე კომუნისტურ სექტას არ ჰქონია თებერვლის რევოლუციის წინადალით იმაზე უფრო მდიდარი თეორიული არსენალი, როგორც ჰქონდათ XVI საუკუნეში მიუნცერის მიმდევრებს. ეს პროგრამა, რომელიც იმდენად იმდროინდელი პლებეების მოთხოვნათა განზოგადობას კი არ წარმოადგენდა, რამდენადაც ამ პლებეებს შორის ოდნავ ჩაახული პროლეტარული ელემენტების განთავისუფლების პირობათა გენიალურ წინათგანვინებას, მოითხოვდა, რომ დაუყოვნებლივ დამყარებულიყო ქვეყნად წინასწარმეტყველთა მიერ ნაუწყები ღვთის ათასწლოვანი სუფევა; ეს უნდა მომხდარიყო ეკლესიის უკან დაბრუნებით თავისი პირვანდელი მდგომარეობისაკენ და ყველა იმ დაწესებულებათა გაუქმებით, რომელნიც ამ ვითომდა აღრინდელ ქრისტიანულ, ნამდვილად კი სრულიად ახალ ეკლესიას ეწინააღმდეგებოდნენ. ღვთის სუფევა კი მიუნცერს ესმოდა როგორც ისეთი საზოგადოებრივი მდგომარეობა, სადაც არც კლასობრივი განსხვავება იარსებებდა, არც კერძო საკუთრება და არც საზოგადოების წევრებისაგან დამოუკიდებელი, მათდამი დაპირისპირებული და მათთვის უცხო სახელმწიფოებრივი ხელისუფლება. ყოველი არსებული ხელისუფლება უნდა დამხობილიყო, თუ იგი არ დაემორჩილებოდა რევოლუციას და არ მიემსრობოდა მას. ყველა სარეწი და ყოველი ქონება საერთო უნდა გამხდარიყო და სრული თანასწორობა უნდა განხორციელებულიყო. ყოველივე ამის გასატარებლად უნდა დაარსებულიყო კავშირი, რომელიც მოიცავდა არა მარტო გერმანიას, არამედ მთელ ქრისტიანულ სამყაროს; მთავრებსა და მებატონებს წინადადება უნდა მისცემოდათ — შემოერთებოდნენ მას: ვინც არ ისურვებდა, კავშირი პირველი შემთხვევისთანავე იარალით დაამხობდა ან მოსპობდა მას.

მიუნცერი მაშინვე შეუდგა ამ კავშირის ორგანიზაციას. მისმა ქადაგებამ კადევი უფრო მგზნებარე, რევოლუციური ხასიათი მიიღო; იგი თავს ესხმოდა არა მარტო ხუცებს, არამედ ისეთივე გააფთრებით ილაშქრებდა მთავრებისა, თავადაზნაურობისა, პატრიციატის წინააღმდეგ, ცხოველი ფერადებით ხატავდა არსებულ ჩაგვრას და

უპირისპირებდა მას თავისი სოციალ-რესპუბლიკური თანასწორობის ათასწლიანი სუფევის ფანტასტიურ სურათს. ამასთანავე იგი ერთი მეორის მიყოლებით რევოლუციურ პამფლეტებს აქვეყნებდა და ყველა მიმართულკბით გზავნიდა თავის ემისრებს, ხოლო თვითონ შეუდგა კავშირის შექმნას აღმტედტსა და მის მიდამოებში.

ამ პროპაგანდის პირველი ნაყოფი იყო ღვთისმშობლის საწლო-ცველოს დანგრევა მეღერბასში აღმტედტის მახლობლად, თანახმად მცნებისა: მათი ბომონნი დაანგრიეთ, მათი სვეტნი შემუსრეთ და მათი ჯერბნი დასწვიეთ, ვინაიდან თქვენ ხართ ერი ღვთისაო. (მეორე სჯული, თავი 7, 6). საკსონელი მთავრები თვითონ მოვიდნენ აღმტედტში, რათა ამბოხება დაეცბროთ, და იხმეს მიუწცერი ციხესიმაგრეში. იქ მან წარმოთქვა ქადაგება, რომლის მსგავსი მათ არ მოუხმენიათ თვით ლუთერისაგანაც კი, ამ «ვიტენბერგს მშვიდად მცხოვრები მძოვრისაგან», როგორც მას მიუწცერმა უწოდა. იგი მოითხოვდა, რომ დაეხოცათ უღვთო მმართველები, განსაკუთრებით ხუცები და ბერები, რომლებიც სახარებას ისევე ჰგმობდნენ, როგორც ერესს, და ამასთანავე ახალ აღთქმას იმოწმებდა. უღმერთობებს ცხოვრების უფლება არა აქვთ, თუ არა მხოლოდ რჩეულთა წყალობითო. თუ მთავრებმა უღმერთობები არ აღმოფხვრეს, ღმერთი მათ მახვილს წაართმევს, ი მ ი ტ ო მ რ ო მ მ ა ხ ვ ი ლ ის ძ ა ლ ა მ თ ე ლ ს თ ე მ ს ე კ უ თ ვ ნ ი ს ო. თავიდა-თავი მეევანშეები, ქურდები და ავაზაკები არიან მთავრები და მებატონეები; ისინი ისაკუთრებენ ყოველივე ქმნილებას: თევზს წყალში, ფრინველს ჰაერში, მცენარეებს დედამიწაზე. და ამის შემდეგ ისინი ღარიბებს უქადაგებენ: არ მოიპართო; თვითონ კი ყოველივეს ითვისებენ, სადაც კი რაიმეს წააწყდებიან, ძარცვავენ და ტყავს აძრობენ გლებსა და ხელოსანს; ხოლო თუ ამ უკანასკნელებმა ცოტაოდენი რამ შესცოდეს, უმაღვე სასწრხოებელაზე ჰგზავნიან და დოქტორი ლიუტენერიც¹ დასძენს: ამინ! «ეს ვაებატონები ისე იქცევიან, რომ ღარიბი კაცი მათი მტერი ხდება. მათ არ სურთ ამბოხების მიზეზის მოსაბობა, როგორღა შეიძლება ხანგრძლივი მშვიდობა დამყარდეს? აჰ, მოწყალო ხელმწიფენო, რა კარგად დაღეწს უფალი რკინის კვერთხით ძველ ქოთნებს! ექმნარიტად გეუბნებით, რომ მე ავამხედრებ ხალხს. მშვიდობით!» (შეად. ციპერმანი. «გლებთა ომი» ნაწ. II, გვ. 75)².

¹ მიუწცერს მსოფელაში კეკს ლუთერი; სიტყვის თასამია — «ლიუტენერ» (Lütner) გერმანელა ნიშნავს: «ერეუბენტელას». (რ ე დ.)

² იხ. რუსული გასოცია ციხერმანის წიგნისა «გლებთა ომის ისტორია», ტ. 1. მოსკოვი 1937, გვ. 145. რ ე დ.

მიუნცერმა დააბეჭდვინა თავისი ქადაგება; მისი აღმტედტელი მბეჭდავი ჰერცოგმა იოჰან საქსონელმა იმით დასაჯა, რომ სამშობლოდან გააძევა, ხოლო თვით მიუნცერის ყველა ნაწერი ჰერცოგის ბრძანებით ცენზურას დაექვემდებარა ვაიმარში. მაგრამ ამ ბრძანებისთვის მიუნცერს ყურადღება როდი მიუქცევია. მან დაუყოვნებლივ დაბეჭდა საიმპერიო ქალაქ მიულჰაუზენში მეტისმეტად მუამბოხური თხზულება¹, რომელშიც ხალხს მოუწოდებდა «გაეფართოებინა ხერელი, რათა მთელ ქვეყანას დაენახა და აშკარად ეგრძნო, თუ რას წარმოადგენენ ჩვენი პატივცემული ვაჰბატონები, რომლებმაც ღმერთი ესეოდენ გააუხამსეს და შეღებულ კაცუნად აქციეს»; ამ წიგნს იგი შემდეგი სიტყვებით ამთავრებდა: «დიდ შერყევას უნდა გაუძლოს მთელმა ქვეყანამ; ისეთი რამ მოხდება. რომ უღმერთონი ტახტიდან ჩამოვარდებიან, ხოლო დამდაბლებულნი ამალდებიან». ეპიგრაფად «ჩაქუჩიანმა ტომას მიუნცერმა» სათაურზე წააწერა: «ყურად ილე, მე ჩემი სიტყვებით აგამეტყველე, მე შენ დღეს აღამიანებსა და სამეფოებზე დაგადგინე, რათა შენ აღმოფხვრა, შემუსრო, გაჰვანტო და დაანგრიო და ააშენო და დარგო. რკინის კედელი აღიმართა მეფეებისა, მთავრებისა და ხუცების წინააღმდეგ და ერის წინააღმდეგ. დაე მათ იბრძოლონ, ჩვენ სასწაულებრივად გავიმარჯვებთ ძლიერსა და უღმერთო ტირანებზე»².

მიუნცერის გათიშვა ლუთერსა და მის პარტიასთან უკვე დიდი ხნის წინად მოხდა. ლუთერი იძულებული გახდა შემოეღო მთელი რიგი საეკლესიო რეფორმა, რომელიც მიუნცერმა მისდა დაუკითხავად განახორციელა. იგი თვალყურს ადევნებდა მიუნცერის მოღვაწეობას, აღსავსე ზომიერი რეფორმატორის უკმაყოფილებითა და ეჭვიანობით უფრო ენერგიული და შორსმომავალი პარტიისადმი. ჯერ კიდევ 1524 წლის გაზაფხულზე მიუნცერი სწერდა მელანხტონს, სისხლგამშრალი, სკამზემიკრული ფილისტერი მეცნიერის ამ წინა-

1. ენგელსს მხედველობაში აქვს მიუნცერის პამფლეტი, რომელიც 1524 წელს მიულჰაუზენში გამოვიდა სახელწოდებით: «უმართლო ქვეყნიერების ცრურწმენის აშკარა გაბათილება ლუკას სახარების დამოწმებით, რასაც ვუძღვნიტ საცოდავ და უბედურ ქრისტიანობას, თავისი შეცდომის მოსაგონებლად» (Ausgedrückte Entblösung des falschen Glaubens der ungetreuen Welt durch Zeugnis des Evangeliums Lucae, vorgetragen der elenden orbürmlichen Christenheit zur Erinnerung ihres Irrsals. Thomas Müntzer mit dem Hammer. Mühlhausen M. D. XXIIII) რე დ.

² თავის თხზულებისათვის წამძღვარებულ ეპიგრაფში მიუნცერმა გადაასხვაფერა სიტყვები წინასწარმეტყველ იერემიას წიგნიდან (ძველი აღთქმა) და რევოლუციური შინაარსი ჩააქსოვა მასში. რე დ.

მორბედს, რომ შენ და ლუთერს სრულიად არ გესმით მოძრაობაო. თქვენ ცდილობთ იგი ბიბლიის ასოკირკიტობისადმი რწმენაში ჩაღშოთ, მთელი თქვენი რწმენა მატლებითაა გამოხრულიო. «ძვირფასნო ძმანო, თავი დაანებეთ თქვენს ლოდინსა და ყოყმანს, მოვიდა ჟამი, ზაფხული კარზე დგას. ნუ ინებებთ მეგობრობას უღმერთოებთან, ისინი ხელს უშლიან, რომ სიტყვამ სრული სიძლიერით იმოქმედოს. ნუ ებირფერებით თქვენს მთავრებს, თორემ თქვენც მათთან ერთად დაიღუპებით. თქვენ, აზიზნო მწიგნობარნო და სწავლულნო, ნუ განმირისხდებით, მე სხვაფრივ ვერ ვიმოქმედებ».

ლუთერმა მიუნცერი რამდენჯერმე გამოიწვია საპაექროდ: და აუშკა მიუნცერი ყოველ წუთს მზად იყო საჯაროდ გამოსულიყო ბრძოლაში, მაგრამ არაეითარი სურვილი არ ჰქონდა ღვთისმეტყველურ კამათში ჩაბმულიყო ვიტენბერგის უნივერსიტეტის ტენდენციურად განწყობილი საზოგადოების წინაშე. მას არ სურდა «სულის მოწმობა მხოლოდ და მხოლოდ უმაღლესი სკოლის უპირატესობად გადაექცია». თუ ლუთერი გულწრფელია, დაე მან თავისი გავლენა იმას მოახმაროს, რომ შეწყდეს დევნა მიუნცერის მბეჭდავისა და მოიხსნას ცენზურა, რათა კამათი დაუბრკოლებლივ წარმოებდეს პრესაშიო.

ახლა უკვე, მიუნცერის ზემოაღნიშნული რევოლუციური ბრძოლის შემდეგ, ლუთერი აშკარად გამოვიდა მის წინააღმდეგ და დაასმინა იგი. თავის ნაბეჭდ «წერილში საქსონიის მთავრებისადმი ზეამბოხე სულის წინააღმდეგ» მან მიუნცერი სატანის იარაღად გამოაცხადა და მოუწოდა მთავრებს ჩარეულიყვნენ საქმეში და ქვეყნიდან გაეძევინათ ამბოხების წამომწყებნი, ვინაიდან ისინი არ კმაყოფილდებიან თავიანთი უკუღმართი მოძღვრების ქადაგებით და ღოუწოდებენ მთავრობის საწინააღმდეგო აჯანყებისა და ძალმომრეობისკენო.

1 აგვისტოს მიუნცერს ვაიმარის ცინე-დარბაზში მთავრების წინაშე პასუხი უნდა ეგო; მას ბრალს სდებდნენ აჯანყების წამქეზებლობაში. მის წინააღმდეგ მეტად გამაწილებელი ფაქტები იყო დაგროვილი: მიაგნეს მისი ფარული კავშირის კვალს, მისი ხელი აღმოაჩინეს მემალაროების და გლეხების კავშირთა შექმნაში. მიუნცერს გაძევებით ემუქრებოდნენ. აღშტედტში დაბრუნებისთანავე მიუნცერმა გაიგო, რომ საქსონიის ჰერცოგი გეორგი მის გაცემას მოითხოვდა; მოწინააღმდეგეებს ხელში ჩაუვარდათ მიუნცერის მიერ დაწერილი კავშირის წერილები, რომელშიც იგი გეორგის ქვეშევრდომთ მოუწოდებდა შეიარაღებული აჯანყება მოახდინეთ სახარების

მტრების წინააღმდეგო. ქალაქის საბჭო გასცემდა მას, თუ იგი ქალაქს არ დასტოვებდა.

ამასობაში გლეხებისა და პლებეების სულ უფრო და უფრო მზარდმა მღელვარებამ არაპეულებრივად შეუწყო ხელი მიუნცერის პროპაგანდას. ამ პროპაგანდისტების მან ფასდაუდებელი აგენტები შეიძინა ანაბაპტისტების სახით. ამ სექტის წევრები, რომლებსაც არ გააჩნდათ გარკვეული დადებითი დოკუმენტი. გაერთიანებული იყვნენ მხოლოდ საერთო ოპოზიციით ყველა გაბატონებული კლასის წინააღმდეგ და ხელმეორე მონათვლის საერთო სიძობლოთი; ასევე ტურად მკაცრნი ყოფაცხოვრებაში, დაულალავნი, ფანატიკურნი და უშიშარნი აგიტაციის, ისინი თანდათან შეჯგუფდნენ მიუნცერის გარშემო. დევნის გამო ეს სექტა მოკლებული იყო გარკვეულ საცხოვრებელ ადგილს, მისი წევრები მთელ გერმანიაში დაესეტებოდნენ და ყველგან აუწყებდნენ ახალ მოძღვრებას, რომელშიც მიუნცერმა მათივე მოთხოვნები და სურვილები განუშარტა მათ. მრავალი მათგანი აწაბეს, დასწვეს ან სხვაგვარად დასაჯეს სიკვდილით, მაგრამ ამ ემისიების გამბედაობა და გამძლეობა შეურყეველი იყო, ხოლო მათი მოღვაწეობის წარმატება, ხალხის გაძლიერებული მღელვარების გამო, განუზომელი. ამიტომ ტიურინგიიდან ლტოლვილ მიუნცერს ნიადაგი ყველგან მომზადებული ზვდებოდა, სადაც კი წავიდოდა.

ნიურნბერგის მახლობლად, სადაც მიუნცერი¹ თავდაპირველად წავიდა, ერთი თვით ადრე მის ჩასვლამდე ჩანასახშივე ჩაეწმით გლეხთა აჯანყება. მიუნცერი აქ ფარულად ეწეოდა აგიტაციას; მალე გამოჩნდნენ ადამიანები, რომლებიც იცავდნენ მის ყველაზე გაბედულ თეოლოგიურ დებულებებს ბიბლიის არასავალდებულობისა და საიდუმლოებათა არარაობის შესახებ; ქრისტეს ისინი უბრალო ადამიანად აცხადებდნენ, ხოლო საერო მთავრობის ძალაუფლებას არადვთავბრივად რაცხდნენ. «აი იქ დაძრწის სატანა, აღშტედტელი სული!» წამოიძახა ლუთერმა. აქ ნიურნბერგში მიუნცერმა დააბეჭდინა თავისი პასუხი ლუთერისადმი². იგი მას პირდაპირ

¹ შემდეგში დაზუსტებული ცნობების თანახმად მიუნცერი ჯერ გაემგზავრა სიმიპერიო ქალაქ მიულჰაუზენში, საიდანაც იგი 1524 წ. სექტემბერში გააძევეს ქალაქის დაბალი ფენების მღელვარებაში მონაწილეობის გამო. მიულჰაუზენიდან მიუნცერი ნიურნბერგს ჩავიდა. რ. ე. დ.

² ლუთერისადმი მიუნცერის დაბეჭდილი პასუხის სახელწოდება იყო: «ზედმიწვენით დასაბუთებული დაცვითი სიტყვა და პასუხი. ელეთო, ვიტენბერგს მშვიდად მცხოვრები მპოვისადმი, რომელსაც წმინდა წერილის უკუღმართი და თაღლითური დამახინჯებით სამარცხვინოდ შეურაცხყო საბრალო ქრისტიანობა» (Hoch

ბრალს სდებდა, მთავრებს ეპირფერები და შენი მერყეობით დახმარებას უწყევ რეაქციულ პარტიასო. მაგრამ ხალხი მაინც მიადრწევს განთავისუფლებას და დოქტორ ლუთერს ხაფანგში მომწყვდეული მელიის ამბავი მოუყავო. — საბჭომ აკრძალა ეს წიგნი და მიუნცერი იძულებული გახდა ნიურნბერგი დაეტოვებინა.

იგი ახლა შვაბიის გზით ელზასისა და შვეიცარიისკენ წავიდა. ხოლო იქიდან უკან დაბრუნდა ზემო შვარცვალდში, სადაც უკვე რამდენიმე თვეა წინათ იფეთქა აჯანყებამ, რომელიც უმათავრესად მისი ანაბაპტისტი ემისრების მიერ იყო დაჩქარებული. მიუნცერის ამ საპროპაგანდო მოგზაურობამ, ამყარა, დიდად შეუწყობ ხელი საბაბტისტ პარტიის ორგანიზაციას. მის მოთხოვნათა ნათლად ჩამოყალიბებას და, ბოლოს, საერთო აჯანყების აფეთქებას 1525 წლის აპრილში. აქ განსაკუთრებით ნათლად ჩანს მიუნცერის მოღვაწეობის ორივე მხარე: ერთი მხრივ ხალხში, რომელსაც იგი მასებისათვის მამინ ერთადერთი გასაგები სარწმუნოებრივი წინასწარმეტყველური ენით ესაუბრებოდა, ხოლო, მეორე მხრივ, — ოჩუელთა შორის, რომელთა წრეში მას შეეძლო გულახდილად გამოეთქვა თავისი საბოლოო ტენდენცია. წინათ ჰერ კიდევ ტიურინგიაში ყოფნის დროს, მან თავის გარშემო შემოიკრიბა არა მარტო ხალხიდან, არამედ დაბალი სამღვდლოებიდან გამოუსული მღვდარი ადამიანების წრე და სათავეში ჩაუდგა ფარულ კავშირს; აქ იგი უკვე მთელი სამხრეთ გერმანიის რევოლუციური მოძრაობის ცენტრი ხდება, საქსონიიდან და ტიურინგიიდან ფრანკონიაზე და შვაბიაზე გავლით კავშირს აბამს ელზასსა და შვეიცარიის საზღვრამდე და მისი მოწაფეებისა და კავშირის მეთაურების რიცხვში ისეთ სამხრეთ გერმანელ აგიტატორებს ვხედავთ, უმეტესწილად რევოლუციონერ ხუცებს, როგორც იყვნენ ჰუმბაიერი ვალდსჰუტში, კონრად გრებელი ციურისში, ფრანც რაბმანი გრისენში, შაპელერი მემინგენში, იაკობ ვეჰე ლაიპჰაიმში, დოქტორი მანტელი შტუტგარტში. თვით იგი უმეტესწილად გრისენში იმყოფებოდა შაფჰაუზენის საზღვართან და იქიდან მოგზაურობდა ჰეგაუსა, კლეტგაუში და სხვაგან. სასტიკად დევნამ, რომელიც შეუფოთებულმა მთავრებმა და მებატონეებმა ამ ახალი პლებეური ერესის წინააღმდეგ მოაწყეს, ყველგან ცოტაოდენ როდი შეუწყობ ხელი მემამბოხე სულის გაოღვივებას და კავშირის გან-

verursachte Schutzrede und Antwort wider das geistlose, sanftlebende Fleisch zu Wittenberg, welches mit verkehrter Weise durch den Diebstahl der heiligen Schrift die erbärmliche Christenheit also ganz jämmerlich besudelt hat. Thomas Müntzer Allstedter. Anno M. D. XXIIII). რ ე დ.

მტკიცებას. ამრიგად მიუნცერი ხუთ თვეს ზემო გერმანიაში ეწეოდა აგიტაციას და როცა შეთქმულების აფეთქების დრომ მოაღწია, იგი ხელახლა ტიურინგიაში გაემგზავრა, სადაც უნდოდა თვით გაეწია ხელმძღვანელობა აჯანყებისთვის და სადაც ჩვენ მას კიდევ შევხვდებით.

ჩვენ დავინახავთ, თუ როგორ სწორად ასახავდნენ თავიანთი პარტიების პოზიციას ორივე პარტიული ბელადის ხასიათი და ზათი ყოფაქცევა, თუ როგორ შეეფერებოდა ლუთერის გაუბედაობა, მისი შიში სერიოზულად გავივებული მოძრაობის წინაშე და მხდალი ლაქიობა მთავრების წინაშე ბიურგერთა მერყევე, ორქოფ პოლიტიკას და როგორ გამოხმაურებას პოულობს მიუნცერის რევოლუციური ენერგია და გამბედაობა პლებეებისა და გლეხების უფრო განვითარებულ ფრაქციაში. განსხვავება მხოლოდ შემდეგია: თუ ლუთერი იმით კმაყოფილდებოდა, რომ თავისი კლასის უმრავლესობის შეხედულებანი და მისწრაფებანი გამოეთქვა და ამ გზით თავის წრეში მეტად იაფფასიანი პოპულარობა მოეპოვებინა, მიუნცერი, პირიქით, პლებეების და გლეხების უშუალო წარმოდგენებსა და მოთხოვნებს დიდად გასცილდა და მაშინდელი რევოლუციური ელემენტებიდან შეადგინა პარტია, რომელიც, იდგა რა მისი იდეების სიმალეზე და ინაწილებდა რა მის ენერგიას, მუდამ მხოლოდ უმნიშვნელო უმცირესობას წარმოადგენდა აჯანყებულ მასაში.

III

ჰუსიტური მოძრაობის ჩაქრობიდან დაახლოებით ორმოცდაათი წლის შემდეგ გამოვლინდა პირველი სიმპტომები იმ რევოლუციური სულისკვეთებისა, რომელიც ის იყო ისახებოდა გერმანელ გლეხებს შორის*.

ვიურცბურგის საეპისკოპოსოში, იმ ოლქში, რომელიც უკვე წინათ გადატაკებული იყო: ჰუსიტთა ომებისა, «ცუდი მმართველობისა, მრავალგვარი გადასახადებისა, გამოსაღებისა, ფეოდალური შუღლისა, მტრობისა, ომისა, ზანძრისა, მკვლელობისა, სატუსაღოსა და სხვ. წყალობითა»¹ და ურცხვად იძარცვებოდა ეპისკოპოსებისა, ხუცებისა

* ჩვენს ქრონოლოგიაში ვიცავთ ციმერმანის მონაცემებს, რომელსაც იძულებული ვართ საყვებით დავეყრდნეთ, ვინაიდან უცხოეთში არ მოიპოვება საკმარისი წყაროები; ეს მონაცემები საყვებით აკმაყოფილებს ამ ნაშრომის მიზნებს. ენგელსის შენიშვნა 1850 წლის გამოცემისადმი.

¹ ენგელსს მოჰყავს ციმერმანის მიერ დამოწმებული ნაწყვეტი XV საუკუნის ბჟანაწერიდან, რომელიც ვიურცბურგის არქივში იყო დატული. რედ.

და თავადაზნაურობის მიერ, 1476 წელს მოხდა პირველი გლებთა შეთქმულება. ახალგაზრდა ჰყვექსი და მემუსიკე ჰანს ბეჰანი ნიკლასჰაუზენი და ნ, რომელსაც აგრეთვე მედოლესა და მეტვირეჰანსს უწოდებდნენ, უცებ ტაუბერგრუნდში წინასწარმეტყველად გამოვიდა. იგი ჰყვებოდა თუ როგორ გამოეცადა მას ქალწული მარიამი, როგორ უბრძანა, შენი დოლი დასწვი, ცეკვასა და ცოდვილ გულისთქმას ამიერიდან ნულარ აჰყვები, და ხალხს სინანულისკენ მოუწოდებო. დაე ყველამ მოინანიოს თავისი ცოდვები და სააქაოს ამო სიამოვნებანი, მოინსნას ყოველი სამკაული და მოსართავი და წავიდეს ნიკლასჰაუზენის ღვთისმშობელთან, რათა თავისი ცოდვების პატიება გამოითხოვოს.

უკვე აქ, მოძრაობის ამ პირველ წინამორბედს ჩვენ ვაძჩნევთ იმ ასკეტიზმს, რომელიც დამახასიათებელია როგორც შუა საუკუნეების ყველა რელიგიურად შეფერადებული აჯანყებისათვის, ისე ახალი დროის ყველა პროლეტარული მოძრაობისათვის დასაწყის სტადიაზე. ეს ასკეტური ზნეობრივი სიმკაცრე, ეს მოთხოვნა, რომ ხელი აიღონ ცხოვრების ყოველ სიამოვნებასა და სიტკბოებაზე, ერთი მხრივ, სპარტანული თანასწორობის პრინციპს აყენებს გაბატონებული კლასების წინააღმდეგ, ხოლო, მეორე მხრივ, აუცილებელ გარდამავალ საფეხურს წარმოადგენს, ურომლისოდაც შეუძლებელია საზოგადოების უდაბლესი ფენა ამოძრავდეს. იმისათვის, რათა განავითაროს თავისი რევოლუციური ენერჯია, რათა თვითონ შეიგნოს თავისი მტრული დამოკიდებულება საზოგადოების ყველა სხვა ელემენტისადმი, რათა გაერთიანდეს როგორც კლასი, დაბალ-და ფენამ იმით უნდა დაიწყოს, რომ თავიდან მოიშოროს ყოველივე, რაც მას შეარიგებდა არსებულ საზოგადოებრივ წესწყობილებასთან, უარი უნდა თქვას იმ მცირეოდენ სიამოვნებაზე, რომელიც წუთიერად მაინც ასატანს ზღის მის ბეჩავ არსებობას და რომლის წართმევა თვით უმკაცრეს ჩაგვრასაც კი არ შეუძლია. ეს პლებეური და პროლეტარული ასკეტიზმი როგორც თავისი ველური ფანატიკური ფორმით, ისე თავისი შინაარსით საესებით განსხვავდება ბიურგერული ასკეტიზმისაგან, რომელსაც ბიურგერულ-ლუთერანული მორალი და ინგლისელი პურიტანები ქადაგებდნენ (ინდეპენდენტების¹ და უფრო რადიკალური სექტებისა-

¹ ინდეპენდენტები (რელიგიური დამოუკიდებლობის მომხრეები) — რელიგიურ-პოლიტიკური მიმდინარეობა, რომელიც წარმოიშვა ინგლისში XVI ს. მეორე ნახევარში და რომელიც წარმოადგენდა ოპოზიციის ფორმას აბსოლუტიზმისა და

გან განსაკუთრებით) და რომლის მთელი საიდუმლოება ბურჟუაზიული სელსონჭირნეობაა. თავისთავად იგულისხმება, რომ ეს პლემბურ-პროლეტარული ასკეტიზმი თავის რევოლუციურ ხასიათს ჰკარგავს იმდენად, რანდენადაც, ერთი მხრივ, თანამედროვე საწარმოო ძალთა განვითარება დაუსრულებლივ ამრავლებს მოხმარების საშუალებებს და ამით სპარტანულ თანასწორობას ზედმეტად ხდის, ხოლო, მეორე მხრივ, პროლეტარიატის ცხოვრების პირობები და თვით პროლეტარიატი სულ უფრო და უფრო რევოლუციური ხდება. მაშინ ასკეტიზმი თანდათან ჰქრება მასაში, ხოლო სექტანტებს შორის, რომელნიც მას ეყრდნობიან, ან პირდაპირ ბურჟუაზიულ სიძუნწედ გადაგვარდება იგი, ან ყბადაღებულ სათნოების რიზინდობად, რაც პრაქტიკულად აგრეთვე ფილისტერულ ან ამქრულბელოსსურ სიძუნწედ იქცევა. პროლეტარიატის მასას მით უფრო ნაკლებ სჭირია დათმენის ქადაგება, რომ მას თითქმის არაფერი დარჩენია, რის დათმენაც მას შეეძლოს.

მესტირე ჰანსის სინანულის ქადაგებამ დიდი გამოხმაურება ჰპოვა; ყველა მემამბოხე წინასწარმეტყველი თავის მოღვაწეობას ამით იწყებდა, და მართლაც აქ დაქსაქსული, თხლად გაფანტულ ბრმა მოჩრჩილებში აღზარდილ გლეხთა თაობის ამოქრავება მხოლოდ იმ შემთხვევაში შეიძლებოდა, თუ ყველა ძალის ღონივრად დაძაბვა მოხდებოდა და ეს ადამიანები უცებ უარს იტყოდნენ ჩვეულებით განმტკიცებული ცხოვრების წესზე. დაიწყო მწირთა მოგზაურობა ნიკლასპაუზენისკენ, რამაც ჩქარა ფართო ხასიათი მიიღო; რაც უფრო მზაიურად მიდიოდა ხალხი იქით, მით უფრო აშკარად ამხელდა თავის გეგმებს ახალგაზრდა მეიმბოხე. ნიკლასპაუზენის ღვთისმშობელმა გამომიცხადა, რომ ამიერიდან არც იმპერატორი უნდა იყოს, არც მთავარი, არც პაპი, არც სხვა რაიმე სასულიერო ან საერო ხელისუფლებათ, ქადაგებდა იგი; ყოველი ჩვენგანი თავის მახლობელს ძმად უნდა სთვლიდეს, თავისი საარსებო პური საკუთარი შრომით უნდა მოიპოვოს და სხვაზე მეტი არ უნდა იქონიო-

სახელმწიფო ანგლკანური ეკლესიის წინააღმდეგ საეპრო და სამრევლო ბურჟუაზიის და «ახალი» გაბურჟუებული თავადაზნაურობის მხრივ. XVII ს. ინგლისის ბურჟუაზიული რევოლუციის პერიოდში ინდეპენდენტები შეკავშირდნენ განსაკუთრებულ პოლიტიკურ პარტიად, რომელმაც 1648 წ. ბოლოს ძალაუფლება დაიპყრო. ქალაქის წვრილი ბურჟუაზიისა და გლეხობის ფართო წრეება, რომლებიც თავდაპირველად ინდეპენდენტებს ემხრობოდნენ, რევოლუციის წლებში შეჭვადუნდნენ ლეველერების რევოლუციურ-დემოკრატიული პარტიის (პოლიტიკური თანასწორობის მოძრაებები) გარშემო. ლეველერების მოძრაობა ჩასმობალ იქნა ინდეპენდენტური მთავრობის ზიერ. რე დ.

სო. ყოველი ღალა, გამოსაღები, ბეგარა, ბაჟი, ხარკი და სხვა გადასახადი თუ ვალდებულება სამუდამოდ უნდა მოისპოს, სოლო ტყე, წყალი და საქოვარი ყველგან თავისუფალი უნდა იყოსო.

ხალხმა სიხარულით მიიღო ეს ახალი საბარება. მალე შორს გავრცელდა წინასწარმეტყველის სახელი, «ჩვენი ქალწულის მოციქულისა»; ოდენვალდიდან, მაინიდან, კოხერიდან და იაქსტიდან, თვით ბავარიიდან, შვაბიიდან და რაინიდან მოდიოდნენ აურაცხელი პილიგრიმები. ერთმანეთს უამბობდნენ სასწაულთ, რომელნიც თითქოს მან ჰოახდინა; მუხლს იყრიდნენ მას წინაშე და წმინდანებით თაყვანს სცემდნენ; ერთმანეთს ხელიდან ჰგლეჯდნენ მისი წამოსახაზის ნაფლეთებს, თითქო ეს ავგაროზები და წმინდა ნაწილები ყოფილიყოს. ხუცები ამოდ გამოდიოდნენ მის წინააღმდეგ და მის ნაამბობს ეშმაკის მოჩვენებად, მის სასწაულთ ჯოჯოხეთურ ოინბაზობად სახავდნენ. შორწმუნეთა მასა სწრაფად მატულობდა, რევოლუციურმა სექტამ ჩამოყალიბება იწყო, მეამბოხე მწყემსის საკვირაო ქადაგება 40 000-ზე მეტ სულს უყრიდა თავს ნიკლასჰაუზენში.

რამდენიმე თვეს უქადაგებდა მესტიერე ჰანსი მასებს. მაგრამ მას არ უნდოდა მარტო ქადაგებით დაემაყოფილებულიყო. მას საიდუმლო კავშირი ჰქონდა ნიკლასჰაუზენის მღვდელთან და ორ რაინდთან, კუნც ფონ ტუნფელდთან და ზის შვილთან, რომელნიც ახალ მოძღვრებას მიემხრნენ და განზრახული აჯანყების სამხედრო ბელადები უნდა გამხდარიყვნენ. ბოლოს, კვირას, წმ. კილიანის უქმის ძალზე, როცა თავისი გავლენა საკმაოდ ძლიერად მიიჩნია, მან აჯანყების ნიშანი მისცა. «ხოლო ასლა, — თქვა მან თავისი ქადაგების დასასრულ, — შინ დაბრუნდით და ასწონ-დასწონეთ რაც ყოველად წმიდა ღვთისმშობელმა გაუწყათ: მახლობელ შაბათს სახლში დასტოვეთ დედაკაცები, ბალები და მოხუცები, ხოლო თქვენ, მამაკაცებო, ხელახლა ნიკლასჰაუზენში მოდით წმ. მარგარიტას დღეს, ე. ი. უახლოეს შაბათს; თან წამოიყვანეთ თქვენი ძმები და მეგობრები, რამდენიც არ უნდა იყვნენ. მაგრამ მოდით არა მწირული კვერთხებით, არამედ თოფ-იარაღით, ერთს ხელში მწირის კელაპტარი დაიჭირეთ, ხოლო მეორეში მასვილი, შუბი ან ალებარდი; მშინ წმიდა ქალწული თავის ნებას გაუწყებთ და თქვენ იგი უნდა შეასრულოთ».

მაგრამ, ვიდრე გლახების დიდი მასები შეიკრიბებოდნენ, ეპისკოპოსის მხედრებმა ღამით დაიჭირეს მეამბოხე წინასწარმეტყველი და ვიურცბურგის კოშკში მიიყვანეს. დანიშნულ დღეს 34 000 შე-

იარაღებულმა გლეხმა მოიყარა თავი, მაგრამ ამ ცნობამ მათ გული გაუტეხა. უდიდესი ნაწილი გაიფანტა; საქმეში უფრო ჩახედულმა შეთქმულებმა 16 000-მდე კაცი შეინარჩუნეს და მათთან ერთად კოშკისკენ გაემართნენ კუნც ფონ ტუნფელდის და მისი ვაჟის, მიქელის, მეთაურობით. სხვადასხვა დაპირებით ეპისკოპოსმა ისინი უკან გააბრუნა; მაგრამ ის იყო მეამბოხეები უნდა გაფანტულიყვნენ, რომ მათ თავს დაესხნენ ეპისკოპოსის მხედრები და მრავალი მათგანი დაატყვევეს. ორ მეამბოხეს თავი მოჰკვეთეს, თვით მესტირე ჰანსი კი დასწვეს. კუნც ფონ ტუნფელდი გაიქცა და მხოლოდ მაშინ მიიღო შეწყალება, როცა მთელი თავისი ქონება მონასტერს გადასცა. მწირობილი მოგზაურობა ნიკლასჰაუზენისკენ კიდევ რამდენიმე ხანს გაგრძელდა, მაგრამ ბოლოს ისიც აღკვეთეს.

ამ პირველი ცდის შემდეგ გერმანიაში კარგა ხნით კვლავ სიწყინარე დამყარდა. მხოლოდ 90-იანი წლების დასასრულიდან დაიწყო ხელახლა გლეხების აჯანყებანი და შეთქმულებანი.

ჩვენ გვერდს ვუვლით ჰოლანდიელი გლეხების აჯანყებას 1491 — 1492 წლებში, რომელიც ჰერცოგ ალბრეხტ საქსონელმა ჩაახშო ჰეემსკერკთან ბრძოლაში, კემპტენის სააბატოს გლეხთა ამბოხებას, რომელიც იმავე დროს მოხდა ზემო შვაბიაში, და ფრიზელების ამბოხებას სიარდ აილვას ზეთაურობით 1497 წელს, რომელიც აგრეთვე ალბრეხტ საქსონელმა ჩააქრო. ეს ამბოხებანი ნაწილობრივ მეტად დასორებულთა საკუთრივ გლეხთა ომის ასპარეზს, ნაწილობრივ წარმოდგენენ მანამდე თავისუფალი გლეხების ბრძოლას მათთვის ფეოდალიზმის თავზე მოხვევის ცდის წინააღმდეგ. ჩვენ პირდაპირ გადავდივართ ორ დიდ შეთქმულებაზე, რომლებმაც გლეხთა ომი მოამზადეს: ესენია «წაღის» შეთქმულება და «საწყალი კონრადის» შეთქმულება.

ცხოვრების გაძვირებამ, ისევე როგორც ნიდერლანდიაში 1493 წელს, ელზასშიც გამოიწვია გლეხთა აჯანყება, ხელი შეუწყო გლეხებისა და პლებეების საიდუმლო კავშირის შექმნას, რომელშიც წმინდა ბიურგერული ოპოზიციური პარტიის ადამიანებიც იღებდნენ მონაწილეობას, მას მეტად თუ ნაკლებად დაბალი თავადაზნაურობის ერთი ნაწილიც თანაუგრძნობდა. კავშირის სამოქმედო სარბიელი იყო შლეტმუტადტის, ზულცის, დამბახის, როსჰაიმის, შერვაილერის და სხვ. მიდამოები. შეთქმულნი მოითხოვდნენ მევახშეების აკლებას და ამოხოცვას, რომლებიც უკვე მაშინ, ისევე როგორც დღეს, ტყავს აძრობდნენ ელზასელ გლეხებს, მოითხოვდნენ საიუბილეო წელიწადის შემოღებას, როცა ყველა ვალი უნდა გაუქ-

მებუღიყო ხანდაზმულობის გამო, ბაჟების და სხვა გადასახადების მოსპობას, სასულიერო და საიდუმლო (საიმპერიო) სასამართლოს გაუქმებას, წოდებებისათვის გადასახადების დამტკიცების უფლებას, ხუცების შეზღუდვას თითო-თითო სამწყსოთი, რომლის შექმნაველი 50—60 გულდენი იქნებოდა, საიდუმლო აღსარების მოსპობას და საკუთარ, არჩევით სასამართლოს ყოველი თემისთვის. შეთქმულებს გეგმა ჰქონდათ, როგორც კი საკმაოდ ძალას მოიკრეფდნენ, თავს დასხმოდნენ გამაგრებულ ციხე შლეტშტადტს, ხელში ჩაეგდოთ მონასტრისა და ქალაქის სალარო და აქედან მთელი ელზასი აეჯანყებინათ. საკავშირო დროშაზე, რომელიც აჯანყების მომენტში უნდა გასულიყო, გამოხატული იყო გლებური წაღა გრძელი თახმით, ეგრეთწოდებული Bundschuh, რომელიც ამიერიდან უახლოესი 20 წლის განმავლობაში გლებთა შეთქმულებების სახელი და სიმბოლო გახდა.

შეთქმულნი ჩვეულებრივ ღამით იკრიბებოდნენ განმარტობულ შიმშილის მთაზე. კავშირში მიღება დაკავშირებული იყო უაღრესად საიდუმლო ცერემონიებთან; გამცემლებს უსასტიკესი სასჯელი ემუქრებოდა. ამისდა მიუხედავად საქმე ჩაიშალა სწორედ იმ დროს, როცა შეტევა უნდა დაწყებულიყო შლეტშტადტის წინააღმდეგ, 1493 წლის ვნების კვირას. მთავრობამ სასწრაფოდ მიიღო სათანადო ღონისძიებანი; მრავალი შეთქმული დაატყვევეს, აწამეს, ზოგი მათგანი ასო-ასო აპკუწეს ან თავი მოჰკვეთეს, ხოლო ზოგიერთს ხელები და თითები დააჭრეს, რის შემდეგ ისინი ქვეყნიდან გააძევეს. ბევრი მათგანი შვეიცარიაში გაიქცა.

მაგრამ ამ პირველი მარცხის მიუხედავად «წაღა» სრულიადაც არ მოსპობილა. პირიქით, იგი განაგრძობდა ფარულად არსებობას და შვეიცარიაში თუ სამხრეთ გერმანიაში დიდი რაოდენობით გაბნეული ლტოლვილნი იქცნენ ემისრებად, რომელნიც ყველგან ერთსა და იმავე ჩაგვრასთან ერთად ერთი და იმავე აჯანყებისადმი მიღრეკილებას პოულობდნენ; მათ «წაღა» მთელი ახლანდელი ბადენის ტერიტორიაზე გაავრცელეს. სწორედ რომ გასათვარი ის უჯიათობა და გამძლეობა, რომლითაც ზემოგერმანელი გლებები 1493 წლიდან ოცდაათი წლის განმავლობაში ფარულ შეთქმულებებს აწყობდნენ, რომლითაც მათ თავიანთი ტერიტორიული დაქსაქსულობით გამოწვეული დაბრკოლებანი გადალახეს, დიდი ცენტრალიზებული კავშირი შექმნეს და ურიცხვი აფეთქებისა, დამარცხებისა და ბელადების სიკვდილით დასჯის შემდეგ მაინც კიდევ ახალ-ახალ შეთქმულებებს 5 ფ. ენ გელს ო

აწყობდნენ, ვიდრე, ბოლოს, მოხერხებული შემთხვევა არ მიეცათ მასიური აჯანყებისთვის.

1502 წელს შპაიერის სამღვდელმთავროში, რომელიც მაშინ ბრუნზალის ოლქსაც მოიცავდა, გლეხებს შორის თავი იჩინა ფარული მოძრაობის ნიშნებმა. აქ «წალის» კავშირი მართლაც დიდი წარმატებით იქნა რეორგანიზებული. კავშირში 7 000 კაცი იყო დაახლოებით. მისი ცენტრი იყო უნტერგრომბახში. რომელიც ბრუნზალსა და ვაინგარტენს შუა მდებარეობს, მისი უტოები რაინის ხეობაში ქვემო მაინამდე აღწევდა, ზემოთ ბადენის სამარკგრაფომდე. მისი პროგრამა შემდეგს შეიცავდა: მთავრებას, თავდაზნაურობას და ხუტებს ამიერიდან არ უნდა მიეცეს არც ღალა, არც სამკაულო, არც სხვა რაიმე გადასახადი ან ბაჟი; ბატონყმობა უნდა მოისპოს, მონასტრებსა და ეკლესიებს მთელი ქონება უნდა ჩამოერთვას და ხალხს გაუნაწილდეს; ყოველი ხელისუფლება უნდა გაუქმდეს, გარდა იმპერატორისა.

აქ პირველად ხდება, რომ გლეხები ორ მოთხოვნას ერთად აყენებენ, ხალხის სასარგებლოდ სასულიერო წოდების ქონების სეკულარიზაციას და ერთიანი, განუყოფელი გერმანიის მონარქიის დამყარებას; ორივე ამ მოთხოვნას ამიერიდან რეგულარულად აყენებენ გლეხებისა და პლებეების უფრო განვითარებული ფრაქციები, ვიდრე, ბოლოს, თომას მიუნცერმა საეკლესიო და სამონასტრო ქონების დანაწილება არ აქცია კონფისკაციად ქონების განზოგადოების მიზნით, ხოლო ერთიანი გერმანიის იმპერიის მოთხოვნა, გერმანიის ერთიანი და განუყოფელი რესპუბლიკის მოთხოვნად.

განახლებულ «წალის» კავშირს, ისევე როგორც ძველს, თავისი ფარული კრებების ადგილი ჰქონდა, თავისი დუმილის აღთქმა, წევრად მიღების თავისი ცერემონიები და თავისი კავშირის ბაირალი წარწერითურთ: «სხვა არაფერი გარდა ღვთის სამართლისა!» მოქმედების გეგმა ელზასელებისას ჰგავდა: განზრახული იყო თავს დასხმოდნენ ბრუნზალს, სადაც მცხოვრებთა უძრავლესობა კავშირის წევრებისაგან შედგებოდა; იქ საკავშირო ჯარი უნდა მოწყობილიყო და მოძრაობის შესაკრები ცენტრის სახით მეზობელ სამთავროებში გაგზავნილიყო.

ეს გეგმა გასცა სასულიერო პირმა, რომელსაც იგი ერთ-ერთმა შეთქმულმა გაანდო აღსარებისას. მთავრობებმა მაშინვე საწინააღმდეგო ღონისძიებანი მიიღეს. რამდენად განშტოებული იყო ფარული

კავშირი, ჩანს იმ შიშიდან, რომელმაც ელზასის სხვადასხვა საიმპერიო წოდებანი და შვაბიის კავშირი მოიცვა. ჯარებს თავი მოფყარეს და შეთქმულნი მასობრივად დააპატიმრეს. «უქანასკნელმა რაინდმა» იმპერატორმა მაქსიმილიანემ გლებების უმეგალითო გამოსვლების წინააღმდეგ უსასტიკესი დასჯითი ბრძანებულება გამოსცა. ცალკეულ ადგილებში გლებკაცობამ რაზმებიც კი შეადგინა და მთავრობას შეიარაღებული წინააღმდეგობა გაუწია; მაგრამ ამ განცალკევებულმა გლებთა რაზმებმა დიდხანს ვერ გასძლეს. ზოგიერთი შეთქმული სიკვდილით დასაჯეს, სხვები გაიქცნენ, მაგრამ საიდუმლოება ისე კარგად იყო დაცული, რომ უმრავლესობა, თვით ბელადებიც კი, ან თავიანთ სამშობლოში დარჩნენ ხელუხლებლად ან კიდევ მეზობელ მეზობანეთა სამფლობელოებში.

ამ ახალი დამარცხების შემდეგ ხელახლა ხანგრძლივი მოჩვენებითი სიწყინარე ჩამოვარდა კლასთა ბრძოლაში. მაგრამ ფარულად მუშაობა გრძელდებოდა. შვაბიაში უკვე XVI საუკუნის პირველ წლებში, ალბათ, «წალის» კავშირის გაფანტული წევრების ზეგავლენით «საწყალი კონრადის» კავშირი დაარსდა; შვარცვალდში «წალის» კავშირი ცალკეული პატარა წრეების სახით კიდევ განაგრძობდა არსებობას, ვიდრე ათი წლის შემდეგ ერთმა ენერგიულმა გლებთა ბელადმა ცალკე ძაფები ერთ დიდ შეთქმულებად არ გადაბა. ორივე შეთქმულებამ ერთი მეორის მოყოლებით იჩინა თავი ამობოქრებულ 1513—1515 წლებში, როცა აგრეთვე შეეიცარიელმა, უნგრელმა და სლოვენელმა გლებებმაც ერთდამივე დროს რამდენიმე მნიშვნელოვანი აჯანყება მოახდინეს.

შემო რაინზე «წალის» კავშირი აღადგინა 1502 წლის შეთქმულების ლტოლვილმა, ყოფილმა ჯარისკაცმა იოს ფრიცმა უნტერგრომბახიდან, რომელიც ყოველ მხრივ გამოჩენილ პიროვნებას წარმოადგენდა. გაქცივის დღიდან იგი სხვადასხვა ადგილას ცხოვრობდა ბოდენის ტბასა და შვარცვალდს შუა, დაბოლოს, ლეჰენში დასახლდა, ბრაისგაუზ ფრაიბურგის მახლობლად, სადაც იგი ტყის მცველიც კი გახდა. სასამართლო გამოძიების აქტებში საინტერესო

¹ მთავრების, თავადმანსაუროლისა და სამხრეთ-დასავლეთ გერმანიის საიმპერიო ქალაქების პატრიციანული ზედაღონის შვაბიის კავშირი დაარსდა 1488 წელს. მისი მთავარი მიზანი იყო ბრძოლა გლეხური და პლებეური მოძრაობის წინააღმდეგ. ამ რეაქციული გაერთიანების ხელმძღვანელი სამსრეთ და დასავლეთ გერმანიის მთავრები ისუბრაფოდნენ, რათა იგი გერმანიაში თავიანთი ოლიგარქიული ხელისუფლების დასამყარებლად გამოეყენებინათ. კავშირის საკუთარი აღმინისტრაციულ სასამართლო ორგანოები და ჯარი ჰქონდა. 1531 წ. შინაგანი განხეთქილების გამო იგი დაიშალა. რ. ე. დ.

დეტალები მოიპოვება იმის შესახებ, თუ როგორ მოახდინა მან აქედან კავშირის რეორგანიზაცია, როგორ მარჯვედ შესძლო სხვადასხვა ყაიდის ადამიანთა გაერთიანება. თავისი დიპლომატური ნიჭისა და დაუღალავი გამძლეობის შემწეობით ამ სანიმუშო კონსპირატორმა შეძლო კავშირში მრავალი ადამიანი ჩაება სხვადასხვა კლასებიდან: რაინდები, ხუცები, მოქალაქეები, პლებეები და გლეხები; და თითქმის უცილობელია, რომ მან შეთქმულების რამდენიმე, მეტნაკლებად მკაცრად გათიშული საფეხური მოაწყო. ყველა გამოსადეგი ელემენტი გამოყენებულ იქნა დიდი წინდახედულობითა და ოსტატობით. განდობილ ემისრებს გარდა, რომელნიც მთელ ქვეყანას სერავდნენ სხვადასხვანაირად გადაცმულნი, იოს ფრიცი მეორეხარისხოვანი დავალებისთვის მაწანწალებსა და მათხოვრებს იყენებდა. მათხოვართა ბელადებთან მას უშუალო კავშირი ჰქონდა და მათი შემწეობით მთელი მრავალრიცხოვანი მაწანწალების ჯარი ხელში ჰყავდა. ეს მათხოვართა ბელადები მის შეთქმულებაში მნიშვნელოვან როლს ასრულებდნენ. ისინი მეტისმეტად ორიგინალური ფიგურები იყვნენ: ერთი დახეტილობდა პატარა გოგონას თანსლებით, რომელსაც ვითომ დაავადებული ფეხები ჰქონდა, და მის სასარგებლოდ შეწირულებას აგროვებდა. მის ქუდს რვაზე მეტი ნიშანი ამკობდა («ათობმეტი წმინდა მფარველის» ემბლემა, წმ. ოტილიასი, ღვთისმშობლისა და სხვ.); გრძელ მწითურ წვერს ატარებდა და ხელთ ეჭირა დიდი ხორკლიანი კომბალი სატევრითა და გრძელი დანით; მეორეს, რომელიც წმ. ველტენის გულისთვის მათხოვრობდა და სანელებელ სურნელსა და ვარდკანათას თესლს ჰყიდდა, გრძელი, ყანგისფერი ხიფთანი ეცვა, წითელი ბერეტი ეხურა და ზედ ტრიენტელი ბალღი ესვა, ხოლო სარტყელზე გვერდით დაშნა, სატევარი და მრავალი დანა ეკიდა; სხვებს ხელოვნურად გაკეთებული იარები ჰქონდათ, ამასთანავე ახირებული ტანსაცმელი ეცვათ. ისინი ათნი მაინც იყვნენ; მათ გასამრჯელოდ 2000 გულდენი უნდა მიეღოთ, რათა ერთსა და იმავე დროს ელზასსა, ბადენის სამარკგრაფოსა და ბრაისგაუში ხანძარი გაეჩაღებინათ და დაახლოებით 2000 თავიანთი კაცით ცაბერნის საეკლესიო დღეობაზე გამოცხადებულიყვნენ როზენში და ლანდსკნებტთა ყოფილი კაპიტანის გეორგ შნაიდერის სარდლობის ქვეშ დარაზმულიყვნენ, რათა ქალაქი აეღოთ. კავშირის ნამდვილი წევრებიდან შექმნილ იქნა ორგანიზაცია, რომელიც ცნობებს აწვდიდა სადგურიდან სადგურს და იოს ფრიცი და მისი მთავარი ემისარი შტოფელი ფრაიბურგიდან შეუჩერებლივ ერთი ადგილიდან მეორე ადგილზე გადადიოდნენ და ღამით ახალმიღებულ

წევრთა დათვალიერებას ახდენდნენ. გამოძიების აქტები საკმაოდ მოწმობენ კავშირის გავრცელებას ზემო რაინსა და შვარცვალდში; ისინი შეიცავენ უამრავი წევრის სახელს იმ კუთხის სხვადასხვა ადგილიდან, ამ სახელების გვერდით მათი ნიშნებია მოყვანილი. უმრავლესობას ხელოსნები, შემდეგ გლებები და მელუქნეები, რამდენიმე აზნაური, ხუცები (მაგალითად თვით ლეჰენის ხუცესი) და უმუშევარი ლანდსკნეხტები შეადგენდნენ. ამ შემადგენლობიდან უკვე სჩანს, რომ «წაღის» კავშირმა იოს ფრიცის მეთაურობით ბევრად უფრო განვითარებული ხასიათი მიიღო; სულ უფრო და უფრო გაძლიერდა ქალაქის პლებეური ელემენტი. შეთქმულების განშტოებანი მოეფინა მთელს ელზასსა და ახლანდელ ბადენს და თვით ვიურტემბერგამდე და მიანამდე გავრცელდა. დროგამოშვებით განმარტოებულ მთებზე, მაგალითად კნბისზე და სხვ. უფრო დიდ კრებებს მართავდნენ და კავშირის საქმეებს არჩევდნენ. მეთაურების შეხვედრა, რომელსაც ხშირად ესწრებოდნენ კავშირის როგორც ადგილობრივი წევრები, ისე შორიდან მოსული დელეგატები, ხდებოდა ჰარტმატეზე¹ ლეჰენის მახლობლად; აქვე მიღებულ იქნა კავშირის პროგრამის თოთხმეტი მუხლი: არ უნდა იყოს არავითარი ბატონი გარდა იმპერატორისა და (ზოგიერთი ვერსიით) პაპისა; გაუქმდეს როტვაილის სასამართლო და შეიზღუდოს საეკლესიო სასამართლო სასულიერო საქმეებით; მოისპოს ყველა ის პროცენტი, რომელთა გადასახდელის შეტანილი თანხა კაპიტალს გაუთანასწორდა; დაწესდეს ხუთი პროცენტი, როგორც უმაღლესი ნებადართული ნორმა; დაწესდეს ნადირობის, თევზაობის, საბალახოს და შემის მოჭრის თავისუფლება, აეკრძალოს ხუცებს ჰყავდეთ ერთზე მეტი სამრევლო; მოხდეს საეკლესიო ქონების და სამონასტრო განძეულობის კონფისკაცია კავშირის სამხედრო სალაროს სასარგებლოდ; გაუქმდეს ყოველი უსამართლო გადასახადი და ბაჟი; დამყარდეს მუდმივი მშვიდობა მთელ საქრისტიანოში; გატარდეს ენერგიული ღონისძიებანი კავშირის ყველა მტრის წინააღმდეგ; დაწესდეს გადასახადი კავშირის სასარგებლოდ; აღებულ იქნას გამაგრებული ქალაქი (ფრაიბურგი), რათა იგი კავშირის ცენტრი გახდეს; როგორც კი კავშირის რაზმები შეგროვდებიან, დაიწყოს მოლაპარაკება იმპერატორთან და შვეიცარიასთან, თუ იმპერატორმა მოლაპარაკება უარპყო; ესაა ის მუხლები, რომელთა შესახებ მიღწეულ იქნა შეთანხმება. აქედან ჩანს, რომ, ერთი მხრივ, გლებების და პლებეების მოთხოვნები თანდათან უფრო გარკვეულ და მტკიცე სახეს ღე-

¹ ჰარტმატე (Hartmatte) — სიტყვა სიტყვით ნიშნავს კორდს. რ ე დ.

ბულობდნენ, ხოლო, მეორე მხრივ, საჭირო ხდებოდა ამდენადვე დათმობაზე წასვლა ზომიერი და მერყევი ელემენტების მიმართ.

აჯანყება 1513 წლის შემოდგომისათვის უნდა დაწყებულიყო. კავშირს ნხოლოდ დროშა აკლდა და მის შესამკობად იოს ფრიცი ჰაილბრონში გაემგზავრა. ამ დროშაზე სხვადასხვა ემბლემისა და სურათის გარდა დახატული იყო კავშირის წაღა და მოთავსებული იყო წარწერა: «უფალო, დაიცავი შენი ღვთაებრივი სამართალი!». მაგრამ სანამ იოს ფრიცი წასული იყო, შეთქმულებმა ნაადრევად სცადეს ფრაიბურგზე თავდასხმა. ეს ცდა დროზე იქნა გამოძეღვენებული; პროპაგანდის დროს გადადგმულმა რამდენიმე წინდაუხედავმა ნაბიჯმა, ფრაიბურგის საბჭოსა და ბადენის მარკგრაფს დახმარება გაუწია ნამდვილ კვალს დასდგომოდნენ, ხოლო ორი შეთქმულის ღალატმა სრულიად გამოამქლავნა ყოველივე. მარკგრაფმა, ფრაიბურგის საბჭომ და ენზისჰაიმში მყოფმა საიმპერიო მთავრობამ¹, მაშინვე თავიანთი მზვერალები და ჯარისკაცები გაგზავნეს; «წალის» კავშირის წევრთა ერთი ნაწილი დატყვევებულ იქნა, ისინი აწამეს და სიკვდილით დასაჯეს; მაგრამ უმრავლესობა ახლაც გადარჩა, მათ შორის იოს ფრიციც. შვეიცარიის მთავრობა ამ შემთხვევაში უფრო მეტი სისასტიკით მოეპყრა ლტოლვილთ, თვითონაც სიკვდილით დასაჯა მრავალი მათგანი; მაგრამ ვერც მან და ვერც მისმა მეზობლებმა ხელი ვერ შეუშალეს ლტოლვილთა უმეტეს ნაწილს, რომ თავისი წინანდელი საცხოვრებელი ადგილების მახლობლად დარჩენილიყო და ნელნელა შინაც დაბრუნებულიყო. ყველაზე მეტი გააფთრება გამოიჩინა ელზასის მთავრობამ ენზისჰაიმში: მისი ბრძანებით მრავალს მოჰკვეთეს თავი, ბორბალზე აწამეს და ასო-ასო აჰკუწეს. თვით იოს ფრიცი უფრო მეტად შვეიცარიაში იმყოფებოდა რაინის ნაპირას, მაგრამ ხშირად შვარცვალდშიც გადმოდიოდა, ისე კი, რომ იგი ვერასოდეს ვერ იგდეს ხელთ.

ის გარემოება, რომ ამ შემთხვევაში შვეიცარიელები მეზობელ მთავრობებს შეუტყავშირდნენ «წალის» კავშირელთა წინააღმდეგ, აიხსნება გლახობით ამ ამბოხებით, რომელმაც უახლოეს, ე. ი. 1514 წელს იფეთქა ბერნსა, ზოლოტურნსა და ლუცერნში და რომელსაც შედეგად მოჰყვა არისტოკრატიული მთავრობებისა და პატრიციატის წმენდა. გარდა ამისა, გლახებმა აქ ზოგიერთი უპირატესობა მოიპოვეს. თუ შვეიცარიის ადგილობრივმა აჯანყებებმა გამარჯვებას მიაღწიეს, ეს უბრალოდ იმით აიხსნება, რომ აქ

¹ — ე. ი. ავსტრიელ ჰაბსბურგთა მეფისნაცვლის მთავრობა ელზასსა და ბრაის-გაუში. რ ე დ.

ცენტრალიზაცია კიდევ უფრო სუსტი იყო, ვიდრე გერმანიაში. თავიანთ ადგილობრივ ბატონებს გლებები 1525 წელსაც ყველგან სწრაფად უსწორდებოდნენ, მაგრამ ისინი მარცხდებოდნენ მთავრების ორგანიზებულ ჯარებთან შეტაკებებში, შვეიცარიაში კი სწორედ ასეთი ჯარები არ არსებობდა.

ბაღენის «წალის» კავშირთან ერთად და უშუალოდ მასთან დაკავშირებით ვიურტემბერგში მოეწყო მეორე შეთქმულება. ცნობების მიხედვით იგი ჯერ კიდევ 1503 წლიდან არსებობდა, მაგრამ, რადგან «წალის» კავშირის სახელწოდება უნტერგრომბახის აფეთქების შემდეგ სახიფათო გახდა, ამ კავშირმა «ს ა წ ყ ა ლ ი კ ო ნ რ ა დ ი ს» სახელწოდება მიიღო. მისი მთავარი ცენტრი რენსის ხეობაში იყო ჰოჰენშტაუფენის მთის ძირში. მისი არსებობა, ყოველ შემთხვევაში ხალხში, უკვე კარგა ხანია საიდუმლოებას არ წარმოადგენდა. უსირცხვილო შევიწროვებამ ჰერცოგ ულრიხის მთავრობის მხრივ და რამდენიმე წლის შიმშილობამ, რომელმაც 1513 და 1514 წლების მოძრაობის აფეთქებას ძალოვანად შეუწყო ხელი. გაზარდა მოკავშირეთა რიცხვი; თვით ამბოხება გამოიწვია ახალი გადასახადების დაწესებამ ღვინოსა, ხორცსა და პურზე, აგრეთვე კაპიტალის გადასახადმა წლიურად ერთი პფენიგის რაოდენობით ყოველ გულდენზე. განზრახული იყო პირველად აედოთ ქალაქი შორნდორფი, სადაც შეთქმულების მეთაურები მედანე კასპარ პრეგიცერის სახლში იკრებებოდნენ. 1514 წელს გაზაფხულზე იფეთქა აჯანყებამ. 3 000, ზოგიერთი ცნობით კი 5 000, გლები ქალაქს მიუახლოვდა, მაგრამ უკანვე დაბრუნდა ჰერცოგის მოხელეთა მიერ კეთილი შეპირებებით დაიმედებული; ჰერცოგი ულრიხი სასწრაფოდ გამოეშურა ქალაქისკენ თავისი 80 მხედრითურთ და ამასთან აღუთქვამდა ახალი გადასახადების გაუქმებას. მაგრამ ქალაქში მას ამ დაპირების წყალობით ყოველივე წესრიგში და დამშვიდებული დახვდა. იგი პირდებოდა ლანდტაგის მოწვევას საჩივრების გასარჩევად. მაგრამ კავშირის ბელადებმა კარგად იცოდნენ, რომ ულრიხს მხოლოდ ერთი განზრახვა ჰქონდა: ხალხი დაეწყინებინა, სანამ იგი საკმაოდ რაოდენობის ჯარს გამოიწვევდა და თავს მოუყრიდა, რათა თავისი სიტყვა გაეტეხა და გადასახადები ძალით აეკრიფა. ამიტომ მათ კასპარ პრეგიცერის სახლიდან, «საწყალი კონრადის კანცელარიიდან», მოწოდება დაგზავნეს კავშირის კონგრესის მოსაწვევად; ამ მიზნით ყოველი მიმართულებით დაგზავნეს თავიანთი ემისრები. რენსის ხეობაში პირველი აჯანყების წარმატებამ ყველგან გაზარდა მოძრაობის ავტორიტეტი ხალხის თვალში; წერილობითმა მოწოდე-

ბამ და ემისრებმა ყველგან ნაყოფიერი ნიადაგი ჰპოვეს და 28 მაისს უნტერტიურკაშიში შეკრებილ კონგრესს მრავალი წარმომადგენელი დაესწრო ვიურტემბერგის ყოველი კუთხიდან. გადაწყდა, ბეჭითად გაეგრძელებინათ აგიტაცია და პირველ შემთხვევისთანავე რემსის ხეობაში დაერტყათ, რათა აქედან აჯანყება შემდგომ გაეშართობინათ. როდესაც ყოფილმა ჯარისკაცმა დეტინგენელმა ბანტელჰანსმა და ყველასაგან პატივცემულმა ვიურტინგელმა გლეხმა ზინგერჰანსმა შეაბიის ალბის¹ მცხოვრებნიც ჩააბეს კავშირში, აჯანყებამ უკვე ყველგან იფეთქა. მართალია, ზინგერჰანსი მოულოდნელი თავდასხმის შედეგად ხელში ჩაუვარდა მტერს, მაგრამ ქალაქები ბაკნანგი, ვინენდენი, მარკგრენინგენი პლებეებთან შეკავშირებულ გლეხებს ჩაუვარდათ ხელში და მთელი ქვეყანა ვაინსბერგიდან ბლაუბოიჩენამდე და იქიდან ბადენის საზღვრამდე აჯანყების ცეცხლში იყო გახვეული; ულრიხი იძულებული გახდა დაეთმო. და ჰუმცა იგი ლანდტაგს იწვევდა 25 ივნისისთვის, მაგრამ ამავე დროს ჰეზობელ მთავრებსა და თავისუფალ ქალაქებს წერილობით შევლას სთხოვდა აჯანყების წინააღმდეგ, რომელიც ყველა მთავარსა, ხელისუფალსა და წარჩინებულს საფრთხეს უქადის იმპერიაში და «უცნაურად წააგავს «წალის» კავშირის მოქმედებას».

ამასობაში ლანდტაგი, ე. ი. ქალაქთა წარმომადგენლები და გლეხების მრავალი დელეგატი, რომლებიც აგრეთვე მოითხოვდნენ ადგილს ლანდტაგში, უკვე 18 ივნისს შეიკრიბა შტუტგარტში. პრელატები ჭერ კიდევ არ მოსულიყვნენ. რაინდები სრულიად არ ყოფილან მოწვეულნი. შტუტგარტის ქალაქის ოპოზიციამ, ისევე როგორც გლეხთა ორმა რაზმმა, რომელიც მახლობლად იყო ჩასაფრებული. ლეონბერგსა და რემსის ხეობაში და საშიშროებას უქმნიდა ქალაქს, მხარი დაუჭირა გლეხთა მოთხოვნებს. მათი წარმომადგენლები ლანდტაგში დაუშვეს და მიღებულ იქნა გადაწყვეტილება გადაეყენებინათ და დაესაჯათ ჰერცოგის სამი მრჩეველი—ლამპარტერი, ტუმბი და ლორხერი, რომლებიც განსაკუთრებულ სიძულვილს იწვევდნენ, შეექმნათ ჰერცოგთან საბჭო ოთხი რაინდისა, ოთხი მოქალაქისა და ოთხი გლეხისაგან, დაენიშნათ ჰერცოგისათვის მტკიცე ჯამაგირი და მოეხდინათ მონასტრებისა და სამადლო ქონების კონფისკაცია სახელმწიფო სალაროს სასარგებლოდ.

ამ რევოლუციურ გადაწყვეტილებებს ჰერცოგმა ულრიხმა სახელმწიფოებრივი გადატრიალება დაუპირისპირა. იგი 21 ივნისს ტუზინგენს გაემგზავრა თავისი რაინდებითა და მრჩეველებით, იქ მას

¹ შეაბიის ალბი, ანუ შეაბიის იურა — შეაბიის მთიანეთი. რ. ე. დ.

პრელატებიც გაპყვნენ, შემდეგ მან ბიურგერებსაც უბრძანა იქ მისვლა, რაც მათ შეასრულეს, და გლეხების დაუსწრებლად განაგრძო ლანდტაგის სხდომები. აქ ბიურგერებმა, რომლებიც სამხედრო ტერორის ქვეშ მოექცნენ, გასცეს თავიანთი მოკავშირეები, გლეხები. 8 ივლისს დაიდო ტუბინგენის ხელშეკრულება, რომელმაც ქვეყანას პერცოგის თითქმის ერთმილიონიანი ვალის გადახდა დააკისრა, პერცოგის ძალაუფლება შეზღუდა ზოგიერთი ვალდებულებით, რომელიც მას არასოდეს არ შეუსრულებია, ხოლო გლეხები ორიოდ მჴლე ზოგადი ფრაზითა და ამბოხების და კავშირების საწინააღმდეგო მეტად მკაცრი კანონით დასაჩუქრა. გლეხების წარმომადგენლობაზე ლანდტაგში, რასაკვირველია, კრინტიც აღარ დაუძრავთ. სოფლის ხალხი გაიძახოდა — გვიღალატესო, მაგრამ პერცოგმა, რომელმაც თავისი ვალების გასტუმრება წოდებთ გადაულოცა და ამით ხელახლა მოიპოვა კრედიტი, სწრაფად მოუყარა თავი ჯარს; მისმა მეზობლებმაც, განსაკუთრებით პფალცის კურფიურსტმა, დამხმარე ჯარები გამოუგზავნეს. ამ პირობებში ივლისის ბოლომდე ტუბინგენის ხელშეკრულება მთელმა ქვეყანამ მიიღო და მისი დაცვა შეჰფიცა. მხოლოდ რემსის ხეობაში გაუწია «საწყალმა კონრადმა» წინააღმდეგობა; პერცოგი, რომელიც აქ ხელახლა პირადად მოიქრა, კინაღამ მოჰკლეს, ხოლო კაპელის მთაზე გაიშალა გლეხთა ბანაკი. მაგრამ რადგან საქმე გაჰიანურდა, აჯანყებულთა უმრავლესობა დაიფანტა საკვების უქონლობის გამო, დანარჩენებმა კი ორაზროვანი ხელშეკრულება დასდეს ლანდტაგის ზოგიერთ წარმომადგენლებთან და შინ დაბრუნდნენ; აზასობაში ულრიხის ჯარი გაძლიერდა მოხალისე მოქალაქეებით, რომლებიც მას შემდეგ, რაც მიღებულ იქნა მათი მოთხოვნები, გლეხკაცების ფანატიკურ მტრებად იქცნენ. ეს ჯარი ახლა ხელშეკრულების მიუხედავად თავს დაესხა რემსის ხეობას და დაარბია სოფლები და ქალაქები. 1600 გლეხი დაატუსაღეს, მათგან 16 კაცს დაუყოვნებლივ თავი მოჰკვეთეს, დანარჩენებს უმეტესწილად მძიმე ფულადი ჯარიმა დააკისრეს ულრიხის სალაროს სასარგებლოდ. მრავალი ადამიანი დიდხანს დარჩა სატუსაღოში. გლეხთა რაიმე კავშირის განახლებისა, თუ გლეხთა ყოველი კრების მოწვევის წინააღმდეგ გამოცემულ იქნა მკაცრი კანონები, ხოლო ყოველი ამბოხების ცდის დასათრგუნავად შვაბიის თავადაზნაურობამ საგანგებო კავშირი შეჰკრა. მაგრამ «საწყალი კონრადის» მთავარმა ბელადებმა თავი შეაფარეს შვეიცარიას, საიდანაც ისინი რამდენიმე წლის შემდეგ, უმეტესწილად ცალცალკე შინ დაბრუნდნენ.

ვიურტემბერგის მოძრაობასთან ერთად თავი იჩინა «წლის» კავშირის ახალმა მღელვარებამ ბრაისგაუსა და ბადენის სამარკგრაფოში. ბიულის მახლობლად იენისში გლეხებმა აჯანყების მოხდენა სცადეს, მაგრამ ეს ცდა მაშინვე ჩასმობილ იქნა მარკგრაფ ფილიპეს მიერ, და ბერთაური გუგელბასტონი ფრაიბურგში დაატუსაღეს და თავი მოჰკვეთეს.

იმავე 1514 წლის გაზაფხულზე იფეთქა საყოველთაო გლეხთა ომმა უნგრეთში. აქ იმ ხანად დაიწყო ჯვაროსნული ომის ქადაგება თურქების წინააღმდეგ და ჩვეულებისამებრ ყმებსა და მებეგრეებს, რომელნიც ლაშქარს მიემხრობოდნენ, თავისუფლებას აღუთქვამდნენ. შეიკრიბა 60 000 კაცი, რომელნიც სეკლერ¹ გეორგ დოჟას სარდლობის ქვეშ დააყენეს; ამ მხედარმა ჯერ კიდევ წინანდელ თურქთა ომში ისახელა თავი და აზნაურობაც კი მიიღო. მაგრამ უნგრელი რაინდები და მაგნატები აღმაცერად უცქერდნენ ამ ახალ ჯვაროსნულ ომს, რომელიც მათ საკუთრების — ყმების წართმევას ემუქრებოდა. ისინი უკან დაედევნენ ზოგიერთ გლეხთა რაზმს და ძალდატანებითა და ცემა-ტყეპით უკან წამოიყვანეს თავიანთი ყმები. როცა ეს ამბავი ჯვაროსანთა ლაშქარში შეიტყვეს, იფეთქა დაზავებული გლეხების გულისწყრომამ. ორმა ყველაზე გულმოდგინე მქადაგებელმა: ლაუტენციუსმა და ბარნაბამ თავიანთი რევოლუციური სიტყვებით კიდევ უფრო გააღვივეს ჯარის სიძულვილი თავადაზნაურობისადმი. თვით დოჟა იზიარებდა თავისი ჯარების აღშფოთებას მოღალატე თავადაზნაურობის წინააღმდეგ; ჯვაროსანთა ლაშქარი რევოლუციურ ჯარად იქცა და დოჟა სათავეში ჩაუდგა ამ ახალ მოძრაობას.

იგი თავისი გლეხებით რაკოშის ველზე დაბანაკდა პეშტის მახლობლად. სამხედრო მოქმედება დაიწყო შეხლა-შემოხლით თავადაზნაურული პარტიის კაცებთან მახლობელ სოფლებსა და პეშტის გარეუბნებში; მალე ეს შეხლა-შემოხლა შეიარაღებულ შეტაკებად იქცა. ბოლოს დაიწყო სიცილიური სერობა² ყველა თავადაზნაურის-

¹ სეკლერები (სეკეიები) ეწოდებოდათ იმ მაღიარო, რომლებიც ტრანსილვანიის აღმოსავლეთ და ჩრდილო-აღმოსავლეთ ნაწილში ცხოვრობდნენ. რ. ე.

² იგლისხმება სახალხო აჯანყება კუნძულ სიცილიაზე, რომელიც მიმართული იყო უცხოური, ფრანგ ანუ ელთა დინასტიის წინააღმდეგ. ამ უკანასკნელმა 1267 წელს ლაიპერო სამხრეთ იტალია და სიცილია. ფრანგი ფეოდალების ძარცვა-გლეჯამ და ძალადობამ გააოიწყია სიძულვილი სიცილიის მთელი მოსახლეობისა, რომელმაც შური იძია დამპყრობლებზე პალერმოს აჯანყების მომენტში და 1282 წლის 31 მარტს საღამოთი ამოსწყვიტა რამდენიმე ათასი ფრანგი რაინდი და ჯარისკაცი. დამპყრობლები გამოძევებულ იქნენ სიცილიიდან, მაგრამ ღიდი ხნის განმავლობაში კიდევ ბატონობდნენ სამხრეთ იტალიაში. რ. ე.

თვის, რომელიც ხელში უვარდებოდათ გლესებს, და მახლობელი ციხე-კოშკების დაწვა. მეფის სასახლე იშუქრებოდა, მაგრამ ამოდ. როცა სატახტო ქალაქის გალავანთან შესრულებულ იქნა პირველი აქტი ხალხის მიერ თავადაზნაურობის გასამართლებისა, დოჟა შემდგომ ოპერაციებზე გადავიდა. მან ხუთ რაზმად გაანაწილა თავისი ჯარი. ორი ზემო უნგრეთის მთებში გაგზავნა იქ ხალხის ასაჯანყებლად და თავადაზნაურობის ამოსაწყვეტად, მესამე პეშტელი მოქალაქის ამბრუშ სალერემის მეთაურობით რაკოშის ველზე დარჩა სატახტო ქალაქისთვის თვალყურის სადევნებლად; მეოთხე და მეხუთე დოჟამ და მისმა ძმამ გრეგორმა სეგედინისკენ წაიყვანეს.

ამასობაში პეშტში თავადაზნაურობა შეიკრიბა და ზიბენბურგენის¹ ეოეოდას იოჰან ზაპოლიას სოსოვა დახმარება. როდესაც სალერეში გლესთა ლაშქრის ბიურგერულ ელემენტებთან ერთად მტრის მხარეზე გადავიდა, თავადაზნაურობამ ბუდაპეშტის ბიურგერებთან ერთად გაანადგურა რაკოშის ველზე დაბანაკებული ჯარი. მრავალი დატყვევებული უღმობლად აწამეს და სიკვდილით დასაჯეს, დანარჩენებს კი ცხვირი და ყურები მოჭრეს და შინ გაუშვეს.

დოჟამ მარცხი განიცადა რა სეგედინთან, ჩენადისკენ გაილაშქრა და დაიპყრო კიდევ მას შემდეგ, რაც თავადაზნაურობის ჯარი, რომელსაც ისტვან ბატორი და ეპისკოპოსი ჩაკი სარდლობდნენ, დაამარცხა, ხოლო ტყვეებზე, რომელთა შორის ეპისკოპოსი და მეფის მოლარეთუხუცესი ტელეკი იმყოფებოდნენ, სისხლისმღვრელი რეპრესიებით იძია შური რაკოშის ველზე ჩადენილი სისასტიკისთვის. ჩენადში მან გამოაცხადა რესპუბლიკა, თავადაზნაურობის გაუქმება. საყოველთაო თანასწორობა და ხალხის სუვერენიტეტი და გაილაშქრა ტემეშვარისკენ², საითყენაც ბატორი გაიქცა. მაგრამ მაშინ როცა დოჟას ორი თვის განმავლობაში ამ ციხისთვის ალყა ჰქონდა შეპორტყმული და მას ახალი ჯარი მიემატა ანტონ ჰოსას მეთაურობით, ორივე ზემოუნგრული ლაშქარი მრავალ შეტაკებაში დამარცხებულ იქნა თავადაზნაურობის მიერ და ამასთან დოჟას წინააღმდეგ გაილაშქრა იოჰან ზაპოლიამ ზიბენბურგენის ჯარითურთ. ზაპოლია თავს დაესხა გლესებს და დაამარცხა ისინი, თვით დოჟა დაიპირეს, გავარვარებულ ტახტზე შესწვეს და ჯერ კიდევ ცოცხალი მისვე ხალხს შეაქამეს იმ პირობით, რომ სიცოცხლეს შეუნარჩუნებდნენ. გაფანტულ გლესებს ლავრენციუსმა და ჰოსამ ხელახლა თავი მოუყარეს.

¹ ზიბენბურგენი (Sichenbürgen) — ტრანსილვანიის გერმანული სახელწოდება.

² აწინდელი რუმინული ქალაქი ტიმიშოარა. რ ე დ.

მაგრამ ისინი კვლავ დამარცხდნენ და ყველანი, ვინც მტერს ხელში ჩაუვარდა, სარზე ჩამოაცვეს ან ჩამოახრჩვეს. ათასობით გლეხთა გვამები ეკადა გზების გასწვრივ ან გადამწვარი სოფლების შესავალში. 60 000-მდე კაცი ნაწილობრივ ბრძოლაში მოკვდა, ნაწილობრივ სიკვდილით იქნა დასჯალი. თავადაზნაურობამ კი იზრუნა, რომ უახლოეს ლანდტაგს გლეხების დამონება ხელახლა კანონად ელიარებინა.

გლეხთა აჯანყება, რომელმაც იმავე დროს «ვინდის მარკში» ე. ი. კარინტიასა, კრაინასა და შტირიაში იფეთქა, ეყრდნობოდა «წალის» კავშირის მსგავს შეთქმულებას; ეს შეთქმულება ამ თავადაზნაურობისა და იმპერატორის მოხელეებისაგან სისხლგამოწოვილ, თურქების თავდასხმებით გაპარტახებულ და შიმშილით დაბეჩავებულ ქვეყანაში ჯერ კიდევ 1503 წელს მოეწყო და მან აჯანყება გამოიწვია. ამ კუთხის სლოვენმა გლეხებმაც გერმანელი გლეხების მსგავსად უკვე 1513 წელს საომარი დროშა აღმართეს «stara prawa»-ს («ძველ უფლებათა») სახელით და თუ ამ წელს კიდევ მოხერხდა მათი დაშოშმინება, თუ 1514 წელს, როცა ისინი კიდევ უფრო მრავლად შეიკრიბნენ, იმპერატორმა მაქსიმილიანემ შესძლო მათი დაშლა იმით, რომ შეჰპირდა «ძველი უფლებების» აღდგენას, მით უფრო მეტი სიმძაფრით იფეთქა 1585 წლის გაზაფხულზე რამდენჯერმე მოტყუებული ხალხის აჯანყებამ შურის საძიებლად. უნგრეთის მსგავსად აქაც შეფიცული გლეხები ყველგან ანადგურებდნენ ციხე-კოშკებსა და მონასტრებს, ხოლო დატყვევებულ თავადაზნაურებს ასამართლებდნენ და ხოცავდნენ. შტირიასა და კარინტიაში იმპერატორის ჯარის უფროსმა დიტრინშტაინმა მალე მოახერხა ამბოხების ჩაქრობა; მაგრამ კრაინაში იგი მხოლოდ ქალაქ რაინზე მოულოდნელი თავდასხმის (1516 წ. შემოდგომაზე) შემდეგ იქნა ჩაქრობილი, ამას მოჰყვა ავსტრიელი თავადაზნაურების ურიცხვი სისასტიკე, რომელიც არაფრით ჩამოუვარდებოდა უნგრელი თავადაზნაურების მიერ ჩადენილ სამარცხვინო საქმეებს.

ადვილი გასაგებია, რომ მთელ რიგ ასეთ გადამწყვეტ დამარცხებათა და თავადაზნაურობის მასიური სისასტიკის შემდეგ გლეხები გერმანიაში დიდ ხანს წყნარად აყვნენ. მაგრამ სავსებით არ შეწყვეტილა არც შეთქმულებანი და არც ადგილობრივი აჯანყებანი. უკვე 1516 წელს «წალის» კავშირის და «საწყალი კონრადის» ლტოლვილნი შვაბიაში და ზემო რაინზე დაბრუნდნენ, და 1517 წელს «წალის» კავშირი უკვე ხელახლა აღორძინდა შვარცვალდში. თვით იოს ფრიცმა, რომელიც 1513 წლიდან ფარულად მუდამ მკერდზე ატარებდა «წალის» კავშირის ძველ დროშას, ხელახლა მოიარა შვარც-

ვალდი და დიდი საქმიანობა გაშალა. შეთქმულება ხელახლა მოეწყო. როგორც თბილისის წლის წინათ, ისე ახლაც კრებებს კნიბისის მთაზე იწვევდნენ. მაგრამ საიდუმლოება გამომჟღავნდა, მთავრობებმა შეიტყვეს შეთქმულება და სათანადო ღონისძიებანი მიიღეს. მრავალი მონაწილე დაიჭირეს და სიკვდილით დასაჯეს; ყველაზე მოქმედი და ინტელიგენტი წევრები იძულებული გახდნენ გაქცეულიყვნენ, მათ შორის იოს ფრიციც, რომელიც ვერც ახლა დაიჭირეს; როგორც ეტყობა, იგი მალე შვეიცარიაში მოკვდა, იმიტომ რომ იგი ამიერიდან აღარსად არაა მოხსენებული.

IV

იმ დროს, როცა შვარცვალდში ჩახშობილ იქნა «წალის» კავშირის მეოთხე შეთქმულება, ლუთერმა ვიტენბერგში ნიშანი მისცა მოძრაობას, რომელსაც ყველა წოდება მორევში უნდა ჩაეთრია და მთელი იმპერია შეერყია. ტიურინგელი ავგუსტინელი ბერის თეზისებმა¹ ისე იმოქმედა, როგორც ნაპერწყალმა თოფისწამლიან კასრში. მათში თავდაპირველად საერთო, ზოგადი გამოხატულება ჰპოვა მრავალმხრივ გადაჯვარედინებულმა მისწრაფებებმა როგორც რაინდებისა ასე მოქალაქეებისა, როგორც გლეხებისა ისე პლებეებისა, როგორც სუვერენობის მაძიებელი მთავრებისა ისე დაბალი სამღვდელოებისა, როგორც ფარული მისტიური სექტებისა, ისე ლიტერატურული-სწავლული და ბურლესკულ-სატირული² ოპოზიციისა; ყველა ეს ელემენტი გასაოცარი სისწრაფით შეჯგუფდა ამ თეზისების გარშემო. ყველა ამ ოპოზიციური ელემენტის ერთ ღამეში შექმნილმა კავშირმა, რა რიგ ხანმოკლეც არ უნდა ყოფილიყო იგი, მოუ-

¹ ენგელსს მხედველობაში აქვს 95 თეზისი, რომელიც 1517 წლის 31 ოქტომბერს ლუთერმა (თავისი სასულიერო კარიერა მან დაიწყო როგორც ტიურინგიის ავგუსტინელთა მონასტრის უბრალო ბერმა) ვიტენბერგის ერთ-ერთი ეკლესიის კარებს მიაკრა. თეზისები შეიცავდნენ მძაფრ პროტესტს კათოლიკური სამღვდელოების მიერ ინდულგენციით ვაჭრობისა და თავისი მდგომარეობის ბოროტად გამოყენების წინააღმდეგ. გარდა ამისა თეზისებში მოცემული იყო ლუთერის რელიგიური მოძღვრების პირველი მონახაზი ბიურგერული იდეალების შესატყვისი იაფფასიანი ეკლესიის შესახებ. რ. ე. დ.

² ბურლესკა — პაროდულ-სატირული ლიტერატურის ერთ-ერთი ჟანრი, რომელიც გავრცელებული იყო აღორძინების პერიოდის მწერლებსა და ჰუმანიზმის იდეოლოგებს შორის; ამ ჟანრს ისინი იყენებდნენ კარის პოეზიის მაღალფარდოვანი სტილისა და ფეოდალური საზოგადოების გაბლენძილობის გასამახსნებლად. რ. ე. დ.

ლოდნელად გამოამყლავნა მოძრაობის საშინელი ძალა და მით უფრო დააჩქარა მისი განვითარება.

მაგრამ სწორედ მოძრაობის ამ სწრაფ განვითარებას ჩქარა უნდა გამოემყლავნებია იმ წინააღმდეგობის ჩანასახი, რომელიც მასში იყო ჩაქსოვილი, უნდა ხელახლა გაეთიშა მღელვარე მასის ერთიმეორის მოწინააღმდეგე ელემენტები და ჩაეყენებინა ისინი მათთვის ნორმალურ მტრულ სდგომარეობაში. ამ კრელი თაოზიციური მასის დაჯგუფებამ ორი პოლუსის, მიზიდულობის ცენტრის გარშემო რეფორმაციის პირველ წლებში იჩინა თავი; თავადაზნაურობა და ბიურგერები ყოველი პირობის გარეშე ლუთერის გარშემო დაჯგუფდნენ; გლეხებმა და პლებეებმა, რომლებიც ლუთერს ჯერ კიდევ არ თვლიდნენ თავიანთ პარდაპირ მტრად, წინანდებურად რევოლუციური თაოზიციური პარტია შექმნეს. მხოლოდ მოძრაობა ახლა ბევრად უფრო ზოგადი, ბევრად უფრო ღრმა გახდა, ვიდრე ლუთერამდე იყო, ამას ორივე პარტიის ინტერესთა მძაფრი წინააღმდეგობა უნდა გამოეწვია, ისინი ერთმანეთისთვის უნდა დაეჯახებინა. ეს პირდაპირი შეჯახება ჩქარა მოხდა; ლუთერი და მიუსცერი ერთმანეთს ებრძოდნენ პრესაში და კათედრიდან, ისევე, როგორც უმეტესწილად ლუთერანებისაგან შემდგარი ან ყოველ შემთხვევაში ლუთერანობისკენ გადახრილი მთავრების, რაინდებისა და ქალაქების ჯარები გლეხებისა და პლებეების რაზმებს ფანტავდნენ ხოლმე.

თუ რა რიგ გათიშული იყო რეფორმაციის მსარეზე გადასული სხვადასხვაგვარი ელემენტების ინტერესები და მოთხოვნილებანი, ჯერ კიდევ გლეხთა ომამდე გამოამყლავნა თავადაზნაურობის ცლამ გაეხორციელებინა თავისი მოთხოვნები მთავრებისა და ხუცების წინააღმდეგ.

ჩვენ შემოთ უკვე დავინახეთ, რა მდგომარეობა დაიჭირა გერმანიის თავადაზნაურობამ XVI საუკუნის დასაწყისში. მას საფრთხე ემუქრებოდა, რომ თავის დამოუკიდებლობას დაკარგავდა თანდათან გაძლიერებული საერო და სასულიერო მთავრების სასარგებლოდ. იმავე დროს ხედავდა, რომ რამდენადაც იგი ქვეითდებოდა, საიმპერიო ხელისუფლებაც სუსტდებოდა და იმპერია რამდენიმე სუვერენულ სამთავროებად იშლებოდა. ამიტომ თავისი დაქვეითება მას უნდა მოსჩვენებოდა გერმანელების, როგორც ერის, დაქვეითებად. ამას ზედ ერთვოდა ის, რომ თავადაზნაურობა, განსაკუთრებით კი უშუალოდ საიმპერიო თავადაზნაურობა, ის წოდება იყო, რომელიც, როგორც თავისი სამხედრო პროფესიის გამო, ისე მთავრების მიმართ თავისი მდგომარეობის გამო, ყველაზე უკეთ წარმოადგენდა იმპერიასა და საიმპერიო ხელისუფლებას. იგი ყველაზე ნაციონალური

წოდება იყო და რამდენადაც უფრო ძლიერი იყო საიმპერიო ხელისუფლება, რაც უფრო სუსტი და მცირერიცხოვანი იყვნენ მთავრები, რაც უფრო გაერთიანებული იყო გერმანია, მით უფრო ღონიერი იყო იგი. ამით აიხსნება რაანდთა საერთო უკმაყოფილება გერმანიის უზადრუჟი პოლიტიკური მდგომარეობით, მისი უძლურებით საგარეო საქმეებში (ეს უძლურება მით უფრო მატულობდა, რაც უფრო აკოწიწებდა იმპერიას საიმპერიო ხელისუფლება მემკვიდრეობით მიღებული პროვინციების შემოერთებით), უცხო სახელმწიფოების ინტრიგებით გერმანიის შიგნით და გერმანელი მთავრების შეთქმულებებით უცხოეთთან საიმპერიო ხელისუფლების წინააღმდეგ. ცხადია, რომ თავადაზნაურობის მოთხოვნა, უწინარეს ყოვლისა, უნდა გამოხატულიყო საიმპერიო რეფორმის მოთხოვნით, რომლის მსხვერპლი მთავრები და უმაღლესი სამღვდლოება უნდა გამხდარიყვნენ. ამ მოთხოვნათა შემუშავება იკისრა გერმანიის თავადაზნაურობის თეორეტიკოსმა წარმომადგენელმა უ ლ რ ი ს ფ ო ნ ჰ უ ტ ე ნ მ ა გერმანელი თავადაზნაურობის სამხედრო და პოლიტიკურ წარმომადგენელ ფ რ ა ნ ც ფ ო ნ ზ ი კ ი ნ გ ე ნ თ ა ნ ერთად.

საიმპერიო რეფორმის მოთხოვნას, რომელიც ჰუტენმა თავადაზნაურობის სახელით წამოაყენა, მან მეტად გარკვეული და რადიკალური სახე მისცა. არც მეტი და არც ნაკლები საქმე ეხებოდა ყველა მთავრის გადაყენებას, ყველა სასულიერო სამთავროსა და მამულის სეკულარიზაციას და თავადაზნაურობის დემოკრატიის დამყარებას მონარქის მეთაურობით, როგორც ეს ოდესღაც არსებობდა კეთილმოსაგონებელ პოლონეთის რესპუბლიკაში. ჰუტენს და ზიკინგენს იმედი ჰქონდათ, რომ სახელმწიფოს ხელახლა მთლიანს, თავისუფალს და ძლიერს გაეზღო, თუ აღვადგინეთ უმთავრესად ჯამხედრო კლასის—თავადაზნაურობის—ბატონობა, თუ გათიშვის მატარებელი მთავრები თავიდან მოვიშორეთ, თუ ხუცების ძალა გავანადგურეთ და გერმანია რომის სულიერი ბატონობისგან გავანთავისუფლეთ.

ბატონყმობაზე დამყარებული თავადაზნაურობის დემოკრატია, როგორც იგი პოლონეთში და ოდნავ შეცვლილი ფორმით გერმანელების მიერ პირველ საუკუნეებში დაპყრობილ სახელმწიფოებში არსებობდა, მეტად პრიმიტიული საზოგადოებრივი ფორმაა და სრულიად ნორმალურად ვითარდება ნათლად გამოკვეთილი ფეოდალური იერარქიისაგან. რომელიც უკვე ბევრად უფრო მაღალ საფეხურს წარმოადგენს. ცხადია, ასეთი წმინდა თავადაზნაურობის დემოკრატია XVI საუკუნის გერმანიაში შეუძლებელი იყო. იგი შეუძლე-

ბელი იყო იმიტომ, რომ გერმანიაში უკვე არსებობდა მნიშვნელოვანი და ძლიერი ქალაქები. მაგრამ, მეორე მხრივ, შეუძლებელი იყო აგრეთვე ის კავშირი დაბალი თავადაზნაურობისა და ქალაქებისა, რომელმაც ინგლისში გამოიწვია ფეოდალურ-წოდებრივი მონარქიის გადაქცევა ბურჟუაზიულ-კონსტიტუციურ მონარქიად. გერმანიაში ძველი თავადაზნაურობა გადარჩა, ინგლისში კი იგი «ვარდების ომის»¹ დროს სრულიად ამოწყდა, გარდა 28 საგვარეულოსი, და მისი ადგილი ახალმა თავადაზნაურობამ დაიჭირა, რომელიც ბურჟუაზიული იყო წარმომობითაც და ტენდენციებითაც; გერმანიაში კი ბატონყმობა განაგრძობდა არსებობას, და თავადაზნაურობას ფეოდალური შემოსავლის წყაროები ჰქონდა. ინგლისში იგი თითქმის სრულიად გაუქმებული იყო და თავადაზნაურობა უბრალო ბურჟუაზიული მიწათმფლობელი იყო და ბურჟუაზიული შემოსავლის წყარო — საადგილმამულო რენტა — ჰქონდა. ბოლოს, გერმანიაში უკვე იმიტომაც შეუძლებელი იყო აბსოლუტურა მონარქიის ცენტრალიზაცია, რომელიც საფრანგეთში თავადაზნაურობის და ბურჟუაზიის წინააღმდეგობის გამო ლუი XI-ის დროდან არსებობდა და თანდათან ძლიერდებოდა, რომ აქ ეროვნული ცენტრალიზაციის პირობები ან საზოგადოდ სრულიად არ არსებობდა ან განუვითარებელი იყო.

ასეთ პირობებში რაც უფრო ახლო უდგებოდა ჰუტენი თავისი იდეალის პრაქტიკულ განხორციელებას, მით უფრო მეტი უნდა დაეთმო მას და მით უფრო გაურკვეველი უნდა გამხდარიყო მისი სახელმწიფოებრივი რეფორმის კონტურები. მარტოდმარტო თავადაზნაურობა იმდენად ძლიერა არ იყო, რომ დაწყებული საქმე განეხორციელებინა. ეს დაამტკიცა მისმა უილაჯობამ, რომელიც თანდათან მატულობდა თავადაზნაურობის გაძლიერებასთან შედარებით. საჭირო იყო მოკავშირეების გამოძებნა, ერთადერთი შესაძლებელი მოკავშირეები კა ქალაქები, გლეხები და რეფორმაციული მოძრაობის გავლენიანი თეორეტიკოსები იყვნენ. მაგრამ ქალაქები იმდენად

¹ «ვარდების ომი» (1455 — 1485) ომი ინგლისის ორი ფეოდალური საგვარეულოს წარმომადგენელთა შორის, რომლებიც ერთმანეთს ტახტს ეცილებოდნენ: იორკები, რომელთა გერბზე გამოსახული იყო თეთრი ვარდი, და ლანკასტერები, რომელთა გერბზეც წითელი ვარდი იყო გამოკვეთილი. იორკთა გარშემო დაჯგუფებული იყო ეკონომიურად უფრო განვითარებული სამხრეთის მსხვილ ფეოდალთა ნაწილი, რაინდები და მოქალაქენი, ლანკასტერებს მხარს უჭერდა ჩრდილოეთის საგრაფოების ფეოდალური არისტოკრატია. ომი დამთავრდა იმით, რომ ზელისუფლებას სათავეში ჩაუდგა ტიუდორების ახალი დინასტია, რომელმაც ინგლისში აბსოლუტიზმი შემოიღო.

კარგად იცნობდნენ თავადაზნაურობას, რომ არ ენდობოდნენ მას და გაუტობოდნენ მასთან ყოველგვარ კავშირს. გლახები სრულიად სამართლიანად თავის უსასტიკეს მტრად თავადაზნაურობას თვლიდნენ, რომელიც მას სისხლს სწოვდა და სტანჯავდა. რეფორმაციის თეორეტიკოსები კი ან ბიურგერების მხარეზე იყვნენ, ან მთავრების, ან გლახებისა. ან კი რა შეეძლო თავადაზნაურობას, რომ ბიურგერებისა და გლახებისთვის პოზიტიური რამ მიეცა საიმპერიო რეფორმით, რომლის მთავარი მიზანი მაინც თავადაზნაურობის გაძლიერება იყო? ასეთ პირობებში ჰუტენს ისლა დარჩენოდა, რომ თავის საპროპაგანდო ნაწერებში ცოტა ან სრულიად არაფერი ეთქვა თავადაზნაურობის, ქალაქების და გლახების მომავალ ურთიერთობაზე, მთელი ბოროტების წყაროდ მთავრები, ხუცები და რომისაგან დამოკიდებულება დაესახა და ბიურგერებისათვის ემტყიცებინა — თქვენი ინტერესი მოითხოვს ნეიტრალური მაინც დარჩეთ მთავრებსა და თავადაზნაურობას შორის მოსალოდნელ ბრძოლაშიო. ჰუტენი კრინტსაც არ სძრავს ბატონყმობისა და გლახების ვალდებულებათა მოსპობაზე.

გერმანიის თავადაზნაურობის დამოკიდებულება გლახებისადმი იმ დროს სწორედ ისეთივე იყო, როგორც პოლონეთის თავადაზნაურობისა თავისი გლახობისადმი 1830 — 1846 წლის აჯანყებათა დროს. როგორც პოლონეთის ამ აჯანყებებში, იმდროინდელ გერმანიაშიც მოძრაობის გამარჯვება მხოლოდ იმ შემთხვევაში იყო შესაძლებელი, თუ ყველა ოპოზიციური პარტიის, განსაკუთრებით თავადაზნაურობის და გლახკაცობის, კავშირი დამყარდებოდა. მაგრამ აქაც და იქაც სწორედ ეს კავშირი იყო შეუძლებელი. არც თავადაზნაურობა იყო იძულებული თავისი პოლიტიკური პრივილეგიები და თავისი ფეოდალური სამართალი დაეთმო გლახებისთვის, არც რევოლუციურ გლახებს შეეძლოთ ზოგადი და გაუტყვეველი პერსპექტივებით დაკმაყოფილებულიყვნენ და კავშირი დამყარებით თავადაზნაურობასთან, ე. ი. იმ წოდებასთან, რომელიც მას სწორედ ყველაზე მეტად სჩაგრავდა. არც 1830 წლის პოლონეთში და არც 1522 წლის გერმანიაში თავადაზნაურობას აღარ შეეძლო გლახების გადაბირება. მხოლოდ ბატონყმობისა და მეზეგერეობის სრულ მოსპობას, ყველა თავადაზნაურული პრივილეგიის მოსპობას შეეძლო სოფლის ხალხის დაკავშირება თავადაზნაურობასთან; მაგრამ თავადაზნაურობას, როგორც ყოველ პრივილეგიურ წოდებას, არავითარი სურვილი არ ჰქონდა ნებაყოფლობით დაეთმო თავისი

6 ფ. ენგელსი

პრივილეგიები, მთელი თავისი განსაკუთრებული მდგომარეობა და თავისი შემოსავლის წყაროების უდიდესი ნაწილი.

ამრიგად, როცა ბრძოლა დაიწყო, თავადაზნაურობა განპარტოებული აღმოჩნდა მთავრების წინააღმდეგ. ძნელი არ იყო იმის წინდაწინ დანახვა, რომ მთავრები, რომელნიც ორი უკანასკნელი საუკუნის განმავლობაში მას ზედიზედ ართმევდნენ პოზიციებს, ახლაც ადვილად გაუწვორდებოდნენ მას.

თვით ბრძოლის მიმდინარეობა ცნობილია. ჰუტენმა და ზიკინგენმა, რომელიც უკვე შუა გერმანიის თავადაზნაურობის ბელადად იყო აღიარებული, ლანდაუში 1522 წელს რაინის, შვაბიისა და ფრანკონიის თავადაზნაურობის კავშირი შეჰკრეს ექვსი წლით ვითომდა თავის დასაცავად; ზიკინგენმა ნაწილობრივ თავისი საკუთარი სახსრით, ნაწილობრივ მეზობელ რაინდებთან ერთად ჯარი შეკრიბა, ჯარისკაცები გამოიწვია ფრანკონიიდან, ქვემო რაინიდან, ნიდერლანდიიდან, ვესტფალიიდან და სექტემბერში 1522 წელს სამხედრო მოქმედება დაიწყო იმით, რომ ომი გამოუცხადა ტრირის კურფიურსტ არქიეპისკოპოსს. მაგრამ როცა მათ ტრირზე ალყა ჰქონდათ შემორტყმული, მთავრებმა სწრაფი მოქმედების შემწეობით მოსწყვიტეს იგი მის სათადარიგო ჯარებს; ჰესენის ლანდგრაფი და პფალცის კურფიურსტი ტრირის დასახმარებლად გამოემუშრნენ და ზიკინგენი იძულებული გახდა უკან დაეხია თავის ციხე-კოშკ ლანდშტულისკენ. ჰუტენის და სხვა მეგობრების ყველა ცდის მიუხედავად, იგი აქ მოკავშირე თავადაზნაურობამ, რომელიც დააფრთხო მთავრების კონცენტრირებულმა და სწრაფმა მოქმედებამ, ბედის ანაბარა დასტოვა; თვით იგი სასიკვდილოდ დაიჭრა, ლანდშტული მტერს გადასცა და მალე ამის შემდეგ მოკვდა. ჰუტენი იძულებული გახდა შვეიცარიაში გაქცეულიყო; რამდენიმე თვის შემდეგ იგი გარდაიცვალა ციურიხის ტბის კუნძულ უფნაუზე.

ამ დამარცხებამ და ორივე ბელადის სიკვდილმა გატეხა თავადაზნაურობის ძალა როგორც მთავრებისაგან დამოუკიდებელი კორპორაციისა. ამიერიდან თავადაზნაურობა გამოდის მხოლოდ როგორც მთავრების დამხმარე და ხელქვეითი ძალა. გლეხთა ომმა, რომელმაც ამის შემდეგ მალე იფეთქა, კიდევ უფრო აიძულა იგი პირდაპირ თუ არაპირდაპირ მთავრების მფარველობის ქვეშ დამდგარიყო და იმავე დროს დაამტკიცა, რომ გერმანელმა თავადაზნაურობამ ამჟობინა მთავართა სუვერენობის ქვეშ განეგრძო გლეხკაცობის ექსპლოატაცია, ვიდრე მთავრები და ხუცები დაემზო განთავისუფლებულ გლეხებთან აშკარა კავშირის შემწეობით.

V

იმ დროიდან, როცა ლუთერმა კათოლიკურ იერარქიას ომი გამოუცხადა და გერმანიის ყველა ოპოზიციური ელემენტი ამოძრავა, ერთი წელიც არ გასულა ისე, რომ გლებებსაც არ წარმოედგინათ თავიანთი მოთხოვნები. 1518 წლიდან 1523 წლამდე შვარცვალდსა და ზემო შვაბიაში ერთი ადგილობრივ გლებთა ამბოხება მეორეს მოსდევდა. 1524 წლის გაზაფხულიდან ამ აჯანყებებმა სისტემატური ხასიათი მიიღეს. ამ წლის აპრილში მარხტალის საბატოს გლებებმა უარი განაცხადეს ბეგრისა და ვალდებულებათა შესრულებაზე; მისში სანქტ-ბლაზიენის გლებებმა უარი თქვეს საბატონო იეგრისა და ვალდებულებათა შესრულებაზე, იენისში შტაინჰაიმის — მემინგენის მიდამოები — გლებებმა განაცხადეს არც საათისთავოს გადავიხდით, არც სხვა გამოსაღებსო; ივლისსა და აგვისტოში ტურგაუელი გლებები აჯანყდნენ და ისინი ნაწილობრივ ციურხელების მუშაველობამ დააშოშმინა, ნაწილობრივ შევიცარიის კავშირის მთავრობის სიმკაცრემ; ამ მთავრობამ მრავალი მათგანი სიკვდილით დასაჯა. ბოლოს შტიულინგენის სალანდგრაფოში დაიწყო გადამწყვეტი ამბოხება, რომელიც შეიძლება გლებთა ომის უშუალო დასაწყისად ჩაითვალოს.

შტიულინგენელმა გლებებმა უეცრად უარი განაცხადეს ლანდგრაფის გადასახადებზე; შექმნეს ძლიერი რაზმები და ბულგენბახელი ჰანს მიულერის მეთაურობით 1524 წლის 24 აგვისტოს ვალდსჰუტისკენ გაემარჯნენ. აქ მოქალაქეებთან ერთად შათ დააარსეს ევანგელიური ძმობა. მოქალაქეები მით უფრო მეტი ხალისით შევიდნენ კავშირში, რომ მათ სწორედ ამ დროს კონფლიქტი ჰქონდათ წინაავსტრიის¹ მთავრობასთან, რომელიც სარწმუნოებრივ ნიადაგზე სდევნიდა მათს მქადაგებელს ბალთაზარ ჰუმბაიერს, ტომას მიუნცერის მოწაფესა და მეგობარს. დაწესებულ იქნა საკავშირო გადასახადი, 3 კრაიციერი კვირეულად, რაც დიდ თანხას წარმოადგენს იმდროინდელი ფულის კურსის მიხედვით; დაგზავნილ იქნენ ემისრები ელზასში, მოზელისკენ, მთელს ზემო რაინის მხარესა და ფრანკონიაში, რათა ყველგან გლებები კავშირში შეეყვანათ, ხოლო კავშირის მიზნად გამოცხადებულ იქნა ფეოდალური წესწყობილების გაუქმება, ციხეებსა და მონასტრების

¹ წინაავსტრიის მიწები — ასე ეწოდებოდა ავსტრიელი ჰაბსბურგებისა და შათი უშუალო ვასალების მამულებს, რომლებიც ზემო შვაბიისა და შვარცვალდის რაიონში იყო გაფანტული. რ. ე. დ.

დანგრევა და ყველა ბატონის გადაყენება, გარდა იმპერატორისა. კავშირის დროშა გერმანული სამფეროვანი ალაში¹ იყო.

აჯანყებამ ჩქარა მოიპოვა ნიადაგი ბადენის მთელს დღევანდელ ობერლანდში². შიშის ძრწოლამ მოიცვა ზემოშვების თავადაზნაურობა, რომლის სამხედრო ძალები თითქმის სავსებით იტალიაში იყო ჩაბმული, ფრანგთა მეფის ფრანცისკ I წინააღმდეგ. თავადაზნაურობას სხვა არაფერი დარჩენოდა გარდა იმისა, რომ მოლაპარაკებით საქმე გაეკიანურებინა, ხოლო ამასობაში ფული შეეგროვებინა და ჯარი შეედგინა, სანამ, ბოლოს, იმდენ ძალას არ მოიკრეფდა, რომ გლეხები მათი თავხედობისთვის «ცეცხლითა და მახვილით, რბევითა და ხოცვა-ჟლეტითა»³ დაესაჯა. აქედან დაიწყო ის სისტემატური ღალატი, ის განუწყვეტელი ცბიერება და ვერაგობა, რომლითაც თავადაზნაურობამ და მთავრებმა თავი ისახელეს მთელი გლეხთა ომის დროს და რომელიც მათ უძლიერეს იარაღს წარმოადგენდა დაქსაქსული და ძნელად დასარაზმავი გლეხკაცობის წინააღმდეგ. შვების კავშირმა, რომელიც მთავრებს, თავადაზნაურობას და სამხრეთ-დასავლეთ გერმანიის საიმპერიო ქალაქებს მოიცავდა, შუამავლობა იკისრა, მაგრამ ისე კი, რომ არავითარი გარკვეული დამობის გარანტია არ მიუცია გლეხებისათვის. გლეხების მოძრაობა არ შეწყვეტილა. ბულგენბახელმა ჰანს მიულერმა 30 სექტემბრიდან შუა ოქტომბრამდე შვარცვალდი განელო ურახამდე და ფურტენგენამდე, თავისი ლაშქარი 3 500 კაცამდე გაზარდა და ევატინგენთან (შტიულინგენის მახლობლად) დაბანაკდა. თავადაზნაურობის განკარგულებაში მხოლოდ 1700 კაცი იყო და ისინიც დაქსაქსული იყვნენ. თავადაზნაურობა იძულებული გახდა დროებითი ზავი ჩამოეგდო. ეს ზავი მართლაც შეიკრა ევატინგენის ბანაკში. გლეხებს აღუთქვეს ნებაყოფლობითი შეთანხმება ან უშუალოდ მონაწილეთა შორის, ან სამედიატორო მსაჯულების შემწეობით, აგრეთვე მათი საჩივრების გარჩევა შტოქკახის საეროზო სასამართლოში. ამის შემდეგ როგორც თავადაზნაურობის ჯარები, ისე გლეხები დაიშალნენ.

¹ — შავ-წითელ-ოქროსფერი ალაში, რომელიც იმ დროს და უფრო გვიანაც გერმანიის ერთიანობის სიმბოლოს წარმოადგენდა. რ ე დ.

² — ე. ი. ბადენის მთიან სამხრეთ-აღმოსავლეთ ნაწილში. რ ე დ.

³ სიტყვები ულტიმატუმიდან, რომელიც ტრუნზესმა, შვების კავშირის დამსჯელი არმიის მეთაურმა, წაუყენა გევაუს აჯანყებულ გლეხებს 1525 წ. 15 თებერვალს. როდესაც მთავრობამ უკვე თავი მოუყარა კონტრრევოლუციურ ძალებს. რ ე დ.

საერთო თანხმობით გლებებმა წამოაყენეს 16 მუხლი, რომლის დადასტურებაც შტოქჰაისის საერობო სასამართლოსაგან მოითხოვდნენ. ეს მუხლები მეტად ზომიერი იყო. გლებები მოითხოვდნენ მხოლოდ წადირობის უფლების, ბეგარის, მძიმე გადასახადების და საერთოდ მებატონეების პრივილეგიების გაუქმებას, მფარველობას თვითნებური დატუსაღებისა და მიკერძოებითი, თვითნებურად განკითხავი სასამართლოსაგან, და სხვას არაფერს.

პირიქით, თავადაზნაურობამ, როგორც კი გლებები შინ დაბრუნდნენ, მაშინვე მოითხოვა ყველა სადავო გამოსაღების გადახდა, სანამ საკითხს სასამართლო გადასწყვეტდა. გლებები, რასაკვირველია, უარს აცხადებდნენ და მებატონეებს სასამართლოზე მიუთითებდნენ. ბრძოლა ხელახლა გაჩაღდა; გლებებმა ხელახლა შექმნეს რაზმები, მთავრებმა და მებატონეებმა თავიანთ ჯარებს მოუყარეს თავი. ამჯერად მოძრაობა უფრო ფართოდ გავრცელდა, ბრანსგაუს საზღვრებს გაშორდა და ღრმად შეიჭრა ვიურტემბერგში. თავადაზნაურთა ჯარი გეორგ ტრუხსეს ფონ ვალდბურგის, გლებთა ომის ამ ალბას მეთაურობით, ფენსადფენ მისდევდა გლებებს, ამარცხებდა ცალკეულ რაზმებს, მაგრამ ვერ ბედავდა მთავარ ძალებზე თავდასხმას. გეორგ ტრუხსესი მოლაპარაკებას აწარმოებდა გლებთა ბელადებთან და ზოგიერთ შემთხვევაში ხელშეკრულებას სდებდა მათთან.

დეკემბრის ბოლოს დაიწყო საქმის განხილვა შტოქჰაისის საერობო სასამართლოში. გლებებმა პროტესტი განაცხადეს იმის წინააღმდეგ, რომ სასამართლო მხოლოდ თავადაზნაურებისაგან შედგებოდა. ამის საპასუხოდ მათ იმპერატორის სიგელი¹ წაუკითხეს. მოლაპარაკება ვაჭიანურდა, ამავე დროს თავადაზნაურობა, მთავრები და შვაბიის საკავშირო მთავრობა იარაღს იხსამდნენ. ერცჰერცოგმა ფერდინანდმა, რომელიც აწინდელი ავსტრიის სამკვიდრო სამფლობელოს გარდა ვიურტემბერგს², ბადენის შვარცვალდსა და სამხრეთ ელზასს ჰფლობდა, ბრძანა უდიდესი სიმკაცრით გასწორებოდნენ ამბოხებულ გლებებს. ისინი უნდა დაეტყვევებინათ, ეწამებინათ და შეუბრალებლად დაეხოცათ, ისინი უნდა ექლიტათ ყოველი

¹ თანხმად იმპერატორ მაქსიმილიანეს სიგელისა საერობო სასამართლების შესახებ, ამ სასამართლოს წევრი შეიძლება ყოფილიყო მხოლოდ «ყეთილშობილ» წოდებათა წარმომადგენელი. რ ე დ.

² მას შემდეგ რაც 1519 წ. შვაბიის კავშირის, უკმაყოფილო ვიურტემბერგელი თავადაზნაურობისა და ბიურგერთა ძალებით ჰერცოგი ულრიხი განდევნილ იქნა ვიურტემბერგიდან, ამ ქვეყნის მართვა-გამგეობა გადაეცა ავსტრიის ერცჰერცოგს. რ ე დ.

საშუალებით. მათი კარმიდამო და ქონება დაეწვათ და გაეპარტახებინათ, მათი ცოლები და ბავშვები ქვეყნიდან გაეძევებინათ. აქედან ჩანს, როგორ იცავდნენ მთავრები და მემატონეები დროებით ზავს და როგორ ესმოდათ მათ ნებაყოფლობითი შეთანხმება და საჩივრების განხილვა. ერცჰერცოგი ფერდინანდი, რომელსაც ველზერის სავაჭრო სახლმა აუგსბურგში ფული ასესხა; სწრაფად იარაღდებოდა; შვაბიის კავშირმა მოითხოვა, რომ თანხები და ჯარები მისთვის სამ ვადაზე მიეწოდებინათ.

ყველა ეს აქამდე მომხდარი აპოხება იმ დროს ეკუთვნის, როცა ტომას მიუნცერი ხუთი თვით ობერლანდში იყო. თუმცა არ არსებობს პირდაპირი დამამტკიცებელი საბუთი იმისა, რომ მოძრაობის დაწყებასა და მსვლელობაზე მას გავლენა მოეხდინოს, მაგრამ არაპირდაპირ ეს გავლენა სავსებით დადასტურებულია. ყველაზე გაბედული რევოლუციონერები გლეხებს შორის, უმეტესწილად, მისი მოწაფეები და მისი იდეების მიმდევრები არიან. თანამედროვეები მას მიაწერდნენ როგორც «თორმეტი მუხლის», ისე ობერლანდელი გლეხების «მოთხოვნათა ბარათის» [«Artikellbrief»] შედგენას. თუმცა მას, ყოველ შემთხვევაში, პირველი დოკუმენტი არ შეუდგენია. ტიურინგიაში დაბრუნების დროს მან გადამწყვეტი რევოლუციური მოწოდება გამოაქვეყნა აჯანყებული გლეხების მიმართ¹.

ამასობაში 1519 წელს ვიურტემბერგიდან გაძევებული ჰერცოგი ულრიხი ინტრიგების ქსელს აბამდა, რათა გლეხების დანაშაულებით კვლავ დაებრუნებინა თავისი ქვეყანა. ფაქტია, რომ თავისი გაძევების მომენტიდან იგი ცდილობდა რევოლუციური პარტია გამოეყენებინა და მას მუდამ მხარს უჭერდა. იმ ადგილობრავე აჯანყებებთან, რომელიც შვარცვალდსა და ვიურტემბერგში მოხდა — 1520 — 1524 წლებს შუა, უმეტესწილად, მისი სახელია დაკავშირებული, და ახლა იგი იარაღდებოდა, რათა თავისი ციხეკოშკი კოპენტვალიდან პირდაპირ ვიურტემბერგში შეჭრილიყო. გლეხები კი მხოლოდ იყენებდნენ მას, მაგრამ არც მის გავლენას დამორჩილებიან ოდესმე, და არც, მით უმეტეს, ენდობოდნენ მას.

¹ ენგელსს მხედველობაში აქვს 1525 წ. დამდევს ნიურნბერგში დაბეჭდილი ანონიმური პამფლეტი «ზემოგერმანელი ერის და მრავალი სხვა ადგილის აღშფოთებული და აჯანყებული გლეხაკობის კრებას იმის თაობაზე, სამართლიანია თუ არა მისი აღშფოთება და რა შეიძლება ან რა არ შეიძლება რომ მან ჩაიდინოს ხელისუფალთა მიმართ. საფუძვლად უდევს წმინდა წერილი ღვთისა, შედგენილი და გადმოცემულია მოძვე ობერლანდელ გლეხთა სრული მოწონებით». (იხ. W. Zimmermann. Allgemeine Geschichte des grossen Bauernkrieges, T. 2, Stuttgart 1842, S. 113 — 115). რ ე დ.

ასე განვლო ზამთარმა და არც ერთ მხარეს არ მიუმართავს გადამწყვეტი მოქმედებისათვის. ბატონი მთავრები მიიმაღლნენ, გლებ-თა აჯანყება გაფართოვდა. 1525 წლის იანვარში მთელი ქვეყანა დუნაისა, რაინსა და ლეხს შუა ბობოქრობდა, ხოლო თებერვალში ამოვარდა ქარაშხალი.

მაშინ როცა შვარცვალდ-ჰეგაუს რაზმი ბულგენბახელი ჰანს მიულერის მეთაურობით ფარულ მოლაპარაკებას აწარმოებდა ულრიხ ვიურტემბერგელთან და ნაწილობრივ ეხმარებოდა მის უნაყოფო ლაშქრობას შტუტგარტზე (თებერვალი და მარტი 1525 წ.), 9 თებერვალს გლებები აჯანყდნენ რიდში, ულმის ზემოთ, შეგროვდნენ ჰაობების გამო მიუდგომელ ბანაკში ბალტრინგენთან, ააფრიალეს წითელი დროშა და ულრიხ შმიტის წინამძღოლობით ბალტრინგენის რაზმი შეადგინეს. მათი რიცხვა 10 — 12 ათას კაცს აღწევდა.

25 თებერვალს შუსენში თავი მოიყარა ზემო ალგაუს რაზმმა, 7000 კაცის რაოდენობით, ეს ხალხი აღლევებული იყო იმ ხმებით, რომ ამ კუთხეში მყოფ უკმაყოფილოთა წინააღმდეგ ჯარებს აგზავნიანო. კემპტენლები, რომლებსაც მთელი ზამთრის განმავლობაში შეხლ-შემოხლა ჰქონდათ თავიანთ არქიეპისკოპოსთან, გაერთიანდნენ და 26 თებერვალს შეუერთდნენ მათ. განსაზღვრული პირობებით მოძრაობას შეუერთდნენ ქალაქები მემინგენი და კაუფ-ბოირენიცი, მაგრამ აქ უკვე თავი იჩინა იმ ორქოფმა პოზიციათ, რომელიც ამ ბრძოლაში ქალაქებს ეკირა. 7 მარტს მემინგენში მიღებულ იქნა თორავეტი მუხლი მთელი ზემო ალგაუელი გლებობისთვის.

ალგაუელების წინადადებით ბოდენის ტბაზე აიტელ ჰანსის მეთაურობით ტბისპირელთა ჯარი შედგა. იგი სწრაფად გაიზარდა. მისი მთავარი ბანაკი ბერმატინგენში იყო.

უკვე მარტის პირველ დღეებში გლებები აჯანყდნენ აკრუთკე ქვემო ალგაუში, ოქსენჰაუზენის და შელენბერგის მიდამოებში, ცაილშენსა და ვალდბურგშენში, ტრუნხენის სამფლობელოში. ეს ქვემო ალგაუელი ჯარი 7000 კაცის რაოდენობით ვურცახთან იყო დაბანაკებული.

ყველა ამ ოთხმა რაზმმა მემინგენის პროგრამა მიიღო, რომელიც ბევრად უფრო ზომიერი იყო, ვიდრე ჰეგაუს გლებთა პროგრამა და იმ პუნქტებში, რომელიც შეეხებოდა შეიარაღებულ გლებთა რაზმების დამოკიდებულებას თავადაზნაურობასა და მთავრობებთან, ფრიად დამახასიათებელ მერყეობას ამჟღავნებდა. თუ საერთოდ გლებებმა სადმე გაბედულობა გამოამჟღავნეს, ეს მოხდა თვით ომის

მსვლელობაში, მას შემდეგ როცა გლეხები გამოცდილებით გაეცნენ თავიანთი მტრების მოქმედების ხასიათს.

ამ რაზმებთან ერთად იმავდროულად დუნაიზე შეიკრიბა მეექვსე რაზმი. მთელი ამ ტერიტორიიდან, ულმიდან დაწყებული დონა-უვერტამდე, ილერის, როტის და ბიბერის ხეობებიდან გლეხებმა თავი მოიყარეს ლაიპში და ბანაკი გაშალეს. 15 დაბა-სოფლიდან ქუდზე კაცი გამოვიდა, 117 ადგილიდან მაშველი რაზმები მოვიდნენ. ლაიპში მისი რაზმის მეთაური ულრიხ შოენი იყო, მისი მკადაგებელი — ლაიპშიელი ხუცესი იაკობ ვეჟე.

ამრიგად, მარტის დამდეგს ექვს ბანაკში 30-დან — 40 ათასამდე აჯანყებული და შეიარაღებული ზემოშვაბიელი გლეხი იდგა. თავისი ხასიათით ეს გლეხთა რაზმები მეტად ჭრელი იყო. რევოლუციური, ე. ი. მიუნცერის პარტია ყველგან უმცირესობას შეადგენდა. ამისდა მიუხედავად, იგი ყველგან გლეხთა ბანაკების ბირთვსა და დასაყრდენს წარმოადგენდა, გლეხთა მასა ყოველთვის მზად იყო შეთანხმებოდა მებატონეებს, თუკი მას აღუთქვამდნენ დათმობებს, რომელთა გამოგლეჯას იგი მუქარით ცდილობდა. გარდა ამისა, როცა საქმე გაჭიანურდებოდა და მთავართა ჯარები ახლოვდებოდნენ, გლეხებს ომი ემძიმებოდათ და ისინი, ვისაც ჯერ კიდევ გააჩნდა რაიმე დასაკარგავი, უმეტესწილად, შინ ბრუნდებოდნენ. ესეცაა, რომ რაზმებს მასიურად უერთდებოდა მოხეტიალე ლუმპენპროლეტარიატი, რომელიც დისციპლინის დაცვას ძნელებდა, გლეხაკობას ზნეობრივად ხრწნიდა და ხშირად გარბოდა, რათა ისევ უკან დაბრუნებულიყო. უკვე ამით აიხსნება ის, რომ გლეხთა რაზმები თავდაპირველად ყველგან თავდაცვით კმაყოფილდებოდნენ, ბანაკებში იხრწნებოდნენ და, მათი ტაქტიკური უმწეობა და კარგი სარდლების ნაკლებობაც რომ არ მივიღოთ მხედველობაში, სრულებით ვერ შეედრებოდნენ მთავართა ჯარებს.

ჯერ კიდევ მაშინ, როცა გლეხთა რაზმები თავს იყრიდნენ, ჰერცოგი ულრიხი შეკრებილი ჯარებითა და ჰეგაუელი გლეხების ერთი ნაწილით ჰოჰენტვილიდან ვიურტემბერგში შეიჭრა. შვაბიის კავშირის დადღეპვა გარდუვალი იქნებოდა, გლეხებს რომ ახლა მეორე მხრიდან შემოეტიათ ტრუხზეს ფონ ვალდბურგის ჯარისთვის. მაგრამ რადგან გლეხთა რაზმები მხოლოდ თავდაცვით კმაყოფილდებოდნენ, ტრუხზესმა ჩქარა შეძლო ბალტრინგენელ, ალგაუელ და ტბისპირელ გლეხებთან დროებითი ზავი ჩამოეგდო, მოლაპარაკება დაეწყო და საქმის საბოლოოდ მოგვარება

Judica-ს კვირისათვის (2 აპრილისთვის)¹ დაენიშნა. ეს ვადა მან გამოიყენა, რათა ჰერცოგ ულრიხის წინააღმდეგ გაელაშქრნა, შტუტგარტი აეღო და ჰერცოგი აქტულებინა 17 მარტს ხელახლა დაეტოვებინა ვიურტემბერგი. მაშინ მან თავისი ძალები გლებების წინააღმდეგ მიმართა, მაგრამ მისსავე საკუთარ წარში ლანდსკნენტები აჯანყდნენ და უარი თქვეს გლებებს შებრძოლებოდნენ. ტრუხზესმა მოახერხა მემამბონეთა დაშოშმინება და ულმისკენ გაემართა, სადაც ახალი დამხმარე ძალები იყრიდნენ თავს. კირხჰაიმუნტერტეკთან მან მეთვალყურე ბანაკი დასტოვა.

შვაბიის კავშირმა, რომელმაც იგრძნო, რომ ხელფეხშებოქილი აღარ იყო და რომელმაც უკვე შეკრიბა თავისი პირველი კონტინგენტები, ნილაბი ჩამოიხსნა და განაცხადა, «გადაწყვეტილი მაქვს იარაღით და ღვთის შეწევნით დაეთრგუნო გლებების თვითნებური მოქმედებანიო»².

გლებები კი ამასობაში მტკიცედ იცავდნენ დროებითი ზავის პირობებს. იმ მოლაპარაკებისთვის, რომელიც Judica-ს კვირისათვის იყო დანიშნული, მათ თავიანთი მოთხოვნები შეიმუშავეს, ცნობილი «თ ო რ მ ე ტ ი მ უ ხ ლ ი». ისინი მოითხოვდნენ სასულიერო პირთა არჩევას და გადაყენებას თემების მიერ, მცირე სამეათედოს მოსპობას, ხოლო დიდი სამეათედოს³ საზოგადოებრივი მიზნებისთვის მოხმარებას, ხუცესის ჯამაგირის გამოკლებით, ბატონყმობის მოსპობას, თევზაობის და ნადირობის უფლებას, სამკვდრო გადასახადის გაუქმებას, ძალზე დიდი გამოსაღების, ღალისა და ბეგარის შეზღუდვას, ძალმომრეობით წართმეული ტყეების, საძოვრებისა და პრივილეგიების დაბრუნებას თემებისა და კერძო პირებისთვის,

¹ Judica-ს კვირა (სიტყვა iudex-იდან — განმკითხველი, სიტყვა-სიტყვით «განკითხვის კვირა») — დიდი მარხვის მეხუთე კვირადღე. რ ე დ.

² ეს გადაწყვეტილება მიღებულ იქნა მოკავშირე ხელისუფალთა თათბირზე ულმში 1525 წ. მარტში იმ დროს, როდესაც შვაბიის კავშირის წარმომადგენლები ჯერ კიდევ მოლაპარაკებას აწარმოებდნენ აჯანყებულებთან. იგი დამოწმებულია ულმის არქივის დოკუმენტში, რომელიც მოჰყავს ციმერმანს (იხ. «გლებთა ომის ისტორია გერმანიაში», ტ. 1, მოსკოვი, 1937, გვ. 254). რ ე დ.

³ დიდი და მცირე სამეათედო — ორი სახესხვაობა გლებებისათვის უაღრესად მძიმე გადასახადისა, რომელსაც ისინი კათოლიკური ეკლესიის სასარგებლოდ იხდიდნენ. ამ გადასახადის ოდენობა და ხასიათი უაღრესად სხვადასხვაგვარი იყო გერმანიის სხვადასხვა კუთხეში და უმრავლეს შემთხვევაში მნიშვნელოვნად აღემატებოდა გლებური წარმოების პროდუქტის მეთოდ ნაწილს. როგორც წესი, მცირე სამეათედოს იხდიდნენ საქონლის სულაღობისდა მიხედვით, ხოლო დიდ სამეათედოს — მოსავლისაგან ჰკრეფდნენ. რ ე დ.

თვითნებობის მოსპობას სასამართლოებსა და მმართველობაში. აქედან ჩანს, რომ ზომიერი, შემთანხმებლური პარტია მეტად გავლენიანი იყო გლეხთა რაზმებში. რევოლუციურმა პარტიამ უკვე წინათ წარმოადგინა თავისი პროგრამა, ე. წ. «მოთხოვნათა ბარათი». ეს ღია ბარათი, მიმართული მთელი გლეხკაცობისადმი, მოუწოდებდა მას შესულიყო «ქრისტიანულ კავშირსა და ძმობაში», რათა თავიდან მოეშორებინა ყოველი ტვირთი, ნებაყოფლობით იქნებოდა ეს, — «რაიცა თუმცაღა ძნელად მოსალოდნელია» — თუ ძალდატანებით; შემდეგ ეს ბარათი «საერო შეჩვენებით» ემუქრებოდა ყველა განდგომილთ, ე. ი. საზოგადოებიდან გაძევებით და ყოველი ურთიერთობის შეწყვეტით კავშირის წევრებთან. ეს საერო შეჩვენება ენებოდა აგრეთვე ყველა ციხე-კოშკსა, მონასტერსა და ეკლესიას, გარდა იმ შემთხვევისა, თუ თავადაზნაურობა, მღვდლები და ბერები ნებაყოფლობით დასტოვებდნენ მათ, ჩვეულებრივ სახლებში გადავიდოდნენ სხვა ადამიანებივით და ქრისტიანულ კავშირს შეუერთდებოდნენ. — მაშასადამე, ამ რადიკალურ მანიფესტში, რომელიც ალბათ 1525 წლის გაზაფხულის აჯანყებამდე დაიწერა, უწინარეს ყოვლისა ლაპარაკია ჯერ კიდევ გაბატონებულ კლასებზე რევოლუციის სრული გამარჯვების მოპოვების შესახებ, ხოლო მუხლი «საერო შეჩვენების» შესახებ ნიშნავდა მხოლოდ იმას, რომ გლეხებმა მჩაგვრელები და მოლალატეები უნდა გაულიტონ, ციხე-კოშკები დასწვან, მონასტრებსა და ეკლესიებს კონფისკაცია უყონ, ხოლო მათი განძეულობა უნდა ფულად აქციონ.

მაგრამ სანამ გლეხები თავიანთ თორმეტ მუხლს მოწვეულ მედიატორებს წარუდგენდნენ, მათ ცნობა მიიღეს, რომ შვაბიის კავშირმა ხელშეკრულება დაარღვია და რომ მისი ჯარები ახლოვდებიან. უმაღლეს მიღებულ იქნა საწინააღმდეგო ღონისძიებანი. გაისბოიერენში მოწვეულ იქნა ალგაუელების, ბალტრინგელების და ტბისპირელი გლეხების საერთო კრება. ოთხი რაზმი ერთმანეთს შეუერთდა და მათგან ოთხი ახალი ლაშქარი მოეწყო, გადაწყდა მოეხდინათ საეკლესიო და სამონასტრო ქონების კონფისკაცია, გაეყიდათ განძეულობა სამხედრო საღაროს სასარგებლოდ და დაეწვათ ციხეკოშკები. ამრიგად, ოფიციალურ თორმეტ მუხლთან ერთად «მოთხოვნათა ბარათიც» გლეხთა ომის სახელმძღვანელოდ იქცა, ხოლო *Judica*-ს კვირა — ზავის ჩამოსაგდებად დანიშნული დღე — ს ა ყ ვ ე ლ თ ა ო ა ჯ ა ნ ყ ე ბ ი ს თ ა რ ი ლ ა დ .

აღელვება, რომელიც ყველგან იზრდებოდა, შეუწყვეტელი ადგილობრივი კონფლიქტები გლეხკაცობისა თავადაზნაურობასთან,

ცნობა, რომ უკვე ექვსი თვეა, რაც შვარცვალდში აჯანყება თანდათან ღვივდება და ფართოვდება დუნაიმდე და ლეხამდეო, — ყოველივე ეს გასაგებს ხდის, თუ როგორ მოიცვა ერთაქეობის მაყალებით დაწყებულმა გლებთა აჯანყებებმა, ბოლოს, გერმანიის ორი მესამედი. მაგრამ ის ფაქტი, რომ ყველა ეს ცალკეული აჯანყება ერთდროულად მიმდინარეობდა, აშკიციებს, რომ მოძრაობას სათავეში უდგნენ ადამიანები, რომლებიც მას ანაბაპტისტების და სხვა ემისრების საშუალებით ორგანიზებულად აწყობდნენ. მარტის მეორე ნახევარში არეულობამ თავი იჩინა ვიურტემბერგსა, ნეკარის ქვემო ხეობასა, ოდენვალდსა, ქვემო და შუა ფრანკონიაში; მაგრამ ყველგან საყოველთაო ამბოხების დღედ, წინასწარ დანიშნული იყო 2 აპრილი, Judica-ს კვირა. ყველგან გადაწყვეტი დარტყმა, მასობრივი ამბოხება აპრილის პირველ კვირაშივე მოხდა. ალგაუელებმა, ჰეგაუელებმა და ტბისპირელმა გლებებმაც ნობათითა და მასობრივი კრებებით 1 აპრილს ქულზე კაცი გამოიწვიეს ბანაკში და ბალტრინგელებთან ერთად ბრძოლა დაიწყეს ციხე-დარბაზებისა და მონასტრების წინააღმდეგ.

ფ რ ა ნ კ ო ნ ი ა შ ი, სადაც მოძრაობა ექვსი ცენტრის გარშემო გაიშალა, აჯანყებამ ყველგან აპრილის პირველ დღეებში იფეთქა. ამ დროისთვის ნ ო რ დ ლ ი ნ გ ე ნ თ ა ნ ორი გლებთა ბანაკი შეიქმნა, მათი დახმარებით ქალაქში გამარჯვება მოიპოვა რევოლუციურმა პარტიამ, რომლის ბელადი ანტონ ფ ო რ ნ ე რ ი იყო. ამ პარტიამ მიაღწია როგორც ფ ო რ ნ ე რ ი ს დანიშვნას ქალაქის მოურავად, ისე ქალაქის მიმხრობას გლებებისადმი. ან ს ბ ა ხ ი ს მიდამოებში გლებები ყველგან 1 აპრილიდან 7 აპრილამდე აჯანყდნენ, და აჯანყება აქედან ბავარიის საზღვრებამდე გავრცელდა. რ ო ტ ე ნ ბ უ რ გ ი ს მიდამოებში გლებები უკვე 22 მარტიდან შეიარაღდნენ; ქალაქ როტენბურგში 27 მარტს წვრილმა ბიურგერებმა და პლებებმა სტეფან ფონ მ ე ნ ც ი ნ გ ე ნ ი ს მეთაურობით დაამხეს პატრიციატის ბატონობა; მაგრამ რადგან აქ ქალაქის მთავარ შემოსაველს სწორედ გლებების გადასახადები წარმოადგენდა, ახალმა მთავრობამაც მეტისმეტი მერყეობა და ორჭოფობა გამოიჩინა გლებკაცობის მიმართ. ვ ი უ რ ც ბ უ რ გ ი ს სატაძრო კაპიტულის სამფლობელოში¹ გლებკაცობა და პატარა ქალაქები ყველგან აჯანყდნენ აპრილის დასაწყისში, ხოლო ბ ა მ ბ ე რ გ ი ს სამღვდელთმთავროში საყოველთაო აჯან-

¹ ვ ი უ რ ც ბ უ რ გ ი ს სატაძრო კაპიტულ — სასულიერო კოლეგია, რომელიც ვიურცბურგის ეპარქიას მართავდა. მის მეთაურს ვიურცბურგის ეპისკოპოსს, ამავე დროს, ჰერცოგ ფრანკონელის ტიტულიც ჰქონდა. რ ე დ.

ყებამ ხუთი დღის განმავლობაში აიძულა ეპისკოპოსი დაეთმო. ბოლოს, ჩრდილოეთში, ტიურინგიის საზღვარზე გაიშალა ბილდ-ჰაუზენის გლეხთა ძლიერი ბანაკი.

ოდენვალდში, სადაც რევოლუციური პარტიის სათავეში იდგნენ გრაფ ჰოჰენლოეს ყოფილი კანცლერი აზნაური ვენდელჰიჰლერი და გეორგ მეცლერი — კრაუტჰაიმის მახლობლად მდებარე ბალენბერგის მიკიტანი, ქარიშხალი უკვე 26 მარტს ამოვარდა. გლეხები ტაუბერისკენ გაემართნენ ყოველი მხრიდან. მათ მიემხრო აგრეთვე 2 000 კაცი როტენბურგის ბანაკიდან. სარღობა გეორგ მეცლერმა იკისრა და 4 აპრილს ყველა დამხმარე ძალის შემოერთების შემდეგ, შოენტალის მონასტრისკენ გაილაშქრა, მდინარე იაქსტისკენ, სადაც მას ნეკარის ხეობის გლეხები შეუერთდნენ. ეს უკანასკნელები, რომლებსაც ჰაილბრონის მახლობლად მდებარე ბეკინგენის მიკიტანი იეკლაინ რორბახი მეთაურობდა, Judica კვირას აჯანყდნენ ფლაინსა, ზონტჰაიმში და სხვაგან, ხოლო ვენდელჰიჰლერი იმავე დროს რამდენიმე შეთქმულითურთ ოერინგენს დაესხა თავს და მახლობლად მცხოვრები გლეხები მოძრაობაში ჩაითრია. შოენტალში ორივე გლეხთა რაზმი ნათელი ლაშქრის სახელწოდებით შეერთდა, მიიღო თორმეტი მუხლი და გაითარემა ციხეკოშკებისა და მონასტრების წინააღმდეგ. ნათელი ლაშქარი დაახლოებით 8000 კაცისაგან შედგებოდა და ზარბაზნებითა და 3000 თოფით იყო შეიარაღებული. მას მიემხრო აგრეთვე ფრანკონელი რაინდი ფლორიან გაიერი; მან შექმნა შავი გუნდი, რჩეული რაზმი, რომელიც განსაკუთრებით როტენბურგელი და ოერინგელი მოლაშქრეებისაგან შედგებოდა.

სამხედრო მოქმედება დაიწყო ვიურტემბერგელმა მოურავმა ნეკარზულშში, გრაფმა ლუდვიგ ფონ ჰელფენშტაინმა. იგი დაუყოვნებლივ ახოცინებდა ყველა გლეხს, რომელიც კი ხელში ჩაუვარდებოდა. ნათელი რაზმი მის წინააღმდეგ გაემართა. გრაფის მიერ მოწყობილმა ამ ხოცვა-ჟლეტამ, ამასთანავე ცნობამ ლაიპჰაიმერის რაზმის დამარცხებისა, იაკობ ვეჰეს სიკვდილით დასჯისა და ტრუხზესის მძვინვარების შესახებ, გააბოროტა გლეხები. ჰელფენშტაინერი ვაინსბერგისკენ გაიჭრა, მაგრამ აქ მას შეუტიეს. ფლორიან გაიერმა იერიშით აიღო ციხე-კოშკი, ხანგრძლივი ბრძოლის შემდეგ ქალაქიც აიღო და გრაფი ლუდვიგი დაატყვევა რამდენიმე რაინდთან ერთად. მეორე დღეს, 17 აპრილს, იეკლაინ რორბახმა ყველაზე უფრო შეურიგებელ რაზმელებთან ერთად გაასა-

მართლა ტყვეები და მათგან თოთხმეტი კაცი ჰელფენშტაინის მეთაურობით რაზმებს შუა გაატარებინა: ამაზე სამარცხვინო სიკვდილით დასჯის მოგონება მათთვის შეუძლებელი იყო. ვაინსბერგის აღებამ და იეკლან რორბახის ტერორისტულმა შურისძიებამ ჰელფენშტაინის მიმართ სათანადო გავლენა მოახდინა თავადაზნაურობაზე. გრაფები ფონ ლევენშტაინები მიემხრნენ გლებთა კავშირს, გრაფებმა ფონ ჰოპენლოებმა, რომლებიც უკვე წინათ გადმოვიდნენ მათ მხარეს, მაგრამ აქამდე გლებებისთვის არავითარი დახმარება არ გაუწევიათ, მაშინვე საჭირო იარაღი და თოფის წამალი გამოგზავნეს.

მეთაურებმა თათბირი დაიწყეს იმის შესახებ, მოეწვიათ თუ არა სარდლად გიოც ფონ ბერლიხინგენი, რადგან იგი თავადაზნაურობის გადმობრუნებას შესძლებსო. ეს წინადადება მიღებულ იქნა თანაგრძნობით; მაგრამ ფლორიან გაიერი, რომელმაც გლებებისა და მეთაურების ამ განწყობილებაში რეაქციის დასაწყისი დაინახა, თავისი შავი რაზმითურთ გამოეთიშა გლებთა ლაშქარს და საკუთარი ძალების ანაბარამ ჯერ ნეკარის ხეობა გაიარა, შემდეგ ვიურცბურგის მიდამოები დალაშქრა და ყველგან ანადგურებდა ციხე-კოშკებსა და ხუცების ბუდეებს.

რაზმის დანარჩენი ნაწილი უწინარეს ყოვლისა ჰაილბრონისკენ გაემართა. ამ ძლიერ, თავისუფალ საიმპერიო ქალაქში, ისევე როგორც თითქმის ყველგან, წარჩინებულთა წინააღმდეგ ბიურგერული და რევოლუციური თპოზიცია იდგა. ეს უკანასკნელი ფარულად შეუთანხმდა გლებებს და უკვე 17 აპრილს აყალმაყალის დროს კარიბჭე გაუღო მეცლერსა და იეკლან რორბახს. გლებთა ბელადები თავიანთი რაზმებით დაეპატრონენ ქალაქს, რომელიც ძმობაში იქნა შეყვანილი. ამ ქალაქმა 1200 გულდენი გამოიღო და მოხალისეთა მცირე რაზმი შეადგინა. მხოლოდ სამღვდელთაების ქონება და ტევტონთა ორდენის¹ კომანდორთა სამფლობელოები

¹ ტევტონთა ორდენი — გერმანელ რაინდთა «სასულიერო» ორდენი, რომელიც დაარსებულ იქნა 1190 წ. ჯვაროსნულ ლაშქრობათა დროს. დაპრობათა და გამოძალვის საშუალებით ორდენმა უთვალავი სამფლობელო შეიძინა გერმანიასა და სხვა ქვეყნებში. ამ სამფლობელოების მმართველობას ახორციელებდნენ ორდენის მონაღებები — კომანდორები (ანუ კომტურები). XIII საუკუნეში ორდენმა ხელთ იგდო აღმოსავლეთი პრუსია, რომელიც მან დაიპყრო ადგილობრივი ლიტველი მოსახლეობის ბარბაროსული ხოცვა-კლვისა და დამორჩილების გზით. ამის შემდეგ აღმოსავლეთი პრუსია ამ ორდენის აგრესიის დასაყრდენად იქცა, პოლონეთის, ლიტვისა და რუსეთის სამთავროების წინააღმდეგ. 1237 წ. ტევტონთა ორდენი შეუერთდა მმართველურ ლივონიის ორდენს, რომელიც აგრეთვე დაპყვიდრდა ბალტიისპირეთ-

იქნა გაძარცული. 22 აპრილს გლეხები ქალაქიდან გავიდნენ, იქ მხოლოდ პატარა საგუშაგო რაზმი დასტოვეს. ჰაილბრონი სხვადასხვა რაზმის ცენტრი უნდა გამხდარიყო და, მართლაც, ეს რაზმები იქ გზავნიდნენ თავის დელეგატებს, რომელნიც ბჭობდნენ გლეხკაცობის საერთო მოქმედებისა და საერთო მოთხოვნების შესახებ. მაგრამ ბიურგერთა ოპოზიციამ და გლეხთა შემოჭრის შემდეგ მასთან დაკავშირებულმა პატრიციატმა ხელახლა უპირატესობა მოიპოვეს ქალაქში, ისინი ხელს უშლიდნენ ყოველი ენერგიული ნაბიჯის გადადგმას და მხოლოდ მთავრების ჯარის მოახლოვებას უცდიდნენ, რათა გლეხები საბოლოოდ გაეცათ.

გლეხები ოდენვალდს უახლოვდებოდნენ. 24 აპრილს გიოც ფონ ბერლიხინგენი, რომელიც რამდენიმე დღით ადრე თავის სამსახურს ჯერ პფალცის კურფიურსტს თავაზობდა, შემდეგ კი გლეხებს, შემდეგ ხელახლა კურფიურსტს, იძულებული გახდა ევანგელიურ ძმობაში შესულიყო და ნათელ-ს ხ ი ვ ო ს ა ნ ი რაზმის (ფლორიან გაიერის შავი რაზმის წინააღმდეგ) მთავარსარდლობა ეკისრა. მაგრამ ამავე დროს იგი გლეხების ტყვე იყო, ისინი მას უნდობლად უტყვერდნენ და მისი მოქმედება წინამძღოლთა საბჭოს მეშვეობით შეზღუდულს, ამ საბჭოს დაუკითხავად გიოცს არაფრის წამოწყება არ შეეძლო. გიოცი და მეცლერი გლეხთა მასებითურთ ბუხენის გზით ამორბახისკენ გაემართნენ, სადაც ისინი 30 აპრილიდან 5 მაისამდე დარჩნენ და მთელი მაინცის მხარე ააჯანყეს. თავდაზნაურობა ყველგან იძულებული გახდა აჯანყებულთ მიმხრობოდა და ამან გადაარჩინა კიდევ მათი ციხე-კოშკები. აჯანყებულებმა მხოლოდ მონასტრები დასწვეს და გაძარცვეს. ლაშქარი აშკარად იხრწნებოდა; ყველაზე ენერგიული ადამიანები ფლორიან გაიერს ან იეკლიან რორბახს გაჰყვნენ; ჰაილბრონის აღების შემდეგ ლაშქარს ეს უკანასკნელიც გამოეთიშა, ალბათ იმიტომ, რომ მას, როგორც გრაფ ჰელფენშტაინის მსაჯულს, აღარ შეეძლო დარჩენილიყო იმ ადამიანებთან, რომლებსაც თავდაზნაურობასთან შეთანხმება სურდათ. თავდაზნაურობასთან შეთანხმების ეს დაჟინებითი მისწრაფება თავისთავად დემორალიზაციის ნიშანი იყო. მალე ამის შემდეგ ვენდელ ჰიპლერმა რაზმის რეორგანიზაციის ფრიად საგულისხმო პროექტი წამოაყენა:

ში. 1242 წ. ორდენის რაინდები სასტიკად დააძარცხა ალექსანდრე ნეველმა ჩუდის ტბაზე (ბრძოლა ყინულზე); 1410 წ. ისინი გაანადგურეს რუსების, პოლონელებისა და ლიტველთა გაერთიანებულმა ძალებმა ბრძოლაში გრიუნეაუდის მახლობლად, რასაც შედეგად მოჰყვა ორდენის დაცემა. შემდეგში ორდენმა შეინარჩუნა თავისი სამფლობელოების მხოლოდ უმნიშვნელო ნაწილი. რე დ.

მივიღოთ რაზმში ყველა ლანდსკნეხტი, რომლებიც ყოველდღე გვეხვეწებიან ამის შესახებ. რაზმს ყოველთვის უნდა განვაახლებოთ ახალი ნაწილების შემოყვანით და ძველების დათხოვნით, როგორც ამას დღემდე ვაკეთებდით, არამედ შევინარჩუნოთ იარაღქვეშ მყოფი, ასე თუ ისე გაწვრთნილი ჯარისკაცებო. მაგრამ სათემო კრებამ უარყო ორივე წინადადება; გლებები უკვე გადიდგულებული იყვნენ, ომს დავლის თვალსაზრისით უყურებდნენ და თარეშობად თვლიდნენ; მათ არაფრად ეპრიანებოდათ ლანდსკნეხტების მოცილება, გარდა ამისა მათ უნდოდათ, როგორც კი ჯიბეებს გაიტენიდნენ, შინ დაბრუნების საშუალება ჰქონოდათ. ამორბაზში საქმე იქამდეც კი მივიდა, რომ ჰაილბრონელმა საბჭოს წევრმა ჰანს ბერლინმა რაზმის სარდლებსა და მრჩეველებს მიაღებინა „თორმეტი მუხლის დეკლარაცია“— დოკუმენტი, რომელშიც შერბილებული იყო წინანდელი თორმეტი მუხლის უკანასკნელი მძაფრი ადგილები და რომელიც გლებებს მოკრძალებული ვედრების ენით ალაპარაკებდა. მაგრამ თვით გლებებს ეს უკვე ემწვავათ; მათ დიდი ხმაური ატეხეს, დეკლარაცია უარპყვეს და ფეხი მიაბჯინეს პირვანდელ მუხლებს.

ამავე დროს ვიურცბურგში საქმის ვითარება სრულიად შეიცვალა. ეპისკოპოსი, რომელიც გლებების პირველი აჯანყებისთანავე აპრილის დამდეგს ფრაუნბერგის გამაგრებულ ციხე-დარბაზში დაიშალა ვიურცბურგის მახლობლად, რათა ყოველი მიმართულებით წერილები ეგზავნა და, თუმცა ამაოდ, ყველასაგან შეველა ეთხოვნა, ბოლოს იძულებული გახდა დროებით დაეთმო. 2 მაისს გაიხსნა ლანდტაგი, რომელშიც გლებების წარმომადგენლებიც იყვნენ. მაგრამ სანამ რაიმე შედეგს მიაღწევდნენ, დაქვრივ იქნა წერილები, რომელშიც მტლავნებოდა ეპისკოპოსის მოლაღატური ინტრიგები. ლანდტაგი დაუყოვნებლივ დაიშალა, ერთი მხრივ, აჯანყებულ მოქალაქეებსა და გლებებსა, ხოლო, მეორე მხრივ, ეპისკოპოსის ჯარს შორის ბრძოლა დაიწყო. თვით ეპისკოპოსი 5 მაისს ჰაიდელბერგში გაიქცა; უკვე მეორე დღეს ვიურცბურგში ფლორიან გაიერი შევიდა შავი რაზმითურთ, მასთან ერთად იყო ე. წ. ფ რ ა ნ კ ო ნ უ ლ ი ტ ა უ ბ ე რ ი ს რ ა ზ მ ი, რომელიც მერგენტჰაიმელი, როტენბურგელი და ანსბახელი გლებებისაგან შედგებოდა. 7 მაისს გიოც ფონ ბერლინინგენიც გამოჩნდა თავისი ნათელ-სხივოსანი რაზმით და დაიწყო ფრაუნბერგის ალყა.

ლიმპურგის, ელვანგენის და ჰალის მხარეში მარტის ბოლოს და აპრილის დასაწყისში მეორე, ჰ ა ი ლ დ ო რ ფ ი ს, ანუ ჩ ვ ე უ ლ ე ბ რ ი ვ ი ნ ა თ ე ლ ი რ ა ზ მ ი შედგა. იგი ერთობ გაბედულად მოქ-

მედებდა, მთელი კუთხე ააჯანყა, მრავალი მონასტერი და ციხე-კოშკი დასწვა, სხვათა შორის ჰოპენშტაუფენის ციხე-კოშკიც, ყველა გლეხი აიყოლია და ყველა აზნაური, თვით ლიმპურგთა მეღვინეთ-უხუცესი აიძულა ქრისტიანულ ძმობაში შესულიყო. მაისის დასაწყისში იგი ვიურტემბერგში შეიჭრა, მაგრამ იძულებული გახდა უკან დაეხია. როგორც 1848 წელს, ისე იმ დროსაც გერმანიის პატარა სახელმწიფოების პარტიკულარიზმი სხვადასხვა სახელმწიფოს რევოლუციონერებს ხელს უშლიდა ერთად ემოქმედნათ. პატარა ტერიტორიით შემოფარგლული ჰაილდორფელები აუცილებლად უნდა დაშლილიყვნენ, რაკი მათი ყოველი წინააღმდეგობა დათრგუნეს ამ ტერიტორიაზე. მათ ხელშეკრულება დასდეს ქალაქ გმიუნდთან, დატოვეს იქ მხოლოდ 500 შეიარაღებული კაცი და წავიდნენ.

პ ფ ა ლ ც შ ი ც რაინის ორივე ნაპირას გლეხთა რაზმები შედგა აპრილის ბოლოს. მათ ბევრი ციხე-კოშკი და მონასტერი დაანგრიეს, ხოლო 1 მაისს ნოიშტადტი აიღეს ჰაირდტის ტაფობში; წინა დღით კი გაღმიდან გადმოსულმა ბრუნხრაინელებმა¹ აიძულეს შპაიერი ხელშეკრულება დაედო. მარშალი ფონ ჰაბერნი კურფიურსტის მცირერიცხოვანი ჯარით ვერაფერს გახდა მათ წინააღმდეგ და კურფიურსტიც იძულებული შეიქნა 10 მაისს ხელშეკრულება დაედო აჯანყებულ გლეხებთან, ამ ხელშეკრულებაში იგი თავდებობას კისრულობდა თქვენს საჩივრებს დავაკმაყოფილებ ლანდტაგშიო.

ბოლოს, ვ ი უ რ ტ ე მ ბ ე რ გ შ ი ზოგიერთ ადგილას უკვე აღრევე იფეთქა აჯანყებამ. ურახის ზეგანზე გლეხებმა ჯერ კიდევ თებერვალში დააარსეს კავშირი ხუცებისა და მებატონეების წინააღმდეგ, ხოლო მარტის ბოლოს ბლაუბოირელი, ურახელი, მიუნზინგელი, ბალინგელი და როზენფელდელი გლეხები აჯანყდნენ. ჰაილდორფელები გეპინგენტან შეიჭრნენ ვიურტემბერგის ტერიტორიაზე, იეკლან რორბახი ბრაკენჰაიმთან, დამარცხებული ლაიპჰაიმელი რაზმის ნაშთები პფულინგენტან; მათ ააჯანყეს ყველა სოფლის მოსახლეობა. სხვა კუთხეებშიც სერიოზული მღელვარება დაიწყო. უკვე 6 აპრილს პფულინგენი იძულებული გახდა გლეხებს დანებებოდა. აესტრიის ერცჰერცოგის მთავრობა ფრიად გაჭირვებულ მდგომარეობაში აღმოჩნდა. მას ფული სრულიად არ ჰქონდა და ძლიერ ცოტა ჯარი ჰყავდა. ქალაქები და ციხე-კოშკები მეტად ცუდ მდგომარე-

¹ ბ რ უ ხ რ ა ი ნ ი — ოლქია, რომელიც მოიცავს რაინის მარჯვენა ნაპირას მდებარე შპაიერის სამწყსოს მიდამოებს. რ ე დ.

რეობაში იყვნენ; მათ არც მეციხოვნენი ჰყავდათ, არც იარაღი გააჩნდათ. თვით ასპერგიც თითქმის სრულიად დაუცველი იყო.

მთავრობის ცდამ გამოეყვანა ქალაქთა რაზმები გლებების წინააღმდეგ. მაშინვე მისი დამარცხება გამოიწვია. 16 აპრილს ბოტვარის რაზმმა უარი თქვა გლებების წინააღმდეგ გალაშქრებაზე და, იმის მაგივრად, რომ შტუტგარტისკენ წასულიყო, ბოტვარის მახლობელ ვუნენშტაინისკენ¹ გაემართა, სადაც მან გლებებისა და მოქალაქეების ბანაკის ცენტრი შეადგინა, რომელიც სწრაფად გაიზარდა. იმავე დღეს ცაბერგაუში იფეთქა აჯანყებამ; მაულბრონის მონასტერი გაძარცულ იქნა, რამდენიმე მონასტერი და ციხე-კოშკი სრულიად გაპარტახებულ იქნა. მეზობლად მდებარე ბრუხრაინიდან გოიბაურელებმა დამხმარე ძალები მიიღეს.

ვუნენშტაინის რაზმს სათავეში ჩაუდგა მ ა ტ ე რ ნ ფ ო ი ე რ - ბ ა ხ ე რ ი, ბოტვარის ქალაქის საბჭოს წევრი, ბიურგერული ოპოზიციის ერთ-ერთი ბელადი, რომელიც იმდენად სახელგატეხილი იყო, რომ იძულებული გახდა გლებებს მიმხრობოდა. მაგრამ იგი ყოველთვის მეტად ზომიერი იყო, ხელს უშლიდა ციხე-კოშკების მიმართ «მოთხოვნათა ბარათის» გამოყენებას და ყველგან ცდილობდა შეამავლობა გაეწია გლებკაცობასა და ზომიერ ბიურგერებს შორის. მან ხელი შეუშალა ვიურტემბერგელების შეერთებას ნათელსხცევოსან რაზმთან; შემდეგში სწორედ მან დაარწმუნა გაილდორფელები ვიურტემბერგიდან უკან დაეხიათ. თავისი ბიურგერული ტენდენციებისთვის იგი ვადაყენებულ იქნა 19 აპრილს, მაგრამ უკვე მეორე დღესვე ხელახლა დანიშნეს სარდლად. იგი აუცილებლად საჭირო კაცად იყო მიჩნეული და, როცა 22 აპრილს თვით იეკლაინ რორბახი შეუერთდა ვიურტემბერგელებს თავისი 200 მედგარი კაცით, იგი იძულებული გახდა ფოიერბახერი ადგილზე დაეტოვებინა და მხოლოდ მისი მოქმედებისათვის ედევნებინა თვალყური გაფაციცებით.

18 აპრილს მთავრობა შეეცადა გლებებთან მოლაპარაკება დაეწყო ვუნენშტაინზე. გლებებმა მოითხოვეს, რომ მთავრობას თორმეტი მუხლა მიეღო, მაგრამ მთავრობის რწმუნებულთ, რასაკვირველია, არ შეეძლოთ ამ მოთხოვნის დაკმაყოფილება. მაშინ გლებთა რაზმი სალაშქროდ დაიძრა. 20 აპრილს იგი ლაუფენში იყო, სადაც მთავრობის დელეგატების წინადადებანი უკანასკნელად უარყოფილ იქნა. 22 აპრილს იგი 6 000 კაცისგან შედგებოდა, ბიტინგჰაიმში იდგა და შტუტგარტს ემუქრებოდა. აქედან საბჭოს უდიდესი ნაწილი

¹ ვუნენშტაინი—მთავარიანი ადგილი ბოტვარის მახლობლად. რედ.

გაიქცა და მმართველობას სათავეში მოქალაქეთა კომიტეტი ჩაუდგა. როგორც სხვაგან ისე აქაც მოქალაქეები დანაწილებული იყვნენ პარტიებად: პატრიციატი, ბიურგერთა თაზოცია და რევოლუციური პლებეები. ამ უკანასკნელებმა 25 აპრილს კარიბჟე გაუღეს გლეხებს და შტუტგარტიც მაშინვე აღებულ იქნა. აქ საბოლოოდ შეიქმნა ნათელი ქრისტიანული ლაშქრის ორგანიზაცია, როგორც ახლა თავიანთ თავს უწოდებდნენ ვიურტემბერგელი აჯანყებულნი, და ჩამოყალიბდა მტკიცე წესები ჯამაგირის გაცემისა, ნადავლის განაწილებისა, სურსათის მიწოდებისა და სხვ. მათ მიემხრო შტუტგარტელების რაზმი ტოიუს გერბერის მეთაურობით.

29 აპრილს ფოიერბახერი მთელი რაზმით გავიდა შორნდორფთან ვიურტემბერგში შექრილი გაილდორფელების შესახვედრად, მთელი ეს კუთხე კავშირში შეიყვანა და გაილდორფელები აიძულა უკან დაეხიათ. ამით მან ხელი შეუშალა თავზებელადებულ გაილდორფელებთან თავისი ლაშქრის შერევას, რაც სახიფათოდ გააძლიერებდა მისი ჯარის რევოლუციურ ელემენტებს, რომელთა სათავეში რორბახი იდგა. ტრუხზესის მოახლოვების შესახებ ცნობის მიღებისთანავე იგი შორნდორფიდან ამ უკანასკნელის წინააღმდეგ გაემართა და 1 მაისს დაბანაკდა კირხჰაიმ უნტერ ტეტთან.

ჩვენ ავწერეთ, ამრიგად, აჯანყების წარმოშობა და განვითარება გერმანიის იმ ნაწილში, რომელიც გლეხთა რაზმების პირველი ჯგუფის მოქმედების ტერიტორიად უნდა ჩაითვალოს. სანამ სხვა ჯგუფებზე გადავიდოდეთ (ტიურინგია და ჰენსენი, ელზასი, ავსტრია და ალპები), ტრუხზესის ლაშქრობა უნდა გადმოვცეთ, რომელშიც მან თავდაპირველად მარტო, შემდეგ კი სხვადასხვა მთავრებისა და ქალაქების დახმარებით, აჯანყებულთა ეს პირველი ჯგუფი განადგურა.

ჩვენ ტრუხზესი ულმთან დავტოვეთ, საითყენაც იგი მარტის ბოლოს გაემართა, მას შემდეგ რაც კირხჰაიმ უნტერ ტეტთან მეთვალყურე რაზმი დატოვა დიტრიხ შპეიტის მეთაურობით. ტრუხზესის ჯარი ულმში თავმოყრილი მოკავშირე ძალების შემოერთების შემდეგ 10 000-დე კაცს შეიცავდა, მათგან 7 200 ქვეითი ჯარისკაცი იყო; ეს ერთადერთი ჯარი იყო, რომელიც გამოდგებოდა გლეხების წინააღმდეგ შეტევის საწარმოებლად. დამხმარე ძალები მეტად აუჩქარებლად იყრიდნენ თავს ულმში, ნაწილობრივ ჯარისკაცების მოკრეფის სიძნელის გამო აჯანყებულ მხარეებში, ნაწილობრივ იმის გამო; რომ ზელისუფალთ ფული აკლდათ, ნაწილობრივ კიდევ იმის

გამო, რომ ყველგან აუცილებლად საჭირო იყო ცოტაოდენი ჯარები ციხე-სიმაგრეებისა და კოშკების დასაცავად. ჩვენ უკვე დავინახეთ, რა ცოტა ჯარები იყო იმ მთავრებისა და ქალაქების განკარგულებაში, რომლებიც შვაბიის კავშირს ეკუთვნოდნენ. ამიტომ ყოველივე დამოკიდებული იყო იმ გამარჯვებაზე, რომელიც გეორგ ტრუხზესს უნდა მოეპოვებინა თავისი საკავშირო ლაშქრით.

ტრუხზესი თავდაპირველად ბალტრინგენის ჯარის წინააღმდეგ გაემართა, რომელიც იმუამად კოშკებსა და მონასტრებს არბევდა რიდის მიდამოებში. გლეხებმა საკავშირო ჯარების მოახლოვებისთანავე უკან დაიხიეს, ისინი გარემოელის შემწეობით გამოდევნილ იქნენ ქაობებიდან, დუნაიზე გადავიდნენ და შვაბიის ალბის ხეობებსა და ტყეებში შეცვივდნენ. რადგან საკავშირო ჯარის მთავარი ძალა — ცხენოსანი ნაწალები და არტილერია მათ აქველარაფერს დააკლებდა, ტრუხზესი მათ აღარ გამოედევნა. იგი მიბრუნდა ლაიპპაიმელბის წინააღმდეგ, რომლებსაც 5000 კაცი ლაიპპაიმთან დაეყენებინათ, 4000 — მინდელტალში და 6000 — ილერტისენში; მათ მთელი კუთხე აეჭანყებინათ, მონასტრები და ციხეკოშკები დაენგრიათ და სამივე ჭგუფითურთ უღმის წინააღმდეგ გასალაშქრებლად მომზადებულიყვნენ. როგორც ეტყობა, აქაც ერთგვარმა დემორალიზაციამ იჩინა თავი გლეხკაცობაში და დასცა რაზმის ბრძოლისუნარიანობა, იმიტომ რომ იაკობ ვეჰე იმთავითვე შეეცადა მოლაპარაკება გაემართა ტრუხზესთან. მაგრამ ამ უკანასკნელმა ახლა, როცა მას საკმაო სამხედრო ძალა ჰყავდა, აღარაფერი დათმო, არამედ 4 აპრილს ლაიპპაიმთან თავს დაესხა გლეხთა ჯარის მთავარ ჭგუფს და სრულიად გაჰფანტა იგი. იაკობ ვეჰე და ულრიხ შონი ისევე, როგორც ორივე გლეხთა ბელადი, ტყვედ ჩაუვარდა, მათ თავი მოჰკვეთეს; ლაიპპაიმი მტერს დანებდა, რამდენიმე გათარეშების შემდეგ მთელი ოლქი დამორჩილებულ იქნა.

ამ დროს აჯანყდნენ ლანდსკნეხტები, რომლებიც რბევის ნებართვასა და დამატებით ჯამაგირებს მოითხოვდნენ; ამ გარემოებამ კვლავ შეაფერხა ტრუხზესი 10 აპრილამდე. შემდეგ მან ვაილაშქრა სამხრეთ დასავლეთით ბალტრინგელის წინააღმდეგ, რომლებიც შეესივნენ მის მამულებს — ვალდბურგს, ცაილსა და ვოლფეგს და მის ციხე-კოშკებს ალყა შემოარტყეს. აქაც გლეხთა ძალები დაქსაქსული აღმოჩნდა და მან ისინი 11 და 12 აპრილს დაამარცხა ცალცალკე ბრძოლებში, რის შედეგად ბალტრინგელთა რაზმიც სავსებით გაფანტული აღმოჩნდა. მისი ნაშთები ხუცესი ფლორიანის მეთაურობით ტბისპირელ რაზმს შეუერთდა. ახლა ტრუხ-

ზესმა ამ უკანასკნელის წინააღმდეგ იბრუნა პირი. ტბისპირელმა რაზმმა, რომელმაც არა მარტო რამდენიმე თარეში წამოიწყო, არამედ აიძულა კიდევ ქალაქები ბუხპორნი (ფრიდრიხსპაფენი) და ვოლმატინგენი ძმობაში შესულიყვნენ, 13 აპრილს დიდი სამხედრო საბჭო მოიწვია სალემის მონასტერში; საბჭომ გადაწყვიტა ტრუზნესის წინააღმდეგ გაელაშქრნა. მაშინვე ყველგან ნობათი დაპკრეს და ბერმანტინგენის ბანაკში თავი მოიყარა 10 000 კაცმა, რომელთაც დამარცხებული ბალტრინგელებიც შეუერთდნენ. 15 აპრილს გლეხები წარპატებით გაუმკლავდნენ ტრუზნესს, რომელსაც არ უნდოდა, რომ აქ თავისი ჯარი საფრთხეში ჩაეგდო და გადაწყვეტი ბრძოლა მიეცა და ამჯობინა, მოლაპარაკება დაეწყო, მით უმეტეს, რომ გაიგო, ალგაუელები და ჰეგაუელები ანლოვდებიანო. აწრივად მან 17 აპრილს ტბისპირელ ბალტრინგენელ გლეხებთან ვაინგარტენში ხელშეკრულება დასდო, ეს ხელშეკრულება ერთი შეხედვით თითქოს ხელსაყრელი იყო გლეხებისთვის და ისინიც უყოყმანოდ დასთანხმდნენ მას. ტრუზნესმა მოახერხა ისიც, რომ ზემო და ქვემო ალგაუელების დელეგატებმაც მიიღეს ეს ხელშეკრულება, და შემდეგ ვიურტემბერგისკენ დაიხია.

ტრუზნესის თვალთმაქცობამ იხსნა აგი აქ უეჭველი დაღუპვისაგან. მას რომ შერყევი, გონებაჩლუნგი, უმეტესწილად დემორალიზებული გლეხების და მათი უნიჭო, მშიშარა და გამყიდველი წინამძღოლების გასულელება არ მოეხერხებინა, იგი თავისი პატარა ჯარითურთ მოექცეოდა გლეხთა ოთხ ჯგუფს შორის, რომელთა რიცხვი 25 — 30 000 კაცს მაინც აღწევდა, და აუცილებლად დაიღუპებოდა. მაგრამ გლეხთა მასების დამახასიათებელმა სიჩლუნგემ ტრუზნესს შესაძლებლობა მისცა ისინი სწორედ იმ მომენტში მოეშორებინა თავიდან, როცა მათ შეეძლოთ ომი ერთი დარტყმით დაესრულებინათ, ყოველ შემთხვევაში შვაბიასა და ფრანკონიაში. ტბისპირელი გლეხები ისე მკაცრად იცავდნენ ხელშეკრულებას, რომლითაც ისინი ბოლოს და ბოლოს, რასაკვირველია, მოტყვილებულნი აღმოჩნდნენ, რომ შემდეგ თავიანთი მოკავშირეების — ჰეგაუელების წინააღმდეგ აღმართეს იარაღი; მართალია, ალგაუელებმა, რომელნიც დალატში საკუთარმა ბელადებმა ჩაითრიეს, მაშინვე უარპყვეს ეს ხელშეკრულება, მაგრამ ტრუზნესი უკვე გამოსული იყო სახიფათო მდგომარეობიდან:

ჰეგაუელმა გლეხებმა, თუმცა მათ ხელი არ მოუწერიათ ვაინგარტენის ხელშეკრულებისათვის, ჩქარა გამოამყლავნეს ის უსახდვრო კუთხური შეზღუდულობა და ჯიუტი პროვინციალიზმი, რომ

მელმაც მთელი გლებთა ომი დაღუპა. როცა ტრუზნესმა მათთან ამო მოლაპარაკების შემდეგ ვიურტემბერგისკენ დაიხია, ისინი მათ უკან გამოედევნენ და სულ ფეხდაფეხ მისდევდნენ; მაგრამ მათ აზრადაც არ მოსვლიათ ვიურტემბერგის ნათელ ქრისტიანულ ჯგუფს შეერთებოდნენ, და ეს იმიტომ, რომ ვიურტემბერგელმა და ნეკარისხეობელმა გლებებმაც მათ ერთხელ უარი უთხრეს დახმარებაზე. ამიტომ, როცა ტრუზნესი საკმაოდ დაშორდა მათ სამშობლოს, ისინი წყნარად დაბრუნდნენ უკან და ფრაიბურგისაკენ წავიდნენ.

ჩვენ ვიურტემბერგელები მატერნ ფოიერბახერის მეთაურობით კირხჰაიმ უნტერ ტექთან დავტოვეთ, საიდანაც ტრუზნესის მიერ დატოვებულმა მეთვალყურე რაზმმა დ ი ტ რ ი ხ შ პ ე ტ ი ს მეთაურობით ურახისკენ დაიხია. ურახზე ამო შეტევის შემდეგ ფოიერბახერი ნიურტინგენისკენ გაემართა და ყველა მეზობელ აჯანყებულ რაზმს მისწერა — მომეშველეთ გადამწყვეტ ბრძოლაშიო. მართლაც, როგორც ვიურტემბერგის დაბლობიდან, ისე გოიდან¹ მნიშვნელოვანი დამხმარე ძალები მოვიდა. კერძოდ, გოის გლებები შეუერთდნენ დასავლეთ ვიურტემბერგამდე უკანდახეულ ლაიპჰაიმელის რაზმის ნაშთებს, ააჯანყეს მთელი ზემონეკარის და ნაგოლდის ხეობა ბებლინგენამდე და ლეონბერგამდე, შეადგინეს ორი ძლიერი რაზმი და 5 მაისს ფოიერბახერს შეუერთდნენ ნიურტინგენში. ბებლინგენის მახლობლად ტრუზნესი შეეჯახა შეერთებულ გლებთა რაზმებს. მათმა რიცხვმა, ზარბაზნებმა და პოზიციამ იგი შეაშფოთა; თავის ჩვეულებისამებრ მან მაშინვე მოლაპარაკება გამართა გლებებთან და დროებითი ზავი ჩამოაგდო, მაგრამ როგორც კი ამრიგად თავისი თავი უზრუნველჰყო, იგი მათ თავს დაესხა 12 მაისს, დ რ ო ე ბ ი თ ი ზ ა ვ ი ს დ ა ს რ უ ლ ე ბ ა მ დ ე, და აიძულა გადამწყვეტი ბრძოლა მიედოთ. გლებებმა ხანგრძლივი და მედგარი წინააღმდეგობა გაუწიეს, ვიდრე ბოლოს ბებლინგენი ტრუზნესს არ გადასცეს ბიურგერთა ღალატის ვაჰო; ამრიგად, გლებთა ბარცხენა ფრთას გამოეცალა დასაყრდენი პუნქტი; მას შემოუარეს და უკუაქციეს. ამით გადაწყდა ბრძოლის ბედი. უღისციპლინო გლებები აირივნენ და ჩქარა უკანმოუხედავად ბრძოლის ველიდან გაიქცნენ; ვინც მოკავშირეთა მხედრებს არ დაუტყვევებიათ ან არ მოუკლავთ, თოფიარალი გადააგდო და შინ დაბრუნდა. ნათელი ქრისტიანული რაზმი დაიშალა და მასთან ერთად მთელი ვიურტემბერგის ამზობება საესებით დაცხრა. ტ ო ი ს გ ე რ ბ ე რ მ ა ესლინგენს შეაფარა თავი,

¹ გოი — მთაგორიანი ადგილი ვიურტემბერგის სამხრეთ-დასავლეთ ნაწილში. რ ე დ.

ფოიერბახერი შვეიცარიაში გაიქცა, დატყვევებული და შებორკილი იეკლინ რორბახი ნეკარგარტახამდე ათრიეს; აქ ტრუნხესმა იგი სვეტზე მიაჯაჭვინა, გარშემო შეშა შემოაწყობინა და ნელ ცეცხლზე ცოცხლად დაწვევინა. თვითონ კი ამ დროს თავის რაინდებთან ერთად ქეიფობდა და ამ რაინდული სურათით ტკებობდა.

ნეკარგარტახიდან ტრუნხესმა კრაიხგაუში შექრით დახმარება გაუწია პფალცის კურფიურსტის ოპერაციებს. ამ უკანასკნელმა, რომელსაც უკვე ჯარები ჰყავდა თავმოყრილი, ტრუნხესის გამარჯვებების შეტყობისთანავე დაარღვია გლეხებთან დადებული ხელშეკრულება, 23 მაისს თავს დაესხა ბრუნრაინს, ცხარე წინააღმდეგობის შემდეგ აიღო და დასწვა მალში, მოაოხრა რამდენიმე სოფელი და დაიკავა ბრუნზალი. იმავე დროს ტრუნხესი თავს დაესხა ეპინგენს და დაატყვევა იქაური მოძრაობის ბელადი ანტონ აიზენაუტი, რომელიც კურფიურსტმა მაშინვე სიკვდილით დაასჯევინა თორმეტიოდე სხვა გლეხთა ბელადებთან ერთად. ამრიგად, ბრუნრაინი და კრაიხგაუ დათრგუნვილ იქნა და იძულებული გახდა 40 000 გულდენი კონტრიბუცია გადაეხადა. ამის შემდეგ ტრუნხესის ორივე ჯარი, რომელაც 6000 კაცზე ჩამოვიდა განვლილი ბრძოლების შედეგად, შეუერთდა კურფიურსტის რაზმს (6500 კაცს) და გაემართა ოდენვალდელების წინააღმდეგ.

ბებლინგენთან დაპარტახებამ ყველგან შიშის ძრწოლა გამოიწვია აჯანყებულებში. იმ თავისუფალმა საიმპერიო ქალაქებმა, რომლებიც გლეხთა შემავიწროებელ ძალაუფლების ქვეშ იმყოფებოდნენ, უეცრად თავისუფლად ამოისუნთქეს. პირველად ჰაილბრონმა გადადგა ნაბიჯი შვაბიის კავშირთან შესარიგებლად. ჰაილბრონში მოთავსებული იყო გლეხთა კანცელარია, სადაც ისინდნენ სხვადასხვა გლეხთა ჯარების დელეგატები, რათა გაერჩიათ ის წინადადებანი, რომლებიც მთელი აჯანყებული გლეხობის სახელით იმპერატორსა და სახელმწიფოს უნდა წარდგენოდა. ამ თათბირებმა, რომლებსაც ერთი საყოველთაო, მთელი გერმანიისთვის სავალდებულო სამართალი უნდა შეემუშავებინათ, ხელახლა გამოამკლავნეს, რომ არც ერთი წოდება, მათ შორის არც გლეხობა, იმდენად განვითარებული არ იყო, რომ თავისი თვალსაზრისით გარდაეკმნა მთელი გერმანიის საზოგადოებრივი პირობები. იმთავითვე გამოაშკარავდა, რომ ამ მიზნისთვის თავადაზნაურობის და განსაკუთრებით მოქალაქეთა მიმხრობა იყო საჭირო. ამის გამო მოლაპარაკების ხელმძღვანელობა ვ ე ნ დ ე ლ ჰ ი პ ლ ე რ ს დაეკისრა. მოძრაობის შეთაურებს შორის ვენდელ ჰიპლერმა ყველაზე უკეთ შეიგნო საქმის

ვითარება. იგი არც შეუპოვარი რევოლუციონერი იყო მიუნცერით, არც გლებების წარმომადგენელი როგორც მეცლერი ან რორბახი. მისი ყოველმხრივი გამოცდილება, მისი პრაქტიკული ცოდნა ცალკე წოდებათა ურთიერთდამოკიდებულებისა მხოლოდ ხელს უშლიდა მას მოძრაობაში მონაწილე ერთი რომელიმე წოდების წარმომადგენლობა ეკისრა სხვების წინააღმდეგ. მიუნცერის მსგავსად, რომელიც, როგორც იმდროინდელი ოფიციალური საზოგადოების გარეშე მღვდომი კლასის, ახლად ფეხადგმული პროლეტარიატის წარმომადგენელი, კომუნისტის წინაგრძობამდე მივიდა, ვენდელ ჰიპლერიც, ერის ყველა პროგრესული ელემენტის, ასე ვთქვათ, საშუალო ტოლქმედის წარმომადგენელი, თ ა ნ ა მ ე დ რ ო ვ ე ბ უ რ ე უ ა ზ ი უ ლ ი ს ა ზ ო გ ა დ ო ე ბ ი ს წ ი ნ ა თ გ რ ძ ნ ო ბ ა მ დ ე მივიდა. მართალია, მის მიერ წარმოდგენილი პრინციპების, მის მიერ წამოყენებული მოთხოვნების უშუალოდ განხორციელება შეუძლებელი იყო, მაგრამ ისინი წარმოდგენდნენ ფეოდალური საზოგადოების დაშლის აუცილებელ შედეგს, და რამდენადაც გლებები მიზნად ისახავდნენ კანონპროექტები შექმნა-შავებინათ მთელი სახელმწიფოსთვის, იძულებული იყვნენ ამ პრინციპებისა და მოთხოვნებისთვის ანგარიში გაეწიათ. ამრიგად, ცენტრალიზაციამ, რომელსაც გლებები მოითხოვდნენ, აქ ჰაილბრინნი უფრო გარკვეული სახე მიიღო, მაგრამ იგი ცასა და დედამიწასავით განსხვავდებოდა გლებების წარმოდგენისაგან. ასე, მაგალითად, ამ ცენტრალიზაციამ ზუსტი გამოხატულება მიიღო ფულის, წონისა და ზომის ერთიანობის დამყარებასა, შინაგანი ბაჟების მოსპობაში და სხვ., ერთი სიტყვით, იმ მოთხოვნებში, რომლებიც უფრო მოქალაქეთა ინტერესებს ეთანხმებოდნენ, ვიდრე გლებთა ინტერესებს. ასეთივე დათმობებს ჰქონდა ადგილი თავადაზნაურობის მიწართ, ისე რომ რაღაც თანამედროვე მიწის გამოყიდვის მსგავსი უნდა მომხდარიყო და ფეოდალური მიწათმფლობელობა ბურჟუაზიულ მფლობელობად უნდა გადაქცეულიყო, ერთი სიტყვით, როცა გლებთა მოთხოვნები «საიმპერიო რეფორმის» სახით ჩამოყალიბდა, ისინი დაექვემდებარნენ არა მომენტის მოთხოვნებს, არამედ ბაურგერთა საბოლოო ინტერესებს.

იმ დროს როცა ჰაილბრონში ჯერ კიდევ კამათობდნენ საიმპერიო რეფორმის შესახებ, «თორმეტმუხლიანი დეკლარაციის» ავტორი ჰანს ბერლინი უკვე ტრუნხესთან გაემგზავრა, რათა პატრიციატისა და ბიურგერობის ჯახელით ქალაქის დანებების შესახებ გაემართა მოლაპარაკება. ამ ღალატს მხარს უჭერდა რეაქციონერთა გამოხდომები თვით ქალაქში; ვენდელ ჰიპლერი იძულებული გახდა გლებებ-

თან ერთად გაქცეულიყო. იგი წავიდა ვაინსბერგში, სადაც შეეცადა ვიურტემბერგის რაზმის ნაშთებისა და გაილდორფელების გადარჩენილი მეომრებისთვის მოეყარა თავი. მაგრამ პფალცის კურფიურსტის და ტრუხზესის მოახლოებამ იგი აქედანაც განდევნა და იძულებული გახდა ვიურტემბერგში წასულიყო, რათა ნათელსხივოსანი ჯარი ემოქმედებინა. ამასობაში საკავშირო და კურფიურსტის ჯარებმა მთელი ნეკარის მხარე დაიპყრეს, აიძულეს გლეხები ხელახლა დაედოთ ფიცი, მრავალი სოფელი დასწვეს, ხოლო გაქცეული გლეხები, რომლებიც კი მათ ხელთ ივდეს, აკუწუნეს ან ჩამოახრჩვეს. ქელფენ-შტიანის მკვლელობისათვის შურის საძიებლად ვაინსბერგი დასწვეს.

ამავე დროს ვიურტემბერგთან შეერთებულმა გლეხთა რაზმებმა ალყა შემოარტყა ფრაუნენბერგს და 15 მაისს, სანამ გალაფანს შეანგრევდნენ, გაბედული, მაგრამ უნაყოფო იერიში მიიტანეს ციხეზე. 400 საუკეთესო მეომარი, უმეტესწილად ფლორიან გეიერის რაზმიდან, თხრილებში დარჩა მკვდარი თუ დაჭრილი. ორი დღის შემდეგ, 17 მაისს, მოვიდა ვენდელ ჰიპლერი და სამხედრო საბჭო მოიწვია. მან წინადადება შეიტანა, მხოლოდ 4000 კაცი დაეტოვებინათ ფრაუნენბერგთან, ხოლო 20 000 კაცისგან შემდგარი მთავარი ძალა ტრუხზესის თვალწინ გაეტარებინათ და კრაუტჰაიმთან იაქსტზე ბანაკი გაეშალათ, სადაც ყველა დამხმარე ძალის თავმოყრა იყო შესაძლებელი. გეგმა საუცხოო იყო; მხოლოდ იმ შემთხვევაში, თუ მასები არ დაიქსაქსებოდნენ და გლეხკაცებს რიცხოზრივი უპირატესობა შერჩებოდათ, მათ იმედი უნდა ჰქონოდათ, რომ დაამარცხებდნენ მთავრების ჯარს, რომელიც ახლა 13 000 კაცს შეიცავდა. მაგრამ დემორალიზაცია და სულიერი დაცემა გლეხებს შორის იმდენად ძლიერი იყო, რომ რაიჟე ენერგიული ნაბიჯის გადადგმა შეუძლებელი გახდა. იმაში, რომ გლეხთა ლაშქარი შეჩერდა და ჰიპლერის გეგმა აღარ განხორციელდა, შეიძლება ბრალი მიუძღოდეს გიოც ფონ ბერლინინგენსაც, რომელიც ამის შემდეგ მალე გამოვიდა როგორც აშკარა მოღალატე. გლეხთა რაზმები წინანდებურად დაქსაქსული დარჩნენ. ნათელ-სხივოსანი რაზმი მხოლოდ 23 მაისს ამოძრავდა, მას შემდეგ რაც ფრანკონელებმა მას აღუთქვეს, რაც შეიძლება ჩქარა გამოგყვებით. 26 მაისს ვიურტემბერგში დაბანაკებული ანსბახის რაზმი შინ იქნა გაწვეული იმ ცნობის წყალობით, რომ მარკგრაფმა¹ ბრძოლა დაიწყო გლეხების წინააღმდეგო. სააღყო ჯარის დანარჩენმა ნაწილმა, ფლორიან გეიერის შავ რაზმთან ერთად, პოზიცია დაიქირა ჰაიდინგსფელდთან, ვიურტემბერგის მახლობლად.

¹ იგულისხმება მარკგრაფი კაზიმირ ბრანდენბურგელი, რომელიც ანსბახის და ბაირაიტის სამთავროებს ფლობდა. რ. ე. დ.

ნათელსხივოსანი ჯარი 24 მაისს კრაუტჰაიმში მივიდა, ბრძოლის-თვის ნაკლებ გამოსადეგ მდგომარეობაში. აქ ბევრმა გლეხმა გაიგო, რომ მათმა სოფლებმა ტრუხზესს შეჰფიცეს, და ეს საბაბად გამოიყენეს, რათა შინ დაბრუნებულიყვნენ. რაშიმ ნეკარზულმისკენ გაემართა და 28 მაისს მოლაპარაკება დაიწყო ტრუხზესთან. ამავე დროს დაგზავნილ იქნენ შიკრიკები ფრანკონელებისა, ელზასელებისა და შვარცვალდ-ჰეგაუელებისკენ, ჩქარა მოგვაწოდეთ დამხმარე ძალებიო. ნეკარზულმიდან გიოცმა ერინგენისკენ დაიხია. მისი ჯარი დღითაღლე ღნებოდა; ამ უკანდახევის დროს თვით გიოც ფონ ბერლიხინგენიც გაჰქრა; იგი შინ დაბრუნდა, მას შემდეგ რაც თავისი ძველი თანამებრძოლის დიტრიხ შპეტის შემწეობით ტრუხზესთან მოლაპარაკება გამართა მის მხარეზე გადასვლის შესახებ. ერინგენში ყალბი ცნობა გავრცელდა მტრის მოახლოების შესახებ და უნწყო, სასოწარკვეთილი მასა შიმის ძრწოლამ მოიცვა; ჯარი უწესრიგოდ გაიქც-გამოაქცა და მეტლერჰა და ვენდელ ჰიპლერჰა დიდი გაჰირვებით შეაჩერეს 2000-მდე კაცი, რათა ისინი ხელახლა კრაუტჰაიმისკენ წაეყვანათ. ამავე დროს მოახლოვდა ფრანკონული ლაშქარი — 5000-მდე კაცი. მაგრამ რადგან რაშიმი გიოცის, როგორც ეტყობა, მოლაღატური მითითებით ორინგენისკენ არაპირდაპირი გზით წამოვიდა და ლევენშტაინისკენ შეუხვია, ფრანკონელი რაშიმი ნათელ რაშიმს ასცდა და ნეკარზულმისკენ გაემართა. ეს ქალაქი, რომელიც ნათელ-სხივოსანი რაშიმის რამდენიმე ქვეგანაყოფს ეჭირა, ალყაშემორტყმული იყო ტრუხზესის მიერ. ფრანკონელები ღამით მოვიდნენ, მტრის ბანაკში ცეცხლი დაინახეს; მაგრამ ბელადებმა იმდენი ვაჟაკობა ვერ გამოიჩინეს, რომ მტერს თავს დასხმოდნენ, და კრაუტჰაიმისკენ დაიხიეს, სადაც ბოლოს ნათელ-სხივოსანი ჯარის ნაშთს წააწყდნენ. რაკი მაშველი ჯარი არ გამოჩნდა, ნეკარზულმი 29 მაისს დანებდა მოწინააღმდეგეს; ტრუხზესმა მაშინვე სიკვდილით დასაჯა ცამეტი გლეხი და გლეხთა ჯარის შესახვედრად გაემართა: გზაზე ყოველივეს იკლებდა და სწვავდა, აოხრებდა და ხალხს ხოცავდა, კოხერის და იაქსტის ხეობებში მის მიერ განვლილ გზას ნანგრევები და ხეზე ჩამოკიდებული გლეხები უჩვენებდნენ.

კრაუტჰაიმში შვაბიის კავშირის ჯარი შეეჯახა გლეხებს, რომელნიც ტრუხზესის მიერ გვერდით შემოვლამ აიძულა კონიგს-ჰოფენისკენ დაეხიათ, ტაუბერის ნაპირისაკენ. აქ მათ პოზიციები დაიჭირეს, 8000 კაცი გამოიყვანეს და 32 ზარბაზანი გამართეს. ტრუხზესი მათ მიუპარა ტყითა და გორაკებით დაფარული გზით, გვერდით შემომვლელი რაშიმი წინ წასწია და 2 ივნისს ისეთი ძალთა

უპირატესობით და ენერგიით დაესხა თავს გლეხებს, რომ მრავალი ჯგუფის უჩიათი წინააღმდეგობის მიუხედავად, რომელმაც დაღამებამდე გასტანა, გლეხები სასტიკად დამარცხდნენ და დაიშალნენ. როგორც სხვაგან, ისე აქაც მემამბოხეთა ჯარის განადგურებას განსაკუთრებით მოკავშირეთა ცხენოსნებმა შეუწყვეს ხელი, რომლებსაც «გლეხთა შემმუსერელნი» შეარქვეს. ისინი ეძგერნენ არტილერიის დაშენით, თოფის სროლით და შუბოსანთა იერიშებით უკვე არეულ-დარეულ გლეხთა რაზმებს, სრულიად გააფანტეს ისინი და შეძლეგ ცალ-ცალკე ხოცავდნენ მათ. თუ როგორც ომს აწარმოებდა ტრუზნესი თავისი ცხენოსანი ჯარით, ჩანს იმ 300 კონიგსპოფენელი მოქალაქის ბედიდან, რომლებიც გლეხთა ჯარში იყვნენ. ისინი ყველანი დახოცეს გარდა თხუთმეტი კაცისა, შემდეგ ამ თხუთმეტიდანაც ოთხს თავი მოჰკვეთეს.

როცა ტრუზნესი ამრიგად ოდენეაღდებებს, ნეკარის ხეობელებს და ქვემოფრანკონელებს გაუსწორდა, მან მარბიელი რაზმებით, მთელი სოფლების დაწვისა და მრავალი ხალხის სიკვდილით დასჯის მეშვეობით მთელი მხარე დაიმორჩილა და ვიურცბურგისკენ გაემართა. გზად მან გაიგო, მეორე ფრანკონული ჯარი ზულცდორფთან დგას ფლორიან გაიერის და გრეგორ ფონ ბურგ-ბერნჰაიმის მეთაურობით და მაშინვე მათ წინააღმდეგ გაილაშქრა.

ფლორიან გაიერმა, რომელიც ფრაუნბერგზე ამაო იერაიშის მიტანის შემდეგ უმთავრესად მთავრებსა და ქალაქებთან, განსაკუთრებით როტენბურგთან და მარკგრაფ კაზიმირ ანსბახელთან აწარმოებდა მოლაპარაკებას იმის შესახებ, რომ ისინი გლეხთა ძიობაში შესულიყვნენ, უკებ ცნობა მიიღო კონიგსპოფენის დამარცხების შესახებ და უკან დაბრუნდა. მის რაზმს ანსბახელები შეუერთდნენ გრეგორ ფონ ბურგ-ბერნჰაიმის მეთაურობით. ეს უკანასკნელი რაზმი ცოტა ხნის წინათ შედგა. მარკგრაფმა კაზიმირმა, როგორც ნამდვილ ჰოპენციულერს შეეფერებოდა, მოახერხა თავის ტერიტორიაზე ნაწილობრივ დაპირებებით, ნაწილობრივ ჯარების თავმოყრის მუქარით დაეცხრო გლეხთა აჯანყება. იგი სრულ ნეიტრალიტეტს იცავდა ყოველი გარეშე ჯარის მიმართ, რამდენადაც იგი არ იზიდავდა ხოლომე ანსბახელ ქვეშევრდომებს. იგი ცდილობდა გლეხების სიძულვილი უმთავრესად საეკლესიო დაწესებულებებისკენ მიეპყრო, რომელთა საბოლოო კონფისკაციით იგი თავის გამდიდრებას ფიქრობდა. ამასთანავე იგი განუწყვეტლივ იარაღდებოდა და მოვლენათა განვითარებას უცდიდა. როგორც კი ბებლინგენის ბრძოლის ამბავი მოვიდა, მან მაშინვე საომარი მოქმედება დაიწყო თავისი აჯანყებული გლეხების წინააღმდეგ, აიკლო და დაწვა მათი სოფლები, ხოლო მრავალი მათგანი

ჩამოახრჩობინა და დაახოცინა. მაგრამ გლებებმა ჩქარა თავი მოუყარეს თავიანთ ძალებს და 29 მაისს დაამარცხეს ვინდსჰაიმთან გრეგორ ფონ ბურგბერსჰაიმის მეთაურობით. როცა ისინი მას ფეხდაფეხ მისდევდნენ, მათ შეჰიჩრებულნი ოდენვალდელელების ძახილი მოესმათ და ისინიც მაშინვე ჰაიდინგსფელდისკენ გაემართნენ, ხოლო იქიდან ფლორიან გაიერთან ერთად ხელახლა ვიურცბურგისკენ წავიდნენ (2 ივნისს). რადგან აქ მათ არავითარი ცნობები არ მიუღიათ ოდენვალდელელებისაგან, 5000 გლები დატოვეს, ხოლო 4000 კაცით — დანარჩენი გაიფანტა — წინ გასწიეს. ყალბმა ცნობამ კონიგსჰოფენის ბრძოლის შედეგებზე გლებები დაარწმუნა სრულ უშიშროებაში, მაგრამ ზ უ ლ ც დ ო რ ფ თ ა ნ მათ მოულოდნელად თავს დაესხა ტრუზნესი და საფსებით დაამარცხა. ჩვეულებისამებრ ტრუზნესის ცხენოსნებმა და ლანდსკენეტებმა შეეშარავე სისასლის ნიაღვარი დააყენეს. ფლორიან გაიერთა შეაჯგუთა თავისი შავი რაზმის ნაშთი, 600 კაცის რაოდენობით და სოფელ ინგოლშტადტისკენ გაიკაფა გზა. 200 კაცმა ეკლესია და სასაფლაო დაიკავა, 400 კაცმა — ციხე-კოშკი. მათ რაზმს პფალცელები გამოედევნენ: 1200 კაცისგან შემდგარმა რაზმმა სოფელი აიღო და ეკლესიას ცეცხლი წაუკიდა; ვინც ცეცხლს გადაურჩა, მახვილით იქნა მოკლული. შემდეგ პფალცელებმა კოშკის დახვესებული გალავანი შეანგრიეს და იერაშის მიტანა სცადეს. ისინი ორჯერ უკუქცეულ იქნენ გლებების მიერ, რომელნიც ამოფარებული იყვნენ შიდა გალავანს, მაგრამ პფალცელებმა მოახერხეს ამ მეორე გალავნის დანგრევა და მესამეჯერ მიიტანეს იერიში, რომელიც მათი გამარჯვებით დამთავრდა. გაიერის რაზმელების ნახევარი დაიხოცა; დანარჩენი ორასი კაცი მან თან გაიყოლია და გაიქცა. მაგრამ მისი საფარი მეორე დღესვე (სამების ორშაბათს) აღმოაჩინეს; პფალცელებმა შეჰკრეს ტყე, სადაც იგი იმალებოდა და მთელი რაზმი აჰკუწეს. ამ ორ დღეში მხოლოდ 17 კაცი ჩავარდა ტყვედ. ფლორიან გაიერთა ხელახლა გაიკაფა გზა რამდენიმე მამაც რაზმელთან ერთად და გაილდორფელებისაკენ გაემართა, რომლებმაც კვლავ 7000-მდე კაცს მოუყარეს თავი. მაგრამ როცა იქ მივიდა, მან აღმოაჩინა, რომ რაზმის უმეტესი ნაწილი ყოველი მხრიდან მიღებული შემწარავი ამბების ზეგავლენით კვლავ დაშლილიყო. იგი კიდევ შეეცადა ტყეებში დაქსაქსულთათვის თავი მოეყარა, მაგრამ 9 ივნისს მტრის ჯარი თავს დაესხა ჰალთან და მოკლულ იქნა ბრძოლის დროს.

ტრუზნესი, რომელმაც კონიგსჰოფენთან გამარჯვებისთანავე ცნობა მიაწოდა ფრაუნბერგში ალყაშემორტყმულთ, ვიურცბურ-

გისკენ გაემართა. ქალაქის საბჭო მას შეუთანხმდა ფარულად, ისე რომ მოკავშირეთა ჯარი 7 ივნისს ღამით გარს შემოერთყა ქალაქს, რომელშიც 5000 გლეხი იმყოფებოდა, ხოლო მეორე დღით უბრძოლველად შევიდა საბჭოს მიერ გაღებულ კარიბჭეში. ვიურცბურგელ «წარჩინებულთა» ამ ღალატის შედეგად უკანასკნელი ფრანკონელი გლეხთა რაზმები განიარაღებულ იქნენ, ხოლო ყველა მისი ბელადი ტყვედ ჩავარდა. ტრუსხესმა მაშინვე თავი მოჰკვეთა 81 კაცს. აქ, ვიურცბურგში, წელნელა თავი მოიყარეს სხვადასხვა ფრანკონელმა მთავრებმა; მათ შორის იყვნენ თვით ვიურცბურგის ეპისკოპოსი, ბამბერგის ეპისკოპოსი და ბრანდენბურგ-ანსბახის მარკგრაფი. კეთილშობილმა ბატონებმა თავიანთ შორის როლები გაინაწილეს. ტრუსხესი თან გაჰყვა ბამბერგის ეპისკოპოსს, რომელმაც ახლა დაარღვია გლეხებთან დადებული ხელშეკრულება და თავისი სამფლობელო საკავშირო ჯარის გააფთრებულ ბანდებს მისცა ასაკლებად და შესამუსრადად. მარკგრაფმა კაზიმირმა მოაოხრა თავისი საკუთარი სამფლობელოები. ტაინინგენი დასწევს; მრავალი სოფელი აიკლეს ან ცეცხლს მისცეს; ამასთან ყოველ ქალაქში მარკგრაფი სისხლისმღვრელ სასამართლოს მართავდა. აიშის ნოიშტადტში მან 18 მემბოხეს მოჰკვეთა თავი, მარკ-ბიურგელში 43. აქედან იგი გაემართა როტენბურგისკენ, სადაც პატრიციატმა უკვე კონტრრევოლუციური გადატრიალება მოახდინა და სტეფან ფონ მენცინგენი დაატყვევა. როტენბურგელ წვრილ ბიურგერებსა და პლებეებს ძვირად დაუჯდათ, რომ გლეხთა მიმართ ასე ორკოფულად ეჭარათ თავი, რომ ისინი ბოლო დრომდე უარს ამბობდნენ ყოველივე დანმარებაზე, რომ კუთხური ეგოიზმის ზეგავლენით ისინი სოფლური ხელოსნობის დათრგუნვას მოითხოვდნენ ქალაქური ამქრების სასარგებლოდ და დიდი გაკვირვებით თქვეს უარი იმ შემოსავალზე, რომელსაც ქალაქები ღებულობდნენ გლეხების ფეოდალური ბეგარისა თუ გადასახადის სახით. მარკგრაფმა 16 კაცისთვის თავი მოაკვეთინა, უწინარეს ყოვლისა, რასაკვირველაა, მენცინგენისთვის. — ვიურცბურგის ეპისკოპოსმაც ასევე დაარბია, გააპარტახა და მოსწვა მთელი თავისი სამფლობელო. 256 ამბოხებული სიკვდილით დაასჯევინა თავისი ძღვეამოსილი მსჯელობის დროს და თავისი ღვაწლი იმით დაავგირგვინა, რომ ვიურცბურგში დაბრუნებისას 13 კაცისთვის მოაკვეთინა თავი.

მანცში მმართველას მოადგილემ, ეპისკოპოსმა ვილჰელმ სტრასბურგელმა მშვიდობიანობა ისე დაამყარა, რომ წინააღმდეგობა არ შეხვედრია. მან მხოლოდ 4 კაცი დააჯა სიკვდილით. რაინ-

გაუსს, სადაც აგრეთვე თავი იჩინა მღელვარებაჲმ, მაგრამ მუამბოხენი უკვე შინ წავიდ-წამოვიდნენ, ულრიხის ბიძაშვილი ფროვენ ფონ ჰუტენი დაესხა თავს, აქ 12 მეთაური დასაჯეს სიკვდილით, და ყოველივე საბოლოოდ «დაშვიდდა». ფრანკფურტში, რომელმაც აგრეთვე განიცადა მნიშვნელოვანი რევოლუციური მოქრობა, უკმაყოფილება თავდაპირველად საბჭოს დამთმობმა პოლიტიკამ დააშოშმინა, ხოლო შემდეგ დაქრობებულმა ჯარმა. რაინის პფალცში კურფიურსტის მიერ ხელშეკრულების დარღვევის შემდეგ ხელახლა 8 000-მდე გლებმა მოიყარა თავი, რომლებმაც ისევ იწყეს მონასტრებისა და ციხე-კოშკების დაწვა; მაგრამ ტრიხის არქიეპისკოპოსი მარშალ ფონ ჰაბერნის საშველად გაეშურა და 23 მაისს პფედერსჰაიმთან გლები დამარცხებულ იქნენ. აქაც აჯანყებას ბოლო მოუღეს მთელი რიგი სასტიკი ზომებით (მარტო პფედერსჰაიმში 82 კაცი სიკვდილით დასაჯეს) და ვაისენბურგის აღებით 7 ივლისს.

ყველა გლებთა რაზმიდან ახლა მხოლოდ ორი დარჩა დაუმარცხებელი: ჰეგაუ-შვარცვალდელებისა და ალგაუელებისა. ორივეს წინააღმდეგ ერცჰერცოგი ფერდინანდი ეწეოდა ინტრიგებს. ისევე როგორც მარკგრაფი კაზიმირი და სხვა მთავრები აჯანყების გამოყენებას ცდილობდნენ საეკლესიო სამფლობელოებისა და სამთავროების მისათვისებლად, იგი ავსტრიის დინასტიის გასაძლიერებლად ცდილობდა აჯანყების გამოყენებას. მან მოლაპარაკება გააჩათა ალგაუელ სარდალთან ვალტერ ბანთან და ჰეგაუელ გლებთა მეთაურ ჰანს ნიულერ ბულგენბახელთან, რათა გლებებისთვის შთავგონებინათ, ავსტრიასთან შეერთება მოითხოვეთ; მაგრამ, თუცა ორივე ბელადი გამყიდველი აღმოჩნდა, მათ თავიანთ ჯარებში ვერაფერი გაატარეს გარდა იმისა, რომ ალგაუელებმა ერცჰერცოგთან დროებითი ზავი ჩამოაგდეს და ავსტრიის მიმართ ნეიტრალიტეტი დაიცვეს.

ჰეგაუელმა გლებებმა ვიურტემბერგიდან უკან დახევის დროს რამდენიმე ციხე-კოშკი დაანგრიეს და დამსხვარე ძალები მოიკრიბეს ბადენის სამარკგრაფოდან. 13 მაისს ისინი ფრაიბურგისკენ გაემართნენ, 18 მაისს შეტევა დაიწყეს, ხოლო 23 მაისს, ქალაქის კაპიტულაციის შემდეგ, გლებები აფრაალბული დროშებით შეიქრნენ შიგ. აქედან მათ შტოკასისა და რადოლფცელისკენ გაილაშქრეს და დიდხანს უნაყოფოდ ეომებოდნენ ამ ქალაქების მეციხოვნეებს. ორივე ქალაქმა, ისევე როგორც თავადაზნაურობამ და მახლობელმა ქალაქებმა, ვაინგარტენის ხელშეკრულების ძალით ტბისპირელ გლებებს მოუწოდეს საშველად, და ყოფილი ტბისპირელი მუამბოხეები, რიცხვით 5 000 კაცი თავისი მოკავშირეების წინააღმდეგ გამო-

ვიდნენ. ამდენად ძლიერი იყო ამ გლეხების პროვინციული შეზღუდულობა და სიჩლუნგე! მხოლოდ 600 კაცმა თქვა უარი და ჰეგაუელებთან შეერთება მოინდომა, მაგრამ ისინი დახოცეს. ჰეგაუელებმა კი მოსყიდული ბულგენბახელი ჰანს მიულერის ზეგაეღენით ალყა მოხსნეს და, როცა მალე ამის შემდეგ ჰანს მიულერი გაიქცა, ისინიც მეტწილად წავიდ-წამოვიდნენ. ნაშთა ჰილციხის ფერდობზე გამაგრდა, სადაც ისინი 16 ივლისს ამასობაში განთავისუფლებულმა ჯარებმა დაამარცხეს და მოსპეს. შვეიცარიის ქალაქების შუამავლობით ჰეგაუელებთან ხელშეკრულება იქნა დადებული, მაგრამ ამან ხელი ვერ შეუშალა იმას, რომ ჰანს მიულერი, მიუხედავად მისი ლალატისა, ხელისუფლებას ლუფენბურგში დაეტყვევებინა და თავი მოეკეთა მისთვის. ბრაისგაუში ახლა (17 ივლისს) გლეხთა კავშირს ფრაიბურგიც გამოეთიშა და ჯარი გაგზავნა მის წინააღმდეგ; მაგრამ აქაც მთავართა სამხედრო ძალების სისუსტის გამო 18 სექტემბერს ოფენბურგში¹ ხელშეკრულება დაიდო. ამ ხელშეკრულების პირობები ზუნდგაუზენდაც იქნა გაერცელებული. შვარცვალდელთა რვა გაერთიანება და კლუტგაუელი გლეხები, რომლებიც ჭერკიდევ არ იყვნენ განიარაღებულნი, გრაფ ფონ ზულცის მტარვალობამ ხელახლა ააჯანყა, მაგრამ აჯანყებულები ოქტომბერში დაამარცხდნენ. 13 ნოემბერს შვარცვალდელები იძულებული გახდნენ ხელშეკრულება დაედოთ², ხოლო 6 დეკემბერს დაეცა ვალდსპუტი, აჯანყების ეს უკანასკნელი დასაყრდენი ზემო რაინზე.

ტრუნხესის წასვლის შემდეგ ა ლ გ ა უ ე ლ მ ა გ ლ ე ხ ე ბ მ ა ხ ე ლ-ახლა შეუტიეს მონასტრებსა და ციხე-კოშკებს; ისინი ენერგიულად

¹ ოფენბურგის ხელშეკრულება, რომელიც ბრაისგაუელმა აჯანყებულებმა აესტრიის მთავრობასთან დადეს, ითვალისწინებდა ძველი გლეხური გამოსაღების აღდგენას და მკაცრი წესების შემოღებას გლეხთა კავშირებისა და ჯერეთიკოსების წინააღმდეგ. თავის მხრივ, მთავრობა ვალდებულებას კისრულობდა ამნისტია გაეცრელებინა მოძრაობის რიგითს წევრებზე და შედარებით უმნიშვნელო ჯარიმებით დაკმაყოფილებულიყო. მაგრამ აჯანყების ბელადებზე ამნისტია არ გავრცელებულა, მიუხედავად ამისა, გლეხებისათვის ეს არასასარგებლო ხელშეკრულებაც კი მალე ვერაგულად იქნა დარღვეული აესტრიის ხელისუფლებისა და ადგილობრივი ფეოდალების მიერ, რომლებმაც მასობრივ სისხლიან რეპრესიებს მიმართეს აჯანყების მონაწილეთა წინააღმდეგ, როგორც კი მათ იარაღი დაჰყარეს. რ ე დ.

² ხელშეკრულების პირობების თანახმად შვარცვალდელ გლეხებს კვლავ უნდა მიეღოთ ფიცი ჰაბსბურგთა მიმართ, აღედგინათ ძველ ვალდებულებათა შესრულება და ხელი არ შეეშალათ გამარჯვებულთა სისხლიანი შურისძიებისათვის მოძრაობის ცენტრთან, ქალაქ ვალდსპუტთან. მართალია, ამ უკანასკნელის დამცველები კიდევ უმკლავდებოდნენ მტერს რამდენიმე კვირის განმავლობაში, მაგრამ ბიუჯერთა ლალატის შედეგად ქალაქი ჩაბარებულ იქნა. რ ე დ.

შურს იძიებდნენ მოკავშირეების მიერ გლებების აკლებისა და აზრებისათვის. მათ წინააღმდეგ მცირერიცხოვანი რაზმები იდგნენ, რომელთაც შეეძლოთ მხოლოდ პატარა თავდასხმები მოეხდინათ, მაგრამ ვერ ბედავდნენ ტყეში მტრის გამოდევნებას. ივნისში შემინგენში, რომელსაც მანამდე საკაოლ ნეიტრალურად ეჭირა თავი, მოძრაობა დაიწყო პატრაციატის წინააღმდეგ, ეს მოძრაობა დაცხრობილი იქნა მხოლოდ იმის გამო, რომ შემთხვევით ახლოს აღმოჩნდნენ მოკავშირეთა რაზმები, რომლებიც დროზე მიეშველნენ პატრიოტს.

პლებეური მოძრაობის მქადაგებელი და ბელადი შაპლერი სანქტ-გალენში გაიქცა. გლებები ქალაქს მიუახლოვდნენ და გალაგნის შენგრევას აპირებდნენ. როცა გაიგეს ტრუხზესი ვიურცბურგადან აქეთ მოდისო, 27 ივნისს ისინი ორ რაზმად მის წინააღმდეგ გაემართნენ ბაბენჰაუზენის და ობერგიუნცბურგის გზით. ერცჰერცოგი ფერდინანდი ხელახლა შეეცადა გლებები ავსტრიის დინასტიის მხარეზე გადმოებირებინა. იგი ეყრდნობოდა დროებით ზავს, რომელიც გლებებთან დასდო, და ტრუხზესისაგან მოითხოვდა, წინ ნულარ წაიწევ მათ წინააღმდეგო. მაგრამ შვაბიის კავშირმა ტრუხზესს უბრძანა, გლებებს შეუტეი, მხოლოდ შეაჩერე ძარცვა-გლეჯა და ცეცხლის წაკიდებაო; მაგრამ ტრუხზესი იმდენად ჰკვიანი იყო, რომ უარს ვერ იტყოდა თავის პირველ და გადამწყვეტ საომარ საშუალებაზე, თუნდაც მას შეძებოდა ლაგამი ამოედო თავისი ლანდსკნეტებისთვის, რომლებიც მიეჩვივნენ, სისხლიან ეკსცესებს მთელს თავიანთ გზაზე, ბოდენის ტბიდან დაწყებული მანამდე. გლებთა ჯარმა, რიცხვით 23 000 კაცმა, ბანაკი გაშალა ილერისა და ლუბასის გაღმა. ტრუხზესი მათ პირისპირ დადგა 11 000 კაცით. ორივე ჯარის პოზიცია ძლიერი იყო; ცხენოსან ჯარს არ შეეძლო თავისუფლად ემოქმედნა ადგილმდებარეობის პირობების გამო, და თუ ტრუხზესის ლანდსკნეტები ორგანიზაციისა, სამხედრო მასალისა და დისციპლინის მხრივ გლებებს სჯობდნენ, ალგაუელ გლებებს სამაგაეროდ მრავალი ყოფილი ჯარისკაცი და გამოცდილი უფროსი ჰყავდათ და მრავალრიცხოვანი ზარბაზნები ჰქონდათ, რომელსაც კარგი არტილერიისტები უწევდნენ მომსახურებას. 19 ივლისს მოკავშირეებმა ზარბაზნების სროლა დაიწყეს, რომელიც მეორე დღესაც გაგრძელდა ორივე მხრიდან, მაგრამ უშედეგოდ. 21 ივლისს ტრუხზესს გეორგ ფონ ფრუნდსბერგი შეუერთდა 300 ლანდსნეგტიურთ. იგი გლებთა მრავალ მეთაურს იცნობდა, რომლებიც წინათ მის ხელქვეით მსახურობდნენ იტალიის ომებში, და მოლაპარაკება გააბა მათთან. ლალატმა შეძლო იმის გაკეთება, რისთვისაც სამხედრო საშუალებანი

საკმაო არ აღმოჩნდნენ. ვალტერ ბახი, მრავალი სხვა მეთაური და არტილერიისტი მოსყიდულ იქნენ. მათ ააფეთქეს გლეხების მთელი თოფის წამლის მარაგი და გლეხთა ჯარს შთააგონეს, მტრის შემოვლა ვცადოთო. მაგრამ როგორც კი გლეხები თავიანთი გამაგრებული ადგილებიდან გამოვიდნენ, მახეში მოჰყვნენ, რომელიც მათ ტრუხ-ზესმა მოუწყო ბანთან და სხვა მოღალატეებთან შეთანხმებით, მათ აღარ შეეძლოთ თავის დაცვა, მით უმეტეს, რომ მოღალატე მეთაურებმა დახვეწა მოიმეზღვეს, ისინი მიატოვეს და გზას გაუდგნენ შვეიცარიისკენ. გლეხთა ორი რაზმი სრულიად გაიფანტა, მესამემ ლუიბასელი კნობის მეთაურობით შეძლო წესიერად უკან დახვევა. იგი კოლენბერგზე შეჩერდა კემპტენთან, სადაც ტრუხზესმა მას ალყა შემოარტყა. მაგრამ ვერც აქ გაბედა მან იერიშის მიტანა; ტრუხზესმა მხოლოდ გარეშე ქვეყანას მოსწყვიტა იგი და მათი დემორალიზაციის მოხდენა სცადა იმით, რომ ორასამდე სოფელს ცეცხლი წაუკიდა ახლომახლო მიდამოებში. შიმშილმა და ცეცხლწაყიდებული სახლების დანახვამ გლეხები, ბოლოს, აიძულა დანებებულიყვნენ (25 ივლისს). ოცზე მეტი კაცი სიკვდილით დასაჯეს მაშინვე. ლუიბასელი კნობი, ერთადერთი მეთაური, რომელსაც თავისი დროშისთვის არ უღალატნია, ბრეგენცისკენ გაიქცა; მაგრამ აქ იგი დაიჭირეს და ხანგრძლივი ტყვეობის შემდეგ ჩამოაპრჩვეს.

ამით დასრულდა გლეხთა ომი შვაბიასა და ფრანკონიაში.

VI

როგორც კი შვაბიაში მოძრაობა დაიწყო, თო მ ა ს მ ი უ ნ ც ე რ ი ხელახლა ტ ი უ რ ი ნ გ ი ს კ ე ნ გაეშურა და თებერვლის ბოლოდან, თუ მარტის დასაწყისიდან თავისუფალ საიმპერიო ქალაქ მიულჰაუზენში დასახლდა, სადაც მისი პარტია ყველაზე უფრო ძლიერი იყო. მას ხელში ეჭირა მთელი მოძრაობის ძაფები; მან იცოდა, თუ რა საყოველთაო ქარიშხლის ამოვარდნა იყო მოსალოდნელი სამხრეთ გერმანიაში, და გადაწყვიტა ტიურინგია მოძრაობის ცენტრად ექცია ჩრდილო გერმანიაში. მას აქ შეტად ნაყოფიერი ნიადაგი დახვდა. თვით ტიურინგია, რეფორმაციული მოძრაობის მთავარი ცენტრი, მეტად აღელვებული იყო; დაბეჩავებული გლეხების მატერი-ალურმა გაჭირვებამ, ისევე როგორც მთარულმა რევოლუციურმა, სარწმუნოებრივმა და პოლიტიკურმა მოძღვრებებმა საყოველთაო აჯანყება მოამზადა აგრეთვე მეზობელ მხარეებში—ჰესენსა, საქსონიასა და ჰარცის პროვინციაში. განსაკუთრებით მიულჰაუზენში მთელი წვრილბურჟუაზიული მასა მიუნცერის უკადურეს მიმარ-

თულებას ემხრობოდა და მოუთმენლად ელოდა მომენტს, როცა იგი თავის რიცხობრივ უპირატესობას გამოიყენებდა გულზევიადი პატრიციატის წინააღმდეგ. თვით მიუნცერი იძულებული იყო დამამშვიდებელი ღონისძიებებისთვის მიემართა, რათა საქმე არ დაწყებულყო ხელსაყრელ მომენტამდე. მაგრამ მისი მოწაფე პფაიფერი, რომელიც აქ მოძრაობას ხელმძღვანელობდა, იმდენად შორს იყო წასული თავის მოქმედებაში, რომ მას აღარ შეეძლო აფეთქების შეჩერება, და უკვე 17 მარტს 1525 წელს, ჯერ კიდევ სამხრეთ გერმანიის საყოველთაო აჯანყების დაწყებამდე, მიულჰაუზენმა თავისი რევოლუცია მოახდინა. ძველი პატრიციული საბჭო დამხობილ იქნა და მმართველობა გადაეცა ახლად არჩეულ «მარადიულ საბჭოს», რომლის თავმჯდომარე მიუნცერი იყო¹.

უკიდურესი პარტიის ბელადისათვის იმაზე ცუდი არაფერია, რომ იგი იძულებული ხდება ხელისუფლება მიიღოს ისეთ ეპოქაში, როცა მოძრაობა ჯერ კიდევ მომწიფებელი არაა იმ კლასის ბატონობისთვის, რომელსაც იგი წარმომადგენლობს, და იმ ღონისძიებათა განსახორციელებლად, რომლებიც ამ კლასის ბატონობას უზრუნველყოფენ. ის, რისი გაკეთებაც მას შეუძლია, დამოკიდებულია არა მის ნებასურვილზე, არამედ იმ დონეზე, რომელსაც მიიღწია წინააღმდეგობამ სხვადასხვა კლასებს შორის და არსებობის იმ მატერიალური პირობების განვითარებაზე, იმ საწარმოო და სააღმშენებლო ურთიერთობის საფეხურზე, რომელიც განსაზღვრავს ყოველთვის კლასობრივ წინააღმდეგობათა განვითარების საფეხურს. ხოლო ის, რაც მან უნდა გააკეთოს, რასაც მოითხოვს მისგან მისი საკუთარი პარტია, დამოკიდებულია არა მასზე, არც კლასობრივი ბრძოლის და მისი პირობების განვითარების საფეხურზე; იგი შებოჭილია თავისი წინანდელი დოქტრინებით და მოთხოვნებით, რომლებიც, თავიანთი მხრივ, გამომდინარეობენ არა საზოგადოებრივი კლასების ურთიერთობიდან ამა თუ იმ მომენტში და სააღმშენებლო ურთიერთობის დროებითი, მეტად თუ ნაკლებად შემთხვევითი მდგომარეობიდან, არამედ მის მიერ საზოგადოებრივი და პოლიტიკური მოძრაობის საერთო შედეგების მეტად თუ ნაკლებად ღრმა გაგებიდან. ამრიგად, იგი აუცილებლად გადაუჭრელი დილემის წინაშე დგება: ის, რის გაკეთებაც მას შეუძლია, ეწინააღმდეგება მთელ მის წინან-

¹ შემდგომმა მკვლევარებმა დაადგინეს, რომ მიუნცერს არ ეპირა ოფიციალური ადგილები მიულჰაუზენის «მარადიულ საბჭოში». მაგრამ რაკი ის ესწრებოდა ამ საბჭოს სხდომებს და წარმართავდა მის საქმიანობას, ამიტომ მიუნცერი ფაქტიურად ახალი რევოლუციური მთავრობის სათავეში იდგა. რ. ე. ლ.

დელ გამოსვლებს, მის პრინციპებს და მისი პარტიის უშუალო ინტერესებს; ხოლო ის, რაც მან უნდა გააკეთოს, განუხორციელებელია. ერთი სიტყვით, იგი იძულებულია წარმომადგენლობდეს არა თავის პარტიას, არა თავის კლასს, არამედ იმ კლასს, რომლის ბატონობისთვის მოძრაობა უკვე მომწიფებულია. იგი იძულებულია თვით მოძრაობის გულისთვის მისთვის უცხო კლასის ინტერესები განასორციელოს და თავისი საკუთარი კლასი ფრაზებით და დაპირებებით ჰკვებოს, იგი არწმუნოს, ყოველი სხვა კლასის ინტერესები შენი საკუთარი ინტერესებიაო. ვინც ამ მოლიპულ გზაზე დგება, საბოლოოდ დაღუბულია. ჩვენ უახლოეს ხანაშიაც ვნახეთ ამის მაგალითები; გავისხენოთ თუნდაც ის მდგომარეობა, რომელშიც ალჰონსდენე პროლეტარიატის წარმომადგენლები¹ საფრანგეთის უკანასკნელ დროებით მთავრობაში, თუმცა ისინი მეტად დაბალი განვითარების საფეხურზე მდგომ პროლეტარიატს წარმომადგენლობდნენ. ვისაც თებერვლის მთავრობის გამოცდილების შემდეგ — ჩვენს კეთილშობილ გერმანულ დროებათა მთავრობებზე და იმპერიის საჩუქრებზე რომ არაფერი ვთქვათ — კიდევ შეუძლია ოფიციალურ თანამდებობათა ვარაუდი იქონიოს, იგი ან უზომოდ გონებაშეზღუდულია, ან მხოლოდ სიტყვით ეკუთვნის უკიდურეს რევოლუციურ პარტიას.

მაგრამ მიუხედავად მდგომარეობა მიულჰაუზენის «მარადიული საბჭოს» სათავეში კიდევ ბევრად უფრო სასიფათო იყო, ვიდრე რომელიმე თანამედროვე რევოლუციონერი მმართველისა. არათუ მაშინდელი მოძრაობა, მთელი მისი საუკუნე მომწიფებული არ იყო

¹ენჯელსს მსგავსებაში ჰყავს წვრილბურჟუაზიული სოციალისტი ლუი ბლანი და მუშა ალექსანდრე მარტენი (ალბერი). ესენი პროლეტარიატის წარმომადგენლების სახელ შევიდნენ საორანჟოის რესპუბლიკის ბურჟუაზიულ დროებით მთავრობაში, რომელიც შეიქმნა 1848 წლის თებერვალში. «სოციალისტი-მინისტრები», რომლებიც ბურჟუაზიულ პოლიტიკოსთა უბედურეი დანაშაულის როლს ასრულებდნენ. სინამდვილეში, ვ. ი. ლენინის დახასიათების თანახმად, ალჰონსდენე ბურჟუაზიული მთავრობის ებრალო სამკაელი ან შირმა, ამ მთავრობისგან ხალხის აღშფოთების სეზარული. ამ მთავრობის მიერ მასების მოტყუების იარაღი» (ვ. ი. ლენინი, თსუ-ს წიგნები, მე-4 გამოც. ტ. 25, გვ. 451). რ. ე.

²იმპერიის საჩუქრები — 5 კაცისაგან შემდგარი რევენტთა საბჭო, რომელიც შეიქმნა 1849 წ. ივნისში ფრანკფურტის ნაციონალურმა კრებამ ვიდრე მოქმედებას დაიწყებდა კრების მიერ გამოქვეყნებული «საიპერიო კონსტიტუცია» და არჩეულ იქნებოდა გერმანიის იმპერატორი. ეს საბჭო, რომელიც შედგებოდა მემარცხენეა წვრილბურჟუაზიული ფრაქციის წარმომადგენლებისაგან, ისეთივე მხდალი, უშიშრო და რევოლუციურ მოქმედებას უნარმოკლებული ადმონსდა, როგორც კრება საერთოდ. მან მალე სპარტაციზიოდ დაასრულა თავისი არსებობა. რ. ე.

ემ იდეების გასატარებლად, რომელთაც თვით იგი მხოლოდ ბუნდოვნად გრძნობდა. კლასი, რომელსაც იგი წარმომადგენლობდა, სავსებით განვითარებული არ იყო, მას უნარი არ შესწევდა დაემორჩილებინა და გარდაეჭმნა მთელი საზოგადოება, იგი მხოლოდ ჩანასახობრივ მდგომარეობაში იმყოფებოდა. საზოგადოებრივი გადატრიალება, რომელიც მის ფანტაზიას ეჩვენებოდა, იმდენად ნაკლებ დაფუძნებული იყო არსებულ მატერიალურ პირობებზე, რომ ეს უკანასკნელნი ამსაღებდნენ საზოგადოებრივ წესწყობილებას, რომელიც სწორედ მის საოცნებო საზოგადოებრივი წესწყობილების პირდაპირ წინააღმდეგობას წარმოადგენდა. ამავე დროს იგი შებოქილი იყო თავისი წინანდელი ქადაგებებით ქრისტიანული თანასწორობისა და ევანგელიური ქონებრივი განზოგადოების შესახებ; მიუხედავად, ყოველ შემთხვევაში, უნდა ეცადნა მათი განსორციელება. გამოცხადებულ იქნა ყველა ქონების განზოგადოება, საყოველთაო შრომის ვალდებულება და ყოველი არსებული მთავრობის მოსპობა. მაგრამ სინამდვილეში მიუღებულნი რესპუბლიკურ საიმპერიო ქალაქად დარჩა ოდნავ დემოკრატიზირებული კონსტიტუციით, საყოველთაო კენჭისყრით არჩეული, ფორუმის კონტროლქვეშ მყოფი სენატით და ლარობ-ლატაკთა ნატურალური უზრუნველყოფის იმპროვიზირებული ორგანიზაციით. საზოგადოებრივი გადატრიალება, რომელიც პროტესტანტ ბურჟუაზიულ თანამედროვეებს ესოდენ შემზარავად ეჩვენებოდათ, სინამდვილეში მხოლოდ სუსტი და შეუგნებელი ცდა იყო მოახლოებული ბურჟუაზიული საზოგადოების დამყარების დასაჩქარებლად.

როგორც ეტყობა თვით მიუნცერი გრძნობდა, თუ რა ღრმა უფსკრული იყო მის თეორიებსა და მის გარშემო არსებულ უშუალო სინამდვილეს შორის. უფსკრული, რომელიც მით უფრო ნაკლებ შეუმჩნეველი უნდა ყოფილიყო მისთვის, რაც უფრო მახინჯად ისახებოდნენ მიუნცერის გენიალური შეხედულებანი მის უამრავ მიმდევართა განუვითარებელ თავებში. თვით მისთვისაც კი უჩვეულო გულშოდგინებით შეუდგა იგი მოძრაობის გაფართოებისა და ორგანიზაციის საქმეს; იგი წერდა წერილებს და შიკრიკებსა და ემისრებს ჰგნავნიდა ყველა მძარბულზე. მისი ნაწერები და ქადაგებანი რევოლუციური ფანატიზმითაა გაფლენილი, რომელიც გამოცხადებს იწვევას თვით მის აღზინდელ ნაწერებთან შედარებითაც კი. მიუნცერის რევოლუციური პამფლეტების გულუბრყვილო ახალგაზრდული ჰუმორი სრულიად გამჭრალაია; მოასრიავენის წყნარი, აწონ-დაწონილი სიტყვები, რომლებიც წინათ მისთვის უცხო არ

იყო, აღარ გვხვდება. მიუნცერი ახლა მთლად რევოლუციის წინასწარმეტყველად იქცა, იგი დაუცხრომლად აღვივებს სიძულვილს გაბატონებული კლასების წინააღმდეგ, იგი მძაფრ ვნებათაღელვას ამწვავებს და მხოლოდ იმ ძლიერი ენით ლაპარაკობს, რომელსაც ძველი ალთქმის წინასწარმეტყველები ხმარობდნენ სარწმუნოებრივი და ეროვნული ექსტაზის შთაგონებით. ის სტილი, რომელიც მას ახლა უნდა შეეპყუშავენია, ნათელყოფს, თუ განვითარების რა საფეხურზე იდგა საზოგადოება, რომელზედაც მას ზემოქმედება უნდა მოეხდინა.

მიულჰაუზენის მაგალითმა და მიუნცერის აგიტაციამ ფართო გავლენა მოახდინა ქალაქის ფარგლებს გარეთ. ტ ი უ რ ი ნ გ ი ა ს ა, ა ი ხ ს ფ ე ლ დ ს ა, ჰ ა რ ც ს ა, ს ა ქ ს ო ნ ი ი ს ს ა ჰ ე რ ც ო გ ო ე ბ ს ა, ჰ ე ს ე ნ ს ა და ფ უ ლ დ ა ს, ზ ე მ ო ფ რ ა ნ კ ო ნ ი ა ს ა და ფ ო გ ტ ლ ა ნ დ შ ი ყველგან გლეხები აღსდგნენ, დაირაზმნენ და ციხე-კოშკები და მონასტრები დასწვეს. მიუნცერი ასე თუ ისე მთელი მოძრაობის ბელადად იქნა აღიარებული, ხოლო მიულჰაუზენი ამ მოძრაობის ცენტრად დარჩა, მაშინ როცა ერფურტში წმინდა ბიურგერულმა მოძრაობამ გაიშარჯვა, და იქ გაბატონებულ პარტიას ორჭოფი მდგომარეობა ექირა გლეხთა მიმართ.

მთავრები ტიურიგიაში თავდაპირველად ისევე უმწეონი და უილაჯონი აღმოჩნდნენ გლეხების მიმართ, როგორც ფრანკონიასა და შვაბიაში. მხოლოდ აპრილის უკანასკნელ დღეებში ჰესენის ლანდგრაფმა შეძლო თავი მოეყარა ჯარისთვის. ეს ის ლანდგრაფი ფილიპე იყო, რომლის ღვთისმოსავობას პროტესტანტული და ბიურგერული რეფორმაციის ისტორიკოსები ასეთ შესხმას უძღვნიან და რომლის სამარცხვინო მოქმედებაზე გლეხთა მიმართ ახლაც მოგახსენებთ ორიოდ სიტყვას. ლანდგრაფმა ფილიპემ რამდენიმე სწრაფი გათარეშებით და მტკიცე გამოსვლით თავისი სამფლობელოს უდიდესი ნაწილი დაიმორჩილა, ახალი ლაშქარი მოიშველია და თავისი ყოფილი სიუზერენის ფულდის აბატის სამფლობელოში შეიჭრა. 3 მაისს მან ფრაუნენბერგთან დაამარცხა ფულდის გლეხთა რაზმი, მთელი ეს კუთხე დაიმორჩილა და ეს შემთხვევა გამოიყენა არა მარტო იმისთვის, რომ აბატის დაპოკიდებულებიდან განთავისუფლებულიყო, არამედ იმისთვისაც, რომ ფულდის სააბატო ჰესენის საყმო სამფლობელოდ ექცია, რასაკვირველია, შემდგომი სეკულარიზაციის მოლოდინში. შემდეგ მან აიზენახი და ლანგენზალცა აიღო და საქსონიის ჰერცოგის ჯართან შეერთებულმა ამბოხების მთავარი ცენტრის, მიულჰაუზენის, წინააღმდეგ გაილაშქრა.

მიუნცერმა თავის სამხედრო ძალას, რომელიც 8 000 კაცისა და რამდენიმე ზარბაზნისაგან შეესდგებოდა, ფრანკენჰაუზენში მოუყარა თავი. ტიურინგიის გლებთა ჯარს დაახლოებითაც არ შესწევდა ის სამხედრო უნარი, რომელიც ზემო შვაბიისა და ფრანკონიის გლებთა რაზმების ნაწილმა ტრუხზესის წინააღმდეგ განავითარეს; იგი ცუდად შეიარაღებული და ცუდად გაწვრთნილი იყო, ნაკლებად ჰყავდა ყოფილი ჯარისკაცები და სრულიად არ ჰყავდა ხელმძღვანელები. თვით მიუნცერს, როგორც ეტყობა, არავითარი სამხედრო ცოდნა არ ჰქონდა. ამისდა მიუხედავად, მთავრებმა საჭიროდ სცნეს აქაც ის ტაქტიკა გამოეყენებინათ, რომელმაც ტრუხზესს ასე ხშირად მოაპოვებინა გამარჯვება: სახელდობრ, სიტყვის გატეხა. 16 მაისს მათ მოლაპარაკება დაიწყეს, დროებითი ზავი ჩამოაგდეს და მოულოდნელად თავს დაესხნენ გლებებს, სანამ ზავის ვადა გავიდოდა.

მიუნცერი თავისი ჯარით იმ ადგილას დაბანაკდა, რომელსაც დღემდე «შლახტბერგი»¹ ეწოდება, და ვაგენბურგს² ამოეთარა. უიმედობა თანდათან ძლიერდებოდა გლებთა ლაშქარში. მთავრებმა გლებებს ამნისტია აღუთქვეს, თუ ისინი ცოცხლად გასცემდნენ მიუნცერს. მიუნცერმა წრე მოიწვია და უბრძანა მთავრების წინადადება გაარჩიეთო. ერთმა რაინდმა და ერთმა ხუცესმა კაპიტულაციის სასარგებლოდ ილაპარაკეს; მიუნცერმა ორივენი წრეში შეაყვანინა და თავი მოაკვეთინა. ამ ენერგიულმა ტერორისტულმა აქტმა, რომელსაც მედგარი რევოლუციონერები ალტაცებით შეხედნენ, რამდენიმედ განამტკიცა გლებთა ლაშქარი; მაგრამ, ბოლოს, მისი უდიდესი ნაწილი მაინც წინააღმდეგობის გაუწევლად დაიშლებოდა, რომ გლებებს არ შეემჩნიათ მთავრების ლანდსკენეტები, რომლებსაც გორაქისტვის ალყა შემოერთყათ; ისინი დროებითი ზავის მიუხედავად მჭიდრო რაზმებით ახლოვდებოდნენ. საჩქაროდ ფრონტი გაიშალა საალათო ურმების უკან; მაგრამ ყუმბარები და ტყვიები უკვე ხედებოდნენ ნახევრად უიარაღო, ბრძოლას შეუჩვეველ გლებებს, ლანდსკენეტებმა უკვე მოაღწიეს ვაგენბურგს. ხანმოკლე წინააღმდეგობის შემდეგ ურმების ხაზი გაირღვა, გლებების ზარბაზნები მტერმა დაიპყრო, ხოლო თვით გლებები გაიფანტნენ. გლებები უწესრიგოდ გარბოდნენ და მით უფრო უვარდებოდნენ ხელში უკან მოქცეულ მტრის

¹ შლახტბერგი — ბრძოლის ვორაკი. რ ე დ.

² ვაგენბურგი — ეწოდებოდა ბანაკს, რომელიც გამაგრებული იყო ურმების ბარიკადებით; ფართოდ იყენებდნენ ჩეხეთში აჭანყებული ჰუსიტები ჰუსიტთა ომების დროს. რ ე დ.

რაზმებსა და ცხენოსნებს, რომლებმაც საშინელი სისხლის მორევი დააყენეს. რვა ათასი გლეხიდან ხუთი ათასზე მეტი მოკლულ იქნა; დანარჩენებმა ფრანკენჰაუზენამდე მიაღწიეს, მაგრამ მათ ფეხდაფეხ მთავრობის ცხენოსნები მიჰყვნენ. ქალაქი აღებულ იქნა. თავში დაკრილი მიუნცერი ერთ სახლში აღმოაჩინეს და დაატყვევეს. 25 მაისს მიულჰაუზენიც დანებდა; პფაიფერი, რომელიც იქ დარჩენილიყო, გააჭყა, მაგრამ იგი აიზენახში დაიჭირეს.

მიუნცერი მთავრების თანდასწრებით აწამეს და შემდეგ თავი მოჰკვეთეს. იგი ისეთივე ვაკეცობით შეხვდა სიკვდილს, როგორსაც სიცოცხლეში იჩენდა. იგი ოცდარვაწლის თუ იქნებოდა, როცა სიკვდილით დაისაჯა. პფაიფერსაც თავი მოჰკვეთეს და მათ გარდა მრავალ სხვასაც. ფულდაში „ღვთისმოსაემამ“ ფილიპე ჰესენელმა თავისი სისხლისმღვრელი სამსჯავრო მოაწყო; მისი და სხვა საქსონელი მთავრების ბრძანებით, სხვათა შორის, აიზენახში 24 მეამბოხეს მოჰკვეთეს მახვილით თავი, ლანგენშალცში — 41, ფრანკენჰაუზენის ბრძოლის შემდეგ — 300, მიულჰაუზენში — 100-ზე მეტს, გორმართან — 26, ტუნგედასთან — 50, ზანგერჰაუზენთან — 12, ლაიპციგში — 8, ასოების დასახიჩრებასა და სხვა უფრო მსუბუქ სასჯელზე, სოფლებისა და ქალაქების აკლებასა და დაწვავზე რომ არ ვილაპარაკოთ.

მიულჰაუზენმა დაკარგა თავისუფალი საიმპერიო ქალაქის პრივილეგიები და საქსონიის მიწებს შეუერთდა, ხოლო ფულდის სააბატო — ჰესენის სალანდგრაფოს.

მთავრები ახლა ტიურინგიის ტყეებისაკენ გაემართნენ, სადაც ფრანკონელი გლეხები ბილდჰაუზენის ბანაკიდან ტიურინგელებს შეერთებოდნენ და მრავალი ციხე-კოშკი დაეწვათ. მეინინგენტან ბრძოლა ატყდა; გლეხები დამარცხდნენ და ქალაქისკენ დაიხიეს, მაგრამ ქალაქმა მათ მოულოდნელად კარიბჭე დაუკეტა და ზურგიდან თავდასხმით დაემუქრა. გლეხთა რაზმი, რომელიც გასაქირში ჩავარდა მოკავშირეების დალატის გამო, მთავრებს დანებდა და მოლაპარაკების დროსვე დაიშალა. ბილდჰაუზენის ბანაკი უკვე კარგა ხანია გაფანტული იყო, და ამრიგად ამ რაზმის მოსპობით აღგვილ იქნა მეამბოხეთა უკანასკნელი ნაშთი საქსონიასა, ჰესენსა, ტიურინგიასა და ზემო ფრანკონიაში.

ელზასში ამბოხებამ უფრო გვიან იფეთქა, ვიდრე რაინოს მარჯვენა ნაპირას. მხოლოდ აპრილის შუა რიცხვში აჯანყდნენ გლეხებო სტრასბურგის საეპისკოპოსოში; მათ ჩქარა ზემოელზასელი და ზუნდგაუელი გლეხები მიჰყვნენ. 18 აპრილს ქვემოელზასელმა გლეხთა

რანსმმა ალტდორფის მონასტერი დაარბია; სხვა რანსმები ებერს-ჰაიზან და ბარჰან, აგრეთვე ვილერის ზეობასა და ურბოსის ხეობაში შეიქმნა. მალე ისინი ქვემო ელზასის დიდ რანსმად შეერთდნენ და იწყეს ქალაქებისა და დაბების აღება და მონასტრების დანგრევა, მოსახლეობიდან ყოველ მესამე მამაკაცს ჯარში იწვევდნენ. ამ რანსმის თორმეტი მუსლი ბევრად უფრო რადიკალურია, ვიდრე შვაბელ-ფრანკონელ გლეხთა რანსმისა¹.

მაშინ, როცა ქვემოელზასელების ერთმა რანსმმა მაისის დამდეგის სანქტ-იზოლიტთან მოიყარა თავი, სცადა ამ ქალაქის თავის მხარეზე გადმობირება და, რადგან ვერას გახდა, ბერკენს მიადგა, რომელიც 10 მაისს მოქალაქეებთან შეთანხმების გზით ხელში ჩაიგდო, 13 მაისს რაბოლტსვაილერი, ხოლო 14-ში რაიხენვაიერი დაიპყრო, მეორე რანსმი ერასმ გერბერის მეთაურობით სტრასბურგზე. თავდასასმელად გაემართა. ეს ცდა მარცხით დასრულდა, რანსმმა ვოგეზებისკენ იბრუნა პირი, მაუერსმიუენსტერის მონასტერი დაარბია და ალყა შემოარტყა ცაბერსს, რომელიც 13 მაისს დანებდა. აქედან მან ლოთარინგიის საზღვრისკენ გაილაშქრა და ამ საჰერცოგოს მოსაზღვრე მხარე ააჯანყა, ხოლო იმავე დროს მთის გზები შეჰკრა. ჰერბოლტ-ჰაიმთან, საარზე, და ნოიბურგთან დიდი ბანაკები გაიშალა; საარგემიუნდში 4000 გერმანელ-ლოთარინგელი გლეხი ჩასაფრდა; ბოლოს, ორი წინწაწეული რანსმი — კოლბენელებისა ვოგეზებში შტიურცელბრუნთან და კლეებურგელებისა ვაისენბურგთან — ფრონტსა და მარჯვენა ფრთას ჰფარავდა, მაშინ როცა მარცხენა ფრთა ზემოელზასელებს ეყრდნობოდა.

ზემოელზასელებმა მოძრაობა დაიწყეს 20 აპრილს. 10 მაისს მათ აიძულეს ზულცი, 12 მაისს გებვაილერი, 15-ს ზენჰაიმი და მისი მიდამოები გლეხთა ძვობაში შესულაყენენ. მართალია, აესტრიის მთავრობა და მახლობელი საიმპერიო ქალაქები მაშინვე მათ წინააღმდეგ გაერთიანდნენ, მაგრამ მეტად სუსტნი იყვნენ, რომ მათთვის

¹ ელზასის გლეხთა მოთხოვნის მუხლები არა მარტო მკვეთრად აყალიბებდა ანტიფეოდალურ მოთხოვნებს, რომლებიც გადმოცემულია შვაბელ-ფრანკონელ გლეხთა «თორმეტ მუხლში» (ბატონყმობის გაუქმება, თავადაზნაურობის მიერ უზურპირებული სათემო მიწების დაბრუნება და ა. შ.), არამედ ბევრ რანსმეში ისინი ამ პროგრამაზე შორს მიდიოდნენ. ეს პუნქტები მევახშეობის წინააღმდეგაც იყო მიმართული (მუხლი საეაზშო სარგებლისა და ა. შ. გაუქმების შესახებ). ისინი მოითხოვდნენ არა მარტო მცირე სამეათელოს მოსპობას, არამედ დიდი სამეათელოს მოსპობასაც. აღიარებდნენ ადგილობრივი მოსახლეობის უფლებას — გადააყენოს ის თანამდებობის პირნი, რომლებიც ხალხის უკმაყოფილებას იწვევენ, და აირჩიონ მათ ნაცვლად ახალი. რ ე დ.

სერიოზული წინააღმდეგობა გაეწიათ და მით უმეტეს, რომ თავს დასხმოდნენ. ამიტომ, ორიოდ ქალაქის გამოკლებით, მაისის შუა რიცხვებისათვის მთელი ელზასი აჯანყებულთა ხელში იყო.

მაგრამ უკვე ახლოვდებოდა ჯარი, რომელსაც ელზასელი გლეხების ქედმაღლობა უნდა გაეტეხა. ეს იყვნენ ფრანგები, რომლებმაც აქ თავადაზნაურობის ბატონობის რესტავრაცია მოახდინეს. ჰერცოგ ანტონ ლოთარინგელმა უკვე 6 მაისს 30 000 კაცისაგან შემდგარი ჯარი დასძრა, ამ ჯარში ფრანგი თავადაზნაურობის წარჩინებული ნაწილი და ესპანელების, პიემონტელების, ლომბარდიელების, ბერძნებისა და ალბანელების დამხმარე რაზმები მოიპოვებოდნენ. 16 მაისს იგი ლუცელშტაინთან შეეჯახა 4000 გლეხს, რომელნიც ადვილად დაამარცხა, ხოლო 17 მაისს მან აიძულა დანებებულიყო ცაბერნი, რომელიც გლეხებს ეჭირათ. მაგრამ ჯერ კიდევ ლოთარინგელების ქალაქში შესვლისა და გლეხების განიარაღების დროს კაპიტულაციის პირობები დარღვეულ იქნა; უიარაღო გლეხებს ლანდსკნესტები დაესხნენ თავს და მათი უდიდესი ნაწილი გაკლიტეს. ქვემოელზასელთა დანარჩენი რაზმები გაიფანტნენ და ჰერცოგ ანტონმა ახლა ზემოელზასელების წინააღმდეგ გაილაშქრა. ლოთარინგელებმა შერვაილერთან გააფთრებით შეუტიეს ზემოელზასელებს, რომლებმაც წინათ უარი თქვეს, რომ ქვემოელზასელებს გაჰყოლოდნენ ცაბერნში. ისინი დიდი სიმამაცით იცავდნენ თავს. მაგრამ მტრის სიმრავლემ, სახელდობრ, 30 000 კაცის დაპირისპირებამ 7000 კაცისადმი და ზოგიერთი რაინდის, განსაკუთრებით რაინხენვაიერის მოუჩავეის ღალატმა ამაო გახადა მათი სიმამაცე. ისინი სავსებით დამარცხდნენ და გაიფანტნენ. ჰერცოგმა მთელი ელზასი დაიმორჩილა ჩვეულებრივი სისასტიკით. მხოლოდ ზუნდგაუ გადაურჩა მის თავდასხმას. ავსტრიის მთავრობა აქ გლეხებს დაემუქრა ჰერცოგს მოვიწვევო და გლეხები აიძულა ენზისჰაიმის ხელშეკრულება დაედო იენისის დასაწყისში. მაგრამ მან მაშინვე დაარღვია ეს ხელშეკრულება და მასობრივად ჩამოახრჩობინა მოძრაობის მქადაგებელნი და წინამძღოლნი. გლეხებმა ამის შემდეგ ახალი აჯანყება მოახდინეს, რომელიც, ბოლოს, იმით დამთავრდა, რომ ოფენბურგის ხელშეკრულება¹ (18 სექტემბრისა) ზუნდგაუელ გლეხებზეც გავრცელდა.

ჩვენ მხოლოდ ისღა დაგვრჩენია, რომ გადმოვცეთ გლეხთა ომის მსვლელობა ავსტრიის ალპებში. როგორც ეს კუთხე, ისე

¹ ოფენბურგის ხელშეკრულების შესახებ იხ. შენიშვნა ამ გამოცემის 110 გვერდზე. რედ.

მეზობლად მდებარე ზალცბურგის საარქიეპისკოპოსო «სტარა პრაეას» მოძრაობის დროიდან მუდმივ ოპოზიციაში ედგა მთავრობასა და თავადაზნაურობას და რეფორმაციის მოძღვრებამ აქაც ნოყიერი ნიადაგი ჰპოვა. სარწმუნოებრივმა დევნამ და მძიმე გადასახადების თვითნებურად გადიდება დააჩქარეს აჯანყება.

ქალაქი ზალცბურგი, რომელსაც გლეხები და მემლაროელები უქერდნენ მხარს, უკვე 1522 წლიდან ებრძოდა არქიეპისკოპოსის თავისი სამოქალაქო პრივილეგიებისა და რელიგიური რიტუალის გამო. 1524 წლის დასასრულს არქიეპისკოპოსი ქალაქს დაქირავებული ლანდსკნეხტებით დაესხა თავს, ციხე-კოშკიდან ზარბაზნები დაუმიზნა მოქალაქეებს, შეაშინა ისინი და ერეთიკოს მქადაგებელთა დევნა დაიწყო. ამავე დროს მან ახალი, მძიმე გადასახადები შემოიღო და ამით მთელი მოსახლეობა უკიდურესად გააღიზიანა. 1525 წლის გაზაფხულზე, შვაბია — ფრანკონიის და ტიურინგიის აჯანყებასთან ერთად, უცებ მთელი ამ კუთხის გლეხები და მემლაროელები აღსდგნენ, დაირაზმნენ პრასლერიისა და ვაიტმოზერიის მეთაურობით, გაანთავისუფლეს ქალაქი და ალყა შემოარტყეს ზალცბურგის ციხე-კოშკს. მათ ქრისტიანული კავშირი დააარსეს დასავლეთ გერმანიის გლეხების მსგავსად, და თავიანთი მოთხოვნები ჩამოაყალიბეს თეზისების სახით, რომლებიც თოთხმეტ მუხლს¹ შეიცავდნენ.

1525 წელს გაზაფხულზე გლეხები აჯანყდნენ აგრეთვე შტაინერმარკსა, ზემო ავსტრიასა, კერნტსა და კრაინში, სადაც ახალი უკანონო გადასახადებით, ბაეებით და თვითნებური განკარგულებებით დიდად შელახული იყო ხალხის სისხლხორცეული ინტერესები. მათ რამდენიმე ციხე-კოშკი აიღეს და გრისასთან სძლიეს «სტარა პრაეას» დამმარცხებელს, მსცოვან მხედართმთავარს ლიტრინშტაინს. თუმცა მთავრობამ შეძლო თვალები აეხვია მემლობეთა ერთი ნაწილისთვის და დაეშოშმინებინა იგი, მასა შემქიდროებული დარჩა და ზალცბურგელებს შეუერთდა, ისე რომ მთელი ზალცბურგის მხარე და ზემო ავსტრიის, შტაიერმარკის, კერნტის და კრაინის უდიდესი ნაწილი გლეხების და მემლაროელების ხელში აღმოჩნდა.

¹ეს მუხლები ძირითადად ასახედნენ შვაბია-ფრანკონიის გლეხთა თორმეტი მუხლის მოთხოვნებს (ბატონყმური დამოკიდებულების გაუქმება, მცირე სამეათედოს, სამკედროს და სხვა ფეოდალურ გამოსაღებთა მოსპობა, მღვდლების არჩეითობა და ა. შ.). გარდა ამისა, ეს მუხლები შეიცავდნენ ადგილობრივი ხასიათის ზოგიერთ მოთხოვნას. რე დ.

რეფორმაციის მოძღვრებამ მრავალი მიმდევარი მოიპოვა ტიროლშიც: აქ კიდევ უფრო, ვიდრე სხვაგან ავსტრიის ალპებში, მიუნცერის ემისრები წარმატებით მოღვაწეობდნენ. ერცჰერცოგი ფერდინანდი აქაც სდევნიდა ახალი მოძღვრების მქადაგებელთ და აქაც ახალი თვითნებური გადასახადებით არღვევდა მოსახლეობის პრივილეგიებს. როგორც ყველგან, ისე აქაც ამას შედეგად აჯანყება მოჰყვა იმავე 1525 წლის გაზაფხულზე. მემამობეებმა, რომელთა შთაჯარსარღალი იყო მიუნცერის ერთ-ერთი მიმდევარი, სახელდობრ, გაისმაიერი — ერთადერთი გამოჩენილი სამხედრო ტალანტი გლეხკაცთა მეთაურებს შორის, მრავალი ციხე-სიმაგრე აიღეს და ენერგიულად გაუსწორდნენ ხუცებს განსაკუთრებით სამსრეთით, ეჩის ხეობაში. ფორარლბერგელებიც¹ აღსდგნენ და ალგაუელებს შეუერთდნენ.

ერცჰერცოგი, რომელიც ყოველი მხრიდან შევიწროებული აღმოჩნდა, დათხოვიდან დათხოვაზე წავიდა იმ აშპოაებულთა მიწართ, რომლებიც ცოტა ხნის წინათ მას სურდა ეცეხლითა და მახვილით გაენადგურებინა, გაეძარცვა და გაეყლიტა. მან სამკვიდრო სამფლობელოების ლანდტაგთა მოწვევა გამოაცხადა და მათ შეკრებამდე დროებითი ზავი ჩამოაგდო გლეხებთან. ამავე დროს იგი მთელი ძალღონით იარაღდებოდა, რათა, რაც შეიძლება ჩქარა, სხვა ენაზე დაეწყო საუბარი «დამნაშავეებთან».

დროებითი ზავი, რასაკვირველია, დიდხანს არ გაგრძელებულა. დიტრიხშტაინს ფული შემოაკლდა და საჰერცოგოებს კონტრიბუციები დაადო. გარდა ამისა, მისი სლავთა და მადიართა ჯარები მოურიდებელი სისასტიკით ეპყრობოდნენ მოსახლეობას. ამიტომ შტაიერმარკის გლეხობა ხელახლა აჯანყდა. ისინი 2 ივლისს ღამით თავს დაესხნენ მხედართმთავარ დიტრიხშტაინს შლადმიგში და გაყლიტეს ყველანი, ვინც გერმანულად არ ლაპარაკობდა. თვით დიტრიხშტაინი ტყვედ ჩავარდა. 3 ივლისს დილით გლეხებმა ნაფიცთა სანსჯავრო შეადგინეს და ორმოც ჩეხელ და კრაოტელ დატყვევებულ აზნაურს სიკვდილი მიუსაჯეს. მათ მაშინვე თავი მოჰკვეთეს. ამან გავლენა მოახდინა; ერცჰერცოგმა იმ წამშივე დააკმაყოფილა ხუთივე საჰერცოგოს (ზემო და ქვემო ავსტრიის, შტაიერმარკის, კერნტისა და კრაინის) წოდებათა ყველა მოთხოვნა.

ლანდტაგის მოთხოვნები ტიროლშიც დაკმაყოფილებულ იქნა და ჩრდილოეთში მშვიდობიანობა ჩამოვარდა. მაგრამ სამსრეთი, რომე-

¹ ფორარლბერგი — ტიროლის ჩრდილო-დასავლეთ ნაწილში მდებარე ოლქი, რომელიც საზღვრავს შვაბიასა და შევიცარიას. რ. ე.

ლიც დაჟინებით იცავდა თავის პირვანდელ მოთხოვნებს და არ ეთანხმებოდა მათ შეკვეცას ლანდტაგის მიერ, შეიარაღებული დარჩა. მხოლოდ დეკემბერში შეძლო ერცჰერცოგმა აქ ძალით წესრიგის ხელახლა აღდგენა. მან შემთხვევა გამოიყენა, რათა მის ხელში ჩაეკარდნო მუხომბოხთა წამქეზებელნი და წინამძღოლნი სიკვდილით დაესაჯა.

ზალცბურგის წინააღმდეგ აგვისტოში 10 000 ბავარიელი დაიძრა გეორგ ფონ ფრუნდსბერგის მეთაურობით. როგორც ამ საგრძნობმა სამხედრო ძალამ, ისე გლებებში ჩამოვარდნილმა შუღლმა ზალცბურგელები აიძულა 1 სექტემბერს ხელშეკრულება დაედოთ არქიეპისკოპოსთან, ეს ხელშეკრულება ერცჰერცოგმაც მიიღო. მაგრამ ამ მთავრებმა ჩქარა საკმაოდ გააძლიერეს თავიანთი ჯარები, დაარღვიეს ხელშეკრულება და ამით ზალცბურგელ გლებებში ხელახალი აჯანყება გამოიწვიეს. აჯანყებულებმა მთელი ზამთარი გასძლეს; გაზაფხულზე მათთან გაისმაიერი მოვიდა და ძლევამოსილი ლაშქრობა დაიწყო მტრის წინააღმდეგ, რომელიც ყოველი მხრიდან უტევდა. მთელ რიგ ბრწყინვალე შეტაკებაში მან 1526 წლის მაისსა და ივნისში ერთი მეორის მიყოლებით დაამარცხა ბავარიელები, ავსტრიელები, შეაბიელთა საკავშირო ჯარები, ზალცბურგელი არქიეპისკოპოსის ლანდსკნესტები და კარგა ხნით შეაფერხა მტრის სხვადასხვა ნაწილების შეერთება. ამავე დროს მან კიდევ მონახა დრო, რათა რადშტატისთვის ალყა შემოერტყა. ბოლოს იგი ყოველმხრივ გარშემორტყმულ იქნა ბევრად უფრო მრავალრიცხოვანი მტრის მიერ, იძულებული გახდა უკან დაეხია, ალყა გაარღვია და თავისი ჯარის ნაშთი ავსტრიის ალპების გზით ვენეციის ტერიტორიაზე გადაიყვანა. ვენეციის რესპუბლიკამ და შვეიცარიამ დაუღალავ გლებთა ბელადს საყრდენი პუნქტები მისცეს ახალი წამოწყებებისთვის, მთელი წლის განმავლობაში იგი ცდილობდა ავსტრიის საწინააღმდეგო ომში ჩაება ეს სახელმწიფოები, მას იმედი ჰქონდა, რომ ამ შემთხვევაში კიდევ შეიძლებოდა გლებთა აჯანყების გამოწვევა. მაგრამ ამ მოლაპარაკების დროს მას მკვლელის ხელი მისწვდა; ერცჰერცოგ ფერდინანდსა და ზალცბურგელ არქიეპისკოპოსს არ შეეძლოთ მოსვენება, სანამ გაისმაიერი ცოცხალი იყო: მათ ერთი ბრძლიტი მოისყიდეს, რომელმაც 1527 წელს მოახერხა საშიში რევოლუციონერის მოკვლა.

VII.

გაისმაიერის უკანდახევა ვენეციის ტერიტორიაზე გლეხთა ომის უკანასკნელი აქტი იყო. გლეხები ყველგან ხელახლა ეკლესიის, თავადაზნაურობის და პატრიციატის ძალაუფლებას დაუმორჩილეს; ხელშეკრულებანი, რომლებიც აქა-იქ იყო მათთან დადებული, დაირღვა, წინანდელი გადასახადები გადიდდა უზარმაზარი კონტრიბუციის შეწერით, რომელიც გამარჯვებულებმა დამარცხებულთ დააკისრეს. გერმანელი ერის ყველაზე დიდებული რევოლუციური ცდა დამთავრდა გამაწილებელი დამარცხებით, რომელმაც პირველ ხანებში გააორკეცა ჩავვრა. მაგრამ გლეხთა კლასის მდგომარეობის დიდი ხნით გაუარესება როდი აიხსნება აჯანყების ჩახშობით. ის, რისი გამოწოვაც წლიდან წლამდე გლეხკაცობიდან თავადაზნაურობას, მთავრებს და ხუცებს შეეძლოთ, ისინი, უცილობელია, ომამდეც სწოვდნენ; იმდროინდელ გერმანელ გლეხს თანამედროვე პროლეტარიატთან ის ჰქონდა საერთო, რომ მისი წილი შრომის პროდუქტებში იმ საარსებო საშუალებათა მინიმუმით განისაზღვრებოდა, რომელიც გლეხთა კლასის სიცოცხლის შესანარჩუნებლად და მისი მოდგმის განსაგრძობად იყო საჭირო. საერთოდ, მაშასადამე, აქ მეტი ადარაფერი რჩებოდა წასართმევი. მართალია, ზოგიერთი შეძლებული საშუალო გლეხი გაპარტახდა, მრავალი დამოკიდებული გლეხი იძულებული გახდა ყმად გადაქცეულიყო, დიდძალ სათემო მიწას კონფისკაცია უყვეს, მრავალი გლეხი სახლის დანგრევისა და სახნავ-სათესების მოოხრების გამო, აგრეთვე საყოველთაო ანარქიის წყალობითაც მაწანწალად იქცა ანდა ქალაქის პლებეების რიგში მოჰყვა. მაგრამ ომი და ქვეყნის მოოხრება იმდროინდელ ყოველდღიურ მოვლენათა რიცხვს ეკუთვნოდა, და საერთოდ გლეხთა კლასი იმდენად დაბლა იდგა, რომ გადასახადების გადიდებით შეუძლებელი იყო ხანგრძლივად მისი მდგომარეობის გაუარესება. რელიგიურმა ომებმა, რომლებიც ამას მოჰყვა და, ბოლოს, ოცდაათწლიანმა ომმა¹

¹ ო ც დ ა ა თ წ ლ ი ა ნ ი ო მ ი (1618—1648) გერმანიის პროტესტანტი და კათოლიკე მთავრების შინაომი, რომელიც გამოიწვია მთავრების განუწყვეტელმა ურთიერთ შეხლა-შემოხლამ და იმპერატორთან შეჯახებებმა; ეს ომი საბაბი გახდა უცხო სახელმწიფოთა ჩარევისა გერმანიის საქმეებში (ესპანეთის, დანიის, შვეციისა, საფრანგეთისა). ომის შედეგად გერმანია სრულიად გაპარტახებულ იქნა და, მარქსის სიტყვების თანახმად, დაყვანილ იქნა «ძარბააროსულ მდგომარეობამდე» (იხ. კ. მ ა რ ქ ს ი და ფ. ე ნ გ ე ლ ს ი. თხზულებანი, ტ. V, გვ. 213). 1648 წ. დადებულმა ვესტფალის ზავმა კიდევ უფრო განამტკიცა გერმანიის პოლიტიკური დაქუცმაცებულობა და უფლება მიანიჭა ცალკეულ მთავრებს სეპარატიული შეთანხმებანი დაედგათ უცხოელ სახელმწიფოებთან; ამ ზავმა სანქცია მისცა ევროპის რიგ სახელმწიფოებს დაეპყროთ გერმანიის მიწები. რ ე ღ.

ქვეყნის განმეორებითი, მასობრივი მოოხრებითა და მოსახლეობის გაყლეთით გლახებს უფრო მეტი ზიანი მიაყენა, ვიდრე გლახთა ომმა; განსაკუთრებით ოცდაათწლიანმა ომმა გაანადგურა უმეტესი ნაწილი მიწათმოქმედებაში დაბანდებული საწარმოო ძალებისა და როგორც ამით, ისე მრავალი ქალაქის დანგრევით უსაშინლესი ფორმის ირლანდიურ სიღატაკეში ჩააგდო გლახები, პლებეები და გაპარტახებული მოქალაქეები.

გლახთა ომის შედეგებმა ყველაზე მეტად ს ა მ ღ ვ დ ე ლ ო ე ბ ა დაზარალა. მისი მონასტრები და ეკლესიები დაიწვეა, მისი ოქროვერცხლი გაძარცვულ, საზღვარგარეთ გაყიდულ და გადადნობილ იქნა, მისი მარაგი შთაინთქა. სამღვდელოებას ყველგან ყველაზე ნაკლები წინააღმდეგობის გაწვევა შეეძლო, ამავე დროს ხალხის სიძულვილი მთელი თავისი სიძლიერით სწორედ მას დაატყდა თავს. სხვა წოდებებს — მთავრებს, თავადაზნაურობას და ბიურგერობას ფარულად კიდევ უხაროდათ, რომ საძულველ პრელატებს მძიმე გაკვირება ადგათ თავს. გლახთა ომმა პოპულარობა მოუხვეჭა გლახთა სასარგებლოდ საეკლესიო ქონების სეკულარიზაციის იდეას. საერო მთავრები და ნაწილობრივ ქალაქები შეეცადნენ ეს სეკულარიზაცია თ ა ვ ი ა ნ თ სასარგებლოდ გაეტარებინათ, და პროტესტანტულ ქვეყნებში პრელატების სამფლობელოები მალე მთავრების ან ქალაქის პატრიციატის ხელში აღმოჩნდა. ამასთან შეირყა სასულიერო მთავრების ბატონობაც: საერო მთავრებმა შეძლეს ამ მხრივაც გამოეყენებინათ ხალხის სიძულვილი. ასე, მაგალითად, ჩვენ დავინახეთ, რომ ფულდის აბატი, რომელიც ფილიპე ჰესენელის პატრონი ანუ სიუზერენი იყო, მის ვასალად იქცა. აგრეთვე ქალაქმა კემპტენმა თავისი მთავარი — აბატი, რომელსაც ქალაქში რამდენიმე დიდმნიშვნელოვანი პრივილეგია ჰქონდა, აიძულა ისინი ჩალის ფასად მიეყიდნა ქალაქისთვის.

არანაკლებ დაზიანდა აგრეთვე თ ა ვ ა დ ა ზ ნ ა უ რ ო ბ ა ც. მისი ციხე-კოშკების დიდი ნაწილი განადგურდა, მრავალი გამოჩენილი საგვარეულო გაპარტახდა, მათი წარმომადგენლები მხოლოდ მთავრების სამსახურშიღა პოულობდნენ არსებობის საშუალებას. გამოაშკარავდა თავადაზნაურობის უილაჯობა გლახთა მიმართ; იგი ყველგან დამარცხდა და იძულებული გახდა ქედი მოეხარა; თავადაზნაურობა მხოლოდ მთავრების ჯარებმა იხსნა. მან იმპერიაში თანდათან დაჰკარგა დამოუკიდებელი წოდების მნიშვნელობა და მთავრების ხელქვეითი გახდა.

საერთოდ არც ქალაქებს მოუგიათ გლეხთა ოპში. წარჩინებულთა ბატონობა თითქმის ყველგან ხელახლა განმტკიცდა; ბიურგერების ოპოზიცია დიდი სწიშლით მოტყდა. ძველმა პატრიციულმა რუტინამ კიდევ დიდხანს იბოგინა, იგი ყოველმხრივ ბოჭავდა ვაჭრობასა და მრეწველობას, ვიდრე საფრანგეთის რევოლუციამ მას ბოლო არ მოუღო. მთავრებმა ქალაქებს მოსთხოვეს პასუხი იმ დროებითი გამარჯვებისთვის, რომელიც მათს წიაღში ბიურგერულმა ან პლემბურმა პარტიებმა მოიპოვა ბრძოლის დროს. ქალაქებს, რომლებიც უკვე წინათ მთავრების სამფლობელოებში შედიოდნენ, მძიმე ხარკი დაადვეს, მათი პრივილეგიები წაართვეს და ხარბი მთავრების თვითნებობის უმწეო მონებად აქციეს (ფრანკენჰაუსენი, არნშტადტი, შმალკადენი, ვიურცბურგი და სხვ.); თავისუფალი საიმპერიო ქალაქები მთავრების ტერატორიებს შეუერთეს (მაგალითად, მიულჰაუსენი) ან მეზობელი მთავრების ზნეობრივ ზეგავლენას დაუმორჩილეს, როგორც, მაგალითად, მრავალი ფრანკონული საიმპერიო ქალაქი.

ასეთ პირობებში მხოლოდ მთავრებმა მიიღეს სარგებლობა გლეხთა ომისაგან. ჩვენ უკვე ჩვენი მოთხრობის დასაწყისში დავინახეთ, რომ გერმანიის მრეწველობის, ალებშიცემობის და სასოფლო მეურნეობის განუვითარებლობამ შეუძლებელი გახადა გერმანელების ცენტრალიზაცია ერთ ერთად, რომ ამ განუვითარებლობამ ნაადრავი შექმნა მხოლოდ ადგილობრივი და პროვინციული ცენტრალიზაციისთვის, რომ ამიტომ ამ ცენტრალიზაციის წარმომადგენელი დაქსაქსულობის გარემოში — მთავრები ერთადერთ ფოძებას შეადგენდნენ, რომლისთვისაც სასარგებლო იყო ყოველი ცვლილება არსებულ საზოგადოებრივ და პოლიტიკურ ურთიერთობაში. იმდროინდელი გერმანიის განუვითარების დონე იმდენად დაბალი და ამავე დროს იმდენად არათანაბარი იყო სხვადასხვა პროვინციებში, რომ საერო სამთავროების გვერდით დამოუკიდებელი სასულიერო სამფლობელოები, ქალაქთა რესპუბლიკები და სუვერენული გრაფები და ბარონებიც არსებობდნენ: მაგრამ იმავე დროს ეს განუვითარება, შეიძლება მეტად წელი ნაბიჯით და ღუნედ, მაინც პროვინციული ცენტრალიზაციისკენ მიისწრაფვოდა, ე. ი. იქით, რომ დანარჩენი საიმპერიო წოდებანი მთავრებს ღამორჩილებოდნენ. ამიტომ გლეხთა ომის დასასრულს მხოლოდ მთავრებს შეეძლოთ მოეგოთ. მართლაც ასე მოსდა. მათ მოიგეს არა მარტო რელატიურად იმით, რომ მათი მოჭიშპეები — სამღვდელთა, თავადაზნაურობა, ქალაქები დასუსტდნენ, არამედ მათ მოიგეს აბსოლუტურადაც იმით, რომ მათ spolia opima (მთავარი

ნადავლი) მიიღეს ყველა დანარჩენი წოდების ხარჯზე. საეკლესიო და სამონასტრო ქონების სეკულარიზაცია მათ სასარგებლოდ მოხდა; თავადაზნაურობის ერთი ნაწილი, სანახევროდ ან მთლად გაპარტახებული, იძულებული გასდა თანდათან მის სუვერენიტეტს დამორჩილებოდა; ქალაქებისა და გლესკაცობის მიერ გადახდილი ხარკი პთაერების სალაროში შედიოდა, ამ უკანასკნელმა გარდა ამისა ქალაქის მრავალი პრივილეგიის მოსპობით მეტი თავისუფალი ასპარეზი მოიპოვა თავისი საყვარელი ფინანსური ოპერაციებისთვის.

გერმანიის დაქუცმაცებულობა, რომლის გაძლიერება და განმტკიცება გლესთა ომის მთავარი შედეგი იყო, ამავე დროს მისი პარტების მთავარ მიზეზად ჩაითვლება.

ჩვენ დავინახეთ, რომ გერმანია არა მარტო დაქუცმაცებული იყო ურიცხვ, დამოუკიდებელ, ერთმანეთისთვის თითქმის სრულიად უცხო პროვინციებად, არამედ ისიც დავინახეთ, რომ ერი თვითეულ ამ პროვინციაში მრავალ წოდებად და წოდებრივ ფრაქციად იყოფოდა. გარდა მთავრებისა და ხუცებისა ჩვენ სოფლად თავადაზნაურობას და გლესობას ვხედავთ, ხოლო ქალაქში პატრიაციებსა, ბიურგერებსა და პლუბეებს. ეს ისეთ წოდებებს წარმოადგენდა, რომელთა ინტერესები სრულიად უცხონი იყვნენ ერთმანეთისთვის იმ შემთხვევაშიც კი, როცა მათი ინტერესები ერთმანეთს არ ეჯახებოდნენ და პირდაპირ არ ეწინააღმდეგებოდნენ. ყველა ამ რთულ ინტერესებს ზევით კიდევ იმპერატორის და პაპის ინტერესები იდგა. ჩვენ დავინახეთ, თუ რაოდენ ძნელად, არასრულყოფილად და ადგილობრივი პარობების მიხედვით არაერთნაირად ჩამოყალიბდა, ბოლოს, სამ დიდ ჯგუფად ეს სხვადასხვა ინტერესები; ასეთი გაჭირვებით მიღწეული დაჯგუფების მიუხედავად ყოველი წოდება ეწინააღმდეგებოდა გარემოებით განსაზღვრული ეროვნული განვითარების მიმართულებას, თავისი საკუთარი ძალით მოქმედებდა და, ამიტომ, ეჯახებოდა არა მარტო ყველა კონსერვატულ, არამედ ყველა დანარჩენ ოპოზიციურ წოდებას და ბოლოს უნდა დაპარტახებულიყო. ასე მოიქცა თავადაზნაურობა ზიკინგენის აჯანყებაში, ასევე მოიქცნენ გლესები გლესთა ომში, ხოლო ბიურგერები მთელ თავიანთ მოთვინიერებულ რეფორმაციაში. თვით გლეხებმაც და პლუბეებმაც გერმანიის უდიდეს ნაწილში ვერ შეძლეს გაერთიანებულად ემოქმედნათ და ერთმანეთს გზას უღობავდნენ. ჩვენ აგრეთვე დავინახეთ, რა მიზეზებმა გამოიწვია კლასობრივი ბრძოლის ეს დაქსაქსება და მისგან გამომდინარე სრული დამარცხება რევოლუციური მოძრაობისა და ნახევრადული შედეგები ბიურგერული მოძრაობისა.

იმედია — ზემონათქვამიდან ყველასათვის ნათელია, რომ კუთხურმა და პროვინციულმა დაქსაქსულობამ და აქედან აუცილებლად გამომდინარე კუთხური და პროვინციული თვალსაზრისის შეზღუდულობამ გამოიწვია მთელი მოძრაობის დაღუპვა; რომ ვერც ბიურგერებმა, ვერც გლეხებმა და ვერც პლებეებმა ვერ შეძლეს შემჰიდრობულად, ეროვნული მასშტაბით გამოსულიყვნენ; რომ, მაგალითად, გლეხები თვითეულ პროვინციაში თავიანთი საკუთარი ძალით მოქმედებდნენ, მეზობელ აჯანყებულ გლეხებს დახმარებაზე მუდამ უარს ეუბნებოდნენ და ამიტომ ცალ-ცალკე ამარცხებდნენ მათ მოწინააღმდეგის ჭაჩები, რომლებიც უშეტესწილად აჯანყებულთა მთელი მასის მეთაურობა კი არ შეადგენდნენ. სხვადასხვა დროებითი ზავი და ხელშეკრულება, რომელიც ცალკე გლეხთა რაზმებმა თავიანთ მოწინააღმდეგეებთან შეჰკრეს, საერთო საქმის ღალატს წარმოადგენდა, ხოლო სხვადასხვა რაზმების ერთადერთი შესაძლებელი დაჯგუფება არა მათი საკუთარი მოქმედების მეტაკლებად გაერთიანების მიხედვით, არამედ იმ სპეციალური მოწინააღმდეგის გაერთიანების მიხედვით, რომელმაც ისინი დაამარცხა, აშკარად გვიჩვენებს რამდენად დაშორებული იყვნენ ერთმანეთს სხვადასხვა პროვინციის გლეხები.

აქაც, თავისთავად გვახსენდება ანალოგია 1848 — 1850 წლების მოძრაობასთან. 1848 წელსაც ოპოზიციური კლასების ინტერესები ერთმანეთს ეჯახებოდა, თვითეული კლასი თავისთვის მოქმედებდა. ბურჟუაზია იმდენად განვითარებული იყო, რომ ველარ იტანდა ფეოდალურ-ბიუროკრატიულ აბსოლუტიზმს, მაგრამ მას ჯერ კიდევ არ ჰყოფნიდა ძალა, რომ სხვა კლასების ინტერესები თავისი საკუთარი ინტერესებისთვის დაუყოვნებლივ დაექვემდებარებინა. პროლეტარიატი ჯერ კიდევ იმდენად სუსტი იყო, რომ იმედი ვერ ექნებოდა ბურჟუაზიული პერიოდის სწრაფი დაძლევისა და ახლო მომავალში ხელისუფლების დაპყრობისა, მაგრამ მან უკვე აბსოლუტიზმის პერიოდში საკმაოდ იგემა ბურჟუაზიული წესწყობილების სიტკობებიანი და საერთოდ იმდენად იყო მაინც განვითარებული, რომ ერთი წუთითაც კი ვერ დაინახავდა ბურჟუაზიის განთავისუფლებაში თავის საკუთარ განთავისუფლებას. ერის შასა — წვრილი ბურჟუაზია, წვრილი სახელოსნოების მეპატრონეები (ხელოსნები) და გლეხები, ბედის ანაბარა იყო მიტოვებული, როგორც ჯერ კიდევ თავისი ბუნებრივი მოკავშირის — ბურჟუაზიის მიერ, რომელსაც იგი უკვე მეტად რევოლუციურად მიაჩნდა, ისე ალაგ-ალაგ პროლეტარიატის მიერაც, რომელსაც იგი არა საკმაოდ პროგ-

რესულად მიაჩნდა; მან, შინაგანად თვითონ დაქუცმაცებულმა, ვერაფერს მიაღწია; ის თავისვე ოპოზიციურ მოკავშირეებს ექიშებოდა მარჯვნივ და მარცხნივ. ბოლოს, შეუძლებელია 1525 წელს გლახებს მეტი კუთხური შესღუდულობა ჰქონოდათ, ვიდრე მოძრაობის მონაწილე კლასებმა გამოიჩინეს 1848 წელს. ამას დამაჯერებლად ამტკიცებს მრავალი კუთხური რევოლუცია, მათი მომდევნო მრავალი დაუბრკოლებლად გატარებული კუთხური რეაქცია, წვრილი სახელმწიფოების შენარჩუნება და ა. შ. და ა. შ. ვისაც გერმანიის ორივე 1525 და 1848 წლების რევოლუციისა და მათი შედეგების გაცნობის შემდეგ კიდევ შეუძლია ფედერაციულ რესპუბლიკაზე ილაყბოს, მისი ადგილი მხოლოდ საგიჟეთშია.

მაგრამ ყველა ამ ანალოგიის მიუხედავად, ორივე რევოლუცია — XVI საუკუნის რევოლუცია და 1848 — 1850 წლების რევოლუცია — არსებითად მაინც მეტად განსხვავდება ურთიერთ შორის. 1848 წლის რევოლუცია აქლავნებს თუ გერმანიის პროგრესს არა, ყოველ შემთხვევაში ევროპის პროგრესს მაინც.

ვინ ნახასარგებლობა 1525 წლის რევოლუციაში? — მთავრებ. მ. ა. ვინ ნახასარგებლობა 1848 წლის რევოლუციაში? — დიდმა ხელმწიფეებმა, ავსტრიამ და პრუსიამ. 1525 წელს წვრილი მთავრების უკან წვრილი ბიურგერები იდგნენ, რომლებიც მათ ბოქავდნენ გადასახადების შემწეობით, 1850 წელს დიდი ხელმწიფეების, ავსტრიისა და პრუსიის უკან კი თანამედროვე მსხვილი ბურჟუაზია დგას, რომელიც მათ ჩქარა იმორჩილებს სახელმწიფო ვალების შემწეობით. ხოლო მსხვილი ბურჟუაზიის უკან პროლეტარიტი დგას.

1525 წლის რევოლუცია გერმანიის კერძო საქმე იყო. ინგლისელებს, ფრანგებს, ბოჰემიელებს, უნგრელებს უკვე განვლილი ჰქონდათ გლახთა ომები, როცა გერმანელებმა თავისი გლახთა ომი დაიწყეს. თუ გერმანია დაქსაქსული იყო, ევროპა კიდევ უფრო მეტად დაქსაქსული იყო. 1848 წლის რევოლუცია გერმანიის კერძო საქმე როდი იყო, იგი დიდი ევროპული მოვლენების ნაწილს წარმოადგენდა. ამ რევოლუციის მამოძრავებელი მიზეზები, რომლებიც მთელი მისი მსვლელობის განმავლობაში მოქმედებდნენ, არ განისაზღვრებიან ერთი რომელიმე ქვეყნის, ან თუნდაც მთელი მსოფლიოს ერთი ნაწილის ფარგლებით. კიდევ მეტს ვიტყვი: იმ ქვეყნებს, რომლებიც ამ რევოლუციის ასპარეზს წარმოადგენდნენ, ყველაზე ნაკლები ბრალი მიუძღვით მის წარმოშობაში. მეტად თუ ნაკლებად ეს 9 ფ. ენგელსი

ქვეყნები შეუგნებელ და უნებისყოფო ნედლ მასალას წარმოადგენენ, რომელიც მოძრაობის მსვლელობაში უნდა გადამუშავდეს. ეს მოძრაობა, რომელშიც ახლა მთელი მსოფლიო მონაწილეობს, არსებულ საზოგადოებრივ პირობებში შეიძლება, რასაკვირველია, უცხო ძალად გვეჩვენოს, თუმცა იგი საბოლოოდ სხვა არაფერია, თუ არა ჩვენი საკუთარი მოძრაობა. ამიტომ შეუძლებელია 1848 — 1850 წლების რევოლუცია ისე დამთავრდეს, როგორც 1525 წლის რევოლუცია დამთავრდა.

დაწერილია ფ. ენგელსის მიერ
1850 წ. ზაფხულში
პირველად დაიბეჭდა ჟურნალში «Neue
Rheinische Zeitung. Politisch-
ökonomische Revue», № 5—6, 1850 წ.
ცალკე გამოცემად გამოვიდა 1870 და
1875 წ. წ. ლაიპციგში ფ. ენგელსის
წინასიტყვაობით

იბეჭდება 1875 წ. მესამე
გერმანული გამოცემის მიხედვით
თარგმანი გერმანულიდან

I

ფ. ენგელსი

მარქა¹

ისეთ ქვეყანაში, როგორცაა გერმანია, სადაც მოსახლეობის ნა-
ბევარი ჯერ კიდევ მიწათმოქმედებით ცხოვრობს, აუცილებლად სა-
ჭიროა, რომ სოციალისტმა მუშებმა და მათი შემწეობით გლეხებმაც
გაიგონ, როგორ წარმოიშვა თანამედროვე მსხვილი და წვრილი მი-
წათმფლობელობა; აუცილებლად საჭიროა, რომ მოჯამაგირეების
დღევანდელ ბეჩავ მდგომარეობას და წვრილი გლეხების დღევანდელ

¹ ნარკვევი «მარკა» გამოქვეყნებულ იქნა ენგელსის მიერ როგორც დამატება
ბროშურისა «სოციალიზმის განვითარება უტოპიიდან მეცნიერებისაკენ» გერმანული
გამოცემისათვის (1882). 1883 წ. იგი გადაბეჭდა გერმანიის სოციალ-დემოკრატიის
ცენტრალურმა ორგანომ «Der Social-Demokrat» და ცალკე ამონაბეჭდის სახითაც
გამოიცა. ამეცნიერების უტოპიიდან სოციალიზმისაკენ განვითარების ინგლისური
გამოცემის შესავალში, რომელიც 1892 წ. გამოქვეყნდა, ენგელსი შემდეგს წერდა
ამ ნარკვევის შესახებ: «დამატება «მარკა» დაიწერა იმ მიზნით, რომ გერმანიის
სოციალისტურ პარტიაში გავრცელებულიყო ზოგიერთი ელემენტარული ცნობა გერ-
მანიაში მიწის საკუთრების წარმოშობისა და განვითარების ისტორიის შესახებ. იმ
დროს ეს მით უფრო აუცილებელი იყო, რომ ქალაქის მუშების გაერთიანება გერმა-
ნიის სოციალ-დემოკრატიული პარტიის მიერ უკვე მტკიცედ აღდა დამთავრების გზას,
და პარტიის წინაშე დადგა ამოცანა ყურადღება მიექცია სოფლის მეურნეობის მუშე-
ბისა და გლეხებისათვის. ეს დამატება დაერთო გამოცემას იმ მოსაზრებათა გამო,
რომ მიწათმფლობელობის პირველყოფილი ფორმები, რომლებიც საერთო აქვთ ტეე-
ტონურ ტომებს, და მათი დაშლის ისტორია კიდევ უფრო ნაკლებ ცნობილია ინგლის-
ში, ვიდრე გერმანიაში. ტექსტი მე პირვანდელი სახით დავტოვე და არ შევეხე ჰიპო-
თეზას, რომელიც ამას წინათ წამოაყენა მაქსიმ კოვალევსკიმ და რომლის თანახმად
მარქის წევრებს შორის სახნავი და მდელო მინდვრების დანაწილებას წინ უსწრებდა
ამ მიწის საერთო დამუშავება თემის დიდი პატრიარქალური ოჯახის მიერ, რომელიც
რამდენიმე თაობას მოიცავდა (რის მაგალითად გამოდგება ჯერ კიდევ არსებული სამ-
ხრეთ-სლავური ზადრუგა); შემდეგში კი, როდესაც თემი გაიზარდა და მეტისმე-
ტად დიდი გახდა მეურნეობის ერთობლივი წარმართვისათვის, მოხდა თემის მიწების
დანაწილება. კოვალევსკი, ალბათ, საესებით მართალია, მაგრამ საიოთხი ჯერ კიდევ
sub judice (მსჯელობის სტადიაში) იმყოფება. (კ. მარქსი და ფ. ენგელსი
რჩეული ნაწერები, ტ. II, თბილისი, 1950, გვ. 102 — 103). რ. ე. დ.

დავალიანებას და დამონებას დავუპირისპიროთ ძველი დროინდელი საერთო საკუთრება, რომელიც ყველა თავისუფალ მამაკაცს ეკუთვნოდა და ყოველივეს შეიცავდა, რაც მაშინ მათთვის მართლაც «სამშობლოს» ე. ი. მემკვიდრეობით გადმოცემულ თავისუფალ საერთო მფლობელობას წარმოადგენდა. ამატომ მე გადმოვიცემ იმ უძველესი გერმანული საადგილმამულო წესწყობილების მოკლე ისტორიულ ნარკვევს, რომლის მხოლოდ უბადრუკმა ნაშთებმა მოაღწიეს დღემდე, მაგრამ რომელიც მთელს შუასაუკუნეებში ყოველი საზოგადოებრივი წესწყობილების საფუძველსა და ნიმუშს წარმოადგენდა და რომელიც ღრმად იყო შექრილი არა მარტო გერმანიის, არამედ აგრეთვე ჩრდილო საფრანგეთის, ინგლისის და სკანდინავიის მთელ საზოგადოებრივ ცხოვრებაში. ამისდა მიუხედავად იგი ისე ღრმა დავიწყებას მიეცა, რომ უკანასკნელ დროს გ. ლ. მაურერს ხელახლა მოუხდა მისი ნამდვილი მნიშვნელობის აღმოჩენა.

ყველა ან თითქმის ყველა ხალხის ისტორიის განთიადზე ორი სტიქიურად წარმოშობილი ფაქტი ბატონობს: ეს არის ხალხის დანაწილება ნათესაური ნიშნის მიხედვით და მიწის საერთო საკუთრება. იგივე თითქმის გერმანელებზეც. მათ აზიიდან მოიტანეს დანაწილება ტომებად, გვაროვნულ ჯგუფებად და გვარებად; რომაელების ეპოქაშიც კი ისინი ისე ქმნიდნენ თავიანთ მებრძოლ რაზმებს. რომ უახლოესი ნათესავეები ყოველთვის მხარდამხარ იბრძოდნენ; ეს დანაწილება იყო მათ შორის გაბატონებული მაშინაც, როდესაც ისინი რაინის აღმოსავლეთით და დუნაის ჩრდილოეთით მდებარე ახალ ტერიტორიას იკავებდნენ. ყოველი ტომი ახალ ადგილს იჭერდა არა სურვილისა ან შემთხვევის მისხედვით, არამედ, როგორც ამის შესახებ იულიოს კეისარი ნათლად იუწყება, ტომის წევრთა ნათესაური კავშირის მიხედვით. ახლო დანათესავეებულ დიდ ჯგუფებს განსაზღვრული ოლქი ხედებოდა ხოლმე, სადაც, თავიანთ მხრივ, ცალკეული გვარები, რომლებიც რამდენიმე ოჯახს შეიცავდა, სოფელ-სოფელ სახლდებოდნენ. რამდენიმე მონათესავე სოფელი «ასეულს» შეადგენდა (ძველ ზემოგერმანულზე — *huntari*, ძველ სკანდინავურზე — *heradh*), რამდენიმე ასეული — «გაუსა»; გაუთა ერთობლიობა კი თვით ხალხი იყო. მიწა. რომელსაც სოფელი არ ეპატრონებოდა. ასეულის განკარგულებაში რჩებოდა; რაც ამ უკანასკნელს არ მიეჭრებოდა, გაუს რჩებოდა; მიწა. რომელიც ამის შემდეგაც თავისუფალი რჩებოდა — უმეტეს წილად ეს მოზრდილი ნაკვეთი იყო — მთელი ხალხის უშუალო მფლობელობაში გადადიოდა. ასე, მაგალითად, შვეციაში ჩვენ ერთი მეორის გვერდით ვხვდებით საერ-

თო საკუთრების ყველა ამ სხვადასხვა საფეხურს. ყოველ სოფელს ჰქონდა ეგრეთწოდებული სოფლის სათემო მიწა (bys almänningar), მის გვერდით არსებობდა ასეულის (härad), გაუს ან ოლქის (lands) და ბოლოს ხალხის საერთო მიწა, რომელზედაც მეფე ავრცელებდა პრეტენზიას, როგორც მთელი ხალხის წარმომადგენელი და ამიტომ მას konungs almänningar¹ ეწოდებოდა. ყველა ამ მიწებს სამეფო მიწების ჩათვლით, განურჩევლად ეწოდებოდა almänningar-ი, ალმენდები, სათემო მიწები.

თუ მიწის ძველი შვეციური სათემო წყობილება, რომელიც თავისი ზედმიწევნითი დანაწილებით ყოველ შემთხვევაში უფრო ნაკვიანებ განვითარების საფეხურს ეკუთვნის, ამ ფორმით ოდესმე გერმანიაშიც არსებულა, ყოველ შემთხვევაში, იგი ადრე გამქრალა. მოსახლეობის სწრაფი გამრავლება ყოველ ცალკე სოფლისთვის მიკუთვნებულ მეტად ფართო მიწის ნაკვეთზე, ეგრეთწოდებულ მარკაზე, რამდენიმე ახალშენს ჰქმნიდა, ეგრეთწოდებულ სასულსო სოფლებს, რომლებიც, როგორც სრულუფლებიანნი ან ნაკლებუფლებიანნი, დედასოფელთან ერთად ერთ თემ-მარკას შეადგენდნენ. ამიტომ, რამდენადაც წყაროები ხელს გვიწყობენ ჩაეწვდეთ წარსულს, ყველგან ვხედავთ, რომ გერმანიის სოფლების მეტი თუ ნაკლები რაოდენობა ერთ თემ-მარკად ერთდება. ამ გაერთიანებათა მაღლა კი, ყოველ შემთხვევაში, პირველხანად იდგნენ, ასეულებისა ან გაუების უფრო დიდი სამარკო გაერთიანებანი, ხოლო, ბოლოს, მთელი ხალხი თავდაპირველად ერთ დიდ თემ-მარკას შეადგენდა. რომელიც უშუალოდ ხალხის მფლობელობაში დარჩენილ მიწას განაგებდა და მის ტერიტორიაში შემავალ ქვემარკებს უზენაეს ზედამხედველობას უწევდა.

ჯერ კიდევ იმ დროს, როცა ფრანკთა სამეფომ რაინის აღმოსავლეთით მდებარე გერმანული მიწები დაიმორჩილა, როგორც ეტყობა, თემ-მარკის სიმძიმის ცენტრს გაუ წარმოადგენდა, რომელიც საკუთრივ თემ-მარკას ფარგლავდა. მხოლოდ ამით აიხსნება, რომ მრავალი ძველი დიდი მარკა სამეფოს ადმინისტრაციული დანიშნულების დროს ხელახლა ჩნდება სასამართლო გაუს სახით². მაგარამ

¹ — მეფის ალმენდა. რ ე დ.

² ფრანკთა სამეფოს (უფრო გვიან, 800 წლიდან კარლოს დიდის იმპერიისა) ადმინისტრაციული ერთეული იყო საგრაფო. როგორც წესი, საგრაფოები ემთხვეოდა იმ გერმანულ ტომთა ან ხალხთა წინანდელი ოლქების (გაუს) ტერიტორიას, რომლებიც სამეფოს შემადგენლობაში შედიოდნენ ან მის მიერ იყენენ დაპყრობილი. საგრაფო იყო აგრეთვე სასამართლო ოლქი. რ ე დ.

ამის შემდეგ ჩქარა დაიწყო ძველი მსხვილი მარკების დაშლა. თუმცა ჯერ კიდევ მე-XIII და მე-XIV საუკუნეების «საიმპერიო სამართალშიც»¹ აღნიშნულია, რომ მარკა საერთოდ ექვესიდან თორმეტ სოფლამდე მოიცავს.

იულიოს კეისრის დროს, ყოველ შემთხვევაში, გერმანელების ერთი დიდი ნაწილი, — სახელდობრ სვევების ტომი, რომელიც ჯერ კიდევ არ იყო სავსებით ბინადარი ტომი — მიწას საერთოდ ამუშავებდა. როგორც სხვა ხალხების ანალოგიით შეგვიძლია დავასკვნათ, ეს ხდებოდა შემდგენიარად: ცალკე გვარები, რომლებიც რამდენიმე ახლო ნათესავ ოჯახს შეიცავდნენ, მათთვის მიკუთვნებულ მიწას ერთად ამუშავებდნენ, ხოლო პროდუქტებს ოჯახებზე ჰყოფდნენ, თვით მიწა კი ყოველწლიურად ხელახლა ნაწილდებოდა. მაგრამ როცა სვევებიც ჩვენი წელთაღრიცხვის დასაწყისში ახალ ადგილას დაკვიდრნენ, მიწის ასეთი დამუშავება შეწყდა. ყოველ შემთხვევაში, ტატიტი იცნობს მიწის (150 წლის შემდეგ იულიოს კეისრიდან) მხოლოდ ცალკეული ოჯახების მიერ დამუშავებას. მაგრამ მათაც დასამუშავებელი მიწა მხოლოდ ერთი წლით ეძლეოდათ; წელიწადის გასვლისთანავე იგი ხელახლა ნაწილდებოდა და ერთი ხელიდან მეორეში გადადიოდა.

თუ როგორ ხდება ეს გადანაწილება, ჩვენ დღესაც შეგვიძლია მოხვლასა და ჰოხვალდში² დავინახოთ ეგრეთწოდებულ საკომლო თემების [Gehöferschaften] მაგალითზე. აქ, მართალია არა ყოველწლიურად, მაგრამ 3, 6, 9, 12 წელიწადში ერთხელ მაინც მთელი სახნავ-სათესი მიწა და მინდორ-ველი ადგილმდებარეობისა თუ ნიადაგის ხარისხის მიხედვით რამდენიმე ნაკვეთად [«Gewanne»] ხელახლა ნაწილდება. შემდეგ თვითეულ ნაკვეთს ხელახლა იმდენ თანაბარ, გრძელ და ვიწრო ზოლად ჰყოფენ, რამდენიც სრულუფლებიანი წევრია თემში; შემდეგ ხდება წილის ყრა წევრებს შორის, ასე რომ თვითეული ამხანაგი თვითეული ნაკვეთიდან, ე. ი. ყოველი მდებარეობისა და ხარისხის მიწიდან თავდაპირველად თანასწორ წილს იღებდა. ამჟამად ნაწილები არათანასწორი გახდა პეკვიდრეობის მიხედვით გაყოფის, გაყიდვისა და სხვ. წყალობით, მაგრამ წინანდელი სრული ნაწილი ჯერ

¹ «საიმპერიო სამართალი» — 962 წ. დაარსებული შუასაუკუნეებრივი გერმანიის (ეგრეთწოდებული საღვთო რომის იმპერიის) ცენტრალიზებული ხელისუფლების მიერ გამოცემული საერთო საიმპერიო კანონთა კოდექსი. რ ე დ.

² ჰოხვალდი — მაღლობი, რომელიც მდებარეობს რაინის ოლქში, რაინის მარცხენა ნაპირას, მდინარე საარის ქვედა წელის აღმოსავლეთით. რ ე დ.

კიდევ წარმოადგენს იმ ერთეულს, რომლის მიხედვით ნახევარი, მეოთხედი, მერვედი და სხვ. ნაწილი ისაზღვრება. დაუმუშავებელი მიწა, ტყე და საძოვარი სათემო მფლობელობაში რჩება, საერთო სარგებლობისთვის.

ასეთივე უძველესი სისტემა იყო შემორჩენილი მეცხრამეტე საუკუნის დასაწყისამდე ბავარიის რაინის პფალცში, ეგრეთწოდებულ «წილად მიწებზე» [Losgüter]; სახნავ-სათესი ამის შემდეგ თემის წევრების კერძო საკუთრებაში გადავიდა. საკომლო თემებიც თავისთვის უფრო სასარგებლოდ თვლიან ხელახალი განაწილება შეაჩერონ, ხოლო მიწის ცვალებადი მფლობელობა, რომელიც ერთი მფლობელიდან მეორეზე გადადიოდა, კერძო საკუთრებად აქციონ. ამრიგად, თუ ყველა არა, ამ საკომლო მიწების უმრავლესობა უკანასკნელი ორმოცი წლის განმავლობაში მოისპო და გლეხთა ჩვეულებრივ აოფლებად იქცა, სადაც გლეხები პარცელურად ფლობენ მიწას, ხოლო საერთო სარგებლობაში მარტოდენ ტყე და საძოვრები აქვთ.

პირველი მიწის ნაკვეთი, რომელიც ცალკე პირის კერძო საკუთრებად იქცა, საკარმიდამო ეზო იყო. ბინის ხელშეუხებლობა — «ყოველი პირადი თავისუფლების საფუძველი», — მემთაბარის ურემკარვიდან ბინადარი გლეხის ძელის სახლზე გადავიდა და თანდათან სახლისა და ეზოს სრული საკუთრების უფლებად გადაიქცა. ეს უკვე ტაციტის დროს მოხდა. თავისუფალი გერმანელის კარმიდამო ალბათ უკვე მაშინ გამოეყო მარკას და რადგან ამიტომ მარკის მოხელეებისთვის შეუვალი გახდა, უშიშარ საფარს წარმოადგენდა ლტოლვილთათვის; ეს ვითარება აწერილია გვიანდელ სამარკო წესდებებში და ნაწილობრივ მე-V—VIII საუკუნეების «სახალხო სამართალში»¹. რადგან ბინის ხელშეუვალობა შედეგი კი არა, მიზეზი იყო მისი კერძო საკუთრებად გადაქცევისა.

ოთხი-ხუთი საუკუნის შემდეგ ტაციტის დროიდან ჩვენ «სახალხო სამართალში» ვხედავთ, რომ სახნავ-სათესი მიწაც უკვე ცალკე გლეხის სამკვიდროდ გადაქცეულა, და თუმცა იგი ჯერ კიდევ გლეხის საცხებით თავისუფალ მფლობელობას არ შეადგენს, მაგრამ, ყოველ შემთხვევაში, მას უფლება აქვს იგი გაჰყიდოს ან სხვა სახით გაასხვისოს. ამ ცვლილების ასახსნელად ორი დასაყრდენი პუნქტი გვაქვს.

¹ — ე. ი. შუასაუკუნეებრივი ეროპის ეროვნებათა (ფრანკების, ბურგუნდლების, გოთების, ლანგობარდებისა და სხვათა) დაწერილ ადათებს და სამართლებრივ ნორმებში, რომლებიც შედგენილ იყო რომის იმპერიის ნანგრევებზე აღრინდელ ჯეოღალურ სახელმწიფოთა წარმოქმნის პერიოდში. რ. ე. ლ.

ერთა, რომ თვით გერმანიაში იმთავითვე უკვე აღწერილი კარჩაკეტილი სოფლების გვერდით, რომელთა ველ-მინდვრებიც საესებით განზოგადებული იყო, არსებობდა ისეთი სოფლებიც, სადაც კარმიდამოს გარდა ველ-მინდორიც გამოყოფილი იყო მარჯიდან და ცალკეულ გლეხებს ჰქონდათ სამკვიდროდ გადაცემული. მაგრამ ეს ხდებოდა მხოლოდ იქ, სადაც ამას, ასე ვთქვათ, ადგილმდებარეობა აიძულებდა: ვიწრო ხეობებში, როგორც ბერგის¹ ოლქში, ან ზეგნებზე ჭაობებს შორის, როგორც, მაგალითად, ვესტფალიაში. უფრო გვიან ეს მოხდა ოდენვალდში და თითქმის ყველა ალპიურ ხეობაში. აქ სოფელი, ისევე როგორც დღეს, შედგებოდა გაფანტული ცალკე კარმიდამოებიდან, თვითეულ მათგანს გარს ერტყა მისი კუთვნილი ველმინდორი; ხელახალი განაწილება აქ ძნელი მოსახერხებელი იყო, და ამრიგად მარჯის განკარგულებაში მხოლოდ ახლომახლო მდებარე დაუშუშავებელი მიწა რჩებოდა. შემდეგში, როცა მნიშვნელობა მოიპოვა მესამე პირისათვის კარმიდამოს გასხვისების უფლებამ, ასეთი მესაკუთრეები უპირატეს მდგომარეობაში აღმოჩნდნენ. შეიძლება ასეთი უპირატესობის მოპოების სურვილმა გამოიწვია ზოგიერთ სოფელში, სადაც სათემო მიწათმფლობელობა არსებობდა, ჩვეულებრივი პერიოდული გაყოფა შეეჩერებინათ და წევრების წილი სამკვიდრო და გასასხვისებელი გაეხადათ.

მეორე, რომ დაპყრობითმა ონებმა გერმანელები რომის ტერიტორიაზე მიიყვანეს, სადაც მრავალი საუკუნის განმავლობაში მიწა წარმოადგენდა კერძო საკუთრებას (ამასთან რომაულ, შეუზღუდავ კერძო საკუთრებას) და სადაც მცირერიცხოვანმა დაპყრობლებმა ვერ შეძლეს ესოდენ ფესვადგმული მფლობელობის ფორმის საესებით მოსპობა. სახნავ-სათესისა და ველ-მინდორის მემკვიდრეობითი კერძო მფლობელობის კავშირს რომაულ უფლებასთან, ყოველ შემთხვევაში, ადრინდელ რომაულ ტერიტორიაზე ის გარემოებაც ადასტურებს, რომ ჩვენს დრომდე შემორჩენილი ნაშთი სახნავ-სათესი მიწის სათემო მფლობელობისა სწორედ რაინის მარცხენა ნაპირას გვხვდება, მაშასადამე, აგრეთვე დაპყრობილ, მაგრამ საესებით გაგერმანებულ ტერიტორიაზე; როცა აქ V საუკუნეში ფრანკები დასასლდნენ, მათ ჯერ კიდევ სახნავ-სათესი მიწის სათემო მფლობელობა უნდა ჰქონოდათ — წინააღმდეგ შემთხვევაში ჩვენ იქ არც «საკომლო თემები» გვექნებოდა და არც წილადი მიწები. მაგრამ ჩქარა კერძო საკუთრება აქაც მძლავრად უნდა შემოჭრილიყო, იმიტომ რომ მეექვსე საუკუნეში «რიპუა-

¹ რაინის ოლქში. რ. ე. დ.

რის სახალხო სამართალში» მხოლოდ ესაა მოხსენებული, რამდენადაც საკითხი სახნავ-სათესს შეეხება. და შიდაგერმანიაშიც სახნავ-სათესი მიწა, როგორც ზემოთ ვთქვით, მალე კერძო მფლობელობაში გადავიდა.

მაგრამ, თუ გერმანელმა დამპყრობლებმა სახნავ-სათესისა და საძოვრების კერძო საკუთრება შეითვისეს, ე. ი. მიწის პირველი განაწილების დროს, ან მალე ამის შემდეგ ხელახალ განაწილებაზე უარი თქვეს (ცვლილება მხოლოდ ამაში მდგომარეობდა), მეორე მხრივ, მათ ყველგან თავიანთი გერმანული სამარკო წყობილება შემოიღეს ტყისა და საძოვრის სათემო მფლობელობით და მარკის უზენაესი ბატონობის გავრცელებით განაწილებულ მიწაზეც. ეს მოახდინეს არა მარტო ფრანკებმა ჩრდილო საფრანგეთში და ანგლო-საქსებმა ინგლისში, არამედ ბურგუნდებმაც აღმოსავლეთ საფრანგეთში, ვესტგოთებმა სამხრეთ საფრანგეთსა და ესპანეთში და ოსტგოთებმა და ლანგობარდებმა იტალიაში. მაგრამ ამ უკანასკნელ ქვეყნებში, რამდენადაც ცნობილია, მარკის არსებობის კვალი დღემდე მხოლოდ მთიან ადგილებშია შემორჩენილი.

ის სახე, რომელიც სამარკო წესწყობილებამ მიიღო, როცა უარყოფილ იქნა სახნავ-სათესი მიწის ხელახალი განაწილება, ისაა, რომელიც ჩვენ გვხვდება არა მარტო ძველი V—VIII საუკუნეთა «სახალხო სამართლებში», არამედ აგრეთვე საშუალო საუკუნეების ინგლისურ და სკანდინავურ სამართლის წიგნებში, მრავალრიცხოვან გერმანულ სამარკო დადგენილებებში (ეგრეთწოდებულ Weistümer) XIII საუკუნიდან XVII საუკუნემდე და ჩრდილო საფრანგეთის ადათობრივ სამართალში (coutumes).

როცა სამარკო თემმა უარი თქვა სახნავ-სათესისა და ველ-მინდვრების თავის წევრებს შორის დროგამოშვებით ხელახლა გადანაწილებაზე, მას თავის დანარჩენი უფლებებიდან ამ მიწების მიმართ როდი დაუთმია რაიმე. ხოლო ეს უფლებები კი მეტად მნიშვნელოვანი იყო. თემმა ცალკე პირებს თავისი მიწები გადასცა მხოლოდ სახნავ-სათესად და საძოვრებად გამოყენებისათვის და არა სხვა რაიმე მიზნისთვის. ასეთი გამოყენების გარდა ცალკე მფლობელს არავითარი სხვა უფლება არ ჰქონდა. მიწის წიაღში ნაპოვნი განძეულობა, თუ იგი უფრო ღრმად აღმოჩნდებოდა, ვიდრე სახნისის კვალი სწვდებოდა, კერძო მფლობელს კი არ ეკუთვნოდა, არამედ თემს; იგივე ითქმის მადნის მოპოვებაზე და სხვ. ყველა ეს უფლება შემდეგ ფეოდალებმა და მთავრებმა მიითვისეს.

მაგრამ თვით სახნავ-სათესისა და ველ-მინდვრის მოხმარებაც დამოკიდებული იყო თემის ზედამხედველობასა და მოწესრიგებაზე, რაც შემდეგნაირად ხდებოდა. იქ, სადაც სამმინდვრიანი მეურნეობაა გაბატონებული, ე. ი. თითქმის ყველგან, სოფლის მთელი მიწის ფართობი სამ, ტოლი სიდიდის მინდვრად ნაწილდებოდა, მათგან ერთი ზამთრის პირზე ითესებოდა, მეორე გასაფხულზე, ხოლო მესამე ისვენებდა. მამასადამე, სოფელს ყოველ წელიწადს ერთი საშემოდგომო ყანა ჰქონდა, ერთი საგაზაფხულო და ერთიც საანეულო. მიწის განაწილების დროს ზრუნავდნენ იმისათვის, რომ ყოველ წევრს თანაბარი წილი მიეღო სამივე მინდორზე, ისე რომ ყველა უზარალოდ ექვემდებარებოდა თემის სავალდებულო თესლ-ბრუნვას, რომლის ძალით ზამთრის პირას მხოლოდ განსაზღვრული მინდვრის ნაკვეთების დამუშავება შეიძლებოდა და სხვ.

რაც შეეხება საანეულო მინდორს, იგი მთელი წლის განმავლობაში ხელახლა საერთო მფლობელობაში გადადიოდა და მთელი თემი მას საძოვრად იყენებდა. და როცა ორივე დანარჩენ მინდორზე მოსავალი აღებოდა, ისინიც ხელახლა საერთო მფლობელობაში გადადიოდნენ და სათემო საძოვრის როლს ასრულებდნენ. იგივე თითქმის სათიბზე თივის ალების შემდეგ. ყოველ ნაყანევში, სადაც თემის საქონელს უშვებდნენ, მფლობელებს ღობეები უნდა აეღოთ. ეს ეგრეთწოდებული სავალდებულო ღობის აშლა, რასაკვირველია, გულისხმობდა, რომ თესვისა და მკის დრო ცალკე პირის ნებაზე კი არ იყო დამოკიდებული, არამედ საყოველთაოდ განსაზღვრული იყო თემისა ან ადათის მიერ.

მთელი დანარჩენი ადგილმამული — ე. ი. ყოველივე, რაც კარ-ზიღამოსა და დანაწილებულ სახნავ-სათესში არ შედიოდა: ტყე, საძოვარი, ეწერი, ჰაობი, მდინარეები, გუბეები, ტბები, გზები და ბილიკები, სანადირო და სათევზაო ადგილები — წინანდებურად სათემო საკუთრებას წარმოადგენდა და საერთო სარგებლობაში რჩებოდა. როგორც ყოველი წევრის წილი მარკის სახნავ-სათესში თავდაპირველად თანასწორი იყო, ისევე თანასწორი იყო მისი წილი «სათემო მარკის» ადგილმამულშიც. ამ სარგებლობის წესს მთელი თემი აღგენდა; ასევე აღგენდა იგი სათემო მარკის მიწების დაყოფის წესსაც, როდესაც მანამდე დამუშავებული მიწა საკმაო აღარ იყო და სათემო მარკას ნაკვეთი უნდა ჩამოეპროდა დასაბუთებლად. სათემო მარკას იყენებდნენ უმთავრესად საქონლის საძოვრისათვის და ღორებისათვის რკოს საყვების მოსამარაგებლად; ვარდა ამისა ტყე იძლეოდა საშენ და სათბობ მასალას, ბალახ-ბულახს დასაგებ-

ად. ტყის ნაყოფს, კენკრსა და სოკოს; სადაც ქაობები იყო, ტორფს იღებდნენ. დადგენილებანი საძოვართა გამოყენებისა, შვეით სარგებლობისა და სხვ. შესახებ შეადგენენ მთავარ შინაარსს მარკის ადათობრივი სამართლის მრავალრიცხოვანი და სხვადასხვა პერიოდებიდან შემორჩენილი ჩანაწერებისა, ისინი ჩაწერილ იქნა იმ დროს, როცა ძველი დაუწერელი, ადათობრივი სამართალი საკამათო გახდა. დღემდე შემორჩენილი სათემო ტყეები ამ ძველი დაუყოფელი მარკის უბადრუკ გადმონაშთს წარმოადგენენ. მეორე გადმონაშთი, რომელიც ყოველ შემთხვევაში, დასავლეთ და სამხრეთ გერმანიაშია შემორჩენილი, ის ხალხის შეგნებაში ღრმად ფესვგადგმული წარმოდგენაა, რომ ტყე საერთო ქონებას წარმოადგენს, სადაც ყველას შეუძლია ყვავილები, კენკრი, სოკო, წიწიბო შეაგროვოს და საზოგადოდ რაც უნდა ის გააკეთოს; თუკი ტყეს არ დააზიანებს. მაგრამ ბისმარკმა თავისი ცნობილი კანონით ტყის კენკრის შესახებ დასავლეთის პროვინციებიც ძველ იუნკრულ პრუსიას გაუთანასწორა.

თემის წევრებს ჰქონდათ არა მარტო თანასწორი მიწის ნაკვეთი და ადგილ-მამულით თანასწორად სარგებლობის უფლება, არამედ ისინი თავდაპირველად თანასწორ მონაწილეობას იღებდნენ აგრეთვე მარკის ფარგლებში საკანონმდებლო, მართვა-გამგეობისა თუ სამართლებრივი საკითხების განხილვისას. განსაზღვრულ დროს, — და თუ საჭირო იყო უფრო ხშირად — ისინი ღია ცის ქვეშ იკრიბებოდნენ, რათა მარკის საქმეები განეგოთ და მარკის საწინააღმდეგო დანაშაული და საჩივრები განეხილათ. ეს იყო — ოღონდ პატარა მასშტაბით — უძველესი გერმანული სახალხო კრება, რომელიც თავის მხრივ თავდაპირველად გაფართოებულ სამარკო კრებას წარმოადგენდა. აწესებდნენ კანონებს, მართალაა, მხოლოდ უკიდურესი აუცილებლობის შემთხვევებში; ირჩევდნენ მოხელეებს, კონტროლს უწევდნენ მათს საქმიანობას; მაგრამ, უწინარეს ყოვლისა, სამართალს განაჩენდნენ. თავმჯდომარეს მხოლოდ კითხვები უნდა დაესვა, განაჩენი დამსწრე წევრთა მთელ კრებულს გამოჰქონდა.

სამარკო წყობილება უძველეს დროში თითქმის ერთადერთი პოლიტიკური წყობილება იყო იმ გერმანელი ტომებისა, რომელთაც მეფეები არ ჰყავდათ. ძველი გვაროვნული არისტოკრატია, რომელიც დაქვეითდა ხალხთა გადასახლების დროს, ან მალე მას შეძლებ, ადვილად შეეგუა ამ წყობილებას, ისევე როგორც ყოველივე, რაც სტიქიურად ამ წესწყობილებასთან ერთად წარმოიშვა; ასევე ადვილად შეეგუა მე-XVII საუკუნეში კელტური კლანის არისტოკრატია ირლანდიის საადგილ-მამულო თემს. მარკამ ისე ღრმად გაიღვა

ფესვები გერმანელების მთელ ცხოვრებაში, რომ მის კვალს ყოველ ნაბიჯზე ვხვდებით გერმანელი ხალხის განვითარების ისტორიაში. ძველად მთელი საჯარო ხელისუფლება მშვიდობიან ხანაში მხოლოდ და მხოლოდ სასამართლო ხელისუფლება იყო და სახალხო კრებას ეპყრა ხელთ, ასეულის კრება იქნებოდა ეს, ოლქისა, თუ მთელ ტომისა. მაგრამ სახალხო სასამართლო კი მხოლოდ სამარკო სახალხო სასამართლო იყო, რომელსაც იყენებდნენ იმ შემთხვევებშიაც, როდესაც იხილავდნენ არა მარტო სამარკო საქმეებს, არამედ ისეთ საქმეებსაც, რომლებიც საჯარო ხელისუფლების სფეროში შედიოდა. როცა ოლქების მიხედვით ადმინისტრაციული წყობილების შექმნასთან ერთად, სახელმწიფოებრივი საოლქო სასამართლოები მარკის ჩვეულებრივ სასამართლოებს გამოეთიშნენ, — ორივე შემთხვევაში სასამართლო ხელისუფლება ხალხმა შეინარჩუნა, ხოლო შემდეგ, როცა ხალხის ძველი თავისუფლება ძლიერ დაეცა და მოსამართლის სამსახური სამხედრო სამსახურთან ერთად მძიმე ტვირთად იქცა გაღარიბებული თავისუფალი კაცისთვის, მხოლოდ მაშინ კარლოს დიდმა უმრავლეს ადგილას საოლქო სახალხო სასამართლო შეფენების¹ (ნაფიცო მსაჯულების) სასამართლოთი შეცვალა. მაგრამ ეს სრულიადაც არ შეხებია მარკის სასამართლოს, პირიქით, ისინი ნიმუშს წარმოადგენდნენ შუა საუკუნეების ფეოდალური სასამართლოებისათვის; ამ უკანასკნელშიც სენიორი მხოლოდ კითხვებს აყენებდა, გადაწყვეტილება კი თვით ვასალებს გამოჰქონდათ. სოფლის წყობილება წარმოადგენს დამოუკიდებელი სასოფლო თემის—მარკის წყობილებას, იგი ქალაქის წესწყობილებაში გადადის, როცა სოფელი ქალაქად იქცევა, ე. ი. თავის ირგვლივ სიმაგრეს ჰქმნის თხრილისა და გალავნის სახით. საქალაქო მარკის ამ პირვანდელი წყობილებიდან წარმოიშვა ქალაქების ყველა შემდგომი პოლიტიკური წესები. ბოლოს შუა საუკუნეებში სამარკო წესწყობილების მიხედვით შექმნილია ის ურიცხვი თავისუფალი ამხანაგობის წესდება, რომელიც მიწის საერთო მფლობელობაზე არაა დაფუძნებული, განსაკუთრებით თავისუფალი სააშქროებია წესდებანი. სააშქროსათვის მინი-

¹ ეს უკანასკნელი არ უნდა ავურიოთ ბისმარკ-ლეონჰარტის შეფენების სასამართლოებში, სადაც შეფენებს და იურისტებს ერთად გამოაქვთ განაჩენი. ძველ შეფენების სასამართლოში არავითარი იურისტები არ ყოფილან. თემმჯდომარეს ან მოსამართლეს ხმის უფლებაც არ ჰქონდა და შეფენებს განაჩენი დამოუკიდებლად გამოჰქონდათ. ენგელსის შენიშვნა. (სასამართლოებში თამჯდომარედ ისხდნენ მეფის დიდმოხელეები — გრაფები და მათი მოადგილეები — ვიკარიები; სკაბინებს (გერმანულად შეფენებს—თავისებურ ნაფიც მსაჯულთ) ნიშნავდნენ თვითონი საგრაფოს ადგილობრივ დიდგვაროვანთა წრიდან. რ. ე. დ.

ქებულ უფლებას, რომ მხოლოდ და მხოლოდ მან აწარმოოს განსაზღვრული ხელოსნობა, ისე განიხილავდნენ, როგორც საერთო მარკას. ისეთივე გულმოდგინებით როგორც მარკაში, ხშირად სწორედ იმავე საშუალებებით, საამქროებში ცდილობდნენ, რომ თვითეული წევრის წილი საერთო შემოსავლის წყაროში საესეებით თანასწორი ან შეძლებისდაგვარად თანასწორი ყოფილიყო.

თითქმის იმავე გასაოცარ შემგუებლობას, რომელიც აქ სამარკო წყობილებამ განავითარა საზოგადოებრივი ცხოვრების სხვადასხვა დარგში და სხვადასხვანაირი მოთხოვნილებების მიმართ, იგი ამჟღავნებს მიწათმოქმედების შემდგომ განვითარებაშიც და წარმოშობის პროცესში მყოფი მსხვილი მიწათმფლობელობის წინააღმდეგ ბრძოლაშიც. მარკა წარმოიშვა გერმანელი ტომების ახლანდელ გერმანიაში დასახლებასთან ერთად, — მაშასადამე იმ დროს, როცა საქონლის მოშენება მთავარი საარსებო წყარო იყო და აზიიდან შემოტანილი, მაგრამ ნახევრად მივიწყებული მიწათმოქმედება ხელახლა ფეხს იდგამდა. შემდეგ მან მთელი შუა საუკუნეების მანძილზე შეინარჩუნა თავი შეუწყვეტელ ბრძოლებში მიწათმფლობელი თავადაზნაურობის წინააღმდეგ. მაგრამ იგი მინც იმდენად საჭირო იყო, რომ ყველგან, სადაც არისტოკრატამ გლეხების მიწა მიითვისა, მებეგრე სოფლების წყობილება კვლავ იმავე სამარკო წყობილებას წარმოადგენდა, თუმცა ძლიერ შეკვეცილს ფეოდალთა მხრივ გაუთავებელი ხელყოფის გამო; ამის მაგალითს ქვემოთ მოვიყვანთ. მარკა შეეგუა დასამუშავებელი მიწის მფლობელობის ყველაზე ცვალებად ურთიერთობას, სანამ ჯერ კიდევ სათემო მიწები არსებობდა, და აგრეთვე შეძლო შეგუებოდა საკუთრების სხვადასხვაგვარ უფლებებს სათემო მარკაზე, როცა ამ უკანასკნელმა თავისი თავისუფლება დაჰკარგა. მარკა დაიღუპა თითქმის მთელი საგლეხო, როგორც გაყოფილი, ისე გაუყოფელი მიწის დატაცების გამო, რომელიც თავადაზნაურობამ და სამღვდლოებამ მოახდინა მეფეებისა და მთავრების კეთილგანწყობითა და დახმარებით. მაგრამ იგი საბოლოოდ მოძველდა ეკონომიურად, დაკარგა თავისი ცხოველყოფილობა, როგორც სამიწათმოქმედო წარმოების ფორმამ ფაქტიურად იხოლოდ მას შემდეგ, როცა სოფლის მეურნეობის გიგანტურმა პროგრესმა უკანასკნელი ასი წლის განმავლობაში მიწათმოქმედება მეცნიერებად აქცია და სრულიად ახალი წარმოების ფორმების შემოღება გამოიწვია.

სამარკო წესწყობილების ძირის გამოთხრა დაიწყო მალე ხალხთა გადასახლების შემდეგ, როგორც ხალხის წარმომადგენლები

ფრანკთა მეფეები დაეუფლნენ უზარმაზარ მიწებს, რომლებიც მთელ ხალხს ეკუთვნოდა, განსაკუთრებით ტყეებს, რათა იგი თავიანთი კარისკაცებისა, თავიანთი სარდლებისა, ეპისკოპოსებისა და აბატებისათვის ეწყალობებინათ. ამრიგად ჩაეყარა საფუძველი თავადაზნაურობის და ეკლესიის მომავალ მსხვილ მიწათმფლობელობას. ეკლესიას ბევრად უფრო ადრე კარლოს დიდის გამეფებამდე მთელი ადგილ-მამულის მესამედი ეჭირა საფრანგეთში; უეჭველია, რომ ასეთ რიცხობრივ შეფარდებას ჰქონდა ადგილი შუა საუკუნეებში თითქმის მთელ კათოლიკურ დასავლეთ ევროპაში.

განუწყვეტელმა შინაურმა და საგარეო ომებმა, რომლებსაც შედეგად, ჩვეულებრივ, მიწის კონფისკაცია მოსდევდა, უამრავი გლეხკაცობა გააღატაკა, ისე რომ უკვე შეროვინგთა ეპოქაში მრავალი თავისუფალი გლეხი უმიწაწყლოდ იყო დარჩენილი. კარლოს დიდის დაუსრულებელმა ომებმა გასტეხა თავისუფალ გლეხთა წოდების მთავარი ძალა. თავდაპირველად ყოველი თავისუფალი მიწათმფლობელი ვალდებული იყო მხედრობაში ემსახურა და თავისი ხარჯით შეეძინა არა მარტო საჭურველი, არამედ თავის თავის გამოკვებაზეც ეზრუნა ექვსი თვის განმავლობაში. გასაკვირველი არაა, რომ უკვე კარლოსის დროს ხუთზე ერთი კაცი ძლივს გამოდიოდა სამხედრო სამსახურში. მისი მემკვიდრეების ქაოტური მმართველობის დროს, გლეხთა თავისუფლება კიდევ უფრო შემცირდა. ერთი მხრივ, ნორმანების თავდასხმებით გამოწვეულმა უბედურებამ, მეფეების მულმივმა ომებმა და დიდგვარიანთა შუღლმა აიძულა თავისუფალი გლეხები მფარველი ეძებნათ. მეორე მხრივ, იმავე დიდგვარიანთა და ეკლესიის სიხარბე აჩქარებდა ამ პროცესს; ისინი გლეხებსა და საგლეხო მიწას ეპატრონებოდნენ გაიძვერობით, დაპირებებით, მუქარით თუ ძალდატანებით. ორივე შემთხვევაში საგლეხო მიწა საბატონო მიწად ხდებოდა და კიდევ კარგი იყო თუ იგი გლეხებს მოსახმარად უბრუნდებოდა ღალითა და ზეგრით დატვირთული. გლეხი კი თავისუფალი მიწათმფლობელიდან დამოკიდებულ, ღალისგადამხდელ და მებეგრე გლეხად ან თვით ყმად იქცეოდა. დასავლეთ ფრანკთა სამეფოში¹, საზოგადოდ რაინის დასავლეთით, ეს

¹ დასავლეთ ფრანკთა სამეფო — შეიქმნა კარლოს დიდის იმპერიის დაშლის შედეგად. ეს იმპერია წარმოადგენდა დროებით და არამყარ სამხედრო-ადმინისტრაციულ გაერთიანებას, «ტომებისა და ხალხების კონგლომერატს, რომლებიც ცხოვრობდნენ თავიანთი ცხოვრებით და ჰქონდათ თავიანთი ენები» (ი. სტალინი, «მარქსიზმი და ენათმეცნიერების საკითხები», თბილისი, სახელგამი, 1951, გვ. 10). 843 წ. მოხდა იმპერიის საბოლოო გაყოფა კარლოსის სამ შვილისშვილს შორის. ერთ-

საერთო წესი იყო. პირიქით, რაინის აღმოსავლეთით კიდევ შემორჩა მნიშვნელოვანი რაოდენობა თავისუფალი გლეხებისა, რომლებიც უფრო ხშირად გაფანტულნი იყვნენ და იშვიათად შეადგენდნენ მთლიან თავისუფალ სოფელს. მაგრამ აქაც X—XII საუკუნეებში თავადაზნაურობის და ეკლესიის ძალამ გლეხკაცობის დიდი რაოდენობა თანდათან მონობაში ჩააგდო.

როცა ფეოდალი, სასულიერო პირი იქნებოდა იგი თუ საერო, გლეხის მამულს იძენდა, იგი იძენდა ამ მამულისადმი მიკუთვნებულ უფლებას მარკაში. ამრიგად, ახალი მემამულეები მარკის წევრები ხდებოდნენ და თავდაპირველად მარკის ფარგლებში უფლებრივად მხოლოდ თანასწორნი იყვნენ დანარჩენი თავისუფალი და მებეგრე წევრებისა, თვით თავიანთი ყმებისა. მაგრამ ჩქარა მათ, გლეხების ჯიუტი წინააღმდეგობის მიუხედავად, მრავალ ადგილას მოიპოვეს პრივილეგიები მარკაში და ხშირად მას თავიანთ მფლობელობასაც უმორჩილებდნენ. ამისდა მიუხედავად, ძველი თემ-მარკა ცოცხლობდა, თუმცა მებატონის მეურვეობას ემორჩილებოდა.

თუ რამდენად აუცილებელი იყო იმ დროს სამარკო წესწყობილება მიწათმოქმედებისთვის, თვით მსხვილი მიწათმფლობელობისთვისაც, ყველაზე თვალსაჩინოდ სჩანს ბრანდენბურგის და სილენზის კოლონიზაციიდან ფრიზელი, ნიდერლანდელი, საქსონელი და რაინის ფრანკონელი ახალშენების მიერ. მე-XII საუკუნიდან დაწყებული მათ საბატონო მიწაზე სოფლებად ასახლებდნენ, სწორედ ძველი გერმანული სამართლის მიხედვით, ე. ი. ძველი სამარკო-სამართლის თანახმად, რამდენადაც იგი მებატონეთა სამფლობელოებში შემორჩა. თვითეული გლეხი ლებულობდა სახლ-კარს და სახნავ-სათესი მიწის ნაკვეთს, რომელიც ყველასათვის თანაბარი იყო და კენჭის ყრით რიგდებოდა; გარდა ამისა მას ეძლეოდა ტყითა და საძოვრებით სარგებლობის უფლება, უმეტესწილად საბატონო ტყეში, უფრო იშვიათად განსაკუთრებულ მარკაში. ყოველივე ეს სამემკვიდრო სარგებლობაში იყო. მიწის საკუთრება მებატონეს რჩებოდა. ახალშენები ვალდებულნი იყვნენ თაობიდან თაობამდე მისთვის განსაზღვრული ღალა გადაეხადათ და გარკვეული ვალდებულებანი შეესრულებინათ. მაგრამ ეს ვალდებულებანი იმდენად

ერთ მათგანს—კარლოს ბელატს წილად ზედა დასავლეთ ფრანკთა სამეფო, რომელიც თანამედროვე საფრანგეთის ტერიტორიის უდიდეს ნაწილს შეიცავს. რაინის აღმოსავლეთით მდებარე მიწები (მომავალი გერმანიის ბირთვი) წილად ზედა ლუდოვიკო გერმანელს, ხოლო შუალედი მიწები ჩრდილოეთის ზღვიდან ცენტრალურ იტალიამდე დარჩა კარლოს დიდის უფროს შვილისშვილს ლოთარს. რ ე დ.

ზომიერი იყო, რომ გლეხები აქ უკეთეს მდგომარეობაში იყვნენ, ვიდრე სადმე სხვაგან გერმანიაში. ამიტომ აქ სიწყნარე არ დარღვეულა, როცა გლეხთა ომმა იფეთქა. თავიანთი სისხლხორცეული საქმისაგან ამ განდგომისათვის აქაური გლეხები შემდეგ სასტიკად დაისაჯნენ.

საერთოდ XIII საუკუნის შუა წლებიდან გლეხთა მდგომარეობა მნიშვნელოვნად გაუმჯობესდა; ეს გაუმჯობესება ჯვაროსანთა ომებმა მოაშწადა. მრავალი ომში მიმავალი მემამულე პირდაპირ ათავისუფლებდა თავის გლეხს; სხვები ომში დაიხოცნენ, დაიღუპნენ; თავადაზნაურობის საგვარეულოები ასობით გაჰქრა, მათი გლეხებიც ხშირად თავისუფლდებოდნენ. ამას დამატა ის, რომ მემამულეების მოთხოვნილებათა ზრდის გამო, მათთვის ბევრად უფრო მეტი მნიშვნელობა ჰქონდა იმას, რომ გლეხთა ვალდებულებანი განეგათ, ვიდრე მისი პიროვნება. აღრინდელი შუა საუკუნეების ბატონყმობა, რომელშიც ბლომად მოიპოვებოდა ძველი მონობის ნაშთი, ანიჭებდა მებატონეებს უფლებას, რომელიც სულ უფრო და უფრო ჰკარგავდა ფასს; ბატონყმობა თანდათან მოდუნდა და ყმების მდგომარეობა უბრალოდ მებეგრეების მდგომარეობას დაუახლოვდა. რადგან მიწის დამუშავება ძველებური წესით ხდებოდა, მებატონის შემოსავლის გადიდება შესაძლებელი იყო მხოლოდ ყამირი მიწის დამუშავებით, ახალი სოფლების გაშენებით. ეს კი შესაძლებელი იყო მხოლოდ ნებაყოფლობითი შეთანხმებით ახალშენებთან, სულ ერთია საბატონო გლეხები იყვნენ ისინი, თუ გარედან მოსული. ამიტომ ჩვენ ამ ხანაში ყველგან მტკიცედ გარკვეულ, უმეტეს შემთხვევაში ზომიერ საგლეხო ვალდებულებებს ვხვდებით, და გლეხებს, ყველგან კარგად ეპყრობიან, განსაკუთრებით საეკლესიო-სამონასტრო მამულებში და, ბოლოს, ახლად დასახლებული ახალშენების მცხოვრებთა უკეთესი მდგომარეობა გავლენას ახდენდა მეზობელ მებეგრეთა ცხოვრების პირობებზე, ისე რომ ეს უკანასკნელნი, მართალია, მთელ ჩრდილო-გერმანიაში განაგრძობდნენ თავიანთი ვალდებულებების შესრულებას მემამულეების მიმართ, მაგრამ ინარჩუნებდნენ პირად თავისუფლებას; მხოლოდ სლავი და ლიტველ-პრუსიელი გლეხები რჩებოდნენ არათავისუფალნი, მაგრამ ეს დიდხანს ვერ გაგრძელდებოდა.

მე-XIV და მე-XV საუკუნეებში ქალაქები სწრაფად განვითარდა და გამდიდრდა. მხატვრული ხელოსნობის და ფუფუნების საგნების წარმოება განსაკუთრებით სამხრეთ გერმანიაში და რაინზე აყვავდა. ქალაქის პატრიციების მდიდრული ცხოვრება მოსვენებას არ აძლევდა

სოფლელ აზნაურს, რომელიც უხეშ საქმელს სკამდა, ტლანქად იცვამდა, ულანათოდ მოწყობილ ბინაში ცხოვრობდა. საიდან შეიძლება ლამაზი ნივთების მიღება? ყაჩაღობა შარა გზაზე თანდათან უფრო სახიფათო და უშედეგო ხდებოდა. საყიდლად ფული იყო საჭირო. ფულის მოცემა კი მხოლოდ გლეხებს შეეძლოთ. ამით აიხსნება გლეხკაცობის ჩაგვრის გაძლიერება, ღალისა და ბეგრის გადიდება, განახლებული ცდა, რომ თავისუფალი გლეხები მებეგრეებად აქციონ, მებეგრეები ყმებად, ხოლო მარკის სათემო მიწა საბატონო მამულად. ამაში მთავრებსა და თავადაზნაურობას ეხმარებოდნენ იურისტები, რომელნიც რომაულ სამართალს სწავლობდნენ. ისინი რომაულ კანონებს უფარდებდნენ გერმანულ პირობებს, რომლებიც მათთვის უმეტესწილად გაუგებარი დარჩა, და ამით უსაზღვრო არეულობას იწვევდნენ; მაგრამ ამას ისე ახდენდნენ, რომ მებატონე ყოველთვის მოგებული იყო, ხოლო გლეხი ყოველთვის წაგებული, სასულიერო მებატონეები უფრო მარტივად მოქმედებდნენ: ისინი აყალბებდნენ საბუთებს, ისე რომ გლეხების უფლებანი იკვეცებოდა, ხოლო მათი ვალდებულებანი მატულობდა. მთავრების, თავადაზნაურობისა და ხუცების ასეთი მძარცველობის წინააღმდეგ მე-XV საუკუნის დასასრულიდან გლეხებმა მრავალი განცალკევებული აჯანყება მოახდინეს, ბოლოს 1525 წელს დიდმა გლეხთა ომმა ნიაღვარივით გადაუარა შვაბიას, ბავარიას, ფრანკონიას, მიაღწია ელზასს, პფალცს, რაინგაუს და ტიურინგიას. მკაცრი ბრძოლების შემდეგ გლეხები დამარცხდნენ. ამ დროიდან გერმანელ გლეხებს შორის საყოველთაოდ ვრცელდება განახლებული ბატონყმური ურთიერთობა. იმ კუთხეებში, სადაც ომი მძვინვარებდა, გლეხებს მოურიდებლად წაართვეს შერჩენილი უფლებანი, მათი სათემო მიწა საბატონო მიწად იქცა, თვით ისინი კი ყმებად. ჩრდილო გერმანიის გლეხებსაც, რომლებიც უკეთეს მდგომარეობაში იყვნენ და არ აჯანყებულან, მადლობის ნიშნად იგივე ბედი ეწვიათ, თუმცა არა ერთბაშად. ბატონყმობა გერმანელი გლეხებისთვის აღმოსავლეთ პრუსიასა, პომერანიასა, ბრანდენბურგსა, სილეზიაში მე-XVI საუკუნის შუა წლებიდან დაწყარდა, — შლეზვიგ-ჰოლშტაინში კი მე-XVI საუკუნის დასასრულიდან — და თანდათან საყოველთაო უღელი დაადო გლეხკაცობას.

ამ ახალ ძალმომრეობას ამასთანავე ეკონომიური საფუძველიც ჰქონდა. რეფორმაციის დროის ომებიდან მხოლოდ გერმანელი მთავრები გამოვიდნენ გაძლიერებულნი. თავადაზნაურობის კეთილ-

შობილმა ყაჩაღობამ თავისი დრო მოჰკამა. თუ თავადაზნაურობას სურდა, რომ არ დადუბულიყო, მას მეტი შემოსავალი უნდა მიეღო თავისი მამულებიდან. ამისათვის ერთადერთი გზა კი ის იყო, რომ მას მთავრებისა და განსაკუთრებით მონასტრების მსგავსად ამ მამულების ერთი ნაწილი მაინც საკუთრივ დაემუშავებინა. რაც წინაღობა მოწინააღმდეგე იყო, ახლა საარსებო მოთხოვნილებად იქცა. მაგრამ მეურნეობის ამ ახალ წესს წინ ეღობებოდა ის გარემოება, რომ მიწა თითქმის ყველგან გლეხკაცობას სამეათედოდ ჰქონდა მიცემული. როცა თავისუფალი ან მეხეგრე გლეხკაცობა სავსებით იქცა ყმად, კეთილშობილმა მებატონემ მოქმედების სრული თავისუფლება მიიღო. გლეხების ერთი ნაწილი თანახმად ტექნიკური ტერმინისა «აყრილ იქნა» [«geleget»] ე. ი. იგი ან გააძევეს ან ბოგანოდ [Kotsassen] აქციეს და მხოლოდ ქონსი და ბაღჩა დაუტოვეს; მათი კარ-მიდამო მებატონის ადგილ-მამულს შეუერთეს და იქ სხვა ბოგანოებს და ჯერ კიდევ აუყრელად დარჩენილ გლეხებს ამუშავებდნენ. ამრიგად, არა მარტო მრავალი გლეხი იქნა აყრილი თავისი მიწიდან, არამედ დარჩენილების ბეგარაც მნიშვნელოვნად და სულ უფრო და უფრო იზრდებოდა. კაპიტალისტური პერიოდის მოვლინება სოფლად გვეუწყა როგორც პერიოდი მსხვილი სასოფლო-სამეურნეო წარმოებისა, რომელიც ყმა გლეხების საბეგრო შრომაზეა დამყარებული.

ეს გარდაქმნა თავდაპირველად საკმაოდ ნელი ნაბიჯით ხდებოდა. მაგრამ ამ დროს დაიწყო ოცდაათწლიანი ომი. მთელი თაობის განმაჭლობაში გერმანიაში ისეთი აღვირახსნილი ჯარისკაცობა დათარეშობდა, რომლის მსგავსი ისტორიას არ ახსოვს. ყველგან კონტრიბუციები, ძარცვა-გლეჯა, ცეცხლის წაქიდება, ძალადობა, ხოცვა-ჟლეტა ხდებოდა. ყველაზე მეტად გლეხი იქ იტანჯებოდა, სადაც დიდი ჯარისაგან დაშორებით პატარა დამოუკიდებელი ბრბოები, ან უკეთ, თავისუფალი მოთარეშეები თვითნებურად დაძრწოდნენ. ქვეყანა სრულიად მოიხრდა და გაუკაცრიელდა. როცა ზაფხუ დაწყარდა, უმწეო, გათელილი, გასისხლიანებული გერმანია მიწაზე იყო გართხმული; და ყველაზე ბეჩავ მდგომარეობაში ისევ და ისევ გლეხი იმყოფებოდა.

¹ Wird «geleget». Bauernlegen—გლეხების აყრის, მათი ექსპროპრიაციის ტექნიკური ტერმინი, რომელიც იხმარება გერმანიის ისტორიაში. შენიშვნა, რომელიც ე. ი. ლენინმა დაუერთო ფ. ენგელსის შრომის «გლეხთა საკითხი საფრანგეთსა და გერმანიაში» თავის თარგმანს. (იხ. ლენინის კრებული, XIX, გვ. 295. რედ.).

მიწათმფლობელი თავადაზნაურობა ამიერიდან ერთადერთი ბატონი გახდა სოფლად. მთავრებმა, რომლებმაც სწორედ ამ დროს თავადაზნაურობას პოლიტიკური უფლებები წაართვეს წოდებათა წარმომადგენლობაში, სრული თავისუფლება მიანიჭეს მათ გლეხების მიმართ. ომის წყალობითვე დათრგუნვილ იქნა გლეხკაცობის უკანასკნელი წინააღმდეგობის ძალა. ამიტომ თავადაზნაურობას შესაძლებლობა მიეცა ისე მოეწესრიგებინა საადგილმამულო ურთიერთობა, როგორც ეს მისი განადგურებული ფინანსური მდგომარეობის აღსადგენად იყო საჭირო. საკმაო არ აღმოჩნდა ის, რომ გლეხების მიტოვებული კარ-მიდამოც დაუყოვნებლივ მებატონის კარ-მიდამოს შეუერთდა; თავადაზნაურობამ სწორედ ახლა დაიწყო გლეხკაცობის სისტემატურად მიწიდან აყრა დიდი მასშტაბით. რაც უფრო დიდი იყო მებატონის მამული, მით უფრო მძიმე იყო, რასაკვირველია, გლეხებისთვის დაკისრებული ბეგარა. ხელახლა დადგა «განუქანდრეულ ვალდებულებათა» დრო; ბატონს უფლება ჰქონდა გლეხი, მისი ოჯახი, მისი მუშა-საქონელი სამუშაოდ გაეგზავნა რამდენჯერაც და რამდენი ხნითაც მოეპრაანებოდა. ბატონყმობა ახლა საყოველთაო გახდა; თავისუფალი გლეხი ისევე იშვიათი იყო, როგორც თეთრი ყორანი. ხოლო რათა მოწყალე ბატონს შესაძლებლობა ჰქონოდა ჩანასახშივე მოესპო გლეხთა ყოველი, თვით მცირეოდენი წინააღმდეგობაც კი, მან მფლობელი მთავრებისაგან საატრონყმო იურისდიქციის უფლება მიიღო, ე. ი. იგი დანიშნულ იქნა ერთადერთ მსაჯულად გლეხების ყველა წვრილი დანაშაულისა და საჩივრის გასარჩევად, თვით მაშინაც კი, როცა გლეხი მებატონეს უჩიოდა; ამრიგად, ეს უკანასკნელი მსაჯულად გამოდიოდა თავის საკუთარ საქმეში! ამიერიდან ქვეყანაში ჯოხი და მათრახი გამეფდა. როგორც მთელი გერმანია, ისე გერმანელი გლეხიც უღრპეს დამცირებას განიცდიდა. როგორც მთელი გერმანია, ისე გლეხიც იმდენად უილაჯო გახდა, რომ თვითდახმარების იმედი გაჰქრა და ხსნა მხოლოდ გარედან შეიძლებოდა მოსულიყო.

და იგი მართლაც მოვიდა. საფრანგეთის რევოლუციასთან ერთად გერმანიისა და გერმანელი გლეხისთვისაც უკეთესი დღეების რაჟრაჟი დაიწყო. როგორც კი რევოლუციურმა არმიებმა რაინის მარცხენა ნაპირი დაიპყრეს, იქ თითქოს ჭადოქრული ჯოხის მოქნევით მთელი ძველი ნაგავი გაჰქრა: ღალა, სამეათედო, ყოველგვარი გამოსაღები, რომელიც გლეხს კეთილშობილი მებატონისა ემართა, გაჰქრა თვით მებატონეც. რაინის მარცხენაპირელი გლეხი მაშინ ბატონი გახდა თავის ნაკვეთზე და, გარდა ამისა, რევოლუციის ეპოქა-

ში მოხაზული, ხოლო ნაპოლეონის მიერ დამახინჯებული, «სამოქალაქო კოდექსის» სახით მან მიიღო კანონთა კრებული, რომელიც მის ახალ მდგომარეობას შეეფერებოდა, — კანონთა კრებული, რომელიც მას შეეძლო არა მარტო გაეგო, არამედ სრულიად ადვილად ჩიბეშიც ეტარებინა.

მაგრამ რაინის მარჯვენა მხარის გლუხს კიდევ დიდხანს უნდა ეცადა თავისუფლებისათვის. მართალია პრუსიაში იმ სრულიად დამსახურებული დამარცხების შემდეგ, რომელიც მან იენასთან¹ იგემა, თავადაზნაურობის ზოგიერთი, განსაკუთრებით სამარცხვინო, პრივილეგია გაუქმდა და შემოღებულ იქნა კანონი, რომლის ძალითაც შესაძლებელი გახდა სხვა საგლუხო ბეგარისა და გადასახადისაგან ეგრეთწოდებული თავის დახსნა. მაგრამ ეს კარგაჩანს უმთავრესად ქალაქებზე დაჩა. გერმანიის სხვა სახელმწიფოებში არც ეს მოხსნა. საჭირო აღმოჩნდა საფრანგეთის მეორე, სახელდობრ, 1830 წლის რევოლუცია, რათა, ყოველ შემთხვევაში, ბადენსა და ზოგიერთ სხვა, საფრანგეთის მეზობელ პატარა სახელმწიფოებში გამოსაღებთა გამოსყიდვა დაწყებულიყო. დაბოლოს, როცა საფრანგეთის მესამე, 1848 წლის რევოლუციამ, გერმანიაც თან გაიტაცა, თავის დახსნა პრუსიაში ჯერ კიდევ დამთავრებული არ იყო, ხოლო ბევარი იგი არც კი დაწყებულა! ახლა კი, რასაკვირველია, იგი დაჩქარდა; ბეგარამ, რომელიც ეკისრათ იმეამად ამბოხებულ გლეხებს, სავსებით დაკარგა ყოველგვარი მნიშვნელობა.

და რაში მდგომარეობდა ეს თავის დახსნა? იმის სანაზღაუროდ, რომ მოწყალე ბატონი გლუხს განსაზღვრულ თანხას ან მიწის ნაკვეთს ართმევდა, იგი გლეხის ხელში დარჩენილ ნაკვეთს გლეხის თავისუფალ, დაუბეგრავ საკუთრებად აღიარებდა; და ეს ხდებოდა იქ, სადაც მოწყალე ბატონმა ადგილ-მამული წინათ იმავე გლუხს მოჰპარა! ეს კიდევ ცოტაა. გამიჯვნის დროს, რასაკვირველია, ამ მიზნისთვის დანიშნული მოხელეები, თითქმის ყოველთვის — მებატონის მხარს იჭერდნენ, ვისთანაც ისინი ცხოვრობდნენ და ქეიფობდნენ, ისე რომ გლეხები საშინლად დაზარალდნენ, მათ იმაზე მეტი წაართვეს, რასაც თვით კანონის პირდაპირი გაგება ითვალისწინებდა.

ამრიგად, ჩვენ ბოლოს, საფრანგეთის სავი და გერმანიის ერთი რევოლუციის წყალობით, მივალწიეთ იმას, რომ ხელახლა გვეყვანან თავისუფალი გლეხები. მაგრამ რამდენად დაბლა დგას ჩვენი დღე-

¹ 1806 წ. 14 ოქტომბერს იენასა და აუერშტედტში პრუსიის არმია გაანადგურა ნაპოლეონის არმიამ. რ. ელ.

ვანდელი თავისუფალი გლეხი ძველი დროის მარკის თავისუფალ წევრზე! მისი კარმიდამო ხშირად ბევრად უფრო ვიწროა, ხოლო გაუყოფელი მარკა სრულიად ვაკქრა, გარდა მცირერიცხოვანი, მეტისმეტად პატარა და ნახევრადგაჩეხილი სათემო ტყეებისა. ხოლო, თუ გლეხმა სამარკო მაწიებით ვერ ისარგებლა, შინაურ საქონელს ვერ შეინახავს; თუ მას შინაური საქონელი არ ეყოლა, ნაკელი არ ექნება, თუ ნაკელი არ ექნა, რაციონალურ მიწათმოქმედებას ვერ აწარმოებს. ხარკთამკრეფი და მის უკან მუქარით მდგომი სასამართლოს აღმასრულებელი, რომელსაც დღევანდელი გლეხი ძლიერ კარგად იცნობს, ისეთივე უცნობი ადამიანები იყვნენ ძველი მარკის წევრისთვის, როგორც მიწის მევახშე, რომელიც ჰიპოტეკით იძლევა სესხს და რომლის კლანჭებში გლეხთა მამულები ერთიმეორის მიყოლებით ვარდება. და ყველაზე უკეთესია ის, რომ ეს ახალი თავისუფალი გლეხები, შეკვეცილი მამულებითა და შეკვეცილი ფრთებით გერმანიაში, სადაც ყოველივე დაგვიანებით ხდება ხოლმე, იმ დროს შეიქმნა, როცა არა მარტო სოფლის მეურნეობის მეცნიერულად წარმართვა, არამედ ახლად გამოგონილი სასოფლო-სამეურნეო მანქანებიც წვრილ მეურნეობას თანდათან მოძველებულ, სიცოცხლის უნარმოკლებულ წარმოების ფორმად აქცევენ. როგორც მექანიკურმა რთვამ და ქსოვამ გააძევეს ჯარა და ხელით საქსოვი დგამი, ისე ახალმა მიწათმოქმედების წარმოების მეთოდებმა დაუნდობლად უნდა მოსპონ გლეხის პარცელური მეურნეობა და მსხვილი სასოფლო მეურნეობით შესცვალონ იგი, თუ ეს მათ დასცალდათ.

საქმე ისაა, რომ მთელ ევროპულ მიწათმოქმედებას, როგორც მას დღეს აწარმოებენ, ძლიერი მეტოქე ემუქრება ამერიკის მიერ მარცვლეულის მასობრივი წარმოების სახით. ამ თვით ბუნების მიერ დამუშავებული და მრავალი წლების განმავლობაში განოციერებული ყამირის წინააღმდეგ, რომელიც იქ კაცმა შეიძლება ჩალოს ფასად იყიდოს, ბრძოლა არ ძალუძთ არც ჩვენს დავალიანებულ წვრილ გლეხკაცობას, არც ჩვენს ვალებში ღრმად ჩაფლულ მსხვილ მემამულეებს. მთელი ევროპული წესის მიხედვით წარმოებულ სოფლის-მეურნეობას ამარცხებს ამერიკული კონკურენცია. ევროპაში მიწათმოქმედება შესაძლებელი იქნება მხოლოდ მაშინ, თუ იგი საზოგადოებრივი ფორმით იქნება წარმოებული და მთელი საზოგადოების სასარგებლოდ.

ასეთია ჩვენი გლეხკაცობის პერსპექტივები. ხოლო თავისუფალ, თუნდაც ღარიბ გლეხთა კლასის აღდგენას ის კარგი მხარე

ჰქონდა, რომ იგი გლახს ისეთ მდგომარეობაში აყენებს, რომ მას — თავისი ბუნებრივი მოკავშირის, მუშების, შემწეობით თვითონ შეუძლია თავის თავს უშველოს, იაუკი იგი მხოლოდ შეიგნებს, როგორ უშველოს თავს¹.

დაწერილია ფ. ენგელსის მიერ 1882 წ.
დეკემბრის პირველ ნახევარში

პირველად დაიბეჭდა როგორც
დამატება ფ. ენგელსის ბროშურის
«სოციალიზმის განვითარება უტოპიი-
დან მეცნიერებისაკენ» გერმანული
გამოცემისა, რომელიც ციურბი-
ხში გამოვიდა. 1882 წ.

იბეჭდება ფ. ენგელსის ბროშურის
«სოციალიზმის განვითარება უტოპიიდან
მეცნიერებისაკენ» მეოთხე გერმანული
გამოცემის მიხედვით, რომელიც
გამოვიდა ბერლინში 1891 წ.
თარგმანი გერმანულიდან

¹. ენგელსმა შემდეგი დამატება დაურთო იმ ცალკე ანაბეჭდს, რომელიც 1883 წ. გამოვიდა სახელწოდებით «გერმანელი გლახი. რა იყო იგი, რა არის იგი, რა შეიძლება აყოფილიყო იგი?»: «მერე და როგორ? — მარკის ალორძინების გზით, მაგრამ არა მისი ძველი, დრომოკმული სახით, არამედ სრულიად ახლებური ფორმით: თემური მიწათმფლობელობის ისეთი განახლების გზით, რომელიც წვრილგლეხ მეთემურებს უზრუნველყოფს არა მარტო მსხვილი მეურნეობისა და სასოფლო-სამეურნეო მანქანებით სარგებლობის მხრივ, არამედ მისცემს მათ აგრეთვე საშუალებას, რათა მიწათმოქმედებასთან ერთად მოაწყონ აგრეთვე მსხვილი მრეწველობაც და საამისოდ ორთქლისა და წყლის ძალა გამოიყენონ; ამასთან მოაწყონ იგი უკაპიტალისტებოდ, თვით ამხანაგობის ძალებით.

მსხვილი სოფლის მეურნეობის მოწყობა და სასოფლო-სამეურნეო მანქანების გამოყენება — სხვა სიტყვებით იმას ნიშნავს, რომ საეკონომიკურად აქციო იმ წვრილ გლეხთა უმრავლესობის სასოფლო-სამეურნეო შრომა, რომლებიც ამჟამად თვითონ ამუშავენ თავიანთ მიწებს. ხოლო რათა ისინი, ვინც სოფლის მეურნეობიდან გამოიდევნება, არ დარჩნენ უმუშევრად, ან იძულებული არ შეიქნენ შექუჩდნენ ქალაქებში, საჭიროა, ისინი ჩაებათ თვით სოფლების სამრეწველო შრომაში, ეს კი მათთვის ხელსაყრელი იქნება მხოლოდ მაშინ, თუ წარმოების ორგანიზება მოხდება მსხვილი მასშტაბით, ორთქლის ან წყლის ძალის გამოყენების გზით.

როგორ მოეწყობა ეს? კარგად ჩაუფიქრდით ამას, გერმანელო გლეხებო. ამ მხრივ თქვენ მხოლოდ სოციალ-დემოკრატები დაგეხმარებიან». რედ.

II

ფ. ენგელსი

პრუსიის გლეხთა ისჯორიისათვის¹

ვოლფის ამ ნაშრომის გასაგებად საჭიროა რამდენიმე სიტყვა წაუშუქდეს მას.

გერმანია ელბის აღმოსავლეთით და ერცგებირგესა და რიზენგებირგეს ჩრდილოეთით წარმოადგენს ქვეყანას, რომელიც შუა საუკუნეების მეორე ნახევარში გერმანელმა კოლონისტებმა იქ შემოკრიბულ სლავებს წაართვეს და კვლავ გააგერმანულეს. დაპყრობელ გერმანელ რაინდებსა და ბარონებს, რომლებმაც ეს მიწები ერთმანეთს შორის დაინაწილეს, თავი მოჰქონდათ სოფლების «გრუნდერებად» — «დამაარსებლებად». ისინი თავიანთ სამფლობელოებს ჰყოფდნენ სოფლებად, რომლებიც თავის მხრივ იყოფოდა გლეხთა თანატოლ კომლებად, ანუ ჰუფეებად. თვითეული ჰუფე შეიცავდა საკარმიდამო ნაკვეთს თავისი ეზოთი და ბალ-ბოსტნით. ეს უკანასკნელი თვით სოფელში მდებარეობდა. ჰუფეებს კენჭისყრით ანაწილებდნენ იმ ფრანკ (რაინისპირელი და ჩინდერლანდელი ფრანკები), საქსონელ და ფრიზელ კოლონისტებს შორის, რომლებიც აქ სახლდებოდნენ. სამაგიეროდ კოლონისტები ვალდებული იყვნენ გრუნდერების, ე. ი. რაინდებისა და ბარონების, სასარგებლოდ ფრიად ზომიერი ღალა გაედოთ და ზუსტად განსაზღვრული ბეგარა მოეხადათ. ვიდრე გლეხები ამ ვალდებულებებს იხდიდნენ, ისინი მემკვიდრეობით

¹ ეს ნაშრომი ფ. ენგელსმა დაწერა 1855 წ. როგორც მეორე ნაკვეთი იმ შესავლისა, რომელიც მან დაურთო «სილეზიის მილიარდის» სახელწოდებით გამოქვეყნებულ ვილჰელმ ვოლფის სტატიათა ცალკე გამოცემას. ვოლფის სტატიები 1849 წ. მარტსა და აპრილში იბეჭდებოდა «ახალ რაინის გაზეთში», რომელსაც მარქსი ხელმძღვანელობდა. შესავლის პირველ ნაკვეთში დაიბეჭდა ენგელსის მიერ ჯერ კიდევ 1876 წ. დაწერილი ბიოგრაფიული ნარკვევი ვოლფის შესახებ (იხ. კ. მარქსი და ფ. ენგელსი, თხზულებანი, ტ. XV). მარქსისა და ენგელსის მოწადისა და თანამებრძოლის ვოლფის სტატიები ნათელყოფდნენ იმას, თუ როგორ ახორციელებდა პრუსიის მთავრობა — ლიბერალური ბურჟუაზიის მხარდაჭერით — პრუსიის გლეხობის ძარცვას მემამულე იუნკერების სასარგებლოდ, ვითომდა ფეოდალურ ბეგარათა გამოყიდვის სახით. რედ.

ფლობდნენ თავიანთ ჰუფეებს. ამასთან გლეხებს ისეთივე უფლება ჰქონდათ ესარგებლათ გრუნდერის (შემდეგში მემამულის) ტყითა და საძოვრებით, — მოექრათ ხეები, ეძოვებინათ საქონელი, ჩამოებერტყათ ღორებისათვის რკო და ა. შ., — როგორც ამით სარგებლობდნენ დასავლეთ გერმანიის გლეხები თავიანთ სათემო მარკაში. სოფლის მთელი სათესი ფართობის დამუშავება თესლობრუნვის იძულებით წესებს ექვემდებარებოდა და უმთავრესად სამმინდვრიანი სისტემის თანახმად ხდებოდა. სახნავ-სათესი მინდვრები იყოფოდა საშემოდგომო, საგაზაფხულო და საანეულო ყანებად. ანეულსა და ნამკალ მიწას იყენებდნენ საერთო საძოვრებად გრუნდერისა და გლეხების საქონლისათვის. სოფლის ყველა საქმეები წყდებოდა თანასოფელელთა, ე. ი. ჰუფისმფლობელთა საერთო კრებაზე, ხმის უმრავლესობით. აზნაურ-გრუნდერთა უფლებანი შეზღუდული იყო უფლებით მოეთხოვათ გლეხებისაგან ვალდებულებათა მოხდა და მონაწილეობა მიეღოთ ანეულის თუ ნამკალი მიწების საერთო საძოვრებად გამოყენების დროს, მოეხმარათ მთელი ნაჭარბი, რომელიც რჩებოდა ტყეების ერთად სარგებლობის შემდეგ, და თავმჯდომარეობა გაეწიათ თანასოფელელთა კრებისათვის, რომელიც ჯერ კიდევ სავსებით დამოუკიდებელი ადამიანებისაგან შედგებოდა. ასეთი იყო ძირითადად გერმანელ გლეხთა მდგომარეობა იმ მიწებზე, რომლებიც მდებარეობდნენ ელბიდან აღმოსავლეთ პრუსიამდე და სილეზიამდე. ეს მდგომარეობა საერთოდ გაცილებით უფრო ხელსაყრელი იყო, ვიდრე იმ გლეხებისა, რომლებიც სწორედ ამ დროს დასავლეთ და სამხრეთ გერმანიაში ცხოვრობდნენ და უკვე ჩაბმული იყვნენ ფეოდალების წინააღმდეგ სასტიკსა და გაუთავებელ ბრძოლაში თავიანთი ძველი, მემკვიდრეობითი უფლებების შესანარჩუნებლად. გლეხთა უმრავლესობა ამ დროისათვის უკვე მოქცეული იყო უფრო მძიმე ფორმის დამოკიდებულებაში, რომელმაც შეუქმნა გლეხობას პირადი თავისუფლების დაკარგვის საფრთხე, ანდა სრულიადაც კი მოუსპო ეს თავისუფლება.

ფეოდალურ მებატონეთა სულ უფრო მზარდი ფულის მოთხოვნილება XIV და XV საუკუნეში, ცხადია, ჩრდილო აღმოსავლეთშიც იწვევდა ცდებს, რომ ძველი ზელშეკრულებების წინააღმდეგ გაეზარდათ გლეხთა ჩაგვრა და ყველფა. მაგრამ ეს ცდები აქ არც ისეთი მასშტაბით ხდებოდა და არც ისეთი წარმატებით ხორციელდებოდა, როგორც სამხრეთ გერმანიაში. ელბის აღმოსავლეთით მდებარე მიწები ჯერ კიდევ თხლად იყო დასახლებული და

დაუმუშავებელი ადგილებიც საკმაოდ ვრცელი იყო. ამ უდაბური მიწების დამუშავება, მიწათმოქმედების გავრცელება ახალ ადგილებში, ახალი საბეგრო სოფლების გაშენება — ყველაზე უტყუარ გამდიდრების წყაროს წარმოადგენდა თვით ფეოდალ მიწათმფლობელთათვისაც. ამასთანავე სწორედ აქ, გერმანიის იმპერიისა და პოლონეთის საზღვარზე, უკვე შეიქმნა შედარებით დიდი სახელმწიფოები: პომერანია, ბრანდენბურგი, საქსონიის საკურფიურსტო (სილეზია ავსტრიას ეკუთვნოდა), და ამიტომ შინაგან მშვიდობასაც აქ უკეთ იცავდნენ, ხოლო თავადაზნაურების შეხლა-შემოხლას და მძარცველობას უფრო მაგარი ხელით ლაგმავდნენ, ვიდრე რაინის ხეობის დაქსაქსულ ოლქებში: ფრანკონიასა და შვაბიაში. ამ გაუთავებელი ომებისაგან ხომ ყველაზე უფრო ძლიერ იგივე გლეხები იჩაგრებოდნენ!

მხოლოდ დაპყრობილი პოლონური და ლიტვურ-პრუსიული სოფლების მეზობლად ჰქონდა ადგილი აზნაურების უფრო ხშირ ცდებს, რომ კოლონისტებისათვის, რომლებიც აქ სახლდებოდნენ გერმანული ადათობრივი მიწის სამართლის თანახმად, ისეთივე ბატონყმური უღელი დაედგათ, როგორსაც პოლონეთისა და პრუსიის ქვეშევრდომნი ეწეოდნენ. ასეთი მდგომარეობა იყო პომერანიასა და ტევტონთა ორდენის პრუსიულ სამფლობელოებში, უფრო იშვიათად — სილეზიაში.

ოსტელებიელ გლეხთა ამ უფრო ხელსაყრელ პირობებს შედეგად ის მოჰყვა, რომ მათ თითქმის არ შეჰხებიათ სამხრეთ და დასავლეთ გერმანიის გლეხების გრანდიოზული მოძრაობა, რომელსაც ადგილი ჰქონდა XV საუკუნის უკანასკნელ მეოთხედსა და XVI საუკუნის პირველ მეოთხედში. ხოლო, როდესაც 1525 წლის რევოლუციამ იფეთქა, მან აღმოსავლეთ პრუსიაში ჰპოვა მხოლოდ მკრთალი გამოძახილი, რომელიც საკმაოდ იოლად იქნა ჩახშობილი. ოსტელებიელმა გლეხებმა ბედისნაზაბარა მიადღეს თავიანთი აჯანყებული ძმები და სამაგიეროც მიიღეს. იმ ადგილებში, სადაც გლეხთა დიდი ომი ბობოქრობდა, გლეხები უბრალოდ აქციეს ყმებად, დააკისრეს მათ განუსაზღვრელი ფეოდალური გამოსაღები და ბეგარა, რომელიც მხოლოდ და მხოლოდ მემამულის ნებასურვილზე იყო დამოკიდებული: რაც შეეხება გლეხების თავისუფალ მარკას, იგი პირდაპირ მემამულის საკუთრებად აქციეს და ამიერიდან გლეხებს მხოლოდ მაშინ შეეძლოთ სამარკო მიწებით სარგებლობა, თუ მემამულე წყალობას მოიღებდა. ფეოდალ მიწათმფლობელთა ბატონობისათვის ეს იდეალური მდგომარეობა, რომელზედაც

ამაოდ ოცნებობდა გერმანელი თავადაზნაურობა მთელი შუა საუკუნეების განმავლობაში და რომელსაც იგი, ბოლოს, ელირსა ფეოდალური მეურნეობის დაშლის პერიოდში, ამიერიდან ნელ-ნელა ოსტელების მიწებზეც იქნა გავრცელებული. საქმე იმით როდი ამოიწურა, რომ გლეხებს წაერთვა მემამულის ტყით სარგებლობის უფლება, მინიჭებული ხელშეკრულების ძალით, და რომ იგი გადაიქცა — იქ, სადაც გლეხებს ეს უფლება აღრევე არ წაართვის — მემამულის წყალობაზე დამოკიდებულ უფლებად, რომლის გაუქმებაც მემამულეს ყოველთვის შეეძლო; — არ ამოიწურა იმითაც, რომ ბეგარა და დალა უკანონოდ იქნა გადიდებული. შემოდებულ იქნა ახალი გამოსაღები, როგორც იყო, მაგალითად, ლაუდემიები (მემამულის სასარგებლოდ გაღებული სამკედრო, რომელსაც გლეხები ისდიდნენ კომლის მფლობელის სიკვდილის დროს); ეს ახალი გამოსაღები მიჩნეული იყო ბატონყმობის დამახასიათებელ თვისებად. ან კიდევ, ძველ, მამა-პაპურ, სრულიად უწყინარ ტრადიციულ ვალდებულებებს ისეთი ხასიათი მიეცა, რომ მათი შესრულება მხოლოდ ყმას ეკადრებოდა და არა თავისუფალ ადამიანს. ამრიგად, ასწელზე ნაკლები დროის განმავლობაში თავისუფალი ოსტელები გლეხები ყმებად იქცნენ ჯერ ფაქტიურად, ხოლო შემდეგ იურიდიულადაც.

ამასობაში სულ უფრო და უფრო ხდებოდა ფეოდალური თავადაზნაურობის გაბურჟუება. სულ უფრო იზარდებოდა მისი დავალიანება ქალაქელი მეეანზე კაპიტალისტების მიმართ და ამრიგად ფული იქცა თავადაზნაურობის პირველ მოთხოვნილებად. ხოლო გლეხს, თავის ყმას, მემამულე ბევრს ვერაფერს გამოსწოვდა, გარდა უმთავრესად შრომისა და მიწათმოქმედების პროდუქტებისა. მაგრამ ამ მხრივაც გლეხის მეურნეობა, რომელსაც იგი უკიდურესად მძიმე პირობებში ეწეოდა, ძლიუქძლივობით თუ გადააჭარბებდა იმ მინიმალურ პროდუქციას, რომელიც თვით ამ მეურნე გლეხს ესაჭიროებოდა თავისი ტანჯული არსებობის შესანარჩუნებლად. მეზობლად კი მდებარეობდა მონასტრების ვრცელი და შემოსავლიანი ლატიფუნდიები, სადაც მემამულის სახსრებით და მცოდნე მეთვალყურეების ზედამხედველობით იყენებდნენ ვალდებული და ყმა გლეხების საბატონო შრომას. მამულების ამ წესით დამუშავებას წვრილი აზნაურები მანამდე თითქმის არასოდეს არ მისდევდნენ, ხოლო მსხვილი თავადაზნაურობა და მთავრები გამონაკლისის სახით მისმართავდნენ. ახლა კი, ერთი მხრივ, ქვეყნის დაწყნარების შემდეგ, შესაძლებელი გახდა მსხვილ მეურნეობათა შექმნა, ხოლო, მეორე

ტად განსაზღვრული, ბეგარა. უმრავლეს შემთხვევაში ეს ბეგარა შეზღუდული იყო იმ სამუშაოებით, რომლებიც საზოგადოებრივ ინტერესებს ემსახურებოდნენ, — გზებისა და ხიდების აგება და ა. შ. — სხვადასხვა მშენებლობით მებატონის ციხე-გალავანში, ქალების და გოგოების ხელსაქმეობით ფეოდალის ციხე-კოშკში და პირადი მომსახურებით. მაგრამ, როგორც კი გლეხი ყმად იქცა, ხოლო ეს უკანასკნელი რომის სამართლის მცოდნე იურისტებმა რომაელ მონებს გაუთანაბრეს, მოწყალე ბატონმაც კილო იცვალა. იურისტების მხარდაჭერით იგი ახლა სასამართლოებში გლეხებისაგან განუსაზღვრელ სამსახურს მოითხოვდა, როდესაც ბატონი მოისურვებდა, რამდენსაც მოისურვებდა და სადაც მოისურვებდა. გლეხი ვალდებული იყო მემამულისათვის საბატონო ბეგარა მოეხადა, პირველი მოთხოვნისთანავე ტვირთი ეზიდა, დაეხნა, დაეთესა და მოემკა, თუნდაც, რომ მას საკუთარი ყანა გაუთოხნელი დარჩენოდა და მოსავალი წვიმას დაეღობო. გლეხთა შეძლების ყოველგვარ საზღვარს სცილდებოდა აგრეთვე ღალაც, რომელსაც გლეხი იხდიდა მარცვლეულით ან ფულადი გადასახადის სახით.

მაგრამ ეს ყველაფერი როდი იყო. არანაკლებად კეთილშობილ მთავრებს, რომლებიც ელბის აღმოსავლეთით მრავლად მოიპოვებოდნენ, აგრეთვე ესაქიროებოდათ ფული, ბევრი ფული. იმის სამაგიეროდ, რომ მთავრები უფლებას ანიჭებდნენ თავადაზნაურობას ეყვლიათ თავიანთი გლეხები, თავადაზნაურობაც თავის მხრივ ნებას აძლევდა მთავრებს სახელმწიფო გადასახადებით დაებეგრათ იგივე გლეხები — თვით თავადაზნაურობა ხომ გადასახადებისაგან თავისუფალი იყო! ხოლო ამასთან ერთად იმავე მთავრის სანქციით მემამულის უფლება, თავმჯდომარე ყოფილიყო თავისუფალ გლეხთა, — უკვე დიდი ხანია გაუქმებულ — სასამართლოში, ფაქტიურად გადაიქცა ფეოდალთა მოსამართლეობის უფლებად. ვარდა ამისა, ამიერიდან მემამულემ თავის მამულში პოლიციური უფლებებიც მოიპოვა. ამიტომ მემამულე იქცა პოლიციის შეფადაც და თავისი ყმების ერთადერთ მსაჯულადაც იმ საქმეების გარჩევის დროსაც კი, რომლებიც თვით მემამულეს ეხებოდა. გლეხი იძულებული იყო, როდესაც იგი თავის მემამულეს უჩიოდა, საჩივრულად მასთანვე მისულიყო. ამრიგად, ერთი და იგივე პიროვნების ხელში გაერთიანდა საკანონმდებლო, სასამართლო და აღმასრულებელი ძალაუფლება და მემამულე სავსებით შეუზღუდველ ბატონ-პატრონად იქცა თავის სამფლობელოში.

ამ სამარცხვინო მდგომარეობამ, რომლის მსგავსი რუსეთშიც კი არ არსებობდა, ვინაიდან იქ გლეხს საკუთარი თვითმმართველი თემი მაინც გააჩნდა, უმაღლეს წერტილს მიაღწია იმ პერიოდში, რომელმაც განვლო ოცდაათწლიანი ომიდან იენასთან საბედნიერო დამარცხებამდე. ოცდაათწლიანი ომით გამოწვეულმა უბედურებამ ხელი შეუწყო თავადაზნაურობას დაემთავრებინა გლეხების დამონება. გლეხთა უთვალავი კარ-მიდამოს გაუჟაკრიელებამ შესაძლებლობა მისცა მებატონეს დაუბრკოლებლივ შეეერთებინა ეს მიწები რაინდის მამულის დომინიუმისათვის. ომისაგან გაპარტახებული და მაწანწალად ქცეული მოსახლეობის კვლავ მიწაზე დასახლება მეტად უწყობდა ხელს მემამულეს, რომ გლეხები ყმებად ექცა და ისინი მიწაზე მიემაგრებინა. მაგრამ მებატონეებმა არც ეს იკმარეს დიდი ხნით. ის-იყო ქვეყანამ უახლოესი ორმოცდაათი წლის განმავლობაში ცოტაოდენ მოიშუშა ომისაგან მიყენებული საშინელი ჭრილობები, მინდვრებში აბიჯინდა ყანები, ისევ მომრავლდა მოსახლეობა, რომ კეთილშობილ მემამულეებს კვლავ აღეძრათ გაუმძღარი მისწრაფება გლეხთა მიწებისა და გლეხთა შრომისადმი. მემამულის დომინიუმი არ იყო იმდენად მსხვილი, რომ შთაენთქა მთელი ის სამუშაო ძალა, რომლის ამოწოვა ჯერ კიდევ შესაძლებელი იყო ყმებისაგან — ამ შემთხვევაში ამოწოვა სიტყვის პირდაპირი მნიშვნელობით. გლეხების გაუმწაფულებების, ყმა მოჯაზაგირის დონემდე ჩამოქვეითების სისტემამ ბრწყინვალედ გაამართლა თავისი დანიშნულება. XVIII საუკუნის დასაწყისიდან ეს პრაქტიკა სულ უფრო და უფრო მეტ გასაქანს იღებს: ამიერიდან ამას უწოდებენ «გლეხთა აყრას» («Bauernlegen»). «აყრიან» ხოლმე იმდენ გლეხს, რამდენიც შესაძლებელია გარემოებათა მიხედვით; თავდაპირველად ტოვებენ ყმების იმ რაოდენობას, რაც საჭიროა გამწვევი პირუტყვით შესასრულებელ სამუშაოთათვის, ხოლო დანარჩენებს უმიწაწყო ბოგანო გლეხებად ხდიან (მებოსტნეებად [Dreschgärtner]!), აზბოკარებად [Häusler], ყმა მოჯაზაგირებად [Instleute] და სხვა ამგვარ სახელწოდებათა მატარებლებად), რომლებიც ერთი ქოხისა და მცირეოდენი კარტოფილის ნაკვეთისათვის წლითი-წლობით ჭაპანს იწყვეტდნენ მებატონის მამულში მუშაობით,

Dreschgärtner — სიტყვასიტყვით «მებოსტნე-მღეწეები». ყმა-მოჯაზაგირეთა ეს კატეგორია განსაკუთრებით გავრცელებული იყო ქვემო სილეზიაში. «მებოსტნე მღეწეებს», რომელთაც ქოხი და მცირეოდენი ბოსტანი გააჩნდათ, უნდა შეესრულებინათ უამრავი მძიმე საბატონო სამუშაო, განსაკუთრებით მემამულის მოსავლის აღებისა და გალწვის დროს. რეღ.

ხოლო დღიურ გასამრჯელოდ იღებდნენ მათხოვრულ საზღაურს მარცვლეულისა და მცირეოდენი ფულის სახით. იქ, სადაც მოწყალე ბატონი იმდენად მდიდარი იყო, რომ საკუთარი გამწევი საქონელი გამოჰყავდა, დანარჩენ გლეხებსაც «ჰყრიდნენ» მიწიდან, ხოლო მათ ჰუფეებს სენიორის მამულს უერთებდნენ. ამრიგად, გერმანელი თავადაზნაურობის, განსაკუთრებით კი ოსტელბის თავადაზნაურობის, მთელი მსხვილი მიწათმფლობელობა გლეხებისაგან მიტაცებული მიწებისაგან შეიქმნა და, თუ ეს მიწა კვლავ წაერთმევა მიმტაცებლებს ყოველგვარი ანაზღაურების გარეშე, ეს მათთვის მაინც მცირე სასჯელი იქნება. საპართლიანობა მოითხოვს, რომ თავადაზნაურობას თვით აზღვევინონ ჩადენილი ძალადობისათვის.

დროთა მსვლელობაში მთავრები თვითონ დარწმუნდნენ, რომ ეს სისტემა, რომელიც ესოდენ ხელსაყრელი იყო თავადაზნაურობისათვის, საეხებით ეწინააღმდეგება მათ საკუთარ ინტერესებს. გლეხები სახელმწიფო გადასახადებს იხდიდნენ მანამდე, ვიდრე მათ აჰყრიდნენ, ხოლო მას შემდეგ, რაც მათი ჰუფეები შეუერთდა გადასახადებისაგან თავისუფალ ფეოდალურ დომინიუმებს, სახელმწიფო ამ ჰუფეებისაგან გახვრეტით შაურსაც აღარ იღებდა, ბოგანო გლეხებისაგან კი, რომლებიც ის-იყო ისევე დაესახლებინათ მიწებზე, ძლივს ორიოდ გროში თუ ერგებოდათ. მიწიდან აყრილი გლეხების ნაწილი ზედმეტი აღმოჩნდა მემამულის მეურნეობისათვის და იგი პირდაპირ გარეთ იქნა გაგდებული, იგი თავისუფალი, ე. ი. ფრინველივით თავისუფალი, მაწანწალა გახდა. სოფლის მოსახლეობა მნიშვნელოვნად შეთხელდა, ხოლო მას შემდეგ, რაც მფლობელმა მთავარმა იწყო თავისი დაქირავებული, ძვირად ღირებული ჯარის შევსება გლეხთა გაწვევის გზით, რაც უფრო იაფად ჯდებოდა, მისთვის ეს გარემოება აღარ იყო უმნიშვნელო. ამიტომ იყო, რომ მთელი XVIII საუკუნის მანძილზე გერმანიაში¹ და განსაკუთრებით პრუსიაში ბრძანებულება ბრძანებულებას სცვლიდა, რომლებიც მიზნად ისახავდნენ ბოლო მოეღოთ გლეხების აყრისათვის. მაგრამ ამ ბრძანებულებებს იგივე ბედი ეწვიათ, როგორც იმ უთვალავი მაკულატურის ოთხმოცდაცხრამეტ მეასედს, რომლებსაც კარლოს დიდის კაპიტულარების¹ შემდეგ გაუთავებლივ ადგენდნენ გერმანელი ხელისუფალნი; ეს ბრძანებულებანი ისევე ფარატინა ქალაქად

¹ კ ა პ ი ტ უ ლ ა რ ი ე ბ ი — ფრანკთა მეფეების ბრძანებულებანი, რომლებიც, ჩვეულებრივ, თავებად, ანუ მუზღებად იყოფოდა (ლათ. capitula). რ ე დ.

რჩებოდა, თავადაზნაურობა თავისას არ იშლიდა, ყმების გაბოგანობა გრძელდებოდა.

თვით საფრანგეთის დიდი რევოლუციის შემადრწუნებელმა გაკვეთილმა, რომელიც ჭიუტმა ფეოდალურმა თავადაზნაურობამ მიიღო, ვერ შეძლო მისი დიდი ხნით შეშინება. ყოველივე ძველებურად დარჩა, ხოლო ის, რისი გაკეთებაც ვერ მოახერხა ფრიდრიხ II¹, მით უფრო აღემატებოდა მისი სუსტი და პოლიტიკურად ბეცი ძმისწულის ფრიდრიხ-ვილჰელმ III ძალღონეს. მაგრამ დადგა შურისძიების ჟამი. 1806 წ. 14 ოქტომბერს პრუსიის მთელი სახელმწიფო ერთი დღის განმავლობაში სავსებით დაიმსხვრა იენასა და აუერშტადტთან ბრძოლაში. ამიტომ აქვს პრუსიელ გლეხს სრული უფლება ეს დღე, ისევე როგორც 1848 წ. 18 მარტი, აღნიშნოს უფრო დიდი ზეიმით, ვინემ პრუსიელების ყველა გამარჯვება მალეციდან² სედანამდე. მხოლოდ ახლა, როდესაც პრუსიის მთავრობა რუსეთის საზღვრებამდე მირეკეს. პრუსიის მესვეურები თანდათან იგნებენ, რომ ფრანგი გლეხების შვილებს, რომელთა მემბიტც მტკიცედ ფლობენ მიწას, ვერ დაამარცხებენ უმიწაწყლო ყმა გლეხთა შვილების საშუალებით, რომელთა მამებსაც ყოველდღე ემუქრებათ ნაკვეთიდან აყრის საშიშროება. მხოლოდ ახლა შენიშნა მთავრობამ, როგორც იქნა, რომ გლეხებიც, ასე ვთქვათ, ადამიანები არიან. ახლა მაინც საჭირო იყო ზომების მიღება.

მაგრამ, როგორც კი შეჭრეს ზავი და სამეფო კარი მთავრობასთან ერთად ბერლინს დაბრუნდა, კეთილშობილი ზრახვები კვლავ დადნა, როგორც ყინული მარტის მზის სხივების გავლენით. მართალია, 1807 წ. 9 ოქტომბრის ქებულმა ედიქტმა ნო მ ი ნ ა ლ უ რ ა დ, ქაღალდზე, გააუქმა ბატონყმობა ანუ მემკვიდრეობითი მებეგრეობა (ისიც მხოლოდ 1810 წელს წმ. მარტინის დღიდან), მაგრამ სინამდვილეში ყველაფერი ძველებურად დარჩა. ყველაფერი ამით დამთავრდა. მერყევი და გონებაშეზღუდული მეფე უწინდებურად კულში მისჩანჩალებდა თავადაზნაურობას, რომელიც განაგრძობდა გლეხების ძარცვას, ამასთან ახლა იმდენად ემორჩილებოდა მას,

¹ ენგელსს მხედველობაში აქვს მეფე ფრიდრიხ II უნაყოფო ცდები შეეჩერებინა — პრუსიის მემამულური სახელმწიფოს საგადასახადო და სამხედრო სისტემის განმტკიცების მიზნით — თავადაზნაურობის მიერ გლეხების თვითნებური აყრა მიწიდან. რ ე დ.

² 1848 წ. 18 მ ა რ ტ ი ბერლინის სახალხო აჯანყების დღეა, რომელმაც ბიძგი მისცა 1848 წლის რევოლუციას პრუსიაში.

მ ა ლ ც ი თ ა ნ (სიღეზია) ბრძოლაში ფრიდრიხ II 1741 წ. 10 აპრილს დაამარცხა ავსტრიელები ავსტრიის მემკვიდრეობისათვის ომის დროს (1740 — 1748) რ ე დ. 11 ფ ე ნ გ ე ლ ს •

რომ 1808 წლიდან 1810 წლამდე გამოიცა ოთხი ბრძანებულება, რომელიც ნებას აძლევდა მემამულეებს მთელ რიგ შემთხვევაში კვლავ აეყარათ გლეხები, რაც სავსებით ეწინააღმდეგებოდა 1807 წლის ედიქტს. მხოლოდ მაშინ, როცა უკვე ახლოვდებოდა ნაპოლეონის ომი რუსეთის წინააღმდეგ, გაიხსენეს, რომ გლეხები დასჯირდებოდათ, და გამოსცეს 1811 წლის 14 სექტემბრის ედიქტი, რომლითაც გლეხებსა და მემამულეებს ურჩევდნენ ორი წლის ვადაში ნებაყოფლობით შეთანხმებულიყვნენ, როგორც გამოსაღებთა და საბატონო სამუშაოთა გამოსყიდვის თაობაზე, აგრეთვე იმაზე, რომ გამოესყიდათ მემამული-საგან მისი უზენაესი მესაკუთრული უფლებები. ამასთან აღნიშნული იყო, რომ შემდეგ შეიქმნებოდა სამეფო კომისია, რომელიც დადგენილი წესების საფუძველზე მათ შორის მიღწეულ შეთანხმებას იძულებით შეიყვანდა ძალაში. შემუშავებულ იქნა ძირითადი დებულება, რომლის თანახმად გლეხს უნდა დაეთმო თავისი მიწის ნაკვეთის ერთი მესამედი (ანდა გადაეხადა მისი ფულადი ღირებულება) და სამაგიეროდ იგი ხდებოდა თავისი დარჩენილი ნაკვეთის თავისუფალი მესაკუთრე. მაგრამ გლეხთა ეს გამოსყიდვაც კი, რომელიც თავადაზნაურობისათვის ესოდენ ხელსაყრელი იყო, მაინც მომავლის ჰანგს წარმოადგენდა, ვინაიდან მემამულეები ძლიერ აფერხებდნენ საქმეს, რათა რაც შეიძლება მეტს გამოარჩენოდნენ. მაგრამ ორი წლის შემდეგ ნაპოლეონმა კვლავ შემოდგა ფეხი პრუსიაში.

როგორც კი ნაპოლეონი საბოლოოდ განდევნეს¹ — სანამ მას ერეკებოდნენ, შიშით შეპყრობილი მეფე გაუთავებლად ჰპირდებოდა ხალხს კონსტიტუციასა და სახალხო წარმომადგენლობას — ყველა ეს შესანიშნავი აღთქმა კვლავ დავიწყებას მიეცა. უკვე 1816 წლის 29 მაისს — ჯერ ერთი წელიც კი არ გასულიყო ვატერლოოს გამარჯვებიდან! — გამოიცა დეკლარაცია 1811 წლის ედიქტის გამო, რომელიც სრულიად სხვაგვარად ქლერდა. ფეოდალურ ვალდებუ-

¹ რუსების მიერ ნაპოლეონის არმიის განადგურებამ 1812 წელს ნაპოლეონის რუსეთში შემოსევის დროს, გამოიწვია ნაპოლეონისაგან ევროპის დაპყრობილ ხალხთა აჯანყება ფრანგების ბატონობის წინააღმდეგ. ევროპის სახელმწიფოთა გაერთიანებულმა არმიებმა, რუსეთის არმიის მეთაურობით, 1813 წელს მთელი რიგი ახალი დამარცხებანი აკმეეს ნაპოლეონს და განდევნეს იგი გერმანიიდან. მაგრამ ნაპოლეონის დამარცხებით ისარგებლეს ევროპის რეაქციულმა მონარქებმა და მთავრებმა, რომლებმაც ხელუხლებლად დატოვეს გერმანიის პოლიტიკური დაქუცმაცებულობა, ხოლო გერმანიის თვითუფლ სახელმწიფოში, და უწინარეს ყოვლისა პრუსიაში, გააძლიერეს მონარქიული რეაქციისა და მემამულური თვითნებობის რეჟიმი. რ ე დ.

ლებათა გამოსყიდვა გამოცხადებულ იქნა არა წესად, არამედ გამო-
 ნაკლისად: იგი ვრცელდებოდა მხოლოდ ისეთ სასოფლო-სამეურნეო
 ნაკვეთებზე, რომლებიც შეტანილი იყო მიწის საგადასახადო დაჯ-
 თარში (ე. ი. მსხვილ ნაკვეთებზე) და რომლებზეც სილეზიაში ჯერ
 კიდევ 1742 წლიდან, აღმოსავლეთ პრუსიაში ჯერ კიდევ 1752 წლი-
 დან, ბრანდენბურგსა და პომერანიაში* 1763 წლიდან, ხოლო დასავ-
 ლეთ პრუსიაში 1774 წლიდან გლეხის მეურნეობა იყო მოწყობილი.
 ძალაში დარჩა აგრეთვე ზოგიერთი საბატონო სამუშაო თესვისა და
 მკის დროს. ხოლო, როდესაც 1817 წ. საგამომსყიდვო კომისიის საქ-
 მის სერიოზულად მოპყიდეს ხელი, აგრარული კანონმდებლობა
 უფრო სწრაფად წავიდა უკან, ვიდრე აგრარული კომისიები — წინ.
 1821 წლის 7 ივნისს გამოცემულ იქნა ახალი დებულება გამოსყიდ-
 ვის შესახებ, რომელმაც კიდევ უფრო მკვეთრად შეზღუდა გლეხთა
 გამოსყიდვის უფლება. ამიერიდან ეს უფლება ვრცელდებოდა მხო-
 ლოდ მსხვილ გლეხთა კომლებზე, ეგრეთწოდებულ «მომხმარებელ-
 თა მეურნეობებზე», ხოლო უფრო წვრილ მეურნეობათა მფლობე-
 ლებს — ბოგანოებს, ამბოკარებს, მებოსტნეებს — მოკლედ, ყველა
 მიწაზე დასახლებულ ყმა-მოჯამაგირეს კი სრულიად გარკვე-
 ვით უმბარდისებდა ბეგრისა და სხვა ფეოდალურ ვალდებულებათა
 შესრულებას. ამიერიდან ეს წესად იქცა. მხოლოდ 1845 წელს
 შესაძლებელი გახდა, როგორც გამონაკლისი, საქსონიისა¹ და სილე-
 ზიისათვის ამგვარ ვალდებულებათა გამოსყიდვა შემამულისა და
 გლეხის ნებაყოფლობითი შეთანხმების შემთხვევაში, რისთვისაც,
 თავისთავად ცხადია, საჭირო არ იყო საფანგებო კანონის
 გამოცემა. გარდა ამისა, გამოსყიდვითი გადასახდელი, რომლი-
 თაც შესაძლებელი იყო ფეოდალურ ვალდებულებათაგან ერთხელ
 და სამუდამოდ თავის დახსნა და რომლის გაანგარიშება მარცვლეულის
 ან ფულის საშუალებით ხდებოდა, ოცდახუთჯერადი რენტის რაოდ-
 ენობით დაწესდა. ამასთან გადასახდელი თანხა, ყოველი შეტანისას

* პრუსიელთა ვერაგობა უსაზღვროა. აქ მან კვლავ იჩინა თავი, თუნდაც თა-
 რიღში. რატომ აიღეს 1763 წელი? მხოლოდ იმიტომ, რომ მომდევნო წელს — 1764
 წ. 12 ივლისს ფრიდრიხ II გამოსცა მკაცრი ედიქტი, რომელშიც დასჯით ემუქრებო-
 და ურჩ თავადაზნაურობას, თუ ის ერთი წლის ვადაში არ შეასრულებდა მეფის
 ბრძანებას და ისევ არ დაასახლებდა სათანადო პირობებით 1740 წლიდან, კერძოდ,
 შვიდწლიანი ომის დასაწყისიდან, მასობრივად აყრილ და გაბოგანებულ გლეხებს
 მათ კუთვნილ მიწაწყალზე. ამრიგად ამ ედიქტის ყველა შედეგი, თუკი მან ასეთი
 გამოიღო, კვლავ გაუქმებულ იქნა 1816 წელს თავადაზნაურობის საამებლად მიღე-
 ბული ედიქტით. ე ნ გ ე ლ ს ი ს შ ე ნ ი შ ე ნ ა.

¹ იგულისხმება პრუსიის საქსონური პროვინცია. რ ე დ.

სულ ცოტა 100 ტალერი მაინც უნდა ყოფილიყო. და ეს იმ დროს, როდესაც ჯერ კიდევ 1809 წ. სახელმწიფო დომენებზე მცხოვრებ გლეხებისათვის გამოსყიდვითი გადასახდელი დაწესდა ოცჯერადი რენტის რაოდენობით. ერთი სიტყვით, «განების სახელმწიფოს» ქეზულ, განათლებული სულისკვეთებით გამსჭვალულ. აგრარულ კონომდებლობას მხოლოდ ერთი მიზანი ჰქონდა: გადაერჩინა ფეოდალიზმიდან ყოველივე, რისი გადარჩენაც კი შესაძლებელი იყო.

პრაქტიკული შედეგებიც სავსებით შეესაბამებოდა ამ უსუსურ ღონისძიებებს. აგრარული კომისიები ზედმიწევნით ჩასწვდნენ მთავრობის კეთილ განზრახვებს და, როგორც ეს ცალკეულ მაგალითებზე მკაფიოდ გვიჩვენა ვოლფმა, საგანგებოდ ზრუნავდნენ იმისათვის, რომ გამოსყიდვის დროს გლეხი სათანადოდ მოეტყუებინათ თავადაზნაურობის სასარგებლოდ. 1816 წლიდან 1848 წლამდე გამოსყიდულ იქნა გლეხთა 70582 მეურნეობა, რომლის საერთო მიწის ფართობი 5158827 მორგენს შეადგენდა — ე. ი. გლეხთა შედარებით მსხვილ, საბეგრო ვალდებულების მქონე მეურნეობათა ექვსი მეშვიდედი, და, პირიქით, იმ გლეხებიდან, რომლებიც წვრილ მეურნეობებს ჰვლობდნენ, ამ ხნის განმავლობაში თავიანთი ფეოდალური ვალდებულებები გამოისყიდა მხოლოდ 289651 კაცმა (აქედან 228000 სილეზიაში, ბრანდენბურგსა და საქსონიაში). გამოსყიდული საბეგრო სამუშაო დღეების საერთო რაოდენობა წელიწადში შეადგენდა: სამუშაო დღეები გამწევი საქონლის გამოყენებით — 5 978295, სამუშაო დღეები პირადი შრომის დახარჯვით: 16869824. ამაში კეთილშობილმა თავადაზნაურობამ საზღაურად მიიღო: ფულით 18544766 ტალერი; ფულადი რენტის სახით 1599992 ტალერი ყოველწლიურად, ნატურალური რენტის სახით 260069 შეფელი ქვაკვი ყოველწლიურად; ბოლოს, გლეხების მიერ დათმობილი მიწის ნაკვეთების სახით 1533050 მორგენი*. ამრიგად, გარდა სხვა საზღაურისა წინანდელმა მემამულეებმა მიიღეს კიდევ გლეხთა ყოფილი მიწების მთელი მესამედი!

1848 წელმა, ბოლოს, თვალები გაუხილა პრუსიის დახავსებულ იუნკრობას, რომელიც ერთდამივე დროს გონებაჩლუნგიც იყო და მელიდურიც. გლეხები — მეტადრე სილეზიაში, სადაც ყველაზე ძლიერ იყო განვითარებული ლატიფუნდიების სისტემა და მასთან

* იხ. ამ სტატისტიკის გამო ა. მაიტენი: ნიადაგი და სასოფლო-სამეურნეო ურთიერთობანი პრუსიის სახელმწიფოში [Meitzen, A. Der Boden und die landwirtschaftlichen Verhältnisse des Preussischen Staats, B. I — IV, Berlin, 1868—1871], ტ. 1, გვ. 432 და შემ. ენგელსის შენიშვნა.

დაკავშირებით ადგილი ჰქონდა მოსახლეობის იძულებით ჩამოქვეითებას არაფრისმქონე ყმა-მოჯამაგირეთა მდგომარეობამდე — თავს ესხმოდნენ სასახლეებს, სწვავდნენ უკვე დაღებულ შეთანხმებებს გამოსყიდვის შესახებ და აიძულებდნენ ბატონ მემამულეთ წერილობით ეთქვათ უარი ამიერიდან ყველა ფეოდალურ გამოსაღებზე. მართალია ეს ექსცესები, რომლებიც მაშინ ხელისუფლების სათავეში მდგომ ბურჟუაზიასაც კი უღვთო საქციელად მიაჩნდა, სამხედრო ძალით იქნა ჩახშობილი და მათ სასტიკი რეპრესიები მოჰყვა, მაგრამ ყველაზე უტყინო იუნკრებმაც კი შეიგნეს, რომ საბეგრო შრომა შეუძლებელი გახდა და რომ უმჯობესია სრულიად ხელი აიღო ბეგარაზე, ვიდრე მოსთხოვო იგი ასეთ მემამბოხე გლეხებს! ახლა საქმე მხოლოდ ის იყო, როგორმე გადაერჩინათ, რისი გადარჩენაც შეიძლებოდა, და მიწათმფლობელმა თავადაზნაურობამ მართლაც იმდენი კადნიერება გამოიჩინა, რომ მოითხოვა საზღაური ამ ფაქტიურად უკვე არარსებულ ვალდებულებათა გაუქმებისათვის. როგორც კი რეაქციამ ფეხი მოიკიდა და წელში გასწორდა, იუნკერთა ეს მოთხოვნა დაკმაყოფილებულ იქნა.

მაგრამ მანამდე გამოიცა 1848 წლის 9 ოქტომბრის კანონი, რომლის ძალითაც შეჩერდა ყველა დაუმთავრებელი საქმე გამოსყიდვის შესახებ, მასთან დაკავშირებული სასამართლო პროცესები და აგრეთვე მემამულეებსა და გლეხებს შორის აღძრული მთელი რიგი სხვა პროცესებიც. ამით, მაშასადამე, დაგმობილ იქნა 1807 წლიდან მომდინარე მთელი ქებული აგარაული კანონმდებლობა, მაგრამ მას შემდეგ, რაც წარმატებით განდევნეს ბერლინის ეგრეთწოდებული ნაციონალური კრება და სახელმწიფო გადატრიალებაც განახორცილეს, ბრანდენბურგ-მანტოიფელის ფეოდალურ-ბიუროკრატიულმა სამინისტრომ თავისი თავი საკმაოდ ძლიერად ჩათვალა საიმისოდ, რომ სერიოზული ნაბიჯები გადაედგა მემამულეთა სასარგებლოდ. 1848 წლის 20 დეკემბერს მან გამოცა დროებითი ბრძანებულება, რომელმაც მომავალში საკითხის საბოლოო მოგვარებამდე, მცირეოდენი გამონაკლისით, კვლავ აღადგინა ბატონისადმი გლეხის ძველებური ვალდებულებანი და სხვ. ეს იყო სწორედ ის ბრძანებულება, რომელმაც საბაბი მისცა ჩვენს ვოლფს განეხილა სილეზიის გლეხთა მდგომარეობა «ახალ რაინის გაზეთში».

ამასობაში განვლო კიდევ ერთ წელზე მეტმა დრომ, ვიდრე შეიმუშავეს 1850 წლის 2 მარტის ახალი და საბოლოო კანონი გამოსყიდვის შესახებ. შეუძლებელია პრუსიელ პატრიოტთა მიერ დღესაც ქებით ცამდე აყვანილი 1807 — 1847 წლების აგარაული

კანონმდებლობის უფრო მკვეთრად დაგმობა, ვიდრე ეს მოცემულია — საკუთარი სურვილის წინააღმდეგ და ამასთან ბრანდენბურგ-მანტოიფელის სამინისტროსაგან — ამ კანონის დასაბუთებაში.

მოკლედ: ზოგიერთი უმნიშვნელო გამოსაღები პირდაპირ გაუქმდა, დანარჩენ ვალდებულებათა გამოსყიდვა, ლეკრეტის თანახმად, ფულადი რენტის საშუალებით და ამ რენტის თერამეტჯერადი კაპიტალიზაციით უნდა მომხდარიყო, ხოლო ფულადი გადასახდელების ასაქრებად და მასთან დაკავშირებით საშუამავლო ოპერაციების საწარმოებლად დაარსდა რენტის ბანკები, რომლებსაც ცნობილი საამორტიზაციო ოპერაციების¹ საშუალებით მემამულეებისათვის ოცკერადი გადასახდელი უნდა გადაეხადათ. გლეხი კი ყველა თავისი ვალდებულებისაგან მხოლოდ მას შემდეგ განთავისუფლდებოდა, როცა იგი 56 წლის განმავლობაში შეიტანდა ყველა საამორტიზაციო გადასახდელს.

თუ სამინისტრომ თავისი დასაბუთებით დაჰგმო მთელი წინანდელი აგრარული კანონმდებლობა, პალატის მიერ გამოყოფილმა კომისიამ დაჰგმო ახალი კანონი. მან განაცხადა, რომ ეს კანონი გამოუსადეგია რაინის მარცხენა ნაპირისათვის, რომელიც ყველა ამ ძველმანისაგან დიდი ხანია გაათავისუფლა საფრანგეთის რევოლუციამო. კომისია მიემხრო ამ შეზღუდვას იმ საფუძველით, რომ ყველა 109 მუხლიდან დიდი-დიდი ერთი ყოფილიყო გამოსადეგი რაინის მარცხენა ნაპირისათვის «ხოლო ყველა დანარჩენი გადაწყვეტილება იქ სრულებით მიუღებელია. პირიქით, მათ შეუძლიათ იქ გაუგებრობა და არასასურველი მღელვარება გამოიწვიონ... რადგან კანონმდებლობა რაინის მარცხენა ნაპირზე გლეხთა ვალდებულებების მოსპობის თვალსაზრისით გაცილებით უფრო შორსაა წასული, ვიდრე ის, რისი გატარებაც ამჟამად განზრახულია», ამასთან შეუძლებელია რაინისპირეთის ოლქები აიძულო, რომ ისინი განახლებული პრუსიის იდეალურ მდგომარეობამდე ჩამოქვეითებას დათანხმდნენო.

ახლა კი, როგორც იქნა, სერიოზულად მოჰკიდეს ხელი ფეოდალური შრომის და ექსპლოატაციის ფორმების გაუქმებას. რამდენიმე წლის განმავლობაში გატარდა გლეხთა ვალდებულებების გამოსყიდვა. 1850 წლიდან 1865 წლამდე გამოსყიდულ იქნა: 1) მსხვილი მესაკუთრე გლეხების დარჩენილი ნაწილი, ასეთი იყო სულ 12706 კომლი, რომელსაც ეჭირა 352305 მორგენი მიწა; 2) წვრილი მესა-

¹ ე. ი. ვალის დასაფარავი ოპერაციები. რ ე დ.

კუთრენი, მათ შორის ბოგანოებიც; იმ დროს როცა 1848 წლამდე ამათგან 290000-მდე კაცსაც კი არ ჰქონდა თავი გამოსყიდული, უკანასკნელი 15 წლის განმავლობაში თავი დაიხსნა 1014341 კაცმა. ამისდა შესაბამისად გამოსყიდულ იქნა 365274 გამწვევი საქონლით შესრულებული საბატონო შრომადღე, რომელიც მოდიოდა მსხვილ მეურნეობაზე. 6670507 გამოსყიდული შრომადღე კი წარმოადგენდა გლეხთა მიერ პირადად გამომუშავებულ შრომას. მიწით ანაზღაურება, რომელიც წილად ხვდა მსხვილ გლეხურ მეურნეობას, აგრეთვე მხოლოდ 113071 მორგენს შეადგენდა, ხოლო წლიური რენტა, რომელიც გლეხებს ჰკვაეის სახით უნდა გადაეხადათ, 55552 შეფელს შეადგენდა. ამავე დროს მიწათმფლობელმა არისტოკრატებმა მიიღო ახალი ყოველწლიური ფულადი რენტის სახით 3890136 ტალერი და, გარდა ამისა, საბოლოო ანგარიშის გასწორებისას კიდევ 19 697 483 ტალერი*.

ის თანხა, რომელიც პრუსიის მთელმა მიწათმფლობელმა არისტოკრატებმა, ამაში შედიოდა აგრეთვე სახელმწიფო დომენებიც, გლეხების ჯიბიდან თავის სასარგებლოდ გადაახდევინა სახელმწიფოს, იმის საზღაურად, რომ თავადაზნაურობამ ნებით დაუბრუნა გლეხებს აღრევე — თვით მე-19 საუკუნის ჩათვლით — მიტაცებული მიწა, შეადგენს მაიტცენის გამოანგარიშების თანახმად (ტ. 1, გვ. 437) 213861035 ტალერს. მაგრამ ეს რიცხვი მნიშვნელოვნად შემცირებულია. მაიტცენის ანგარიშის თანახმად ერთი მორგენი დამუშავებული მიწისა ღირს «მხოლოდ» 20 ტალერი, ერთი მორგენი ტყე — 10 ტალერი, ერთი შეფელი ჰკვაეი — 1 ტალერი. ე. ი. ბევრად უფრო ნაკლები, ვიდრე სინაპდვილეში. გარდა ამისა, აქ გათვალისწინებულია მხოლოდ «ნაპდვილად მომხდარი გარიგებანი», და მაშასადამე, უგულვებელყოფილია, თუნდაც ყველა კერძო შეთანხმება, რომელსაც ადგილი ჰქონდა მხარეებს შორის. მაიტცენი თვითონაც ამბობს, რომ მის მიერ მოყვანილი ცნობები გამოსყიდულ ვალდებულებათა და, მაშასადამე, ამ ვალდებულებათა გამოსყიდვისათვის გაღებული საზღაურის შესახებაც, მხოლოდ «მინიმუმს» წარმოადგენენ.

ჩვენ შეგვიძლია ვივარაუდოთ, რომ ის თანხა, რომელიც გლეხებმა თავადაზნაურობისა და ხაზინის სასარგებლოდ გადაიხადეს მათთვის უკანონოდ დაკისრებულ ვალდებულებათა გამოსყიდვისა-

* ეს ციფრები შეადგენენ მაიტცენის ორივე ცხრილის შემაჯამებელი თანხების განსხვავებას (მაიტცენი ტ. 1, გვ. 432 და 434.) ე ნ გ ე ლ ს ი ს უ ე ნ ი შ ე ნ ა. (მაიტცენს პირველ ცხრილში მოყვანილი აქვს გამოსასყიდ ოპერაციათა შედეგები 1816 წლიდან 1848 წლამდე, ხოლო მეორეში — 1816 წლიდან 1865 წლის დასასრულამდე. რ ე დ.).

თვის, შეადგენს, ყოველ შემთხვევაში, 300 მილიონ ტალერს და შესაძლებელია ერთ მილიარდ მარკასაც კი აღწევდეს.

ერთი მილიარდი მარკა მხოლოდ იმაში, რომ გლეხებს დაუბრუნეს ვალდებულებებისაგან გათავისუფლებული მიწის მხოლოდ მცირე ნაწილი, რომელიც ოთხასი წლის წინათ იქნა მიტაცებული! მიწის ძალიან მცირე ნაწილი, რადგან უფრო დიდი ნაწილი მიწისა თავადაზნაურობამ და ხაზინამ ისედაც მიითვისეს მათორატი-სა თუ სხვა სარაინდო და სახელმწიფო მამულების სახით!

ფრიდრიხ ენგელსი

ლონდონი, 1885 წ. 24 ნოემბერი.

პირველად დაიბეჭდა როგორც მეორე ნაკვეთი შესავლისა, რომელიც დაერთო 1886 წ. ტიურინგში გამოსულ ვ. ვოლფის წიგნს «სილეზიის მილიარდი»

იბეჭდება ვ. ვოლფის წიგნის მიხედვით, რომელიც გამოვიდა 1881 წ. ტიურინგში თარგმანი გერმანულიდან

III

ქ. მარქსის და ფ. ენგელსის წერილებიდან

ქ. მარქსი — ფ. ენგელსს

1856 წ. 16 აპრილი

...მე საესებით გეთანხმები რაინის პროვინციის¹ საკითხში. ჩვენთვის ის არის საბედისწერო, რომ მომავლის განუვრეტისას ისეთ რამეებს ვხედავ, რასაც «სააშოვლოს ლალატის» სუნი სდის. იმისგან, თუ რა მიმართულებას მიიღებს საქმე ბერლინში, დაჰოკიდებული იქნება, აღმოვჩნდებით თუ არა, იმ მდგომარეობაში, რომელშიც მოხვდნენ ძველი რევოლუციის დროს მაინცის კლუბელები². ჩვენთვის ეს ადვილი როდი იქნება. ჩვენ ხომ კარგად ვიცნობთ რაინის მეორე ნაპირას მცხოვრებ გულად ფრანგ ძმებს! გერმანიაში ყველაფერი დამოკიდებული იქნება იმ შესაძლებლობაზე, რომ პროლეტარულ რევოლუციას ზურგი გაუმაგრდეს გლეხთა ომის რომელიმე მეორე გამოცემით. მაშინ საქმე ჩინებულად წავა.

ქ. მარქსი — ფ. ლასალს

1859 წ. 19 აპრილი

...გადავდივარ ახლა «ფრანც ფონ-ზიკინგენზე». უწინარეს ყოვლისა, მე მინდა შევაქო კომპოზიცია და ცხოველი მოქმედება; ეს კი იმას აღემატება, რისი თქმაც შეიძლება ყოველი თანამედროვე გერმანული დრამის შესახებ. მეორე, თუ განზე გადავდებთ ამ ნაშრომი-

¹ იგულისხმება პრუსიის რაინის პროვინცია. რ ე დ.

² მარქსს მხედველობაში ჰყავს დემოკრატიული კლუბის წევრები მაინციში, რომლებმაც მხარი დაუჭირეს საფრანგეთის რევოლუციურ ჯარებს, როდესაც მათ 1792 წ. ოქტომბერში მაინცის საკურფიურსტო დაიპყრეს. მაინცის კლუბელებმა, რომლებმაც ნაციონალური კონვენტი მოიწვიეს და საკურფიურსტოს ტერიტორიაზე დამოუკიდებელი დემოკრატიული სახელმწიფო შექმნეს, 1793 წლის მარტში მიიღეს დეკრეტი საფრანგეთის რესპუბლიკისათვის მაინცის შეერთების შესახებ, რადგან პრუსიის რეაქციული ჯარები მას დაპყრობით ემუქრებოდნენ. რ ე დ.

სადმი წმინდა კრიტიკულ დამოკიდებულებას, პირველი წაკითხვისას მე მან ძალიან ამაღელვებდა, და, მაშასადამე, იმ მკითხველებზე, რომლებსაც გრძნობა უფრო მეტად აქვთ განვითარებული, იგი კიდევ უფრო ძლიერად იმოქმედებს. ეს მეორე, ძალიან მნიშვნელოვანი მხარეა.

ახლა კი მეცადის მეორე მხარე. **ჯერ ერთი**, — ეს წმინდა ფორმალური მომენტია, — რადგან ლექსით წერდი, შეგეძლო ცოტა უფრო მხატვრულად ჩამოგესხა შენი იამბიკო. ისე კი, თუმცა ეს დაუდევრობა, ალბათ, ესამუშებათ **პროფესიონალ მგოსნებს**, მე მაინც საერთოდ უპირატესობად მიმაჩნია იგი, ვინაიდან ჩვენს მგოსან-ეპიგონებს არა შერჩენიათ რა, გარდა ფორმალური ელვარებისა. **მეორეც**. შენს მიერ განზრახული კოლიზია არა თუ მხოლოდ ტრაგიკულია, არამედ იგი სწორედ ისეთი ტრაგიკული კოლიზიაა, რომელმაც სრულიად საფუძვლიანად დაასამარა 1848 — 1849 წლების რევოლუციური პარტია. და ამიტომ მე შემიძლია სავსებით მივესალმო იმ აზრს, რომ ხსენებული კოლიზია თანამედროვე ტრაგედიის ცენტრალურ პუნქტად იქნეს აღებული. მაგრამ ვეკითხები ჩემს თავს: ვარგა თუ არა შენს მიერ აღებული თემა ამ კოლიზიის გამოსახატავად? ბალთაზარს¹ შეუძლია, რასაკვირველია, წარმოიდგინოს, თითქოს ზიკინგენს რომ თავისი ამბოხება რაინდულ შულლად კი არ მოენათლა, არამედ საიმპერიო ხელისუფლების წინააღმდეგ ბრძოლისა და მთაერების წინააღმდეგ აშკარა ომის დროშა აღემატათ, იგი გაიმარჯვებდა. მაგრამ ჩვენ განა შეგვიძლია გავიზიაროთ ეს ილუზია? ზიკინგენი (და მასთან ერთად, მეტნაკლებად ჰუტენიცი) დაიღუპა არა თავისი მზაკვრობის გამო. იგი დაიღუპა იმიტომ, რომ აღსდგა არსებულის წინააღმდეგ ანუ, უფრო სწორად, არსებულის ახალი ფორმის წინააღმდეგ, როგორც რაინდი და როგორც დაღუპვის გზაზე დამდგარი კლასის წარმომადგენელი. ზიკინგენს რომ მოვაცილოთ ის, რაც მას ახასიათებს როგორც პიროვნებას — მისი განსაკუთრებული ბუნებრივი მიდრეკილება, განათლება და ა. შ., დარჩება გიოც ფონ ბერლიხინგენი. ეს უბადრუკი სუბიექტი კი განასახიერებს თავისი ადევნატური ფორმით ტრაგიკულ დაპირისპირებას, ერთი მხრივ, რაინდობასა და, მეორე მხრივ, იმპერატორსა და თავადებს შორის, და ამიტომ გოეთე მართალი იყო, როცა ის გამირად² აირჩია. რამდენადაც ზიკინგენი, — და ნაწილობრივ თვით ჰუტენიცი, თუმცა მას, როგორც

¹ — ლასალის დრამის ერთ-ერთი პერსონაჟი. რ. ე. დ.

² იგულისხმება გოეთეს ტრაგედია «გიოც ფონ ბერლიხინგენი». რ. ე. დ.

გარკვეული კლასის ყველა იდეოლოგს, ასეთი გამოთქმები მნიშვნელოვნად შეცვლილი ფორმით უნდა ჰქონოდა წარმოთქმული, — გამოდის მთაერების წინააღმდეგ (იმპერატორის წინააღმდეგ ის ხომ მხოლოდ იმიტომ გამოდის, რომ იმპერატორი რაინდთა იმპერატორიდან მთაერების იმპერატორად იქცევა), ამდენადვე იგი ნამდვილად უბრალო დონ-კისოტია, თუმცა — ისტორიულად გამართლებული. ზიკინგენი რომ ამბობხებას იწყებს რაინდთა შუღლის სახით, ეს სხვა არაფერს ნიშნავს, გარდა იმისა, რომ იგი ამ ამბობხებას რაინდულად იწყებს. მას რომ აჯანყება სხვანაირად დაეწყო, იმ შემთხვევაში უშუალოდ, და ამასთან დასაწყისიდანვე, ქალაქებისა და გლეხებისათვის უნდა მიემართნა, ე. ი. სწორედ იმ კლასებისათვის, რომელთა განვითარება რაინდობის უარყოფის მომასწავებელია.

თუ შენ არ გინდოდა ეს კოლიზია «გიოც ფონ ბერლიხინგენში» გამოსაძულ კოლიზიამდე დაგეყვანა მხოლოდ, — ეს კი შენს გეგმაში არ შედიოდა, — ამ შემთხვევაში ზიკინგენი და ჰუტენი უნდა დაღუპულიყვნენ, იმიტომ რომ ისინი თავიანთი წარმოდგენით რევოლუციონერები იყვნენ (რისი თქმაც არ შეიძლება გიოცის შესახებ), და სრულიად ისევე, როგორც განათლებული პოლონელი თავადაზნაურობა 1830 წელს, ერთი მხრივ, თანამედროვე იდეების გამტარებლები გახდნენ, ხოლო, მეორე მხრივ, სინამდვილეში რეაქციული კლასის ინტერესების წარმომადგენლები იყვნენ. მამასადამე, მთელი ინტერესი არ უნდა ყოფილიყო მიმართული — როგორც ეს შენს დრამაშია — რევოლუციის თავადაზნაურულ წარმომადგენლებზე, რომელთა ერთიანობისა და თავისუფლების ლოზუნგების უკან ჯერ კიდევ იმალება ოცნება ძველს იმპერიასა და მუშტის სამართალზე; და, პირიქით, გლეხების წარმომადგენლებს (განსაკუთრებით მათ) და ქალაქთა რევოლუციური ელემენტების წარმომადგენლებს ფრიად არსებითი აქტიური ფონი უნდა შეექმნათ. ეს შენ შესაძლებლობას მოგცემდა უფრო მეტად და სრულიად გულუბრყვილო ფორმით გამოგეთქმევინებინა შენი გმირებისათვის ყველაზე უფრო თანამედროვე იდეები, ახლა კი ფაქტიურად ძირითად იდეას, გარდა რელიგიური თავისუფლებისა, მოქალაქეობრივი ერთიანობა წარმოადგენს. მაშინ შენ ძალაუხებურად მოვისდებოდა უფრო შექსპირისებურად წერა; ახლა კი შენს ძირითად ნაკლოვანებად ის მიმაჩნია, რომ შენ შილერისებურად წერ, ვინაიდან ინდივიდუუმები დროის იდეების უბრალო რუპორებად გადაგიქცევიან. ხომ არ სჩადიხარ შენ თვითონ, შენი ფრანც ფონ ზი-

კინგენის მსგავსად, დიპლომატიურ შეცდომას, როდესაც ლუთერულ-რაინდულ ოპოზიციას პლებეურ-მიუნცერულზე მაღლა აყენებ?

შემდეგ, ხასიათთა გამოკვეთის მხრივ გაკვია სწორედ დამახასიათებელი ნიშნები. გამონაკლისს შეადგენენ კარლოს V, ბალთაზარი და რინარდ ტირიელი. ამავე დროს, განა მოიპოვება სხვა უფრო გამოკვეთილი ხასიათების შემცველი ეპოქა, ვინემ XVI საუკუნეა? ჰუტენი, ჩემის აზრით, უკვე მეტისმეტად განასახიერებს მარტოოდენ «აღფრთოვანებას», ეს კი მოსაწყენია. განა ის ამავე დროს ნიჭიერი და უაღრესად გონებამოსწრებული კაციც არ იყო? ხომ არ ჩაიდინე მის მიმართ დიდი უსამართლობა?

თუ რამდენად არის თვით შენი ზიკინგენი, — აქვე უნდა ითქვას, რომ იგიც აგრეთვე მეტად აბსტრაქტულად გყავს გამოსახული — ყველა მისი პირადი ვარაუდისაგან დამოუკიდებელი კოლიზიის მსხვერპლი, ეს იქედან სჩანს, რომ იგი თავის რაინდებს ქალაქებთან მეგობრობას უქადაგებს, ხოლო, მეორე მხრივ, თვითონ იყენებს ქალაქების მიმართ მუშტის სამართლის ნორმებს...

ფ. ენგელსი — ფ. ლასალს

1859 წ. 18 მაისი

...რაც შეეხება ისტორიულ შინაარსს, თქვენ ძალიან თვალსაჩინოდ და შემდგომი განვითარების სწორი გათვალისწინებით გაქვთ გამოსახული მაშინდელი მოძრაობის ორივე მხარე, რომელიც თქვენ ყველაზე უფრო გაინტერესებდათ: ნაციონალური თავადაზნაურული მოძრაობა, რომლის წარმომადგენელი ზიკინგენი იყო, და ჰუმანიურ-თეორიული მოძრაობა მისი შემდგომი განვითარებით თეოლოგიისა და ეკლესიის სფეროში, ე. ი. რეფორმაციით. აქ ყველაზე უფრო მომეწონა სცენები ზიკინგენსა და იმპერატორს შორის და ლეგატსა და ტირიელ არქიეპისკოპოსს შორის (ამასთან აქ თქვენ შესძელით მოგეცათ მშვენიერი ინდივიდუალური დახასიათება მით, რომ ერისკაცს, ესთეტიკურად და კლასიკურად განათლებულ, პოლიტიკურად და თეორიულად შორსმჭვრეტელ ლეგატს უპირისპირებთ გონებაჩლუნგ გერმანელ მღვდელმთავარს — ესაა დახასიათება, რომელიც იმავე დროს პირდაპირ გამომდინარეობს ორივე მოქმედი პირის როგორც ტიპიურ წარმომადგენელთა

ხასიათიდან); მეტისმეტად მკვეთრად არის ხასიათები გამოსახული აგრეთვე სცენაში ზიკინგენსა და კარლოსს შორის. რაც შეეხება ჰუტენის ავტობიოგრაფიას, რომლის შინაარსი სამართლიანად მიგაჩნიათ არსებითად, ამ შინაარსის დრამაში ჩართვით, უეჭველად, ძალიან სარისკო ნაბიჯი გადავიდგამთ. უალრესად მნიშვნელოვანია აგრეთვე საუბარი ბალთზარსა და ფრანცს შორის V აქტში, სადაც პირველი მოუთხრობს თავის ბატონს ნამდვილ რევოლუციურ პოლიტიკას, რომელსაც ეს უკანასკნელი უნდა მიჰყევოდეს. სწორედ აქ წარმოგვიდგება თვალწინ ნამდვილი ტრაგიკული მხარე, და მე მგონია, რომ საქმის სწორედ ეს მხარე, მისი დიდი მნიშვნელობის გამო, რამდენადმე უფრო მკვეთრად უნდა ყოფილიყო ხაზგასმული უკვე მესამე მოქმედებაში, რომელიც ამისათვის საკმაო საბაბს იძლევა. მაგრამ მე კვლავ მეორეხარისხოვან საკითხებს გამოვეციდე.

იმდროინდელი ქალაქებისა და თავადების პოზიციაც ბევრადგილას ძალიან ცხოვლადაა გამოსახული და ამგვარად მეტნაკლებად არის ამოწურული მაშინდელი მოძრაობის ეგრეთწოდებული ოფიციალური ელემენტები. მაგრამ ვფიქრობ, რომ თქვენ საკმაო ყურადღება არ მიგიქცევიათ არაოფიციალური — პლებეური და გლეხური — ელემენტებისათვის და მათი თანამგზავრი თეორიული დარგის წარმომადგენლებისათვის. გლახთა მოძრაობაც თავისებურად ისევე ნაციონალური იყო და იმავე ზომით მიმართული იყო მთავრების წინააღმდეგ, როგორც აზნაურთა მოძრაობა, ხოლო ბრძოლის კოლოსალური გაქანება, რომელშიც მან დამარცხება განიცადა, მკვეთრ კონტრასტს შეადგენს იმ სიადვილესთან შედარებით, რომლითაც თავდაზნაურობამ ზიკინგენი ბედის ანაბარად მიატოვა და თავის ისტორიულ მოწოდებას — მონურ მორჩილებას შეურიგდა. სწორედ ამიტომ დრამის თქვენებური გაგებითაც, რომელიც მე როგორც თქვენ, ალბათ, შეამჩნიეთ, მეტისმეტად აბსტრაქტულად და არასაკმაოდ რეალისტურად მიმაჩნია, გლახთა მოძრაობა მეტი ყურადღებით განხილვის ღირსია; მართალია, გლახთა სცენა იოს ფრიტთან დამახასიათებელია და ამ «შფოთისათვის» ინდივიდუალობა სრული სისწორითაა გამოსახული, მაგრამ იგი მაინც საკმაო სიძლიერით ვერ აღნიშნავს თავდაზნაურული მოძრაობისაგან განსხვავებით იმ დროისათვის უკვე დიდ ნიაღვრად მოდებულ გლახთა მოძრაობას. დრამის ჩემი გაგების თანახმად, რომელიც მოითხოვს, რომ იდეალურის გამო არ დავივიწყოთ რეალისტური, შილერის გამო — შექსპირი, მაშინდელი, საოცრად ჰრელი

პლებეური საზოგადოებრივი სფეროს შეყვანა მოკმედებაში სრულიად სხვაგვარ მასალად გამოდგებოდა დრამაში სიცხოველის შესატანად, დაუფასებელ ფონს შეჰქმნიდა ავანსცენაზე მიმდინარე ნაციონალური თავადაზნაურული მოძრაობისათვის და პირველად გამოიტანდა თვით ამ მოძრაობას ჰემმარიტ სინათლეზე. რარიგ საოცრად დამაზასითებელ სახეებს იძლევა ამ ფეოდალური ურთიერთკავშირის რღვევის ეპოქა მაწანწალა მათხოვართა მეფეების, ულუქმაპურო ლანდსკნეხტებისა და ყოველგვარი ავანტურისტების სახით, — ეს ჰემმარიტად ფალსტაფური ფონია, რომელიც ასეთი ტიპის ისტორიულ დრამაში კიდევ უფრო ეფექტური იქნებოდა, ვიდრე შექსპირის ნაწარმოებებში. მაგრამ ამაზეც რომ არა ვთქვათ რა, მე მგონია იმით, რომ უკანა რიგში დააყენეთ გლენხთა მოძრაობა, თქვენ არასწორად გამოსახეთ, ერთი მხრივ, თვით თავადაზნაურული ნაციონალური მოძრაობა და ამასთან მხედველობიდან გამოტოვეთ ზიკინგენის ბედის ნამდვილად ტრაგიკული ელემენტიც. ჩემი აზრით, მაშინდელი საიმპერიო თავადაზნაურობის მასა არ აბირებდა კავშირის შეკვრას გლენხებთან; ამას შეუძლებელს ხდიდა ის გარემოება, რომ თავადაზნაურობა ჩაგერის გზით მიღებულ შემოსავალზე იყო დამოკიდებული. კავშირის დამყარება უფრო ქალაქებთან შეიძლებოდა, მაგრამ ეს კავშირიც ან სრულებით არ განხორციელდებულა, ან მხოლოდ ნაწილობრივად ხორციელდებოდა. ამასთანავე, ნაციონალური თავადაზნაურული რევოლუციის გატარება შესაძლებელი იყო მხოლოდ ქალაქებთან და გლენხებთან, განსაკუთრებით უკანასკნელებთან, კავშირის არსებობისას. ჩემი აზრით, ტრაგიკული მომენტი სწორედ ის არის, რომ კავშირი გლენხებთან — ეს ძირითადი პირობაა — შეუძლებელი იყო, რომ ამიტომ თავადაზნაურობის პოლიტიკა აუცილებლობის გამო წერილმანი უნდა ყოფილიყო, რომ იმ მომენტში, როდესაც თავადაზნაურობამ მოინდომა ნაციონალური მოძრაობის სათავეში ჩამდგარიყო, ერის მასამ, გლენხობამ, პროტესტი განაცხადა მისი ხელმძღვანელობის წინააღმდეგ, და იგი ამგვარად აუცილებლად უნდა დაცემულიყო. რამდენად დასაბუთებულია ისტორიულად თქვენი აზრი, თითქოს ზიკინგენი რამდენაღვე მაინც იყო გლენხებთან დაკავშირებული, მე არ შემიძლია განვსაჯო. ამას არც აქვს მნიშვნელობა. ისე კი, რამდენადაც მაგონდება, იქ, სადაც თავის ნაწერებში ჰუტენი გლენხებს მიმართავს, იგი საჩოთირო პუნქტს თავადაზნაურობასთან დამოკიდებულების შესახებ მხოლოდ გაკვრით ეხება და ცდილობს გლენხების გააფთრება უმთავრესად ხუცების წინააღმდეგ მი-

მართოს. რასაკვირველია, მე სრულებით არ მინდა სადავოდ გავხადო თქვენი უფლება — ზაქინგენი და ჰუტენი ისეთ მოღვაწეებად წარმოადგინოთ, რომლებსაც გლეხების განთავისუფლება ჰქონდათ მიზნად დასახული. მაგრამ სწორედ აქ იჩენს თავს ტრაგიკული წინააღმდეგობა, სახელდობრ ის, რომ ისინი ორივენი შუამავლები იყვნენ, ერთი მხრივ, თავადაზნაურობასა და, მეორე მხრივ, გლეხობას შორის, რომელთაგან პირველი გადაქრით წინააღმდეგ იყო ამ განთავისუფლებისა. ეს იყო, ჩემი აზრით, ტრაგიკული კოლიზია ისტორიულად აუცილებელ პოსტულატსა და მისი განხორციელების პრაქტიკულ შეუძლებლობას შორის. თქვენ ამ მომენტს მხედველობიდან უშვებთ და ამცირებთ ტრაგიკულ კონფლიქტს იმ ზომამდე, რომ ზიკინგენი, ნაცვლად იმისა, რომ მყისვე შეუდგეს ბრძოლას იმპერატორისა და იმპერიის წინააღმდეგ, ბრძოლას იწყებს მხოლოდ ერთ მთავართან (თუმცა თქვენ აქაც სათანადო ტაქტით გამოგყავთ გლეხები სამოქმედო სარბიელზე) და იღუპება უბრალოდ თავადაზნაურობის გულგრილობისა და სიმხდალის შედეგად. ეს სიმხდალე სრულიად სხვაფრივ იქნებოდა მოტივირებული, თქვენ რომ უკვე მანამდის გაგესვათ უფრო ძლიერად ხაზი გლეხთა მოძრაობის მზარდი საშიშროებისათვის და თავადაზნაურობის სულიერი განწყობილებისათვის, რომელიც უცილობლად უფრო კონსერვატიული გახდა «წალის»კავშირისა და «საწყალი კონრადის» შექმნეგ. მაგრამ ყველაფერი ეს, რასაკვირველია, მხოლოდ ერთ-ერთი გზაა, რომლითაც შეიძლება შეტანილ იქნეს დრამაში გლეხური და პლებეური მოძრაობა, არსებობს კიდევ — სულ ცოტა — ათეული სხვა, ასეთივე ან შეიძლება კიდევ უკეთესი გზა...

ფ. ენგელსი — კ. მარქსი

1882 წ. 15 დეკემბერი.

ძვირფასო მავრ!

ამასთან გიგზავნი დანართს მარქის შესახებ¹. ძალიან გთხოვ, კვირას უკანვე დამიბრუნო, რომ ორშაბათს შევძლო მისი გადასინჯვა; დღეს ვერ მოვასწარი საბოლოოდ გადამეთვალისწინებინა.

აქ გამოთქმული შეხედულება გლეხთა მდგომარეობაზე შუა

¹ იხ. ამ გამოცემის 133 გვ. რეღ.

საუკუნეების დროს და მეორე ბატონყმობის წარმოშობაზე XV საუკუნის შუა წლებიდან, საერთოდ უდავოდ მიმაჩნია. მთლიანად გადავიკითხე მაურერის შრომის ყველა შესაფერისი ადგილი; იქ თითქმის ყველა ჩემს მიერ წამოყენებულ დებულებებს ვპოულობ, ამასთან დასაბუთებულს, ხოლო მათ გვერდით მოყვანილია პირდაპირ საწინააღმდეგო მტკიცებანიც, მაგრამ ან დაუსაბუთებლად, ანდა ისინი ისეთი ეპოქიდან არიან ამოღებული, რომელთა შესახებ აქ ლაპარაკი სულაც არაა. ეს განსაკუთრებით ეხება «მემამულეთა მეურნეობებს», ტომი 4, დასკვნა¹. მაურერი იმიტომ ვარდება ამ წინააღმდეგობებში, რომ 1) მიჩვეულია ყველა ეპოქის საბუთები. და მაგალითები ერთმანეთის გვერდით და ერთმანეთში აღრევით მოიტანოს, 2) იურიდიული შეზღუდულობის გადმონათვის წყალობით, რაც მას ყოველთვის გზად ეღობება, როცა საქმე ეხება განვითარების გაგებას, 3) იმის გამო, რომ ის ძალდატანებასა და მის როლს მეტისმეტად ნაკლებ მნიშვნელობას ანიჭებს, 4) იმ «განმანათლებლური» ცრურწმენის გამო, თითქოს შავბნელი შუასაუკუნეებიდან დაწყებული ადგილი უნდა ჰქონდეს მუდმივ წინსვლას უკეთესისაკენ; ეს მას ხელს უშლის დაინახოს არა მარტო ნამდვილი წინსვლის ანტაგონისტური ხასიათი, არამედ რეგრესის ცალკეული შემთხვევებიც.

შენ თვითონ დაინახავ, რომ შრომა ერთბაშად დაწერილი არაა და ცალკე ნაწილებისაგან შედგება. პირველი მონახაზი ერთბაშად გავაკეთე, მაგრამ, სამწუხაროდ, იგი სწორი არ იყო. მხოლოდ თანდათანობით დავეუფლე მასალას და ამიტომაც ბევრი ვასწორე და ჩავაკერე.

სხვათა შორის, ბატონყმობის ხელახლა შემოღებაა ყველგან იმის მიზეზი, თუ რატომ ვერ განვითარდა მრეწველობა XVII და XVIII საუკუნეების გერმანიაში. ჯერ ერთი, საამქროებში შრომის იმის საწინააღმდეგო განაწილება, რაც მანუფაქტურაში იყო: ნაცკლად შრომის განაწილებისა სახელოსნოს შიგნით, შრომა ნაწილდება საამქროებს შორის. აქ, ინგლისში ადგილი ჰქონდა მრეწველობის გადატანას სოფლად, სადაც ამქრებს არ იცნობდნენ. გერმანიაში ამას ხელს უშლიდა სოფლის მცხოვრებთა და მიწათმოქმედ საეაქრო დაბების მოსაბლეობის ყმებად გადაქცევა.

¹ ენგელსი გულისხმობს გ. მაურერის ოთხტომიან შრომას «მებატონეთა და გლეხთა მეურნეობებისა და საკომლო წყობის ისტორია გერმანიაში» (G. L. Mayer. Geschichte der Frohnhöfe, der Bauernhöfe und der Hofverfassung in Deutschland, B. I — IV. Erlangen 1862 — 1863). რეღ.

მაგრამ, ამის გამო, როგორც კი გაჩნდა უცხოური მანუფაქტურის კონკურენცია, ამქრებიც საბოლოოდ მოისპო. მე აქ არ ვეხები სხვა დანარჩენ მიზეზებს, რომელთაც გავლენა მოახდინეს გერმანული მანუფაქტურის შეფერხებაზე.

ფ. ენგელსი — კ. მარქსს

1882 წ. 16 დეკემბერი

...ყველაზე უფრო მე მიინტერესებს შენ აზრი XIII და XIV საუკუნეებში ბატონყმობის თითქმის. სრული — უფლებრივი თუ ფაქტიური — გაქრობის თაობაზე, ვინაიდან შენ ამ საკითხზე აღრე სხვანაირ შეხედულებას გამოსთქვამდი. რაც შეეხება ელბის აღმოსავლეთით მდებარე მიწებს, იქ კოლონიზაციის გამო მტკიცედ არის დამყარებული გერმანელ გლეხთა თავისუფლება; შლეზვიგ-ჰოლშტაინის შესახებ. მაურერი აღიარებს, რომ იმ დროს «ყველა» გლეხმა კვლავ მიადწია თავისუფლებას (შესაძლებელია XIV საუკუნეზე ცოტა გვიან). იგი სამხრეთ გერმანიის მიმართაც აღნიშნავს, რომ დამოკიდებულ გლეხებს ყველაზე უკეთესად სწორედ მაშინ ეპყრობოდნენო. ასევე მეტნაკლებად ქვემო საქსონიაშიაც (მაგალითად, ახალი «მაიერები»¹ — ფაქტიურად მემკვიდრეობითი მეიჯარეები არიან). იგი მხოლოდ კიდლინგერის შეხედულების წინააღმდეგია, თითქოს ბატონყმობა პირველად მხოლოდ XVI საუკუნეში წარმოშობილიყო. მაგრამ ბატონყმობა რომ შემდეგ კვლავ გამოცოცხლდა და, მეორე გამოცემის სახით ხელახლა გაჩნდა, ეს ეკვმიუტანელი მგონია. მაიტცენს ის თარიღები მოჰყავს, როდესაც ხელახლა იწყება ყმებზე ლაპარაკი აღმოსავლეთ პრუსიაში, ბრანდენბურგსა და სილეზიაში; ეს ხდება XVI საუკუნის შუა წლებში; იგივე მონაცემები აქვს ჰანსენს შლეზვიგ-ჰოლშტაინისათვის. მაურერი მართალია, როცა ახალ ბატონყმობას შერბილებულა

¹ მაიერიანული ცი — შუა საუკუნეებში მამასახლისი კოლონისტი გლეხებისა. რომლებიც გერმანელი ფეოდალების მიერ დაპყრობილ სლავიანთა მიწებზე სახლდებოდნენ გარკვეულ ვალდებულებათა შესრულების პირობით; იგი ხშირად შუამავლის როლში გამოდიოდა. ფეოდალსა და გლეხს შორის, რისთვისაც მთელი რიგი უპირატესობით სარგებლობდა (დიდი ფუძე, ვალდებულებათაგან თავისუფლება და ა. შ.) რედ.

უწოდებს, თუკი მას შევადარებთ IX — XI საუკუნეთა ბატონყმობას, რომელიც ჯერ კიდევ ძველგერმანული მონობის გაგრძელებას წარმოადგენდა; მაშინკი მართალია აგრეთვე იმ იურიდიულ უფლებათა საკითხში, რომელიც ჰქონდა ბატონს ყმების მიმართ საქართლის კოდექსების თანახმად ჯერ კიდევ XIII საუკუნეში და უფრო გვიანაც. მაგრამ XIII და XIV საუკუნის, ხოლო ჩრდილოეთ გერმანიაში XV საუკუნის, გლახთა ფაქტიური მდგომარეობასთან შედარებით, ახალი ბატონყმობა ყველაფერი იყო, რაც გნებავთ, ოღონდ არა შერბილება. განსაკუთრებით კი ოცდაათწლიანი ომის შემდეგ! აღსანიშნავია აგრეთვე ის, რომ შუა საუკუნეებში მებეგრეობისა და ბატონყმობის იმდენი ზარისხები არსებობდა, რომ «საქსონიის სარკე»¹ უარს ამბობს ყმების უფლებაზე ილაპარაკოს, — ოცდაათწლიანი ომის შემდეგ საქმე საოცრად შარტივდება. მოკლედ, მე მოუთმენლად მოველო შენს აზრს...

ფ. ენგელსი — ფ. მერინგი

1893 წ. 14 ივლისი

წიგნის შესახებ კი საერთოდ მე შემძლია მხოლოდ გავიმეორო ის, რაც არაერთხელ მითქვამს სტატიების თაობაზე, როდესაც ისინი «Neue Zeit-ში» ქვეყნდებოდა; ეს წიგნი ერთ-ერთი საუკეთესო გადმოცემაა, ყველა მათ შორის, რაც კი არსებობს პრუსიის სახელმწიფოს გენეზისის შესახებ, შემძლია ვთქვა, რომ იგი არის ერთადერთი კარგი გადმოცემა, რომელიც უმეტეს შემთხვევაში დაწვრილებით და სწორად ხსნის ყველა ურთიერთკავშირს; სამწუხაროა მხოლოდ, რომ თქვენ მაშინვე ერთბაშად არ მოჰკიდეთ ხელი მთელ შემდგომ განვითარებასაც თვით ბისმარკამდე; მე უნებურად იმედი მებაღება, რომ თქვენ ამასაც გააკეთებთ მომავალში და მოგვეცემთ საერთო სურათს, რომელშიც მწყობრად იქნება გად-

¹ «საქსონიის სარკე» შუა საუკუნეებრივი გერმანული სამართლის წიგნი, რომელშიც ჩაწერილი იყო ადგილობრივი (საქსონური) ადათობრივი სამართალი. რედ.

² ილაპარაკა ფ. მერინგის შრომაზე «ლეგენდა ლესინგის შესახებ», რომელიც 1892 წ. იბეჭდებოდა მთელი რიგი წერილების სახით გერმანიის სოციალ-დემოკრატიის თეორიულ ორგანოში «Die Neue Zeit» («ახალი დროება»), ხოლო 1893 წ. ძალზე გამოცემის სახით გამოვიდა. არსებობს ამ შრომის რუსული თარგმანი. რედ.

მოცემული მთელი ისტორია დაწყებული კურფიურსტ ფრიდრიხ-ვილჰელმიდან და გათავებული მოხუცი ვილჰელმით. თქვენ წინასწარი სამუშაო უკვე ჩატარებული გაქვთ და, ძირითად საკითხებში მაინც, შეიძლება ითქვას, საბოლოოდაც. ეს კი უნდა გაკეთდეს, მანამდე, ვიდრე მთელი მოძველებული ნაგებობა დაემხოვოდეს. თუმცა მონარქიულ-პატრიოტული ლეგენდების დამსხვრევა არც წარმოადგენს აბსოლუტურად აუცილებელ წინაპირობას იმ მონარქიის მოსასპობად, რომელიც კლასობრივ ბატონობას ნიღბავს (ვინაიდან წმინდა, ბურჟუაზიული რესპუბლიკა გერმანიაში — ვიდრე წარმოშობას მოასწრებდა — უკვე გავლილი ეტაპი აღმოჩნდა), მაგრამ იგი მაინც წარმოადგენს ერთ-ერთ ყველაზე ძლიერად მოქმედ ბერკეტს ამგვარი მოსპობისათვის.

მაშინ თქვენ უფრო მეტი გასაქანი და უფრო მეტი სპეციალური საბაზი გექნებათ იმისათვის, რომ გამოხატოთ პრუსიის ადგილობრივი ისტორია, როგორც საერთოდ გერმანიის უბადრუკი ბედის ნაწილი. აი სწორედ ეს არის ის პუნქტი, რომელშიაც მე ცოტა არ იყოს თქვენ არ გეთანხმებით. სახელდობრ, გერმანიის დაქუცმაცებისა და XVI საუკუნის გერმანიის ბურჟუაზიული რევოლუციის დამარცხების მიზეზების თქვენს გაგებაში. თუ ჩემი «გლახთა ომის» ისტორიული შესავლის ხელახლა გადაშუშავების შემთხვევა მომეცა, რაც, იმედი მაქვს, მომავალ ზამთარს მოხდება, მაშინ შევძლებ განვაფიქროო იქ სათანადო მომენტები. იმიტომ კი არა, რომ მე თქვენს მიერ მოყვანილ მიზეზებს არასწორად ვთვლიდე, არამედ მათ გვერდით მე ვაყენებ სხვა მიზეზებსაც და რამდენაღმე სხვაგვარად ვაჭგუფებ მათ.

როდესაც ვსწავლობდი გერმანიის ისტორიას, რომელიც ერთ მთლიან უბადრუკობას წარმოადგენს, მე ყოველთვის ვთვლიდი, რომ მხოლოდ საფრანგეთის ისტორიის სათანადო ეპოქებთან შედარება გვაძლევს სწორ საზომს, ვინაიდან იქ სწორედ იმის საწინააღმდეგო ხდება, რაც ჩვენში. იქ ნაციონალური სახელმწიფოს წარმოშობა ხდება ფეოდალური სახელმწიფოს *disiecta membra*¹ - დან. ჩვენში კი ამ დროს სწორედ ყველაზე უკიდურესი დაცემულობის პერიოდია. იქ — იშვიათი ობიექტური ლოგიკა არის მთელი პროცესის მსვლელობაში, ჩვენში კი — სულ უფრო და უფრო უიმედო რღვევა. იქ — შუა საუკუნეების პერიოდში უცხოელთა შემოსევა ინგლისელი დამპყრობლის სახით არის წარმოდგენილი, რომელიც პროვან-

¹ ლათ. — გაფანტული ნაწილები. რ ე ლ.

სული ეროვნების სასარგებლოდ ერევა ჩრდილო-ფრანგული ეროვნების წინააღმდეგ. ფრანგებისთვის ინგლისელებთან ომები! თავისებურ ოცდაათწლიან ომს წარმოადგენენ, მაგრამ იქ ეს ომები უცხოელი ინტერვენტების განდევნითა და სამხრეთის ჩრდილოეთისადმი დამორჩილებით მთავრდება. შემდეგ ამას მოსდევს ცენტრალური ხელისუფლების ბრძოლა უცხო სამფლობელოებზე დაყრდნობილი თავისი ბურგუნდიელი ვასალის წინააღმდეგ, რომლის როლიც ბრანდენბურგ-პრუსიის როლს შეესატყვისება, მაგრამ ეს ბრძოლა ცენტრალური ხელისუფლების გამარჯვებით და ნაციონალური სახელმწიფოს შექმნით მთავრდება. ჩვენში კი სწორედ ამ მომენტში ნაციონალური სახელმწიფო საბოლოოდ ირღვევა (თუკი «გერმანულ სამეფოს» წმინდა რომის იმპერიის ფარგლებში შეიძლება ვუწოდოთ ნაციონალური სახელმწიფო) და იწყება გერმანიის მიწების გაძარცვა დიდი მასშტაბით. ეს გერმანელებისათვის უალრესად სამარცხვინო შედარებაა, მაგრამ მით უფრო ჰკუთის სასწავლებელია, და მას შემდეგ, რაც ჩვენმა მუშებმა გერმანია კვლავ ისტორიული მოძრაობის პირველ რიგებში ჩააყენეს, ჩვენ შეგვიძლია რამდენადმე უფრო ადვილად გადავყლაპოთ წარსულის სირცხვილი.

გერმანიის განვითარების განსაკუთრებით განმასხვავებელ ნიშანს ისიც წარმოადგენს, რომ იმპერიის ორივე შემადგენელი ნაწილიდან, რომლებმაც ბოლოს და ბოლოს ერთმანეთს შორის გაიყვეს მთელი გერმანია, არც ერთი არაა წმინდა გერმანული; ისინი წარმოადგენდნენ კოლონიებს დაპყრობილ სლავურ მიწებზე; ავსტრია იყო ბავარიის კოლონია, ბრანდენბურგი — საქსონიისა; და ძალაუფლება მათ თ ვ ი თ გერმანიაში მხოლოდ იმით მოიპოვეს, რომ თავიანთ უცხო, არაგერმანულ სამფლობელოებს ეყრდნობოდნენ: ავსტრია — უნგრეთს (აღარაფერს ვამბობთ ბოჰემიაზე), ბრანდენბურგი — პრუსიას. დასავლეთის საზღვარზე, რომელსაც ყველაზე მეტი ზიფათი მოელოდა, ამის მსგავსი არაფერი ყოფილა, ჩრდილოეთის საზღვარზე გერმანიის დაცვა დანიელებისაგან თვითონ დანიელებსვე მიანდეს, ხოლო სამხრეთი იმდენად ნაკლებ საჭიროებდა დაცვას, რომ მათ, ვისაც უნდა დაეცვათ საზღვრები — შვეიცარიელებმა, თვითონვე შესძლეს გერმანიას გამოჰყოფოდნენ!

¹ მხედველობაშია ეგრეთწოდებულ ასწლიანი ომი ინგლისსა და საფრანგეთს შორის, რომლის დროსაც ადგილი ჰქონდა ინგლისელ ფეოდალთა არაერთგზის შემოსევებს საფრანგეთის ტერიტორიაზე და რომელიც ზოგიერთი შესვენებებით 1337 წლიდან 1453 წ. გაგრძელდა. — რ ე დ.

ფ. ენგელსი — კ. კაუცკის

1895 წ. 21 მაისი

შენი წიგნის შესახებ¹ ის შემძლია ვთქვა, რომ იგი თანდათან უკეთესი ხდება. პლატონი და ადრინდელი ქრისტიანობა ჯერ კიდევ არ არის საკმარისად გარჩეული, თავდაპირველი გეგმის თანახმად, შუასაუკუნეების სექტები უკვე გაცილებით უკეთესია, ხოლო შემდეგ მიდის *crescendo*². ყველაზე უკეთესია, თაბორელები მიუნცერი, ანაბაპტისტები. ბევრ ადგილას მოცემულია პოლიტიკური ამბების ფრიად სერიოზული ეკონომიური დასაბუთება, მაგრამ ამასთან ერთად მოიპოვება ზოგადი გაცეითლი ადგილები, იქ, სადაც მქლავნდება საგნის არასაკმაო ცოდნა. ამ წიგნიდან მე ბევრი რამ ვისწავლე: ჩემი «გლებთა ომის» გადასამუშავებლად ის აუცილებელ მასალას წარმოადგენს. მე მგონია, რომ მთავარი შეცდომა ორია: 1) ფრიად არასაკმარისად არის გამოკვლეული განვითარება და როლი იმ სავსებით ფეოდალურ-წოდებრივი სტრუქტურის გარეთ მდგომი, დეკლასირებული, თითქმის პარიების მდგომარეობაში ჩუკვი ელემენტებისა, რომელთა გაჩენა აუცილებელი იყო ყოველი ქალაქის შექმნისას და რომლებიც შუა საუკუნეებში ყოველი ქალაქის მოსახლეობის ყველაზე დაბალ, უუფლებო ფენას შეადგენდნენ და თემისაგან, ფეოდალური დამოკიდებულებისა და საამქრო კაქშიარისაგან თავისუფალი იყვნენ. ასეთი გამოკვლევა ძნელი საქმეა, მაგრამ იგი მთავარი ბაზისია, იმიტომ რომ თანდათანობით ფეოდალური ურთიერთობის დაშლასთან ერთად იქმნება ის წინა პროლეტარიატი, რომელმაც 1789 წელს პარიზის გარეუბნებში რევოლუცია მოახდინა, შეიწოვა რა ფეოდალური და ამქრული საზოგადოებიდან განკიცხულ-განდევნილი. შენ ლაპარაკობ პროლეტარებზე — ეს გამოთქმა შეუფერებელია — და აქ ფეიქრებსაც ურთავ; რომელთა დიდ მნიშვნელობას სრულიად სწორად გამოხატავ; — მხოლოდ მას შემდეგ, რაც გაჩნდნენ დეკლასირებული, არაამქრული მოჯამაგირე ფეიქრები და რამდენადაც ასეთები არსებობდნენ, მხოლოდ ამდენად შეგიძლია ისინი შენს, «პროლეტარიატს» მიაკუთვნო. აქ ჯერ კიდევ ბევრი რამ არის საბოლოოდ დასამუშავებელი.

¹ ენგელსს მხედველობაში აქვს კაუცკის წიგნი «უახლესი სოციალიზმის წინაპორბედნი». რ ე დ.

² — სულ უფრო მზარდი ძალით. რ ე დ.

2) შენ ბოლომდე ვერ ჩასწვდი მდგომარეობას მსოფლიო ბაზარზე, — რამდენადაც ამაზე შეიძლება ლაპარაკი, — გერმანიის საერთაშორისო ეკონომიურ მდგომარეობას XV ს. დამლევს. მხოლოდ ამ მდგომარეობით აიხსნება ის, თუ რატომ იყო, რომ ზურ-უჯაზიულ-პლებეურ მოძრაობას რელიგიური ფორმით, რომელიც ინგლისში, ნიდერლანდიაში, ბოჰემიაში დამარცხდა, XVI საუკუნეში შეეძლო გარკვეული წარმატება ჰქონოდა: გერმანიაში ეს არის წარმატება მისი რელიგიური სამოსელისა, მაშინ როდესაც ბურჟუაზიული შინაარსის წარმატება მომდევნო საუკუნეს და იმ ქვეყნებს ხედა წილად, რომლებიც მსოფლიო ბაზრის იმდროისათვის წარმოშობილი ახალი მიმართულებით მდებარეობდნენ: ჰოლანდიასა და ინგლისს. ეს ფართო თემაა, რომელსაც, მე ვიმედოვნებ, ვრცლად გადმოვცემ «გლახთა ომში», ოღონდ კი საამისოდ მოვიცლიდე!..

IV

ურდილის ენაელის ხელნაწერი მემკვიდრეობიდან

ფეოდალიზმის დაშლისა და ეროვნულ სახელმწიფოთა წარმოშობის შესახებ¹

იმ დროს, როდესაც გაბატონებული ფეოდალური თავადაზნაურობის გაშმაგებული ბრძოლები ხმაურით ავსებდნენ შუა საუკუნეებს, ჩაგრული კლასების შეუმჩნეველი მუშაობა ძირს უთხრიდო ფეოდალურ სისტემას მთელ დასავლეთ ევროპაში და ისეთ პირობებს ქმნიდა, რომელშიც ფეოდალს სულ უფრო და უფრო მცირე ადგილი რჩებოდა. მართალია, სოფელში ფეოდალები ჯერ კიდევ ფარფაშობდნენ, სტანჯავდნენ ყმა გლეხებს, ფუფუნებით ცხოვრობდნენ მათი ოფლისა და სისხლის ხარჯზე, თელავდნენ მათს ნათესებს, აუპატიურებდნენ მათს ცოლებსა და ქალიშვილებს. მაგრამ ყველგან უკვე იზრდებოდა ქალაქები; იტალიაში, სამხრეთ საფრანგეთში, რაინზე ფერფლით აღსდგა ძველრომაელთა მუნიციპიუმები; სხვაგან, განსაკუთრებით შიდა გერმანიაში, იქმნებოდა ახალი ქალაქები, რომლებიც ყოველთვის გარშემორტყმული იყო ციხე-გალავენებით და სანგრებით; ისინი გაცილებით უფრო მიუვალ ციხეებს წარმოადგენდნენ, ვიდრე თავადაზნაურობის ციხე-კოშკები, ვინაიდან მათი აღება შეიძლებოდა მხოლოდ დიდძალი ჯარების მეშვეობით. ამ ზღუდეებს და სანგრებს იქით განვითარდა შუასაუკუნებრივი ხელოსნობა, — მართალია, მნიშვნელოვნად გაყვანილი ბიურგერული ამქრული სულსკვეთებითა და წვრილმანობით, — მიმდინარეობდა კაპიტალის პირვანდელი დაგროვება, წარმოიშვა ქალაქების ურთიერთ შორის და დანარჩენ მსოფლიოსთან ეპკრობის მოთხოვნილება, ხოლო სავაჭრო ურთიერთობის მოთხოვნილებასთან ერთად თანდათანობით იქმნებოდა აგრეთვე სახსრები მათ დასაცავად.

¹ ხელნაწერი ნაწყვეტის სათაური მიცემულია რედაქციის მიერ, ვინაიდან ენგელსის ხელნაწერს სათაური აკლდა. კ. მარქსისა და ფ. ენგელსის თხზულებებში (ტ. XVI, ნ. 1) ეს ნაწყვეტი გამოქვეყნებული იყო რედაქციის მიერ მიცემული სათაურით: «ფეოდალიზმის დაშლისა და ბურჟუაზიის განვითარების შესახებ». რ. ე.

XV საუკუნეში ქალაქელი ბიურგერები უკვე საზოგადოებრივ თვის უფრო მეტ საჭიროებას წარმოადგენდნენ, ვიდრე ფეოდალური თავადაზნაურობა. მართალია, მიწათმოქმედება ჯერ კიდევ წარმოების მთავარ დარგს წარმოადგენდა, მასში ჩაბმული იყო მოსახლეობის მთავარი მასა. მაგრამ თავისუფალ გლეხთა მცირე რაოდენობა, რომელიც მიუხედავად თავადაზნაურობის მხრივ ხელყოფისა, აქა-იქ შემორჩენილიყო, საკმაოდ დამაჯერებლად მოწმობდა, რომ მიწათმოქმედებაში საქმე თავადაზნაურობის მუქთახორობასა და გამოძალვაში კი არ მდგომარეობდა, არამედ გლეხის შრომაში. ამასთან თავადაზნაურობის მოთხოვნილებებიც იმდენად გაიზარდა და შეიცვალა, რომ მისთვისაც აუცილებელი გახდა ქალაქები; თავის ერთადერთ წარმოების იარაღს—აბჯარსა და საჭურველს—იგიც ხომ ქალაქიდან იღებდა! მაუდს, ავეჯს და სამკაულს, რომლებსაც ქვეყნის შიგნით ამზადებდნენ, იტალიურ აბრეშუმს, ბრაბანტის მავშანს, ჩრდილოეთის ბეწვეულს, არაბულ სუნამოს, აღმოსავლურ ხილს, ინდოეთის სანელებელს, — ყოველივე ამას, საპნის გამოკლებით, იგი ქალაქელებისაგან იძენდა. განვითარდა ერთგვარი მსოფლიო ვაჭრობა; იტალიელები ხმელთაშუა ზღვაზე ნაოსნობდნენ და მის საზღვრებსაც სცილდებოდნენ, ატლანტიკური ოკეანის გასწვრივ დასცურავდნენ და ფლანდრიის ნაპირებს აღწევდნენ; ჩრდილოეთსა და ბალტიის ზღვაზე, მიუხედავად პოლანდიელებისა და ინგლისელების მზარდი მეტოქეობისა, ჯერ კიდევ ჰანზელები ბატონობდნენ. საზღვაო ვაჭრობის ჩრდილო და სამხრეთ ცენტრებს შორის კავშირი დამყარებული იყო საბმელეთო გზის საშუალებით; გზები, რომელთა მეშვეობითაც მყარდებოდა ეს კავშირი, გერმანიაზე გადიოდა. იმ დროს, როდესაც თავადაზნაურობა სულ უფრო და უფრო ზედმეტი ბარჯი ხდებოდა და ხელს უშლიდა განვითარებას, ბიურგერები იქცნენ კლასად, რომელიც განასახიერებდა წარმოებისა და აღებ-მიცემის, განათლებისა და სოციალური და პოლიტიკური დაწესებულებების შემდგომ განვითარებას.

წარმოებისა და აღებ-მიცემის ყველა ამ წარმატებას, მართალია, თანამედროვე წარმოდგენის თანახმად მეტად შეზღუდული ხასიათი ჰქონდა. წარმოება შეზღუდული აღმოჩნდა წმინდა ამქრული ხელოსნობის ფორმებით, მაშასადამე, იგი ჯერ კიდევ თვითონ ინარჩუნებდა ფეოდალურ ხასიათს; ვაჭრობა წარმოებდა ევროპის წყლების ფარგლებში და ვერ ვრცელდებოდა ლევანტის სანაპირო ქალაქებს იქით, სადაც ხდებოდა გაცვლა აღმოსავლეთის უფრო შორეული ქვეყნების პროდუქტებზე. მაგრამ რაგინდ წვრილი და შეზღუ-

დულიც არ უნდა ყოფილიყო ხელოსნობა და მასთან ერთად ბიურგერი-ხელოსანი, მათ მაინც აღმოაჩნდათ იმის უნარი, რომ მოეხდინათ გადატრიალება ფეოდალურ საზოგადოებაში, და ისინი, ასე თუ ისე, მოძრაობაში მაინც იმყოფებოდნენ, მაშინ როდესაც უმოძრაოდ მყოფი თავადაზნაურობა მყაყდებოდა.

ამასთან, ქალაქელ ბიურგერებს ძლიერი იარაღი გააჩნდათ ფეოდალისმის წინააღმდეგ — ფული. ადრინდელი შუა საუკუნეების სანიმუშო ფეოდალურ მეურნეობაში ფულისათვის თითქმის სრულებით არ იყო ადგილი. ფეოდალი თავისი ყმებისაგან იღებდა ყოველივეს, რაც კი მას სჭირდებოდა, ან შრომის, ან მწამზარეული პროდუქტის სახით; ქალები ძაფს ახვევდნენ და სელსა თუ შალეულს ქსოვდნენ და ტანსაცმელს ჰკერავდნენ; მამაკაცები მინდვრებს ამუშავებდნენ, ბავშვები მებატონის საქონელს აძოვებდნენ, მისთვის სოკოსა და კენკრს, ფრინველთა ბუდეებს და პირუტყვისათვის ქვეშაფენს აგროვებდნენ; გარდა ამისა, მთელ ოჯახს კიდევ უნდა მიერთმია ბატონისათვის მარცვლეული, ხილი, კვერცხი, კარაქი, ყველი, ფრინველი, შინაური პირუტყვი და მრავალი სხვა. ყოველი ფეოდალური მეურნეობა თვითონვე იკმაყოფილებდა სავსებით თავის მოთხოვნილებებს; თვით სამხედრო ბეგარასაც კი პროდუქტების სახით ახდევინებდნენ. სავაჭრო ურთიერთობა და ალებ-მიცემა არ იყო, ფული ზედმეტი იყო. ევროპა ისეთ დაბალ დონემდე ჩამოქვეითდა, რომ მას ყველაფრის თავიდან დაწყება მოუხდა და ფულს მაშინ გაცილებით უფრო ნაკლები საზოგადოებრივი ფუნქცია ჰქონდა, ვიდრე პოლიტიკური: მას იყენებდნენ გ ა დ ა ს ა ხ ა დ ე ბ ი ს გასასტუმრებლად და მისი მოპოვება უმთავრესად ყ ა ჩ ა ლ ბ ი თ ხდებოდა.

ამჟამად ყოველივე ეს სავსებით შეიცვალა. ფული კვლავ იქცა გაცვლის საყოველთაო საშუალებად, და ამის გამო მისი რაოდენობაც მნიშვნელოვნად გაიზარდა. უკვე თავადაზნაურობასაც აღარ შეეძლო უმისოდ იოლად წასვლა. სოლო, ვინაიდან თავადაზნაურობას ძლიერ ცოტა ან სრულებითაც არაფერი გააჩნდა გასაყიდი, და ვინაიდან ახლა უკვე ყაჩაღობაც აღარ იყო ადვილი საქმე, — ამიტომაც მას ქალაქელ მევახშისაგან უნდა ესესხნა ფული. რაინდთა ციხე-კოშკების ახალი იარაღით აფეთქებამდე გაცილებით უფრო ადრე, მათ ფულმა მოუშალა საფუძველი. მართლაცდა, დენთი წარმოადგენდა, ასე ვთქვათ, ფულის სამსახურში მყოფ უბრალო სასამართლო აღმასრულებელს. ფული ბიურგერთა

ხელში წარმოადგენდა პოლიტიკური გათანაბრების უაღრესად მნიშვნელოვან იარაღს. ყველგან, სადაც პირადი ურთიერთობა გამოდევნა ფულადმა ურთიერთობამ, ნატურალური ვალდებულებანი — ფულადმა გადასახდელბმა, იქ ფეოდალური ურთიერთობის ადგილს ბურჟუაზიული ურთიერთობა იკავებდა. მართალია, უმრავლეს შემთხვევაში სოფლად განაგრძობდა არსებობას ძველებური ტლანქი ნატურალური მეურნეობა; მაგრამ უკვე გაჩნდა მთელი ოლქები, როგორც, მაგალითად, პოლანდიაში, ბელგიასა და ქვემო რაინზე, სადაც გლეხები, ნაცვლად საბატონო სამუშაოებისა და ნატურალური გამოსაღებისა, ფულს უხდიდნენ მებატონეებს, სადაც მებატონეებმა და ქვეშევრდომებმა უკვე გადამწყვეტი ნაბიჯი გადასდგეს, რათა მიწათმფლობელები და მოიჯარეები გამხდარიყვნენ, და სადაც, მაშასადამე, ფეოდალიზმის პოლიტიკურ დაწესებულებებს სოფელშიაც უკვე ფეხქვეშ ეცლებოდა მათი საზოგადოებრივი ნიადაგი.

თუ რაოდენ ღრმად გამოუთხარა ფულმა ძირი და შიგნიდან გამოფიტა ფეოდალიზმი XV საუკუნის დამლევისათვის, ნათლად სჩანს იქიდან, რომ ამ ღროისათვის დასავლეთი ევროპა ხარბად დაეწაფა ფულს. ოქროს ემბდნენ პორტუგალელები აფრიკის სანაპიროებზე, ინდოეთში, მთელს შორეულ აღმოსავლეთში; ოქრო იყო ის გრძნეული სიტყვა, რომელიც ესპანელებს ატლანტიკის ოკეანეს მიღმა — ამერიკაში ერეკებოდა; ოქროს მოითხოვდა უწინარეს ყოვლისა თეთრკანიანი, როგორც კი ახლად აღმოჩენილ ნაპირზე გადმოვიდოდა. ეს ლტოლვა შორეული მოგზაურობის და თავგადასავლისადმი ფულის საშოვნელად, თუმცა პირველად კიდევ ხორციელდებოდა ფეოდალური თუ ნახევრადფეოდალური ფორმებით, მაგრამ სრულიად შეუთავსებელი იყო ფეოდალიზმთან, რომლის საფუძველს მიწათმოქმედება შეადგენდა და რომლის დაპყრობითი ლაშქრობანი არსებითად მიწების შექენას ისახავდნენ მიზნად; ამასთან ზღვაოსნობაც ნამდვილად ბურჟუაზიული საქმიანობა იყო, რომელმაც თავისი ანტიფეოდალური ხასიათი ყველათანამედროვე სამხედრო ფლოტზე აღბეჭდა.

ამრიგად, XV საუკუნეში ფეოდალური სისტემა მთელ დასავლეთ ევროპაში სრულ დაცემულობას განიცდიდა; ფეოდალურ ოლქებში ყველგან სოლივით იყო შექრილი ქალაქები, თავისი ანტიფეოდალური ინტერესებით, საკუთარი სამართლითა და შეიარაღებული ბიურგერებით. ამ ქალაქებმა ფულის საშუალებით ნაწილობრივ უკვე მოახერხეს საზოგადოებრივი თვალსაზრისით, ხოლო აქაიქ პოლიტიკური თვალსაზრისითაც, თავიანთ დამოკიდებულებაში

მოექციათ ფეოდალური მებატონეები. სოფელშიც კი, სადაც განსაკუთრებით ხელსაყრელი პირობების გამო, მიწათმოქმედება უფრო ძლიერ განვითარდა, ფულის გავლენით დაიწყო ძველი ფეოდალური ხუნდების მოშლა; თავიდანაწარმოების ბატონობა გრძელდებოდა მხოლოდ ახლადდაპყრობილ ქვეყნებში, როგორც იყო ოსტელების გერმანია, ანდა საერთოდ ჩაპორჩენილ, სავაქრო გზებისაგან მოშორებით მდებარე ადგილებში. მაგრამ, როგორც ქალაქებში, ისე სოფლად, საყოველთაოდ გამრავლდა მოსახლეობის ის ელემენტები, რომლებიც უწინარეს ყოვლისა მოითხოვდნენ, რომ ბოლო მოღებოდა გაუთავებელ უაზრო ომებს, ფეოდალთა შორის შუღლსა და ურთიერთთავდასხმას, რადგან ამას შედეგად მოჰყვებოდა მუდმივი შინაგანი ომი, რომელიც მაშინაც კი არ ცხრებოდა, როდესაც ქვეყანას უცხოელი მტერი აოხრებდა; მოითხოვდნენ ბოლო მოეღოთ იმ განუწყვეტელ და სრულიად აუზრო გაჩანაგებისათვის, რომელიც მთელი შუა საუკუნეების მანძილზე გრძელდებოდა. თუმცა ეს ელემენტები თავისთავად მეტად სუსტნი იყვნენ, რომ თავიანთი სურვილები განეხორციელებინათ, მაგრამ მათ ძლიერი მხარდაჭერა ჰპოვეს მთელი ფეოდალური წესწყობილების მწვერვალის — მეფის ხელისუფლების მხრივ. ხოლო აქ არის სწორედ ის პუნქტი, როდესაც ჩვენ საზოგადოებრივი ურთიერთობის განხილვიდან სახელმწიფო ურთიერთობის საკითხებში ვიჭრებით, სადაც ეკონომიკის დარგიდან პოლიტიკის დარგში გადავდივართ.

აღრინდელი შუა საუკუნეების ხალხთა აღრევისაგან თანდათან ახალი ერები განვითარდნენ. ეს ის პროცესია, რომლის დროსაც, როგორც ცნობილია, უმრავლეს შემთხვევებში, ყოფილი რომის პროვინციათა დამარცხებული მოსახლეობის — გლეხებისა და ქალაქელების — მიერ გამარჯვებულთა — გერმანულ დამპყრობთა — ასიმილირება ხდებოდა. მაშასადამე, თანამედროვე ერები აგრეთვე წარმოადგენენ ჩაგრული კლასების პროდუქტს. თუ რა წესით ხდებოდა ერთგან შერწყმა, მეორეგან საზღვრების გამიჯვნა, ამას თვალსაჩინოდ წარმოგვიდგენს მენკეს* მიერ შედგენილი შუა ლოთარინგიის ოლქების რუკა. საკმარისია ამ რუკაზე უბრალოდ თვალი გავაყოლოთ იმ საზღვარს, რომელიც ერთმანეთისაგან მიჯნავს რომანული და

* შ პ რ ე რ მ ე ნ კ ე. შუასაუკუნეებისა და ახალი დროის ისტორიის სასწავლო ატლასი, მე-3 გამოც. გოთა 1874. რუკა № 32 [Spruner-Menke, Hand-Atlas für die Geschichte des Mittelalters und der neueren Zeit, 3 Aufl., Gotha 1874. Karte № 32] ე ნ გ ე ლ ს ი ს შ ე ნ ი შ ვ ნ ა.

გერმანული სახელწოდებების მქონე ადგილებს, რათა დავრწმუნდეთ, რომ ეს საზღვარი ბელგიასა და ქვემო ლოთარინგიაში საერთოდ ემთხვევა ასობით წლების მანძილზე არსებულ საზღვარს ფრანგულ და გერმანულ ენებს შორის. აქა-იქ კიდევ რჩება ვიწრო ზოლი, რომელიც დავას იწვევს და სადაც ორივე ენა უპირატესობისათვის იბრძვის; მაგრამ საერთოდ სავსებით ნათელია, თუ რომელი უნდა დარჩეს გერმანულ და რომელი რომანულ ოლქებად. რუკაზე ადგილების სახელწოდებათა ძველი ქვემოფრანკული და ძველი ზემოგერმანული ფორმა მოწმობს იმას, რომ ისინი IX საუკუნეს, ან სულ დიდი X საუკუნეს მიეკუთვნებიან, რომ, მაშასადამე, კაროლინგების დროს საზღვარი არსებითად უკვე გავლებული იყო. რომანულ ნიხარეს, განსაკუთრებით იმ ადგილების მახლობლად, სადაც ენების საზღვარი გადის, გვხვდება შეარეული სახელწოდებანი, რომლებიც შედგენილია გერმანული სახელებისა და რომანული ადგილის მაჩვენებლისაგან, მაგალითად მასის დასავლეთით, ვერდენის მახლობლად, გვხვდება: *Eppoe curtis, Rotfridi curtis, Ingolini curtis, Teudegisilo villa*, ამჟამად იბეკური, რეკურლა-კრე, ამბლენკურ-სიურ-ერი, ტიერვილი. ეს იყო ფრანკ ფეოდალთა ადგილსამყოფელოები, წვრილი გერმანული კოლონიები რომანულ მიწა-წყალზე, რომლებიც ადრე თუ გვიან გარომანელებს განიცდიდნენ. ქალაქებსა და ცალკეულ სასოფლო ადგილებში არსებობდნენ უფრო ძლიერი გერმანული კოლონიები, რომლებმაც თავიანთი ენა უფრო დიდ ხანს შეინარჩუნეს. ასეთი კოლონიიდან გავრცელდა, მაგალითად, ჭერ კიდევ IX საუკუნეში «სიმღერა ლუდოვიკოზე»¹; ფრანკ ფეოდალთა დიდი ნაწილი რომ უფრო ადრე იყო გარომანებული, ამას მოწმობენ 812 წლის მეფეებისა და დიდებულთა ფიცისდადების ფორმულები, სადაც რომანული ენა უკვე ფრანკთა სამეფოს ოფიციალურ ენად გვევლინება.

როგორც კი მოხდა ენების მიხედვით ხალხთა ჯგუფების გამიჯვნა (განზე ვტოვებთ გვიანდელ დაპყრობითსა და გამაპარტახებელ ომებს, როგორიც სწარმოებდა, მაგალითად, ლაბისპირელი სლავების² წინააღმდეგ), ბუნებრივია, რომ ეს საფუძვლად დაედო სახელ-

¹ «სიმღერა ლუდოვიკოზე» (*Ludwigslied*) — რაინულ-ფრანკულ დიალექტზე ჩაწერილი თქმულება დასავლეთ ფრანკთა მეფე ლუდოვიკო III-ის (კაროლინგთა დინასტიიდან) და მის მიერ 881 წ. ნორმანების დამარცხების შესახებ. რედ.

² ლაბისპირელი სლავები — სლავური ტომები და ეროვნებანი, რომლებიც მდინარე ლაბის (გერმანულად ელბის) აღმოსავლეთით ცხოვრობდნენ; ამ

მწიფოთა ჩამოყალიბებას და ეროვნებებმაც იწყეს ერებად განვითარება. თუ რაოდენ ძლიერი იყო ეს სტიქიური პროცესი უკვე IX საუკუნეში, აპას მოწმობს ლოთარინგიის შერეული სახელმწიფოს სწრაფი დაშლა. მართალია, მთელი შუა საუკუნეების მანძილზე ენების საზღვრები და სახელმწიფოთა საზღვრები სრულებითაც არ ემთხვეოდნენ ერთმანეთს, მაგრამ ევროპის თვითეული ეროვნება, მართოდენ იტალიის გამოკლებით, განსაკუთრებული მსხვილი სახელმწიფოს სახით იყო წარმოდგენილი ევროპაში და ეროვნულ სახელმწიფოთა ჩამოყალიბების ტენდენცია, რომელიც სულ უფრო მკაფიოდ და შეგნებულად გამოსჭვიოდა, წარმოდგენდა პროგრესის ერთერთ ყველაზე არსებით ბერკეტს შუა საუკუნეებში.

თვითეულ ამ შუასაუკუნებრივ სახელმწიფოში მეფე წარმოდგენდა მთელი ფეოდალური იერარქიის მწვერვალს, უომლისოდაც ვასალებს არსებობა არ შეეძლოთ და რომლის წინააღმდეგაც ისინი ამავე დროს უთვალავ ამბოხებებს აწყობდნენ. მთელი ფეოდალური მეურნეობის ძირითადი ურთიერთობა — მიწის პატრონყმური წესით გაცემა გარკვეული პირადი სამსახურისა და გამოსაღებთა სამაგიეროდ — უკვე თავისი თავდაპირველი, უმარტივესი სახით საკმაო საბაბს იძლეოდა დავსათვის, განსაკუთრებით როდესაც ყველანი დაინტერესებულნი იყვნენ შუღლის საბაბი ეპოვნათ. მაშ რაღა უნდა ყოფილიყო გვიან შუასაუკუნეების დროს, როდესაც პატრონყმური ურთიერთობა ყველა ქვეყანაში წარმოდგენდა იმ ნაწყალობევ, წართმეულ, კვლავ ნაბოძებ, დანაშაულისთვის ჩამორთმეულ, შეცვლილ ან რაიმე სხვა საშუალებით გაპირობებულ უფლება-მოვალეობათა ზღარტს, რომლის დაშლა ყოვლად შეუძლებელი იყო? კარლოს მამაცი, მაგალითად, თავისი მიწების ერთ ნაწილს ფლობდა როგორც იმპერატორის ყმა, მეორე ნაწილს — როგორც საფრანგეთის მეფის ყმა; მეორე მხრივ, საფრანგეთის მეფე, კარლოს მამაცის სიუზერენი, გარკვეულ ოლქებში გამოდიოდა როგორც კარლოს მამაცის, თავისი საკუთარი ვასალის, ყმა. როგორღა შეიძლებოდა ასეთ პირობებში კონფლიქტების თავიდან აცილება? ამიტომაც, რომ საუკუნეების მანძილზე მიზიდულების ცვალებადი ძალით მიისწრაფვიან ვასალები სამეფო ცენტრისაკენ, რომელსაც ერთადერთს შეეძლო დაეცვა ისინი გარეშე მტერთა და ურთიერთ

ოლქების დაპყრობა გერმანელი ფეოდალების მიერ (X — XIV ს. ს.) უაღრესად სასტიკი მეთოდებით ხორციელდებოდა; იმის წინაშეც კი არ იხვედნენ უკან, რომ სათითაოდ შეემუსრათ ცალკეული სლავური ტომები; შემორჩენილ მოსახლეობას ყმებად აქცევდნენ და ძალადტანებით აგერმანებდნენ.

თავდასხმებისაგან, და რომ იგი მუდამ და აუცილებლად იქცევა ამ ცენტრისაგან მათ განმზიდველ ძალად. აქედან — განუწყვეტელი ბრძოლა სამეფო ხელისუფლებასა და ვასალებს შორის; ამ ბრძოლებმა გამაყრუებელი ხმაურით აავსეს ის ხანგრძლივი პერიოდი, რომლის დროსაც თავისუფალი მამაკაცის ერთადერთ საკადრის შემოსავლის წყაროს ყაჩაღობა შეადგენდა. აქედან წარმოდგებოდა გაუთავებელი ღალატი, მუხანათური მკვლელობა და მოწამლევა, მზაკრული ინტრიგები, ის წარმოუდგენელი და გაუთავებელი სისაძაგლე, რომლის საფარი იყო რაინდობის პოეტური სახელი და რომლის დროსაც ყველას პატიოსნება და ერთგულება ეყერა პირზე.

მთელი ამ არევ-დარევის დროს სამეფო ხელისუფლება რომ პროგრესულ ელემენტს შეადგენდა, ეს სავსებით ცხადია. იგი იყო წესრიგის წარმომადგენელი ამ საყოველთაო არეულობის ხანაში, იგი იყო წარმომადგენელი ჩამოყალიბების პროცესში მყოფი ერისა, რომელიც მეამბოხე ვასალებს სახელმწიფოებად დაქუცმაცებას უპირისპირდებოდა. ყველა რევოლუციური ელემენტი, რომელიც ფეოდალიზმის ზედაპირზე იქმნებოდა, ისევე მიისწრაფოდა სამეფო ხელისუფლებისაკენ, როგორც სამეფო ხელისუფლება მათკენ. კავშირი მეფის ხელისუფლებასა და ბიურგერობას შორის X საუკუნით თარიღდება. მართალია ეს კავშირი ხშირად წყდება კონფლიქტების გამო, — ხომ მართალია, რომ მთელი შუა საუკუნეების განმავლობაში განვითარება განუწყვეტლად, ერთი მიმართულებით არ მიდიოდა, მაგრამ იგი სულ მუდამ ახლდებოდა და ამასთან უფრო მტკიცე, უფრო ძლიერი ხდებოდა, ვიდრე მან გადამწყვეტი გამარჯვება არ მოუტანა სამეფო ხელისუფლებას, რომელმაც მადლობის ნიშნად თავისი მოკავშირე დაიმონა და გაძარცვა.

როგორც მეფეებმა, ისევე ბიურგერებმა ძლიერი მხარდაჭერა კპოვეს ი უ რ ი ს ტ თ ა აღმომავალი წოდების სახით. რომის სამართლის ხელახლა აღმოჩენასთან ერთად დაწესდა შრომის განაწილება ხუცებსა — ფეოდალური ეპოქის იურიდიულ კონსულტანტებსა — და მეცნიერ იურისტთა შორის, რომლებიც სასულიერო წოდებას არ ეკუთვნოდნენ. ეს ახალი იურისტები, რა თქმა უნდა, თავისი არსით ბიურგერთა წოდებას ეკუთვნოდნენ; ამასთან თავისთავად ის სამართალიც, რომელსაც ისინი თვითონ სწავლობდნენ, რომელსაც სხვებს ასწავლიდნენ და რომელსაც იყენებდნენ, თავისი ხასიათით უმთავრესად ანტიფეოდალური და, გარკვეული მხრივ, ბურჟუაზიული იყო. იმ საზოგადოებისათვის, რომელშიც წმინდა კერძო

საკუთრებაა გაბატონებული, რომის სამართალი წარმოადგენს სასიცოცხლო პირობებისა და კონფლიქტების იმდენად კლასიკურ იურიდიულ გამოხატულებას, რომ მთელს მერმინდელ კანონმდებლობას აღარ შეეძლო მასში რაიმე არსებითი გაუმჯობესების შეტანა. მაგრამ შუა საუკუნეების ბურჟუაზიული საკუთრება ჯერ კიდევ მჭიდროდ იყო შებოჭილი ფეოდალური შეზღუდვებით, იგი, მაგალითად, უმთავრესად პრივილეგიებისაგან შედგებოდა. ამრიგად, ამ თვალსაზრისით რომის სამართალი იმდროინდელ სამოქალაქო ურთიერთობასთან შედარებით ბევრად წინ იყო წასული. ბურჟუაზიული საკუთრების შემდგომი ისტორიული განვითარება შეიძლებოდა მხოლოდ ის ყოფილიყო, რომ იგი, როგორც ეს კიდევაც მოხდა, წმინდა კერძო საკუთრებად განვითარებულიყო. ამ განვითარებას ძლიერი ბერკეტი უნდა ეპოვნა რომის სამართალში, რომელიც განვითარებული სახით უკვე შეიცავდა ყოველივე იმას, რისკენაც გვიან შუა საუკუნეების ბიურგერობა მხოლოდ შეუგნებლად მიისწრაფოდა.

მართალია, უამრავ ცალკეულ შემთხვევაში რომის სამართალი მხოლოდ საბაზს აძლევდა თავადაზნაურობას გლახთა უფრო ძლიერი ჩაგვრისათვის, მაგალითად, იმ შემთხვევაში, როდესაც გლახებს არ შეეძლოთ არავითარი დამადასტურებელი წერილობითი საბუთი წარმოედგინათ, იმის შესახებ, რომ ისინი თავისუფალი არიან ჩვეულებით განსაზღვრული ვალდებულებებისაგან, — მაგრამ არსებითად ეს საქმეს როდი ცვლიდა. თავადაზნაურობა რომის სამართლის გარეშეც საკმარისად მოძებნიდა ამგვარ საბაზს და კიდევაც პოულობდა მას ყოველდღიურად. ყოველ შემთხვევაში, დიდი პროგრესი იყო ის, რომ ძალაში შევიდა ისეთი სამართალი, რომელიც ფეოდალურ ურთიერთობას აბსოლუტურად არ იცნობდა და რომელმაც საკლებით წინასწარ განჭვრიტა თანამედროვე კერძო საკუთრება.

ჩვენ დავინახეთ, თუ როგორ ხდებოდა თავადაზნაურობა ეკონომიური თვალსაზრისით ზედმეტ ბარგად, აშკარა დაბრკოლებად გვიან შუასაუკუნეებრივი საზოგადოებისათვის, თუ როგორ ეღობებოდა იგი წინ აგრეთვე პოლიტიკურად ქალაქების განვითარებასაც და ნაციონალური სახელმწიფოს განვითარებასაც, რომელიც მასშინ მხოლოდ მონარქიული ფორმით იყო შესაძლებელი. მიუხედავად ყოველივე ამისა, თავადაზნაურობას ის გარემოება უწყობდა ხელს, რომ იგი ჭერჯერობით ინარჩუნებდა მონოპოლიას სამხედრო საქმეში, რომ უმისოდ შეუძლებელი იყო ომის წარმოება, შეუძლებელი იყო ბრძოლების გამართვა. ამ მხრივაც მდგომარეობა უნდა

შეცვლილიყო: უნდა გადადგმოლიყო უკანასკნელი ნაბიჯი, რათა ფეოდალურ თავადაზნაურობას შეეგნო, რომ ბოლო მოეღო იმ პერიოდს, როდესაც იგი გაბატონებული იყო საზოგადოებასა და სახელმწიფოში, რომ ბრძოლის ველზეც კი თავადაზნაურობა, როგორც რაინდობა, საჭიროებას აღარ წარმოადგენს.

ფეოდალური წყობილების წინააღმდეგ ბრძოლის წარმოება იმ ჯარების საშუალებით, რომლებიც თვითონ წარმოადგენდნენ ფეოდალურ ლაშქარს, სადაც ჯარისკაცები უფრო მჭიდროდ იყვნენ დაკავშირებული თავიანთ უშუალო სიუზერენებთან, ვიდრე მეფის არმიის მეთაურებთან — ეს უსათუოდ ნიშნავდა მოჯადოებულ წრეში ტრიალს და ერთი და იმავე ადგილის ტკეპნას. XIV საუკუნის დასაწყისიდან მეფეები ცდილობენ თავი დააღწიონ ამ ფეოდალურ ლაშქარს და შექმნან საკუთარი ჯარი. ამ დროიდან მეფის არმიებში ჩვენ ვხვდებით ჯარის სულ უფრო მზარდ ნაწილებს, რომლებიც შეკრებილ ლაშქარს, ანდა დაქირავებულ არმიას წარმოადგენდნენ. თავდაპირველად ეს იყო უმთავრესად ქვეითი ჯარი, რომელიც ქალაქის ნაძირალებისა, გამოქცეული ყმაგლეხებისა, ლომბარდიელებისა, გენუელებისა, გერმანელებისა, ბელგიელებისაგან და ა. შ. შედგებოდა. მათ იყენებდნენ ქალაქთა მეციხოვნეებად და ალყის დროს სხვადასხვა საქსახურის გასაწევად. დასწყისში უშუალოდ ბრძოლის ველზე ისინი ნაკლებად გამოდგებოდნენ, მაგრამ უკვე შუა საუკუნეების დასასრულისათვის ჩვენ ვხვდებით აგრეთვე რაინდებს, რომლებიც თავიანთი ვინ იცის რა გზით შეგროვილი რაზმებით უცხოელ ხელისუფალთა სამსახურში დგებოდნენ, რაც ფეოდალური სამხედრო წყობილების საბოლოო დამარცხების მათწყებელი იყო.

ამავე დროს იქმნებოდა ძირითადი პირობა ბრძოლისუნარიანი ქვევითი ჯარის შესადგენად ქალაქელებისა და თავისუფალ გლეხთა სახით იქ, სადაც ასეთები ჯერ კიდევ არსებობდნენ, ანდა ის-იყო კვლავ ჩნდებოდნენ. მანამდე კი რაინდობა თავისი ცხენოსანთა რაზმითურთ წარმოადგენდა არა ჯარის ბირთვს, არამედ საკუთრივ ჯარს; ყმა გლეხებისაგან შემდგარი ქვევითი ჯარისკაცების ბრბოები, რომლებიც თან ახლდნენ ამ არმიებს, სათვალავში რდოდი შედიოდა. ისინი თითქოსდა მხოლოდ იმისათვის მიჰყვებოდნენ არმიებს, რათა ბრძოლის ველზე გასვლისას უმაღვე დაფანტულიყვნენ, ანდა ძარცვა-გლეჯა დაეწყოთ. ვიდრე ფეოდალიზმის აყვავების ხანა გრძელდებოდა, XIII საუკუნის დამლევამდე, ცხენოსანი ჯარი აწარმოებდა ყველა ბრძოლას და წყვეტდა კიდევ მის ბედს. ამ მომენტიდან კი საქმე იცვლება და ამასთანავე ერთდროულად სხვადასხვა ადგი-

ლას. ბატონყმობის თანდათანობითმა გადავარდნამ ინგლისში წაჭ-
მოშვა თავისუფალ გლეხთა, მიწათმფლობელთა (იომენტა) ან კიდევ
მოიჭარეთა მრავალრიცხოვანი კლასი, ხოლო ამით შექმნა ნედლი
მასალა ახალი ქვეითი ჯარისათვის, რომელიც გამოწვრთნილი იყო
მშვილდისრის — იმდროინდელი ინგლისური, ეროვნული იარაღის —
ხმარებაში. ჯარში ამ მოისრეთა ნაწილების შემოღებამ, რომლებიც
სულ მუდამ ქვეითად იბრძოდნენ, მიუხედავად იმისა, სარგებლობ-
დნენ ისინი თუ არა გადასვლების დროს ცხენებით, ბიძგი მისცა
არსებითი ცვლილების შეტანას ინგლისის ჯარების ტაქტიკაში.
XIV საუკუნიდან მოყოლებული ინგლისელი რაინდობა მეტი ხალო-
სით იბრძოდა ქვეითად — ზე, სადაც ადგილი და სხვა პირობები ამის
შესაძლებლობას იძლეოდნენ. მოისართა უკან, რომლებიც ბრძოლას
იწყებენ და მტრის რიგებში არევ-დარევა შეაქვთ, დგას ცხენებიდან
ჩამომხტარი რაინდთა შეკრული ფალანგა, რომელიც ელოდება
მტრის იერიშს ან მოხერხებულ მომენტს შეტევისათვის; ცხენებზე
კი რჩება რაინდების მხოლოდ ერთი ნაწილი, რათა მტერს გვერ-
დიდან თავს დაესხას და გადამწყვეტ მომენტში თავისიანებს მიეშვე-
ლოს. ინგლისელების მაშინდელი განუწყვეტელი გამარჯვებანი საფ-
რანგეთში არსებითად დამოკიდებული იყო სწორედ იმისაგან, რომ
ჯარში კვლავ აღდგენილ იქნა თავდაცვის ელემენტი. ეს ბრძოლები
მეტწილად თავდაცვითი ხასიათისა იყო, მაგრამ დრო და დრო გი-
დადიოდა შეტევაზე — ისევე როგორც ველინგტონის მიერ წარმოე-
ბული ბრძოლების დროს ესპანეთსა და ბელგიაში. ამ ახალი ტაქტი-
კის დამკვიდრებით ფრანგების ჯარში — შესაძლოა, მას შემდეგ რაც
იქ დაქირავებულმა იტალიელმა მსროლელებმა ინგლისელი მეთი-
რეები შეცვალეს, — ბოლო მოეღო ინგლისელების გამარჯვებას.

სწორედ ასევე XIV საუკუნის დამდეგისათვის ფლანდრიის ქა-
ლაქთა ქვეითი ჯარი გაბედულად თავს ესპნოდა — და ხშირად დიდი
წარმატებითაც — საფრანგეთის ცხენოსანთა ჯარებს აშკარა ბრძო-
ლაში; ხოლო როდესაც იმპერატორმა ალბრეხტმა სცადა ვერაგულად
გაეცა თავისუფალი შვეიცარიელი გლეხები ავსტრიის ერცჰერცოგი-
სათვის, რომელიც თვითონ გახლდათ, ამით მან ბიძგი მისცა იმას,
რომ შექმნილიყო პირველი თანამედროვე ქვეითი ჯარი, რომელ-
მაც მთელს ევროპაში მოიხვეჭა სახელი. ავსტრიელებზე, განსა-
კუთრებით კი ბურგუნდიელებზე, შვეიცარიელთა მიერ მოპოვებულ
გმირულ გამარჯვებათა შედეგად ქვეითმა ჯარმა საბოლოოდ მარცხი
აწვინა აბჯარშეკუთრვილ რაინდებს, როგორც ცხენოსნებს, ისე ქვეი-
13. ფ. ენგელსი

თვბს, — თანამედროვე ჯარის ჩანასახმა დაამარცხა ფეოდალური ლაშქარი, ბიურგერებმა და გლეხებმა — რაინდები. შვეიცარაელებმა კი, რათა იმთავითვე დაემტკიცებინათ თავიანთი რესპუბლიკია — ევროპის პირველი დამოუკიდებელი რესპუბლიკის — ბურჟუაზიული ხასიათი, მაშინვე ვერცხლის ფულზე გასცვალეს თანთანთი სამხედრო დიდება. გაჰქრა ყოველგვარი პოლიტიკური მონაზრება; კანტონები გადაიქცა კანტორებად, სადაც ჰკრებდნენ მოქირავენე ჯარისკაცებს, რომლებიც იმას ემსახურებოდნენ, ვინც მეტ ფულს გადაუხდიდა. სხვა ქვეყნებშიც და განსაკუთრებით გერმანიაში, ყველგან ისმოდა დაფდაფის ხმა, რომელიც მოქირავენე ჯარისკაცებს აგროვებდა; მაგრამ ყველაფერს გადააჰარბა შვეიცარიის მთავრობის ცინიზმმა; ეს მთავრობა თითქოს მხოლოდ იმისათვის არსებობდა, რომ თავისი ქვეყნის შვილები გაეყიდნა; მაგრამ ამ მხრივ მას მალე გერმანელმა მთავრებმა გადააჰარბეს უკიდურესი ეროვნული დაცემულობის ხანაში.

შემდეგში, იმავე XIV საუკუნეში, არაბებმა ესპანეთის საშუალებით ევროპაში დენთი და არტილერია შემოიტანეს. შუა საუკუნეების დასასრულამდის ხელის ცეცხლმსროლი იარაღის როლი მეტად უმნიშვნელო იყო; ეს ადვილად აიხსნება იმით, რომ ინგლისელი მოისრეები კრესის ბრძოლაში¹ იმავე მანძილზე ისროდნენ და შეიძლება უფრო ზუსტადაც, თუმცა არა ისეთი ეფექტით, რა მანძილზეც ისროდნენ გლუვლულიანი თოფებით შეიარაღებული ქვეითი ჯარისკაცები ვატერლოოს ბრძოლაში. საველე ქვემეხებიც აგრეთვე ჯერ კიდევ არტახებში იმყოფებოდა; სამაგიეროდ მძიმე ზარბაზნებმა უკვე სავსებით დაცხრილეს რაინდთა ციხე-კოშკების გალავნები და ფეოდალურ თავდაზნაურობას აპცნეს, რამ დენთის აღმოჩენასთან ერთად მათ სახელმწიფოს ბოლო მოეღო.

წიგნის ბეჭდვის ხელოვნების გავრცელებამ, ანტიკური ლიტერატურის შესწავლის გამოცოცხლებამ, მთელმა კულტურულმა მოძრაობამ, რომელიც 1450 წლიდან მოყოლებული სულ უფრო და უფრო ძლიერი და საყოველთაო ხდებოდა — ყოველივე ამან ხელი შეუწყო ბიურგერობას და მეფის ხელისუფლებას ფეოდალიზმის წინააღმდეგ ბრძოლაში.

1. კრესის ბრძოლა (ჩრდილოეთი საფრანგეთი) მოხდა 1346 წელს. ეს იყო ერთ-ერთი ყველაზე უფრო დიდი ბრძოლა ინგლისსა და საფრანგეთს შორის ასწლიანი ომის დროს; იგი დამთავრდა ინგლისელთა გამარჯვებით, რომელიც მოპოვებულ იქნა თავისუფალი გლეხებისაგან შეკრებილი მოისრეების შესანიშნავი ოსტატობისა და მათი გამძლეობის წყალობით. რე დ.

ყველა ამ მიზეზის ურთიერთზემოქმედება, რაც წლითიწლობით მტკიცდებოდა მათი ურთიერთგავლენის გაძლიერებასთან ერთად, სულ უფრო აჩქარებდა განვითარებას ერთი და იმავე მიმართულებით და ამან გადაწყვიტა ის, რომ XV საუკუნის მეორე ნახევარში ფეოდალიზმი დაამარცხა, თუ ჯერჯერობით არა ბიურგერობამ ყოველ შემთხვევაში, მეფის ხელისუფლებამ მაინც. ევროპის ყველაზე მოშორებით მდებარე, განაპირა ქვეყნებშიაც კი, რომლებსაც ჯერ ბოლომდე არც კი გაეცლოთ ფეოდალური წყობილება, უეცრად ყველგან მეფის ხელისუფლებამ მოიპოვა გამარჯვება. პირენეის ნახევარკუნძულზე გაერთიანდა ორი იქაური ტომი, რომელიც რომანულ ენაზე ლაპარაკობდა, და შექმნა ესპანეთის სამეფო. პროვანსალურ ენაზე მოლაპარაკე არაგონიის სამთავრო კი კასტილიის ლიტერატურულ ენას დაექვემდებარა; ხოლო მესამე ტომმა ის მხარე, სადაც მისი ენა იყო გაბატონებული, გააერთიანა (გალისიის გამოკლებით) და პორტუგალიის სამეფო, იბერიული ჰოლანდია, ჩამოაყალიბა; იგი მოსწყდა ქვეყნის შიდა ნაწილების ცხოვრებას და ზღვაოსნობით დაამტკიცა თავისი დამოუკიდებლად არსებობის უფლება.

საფრანგეთში ბურგუნდიის შუალედური სახელმწიფოს¹ მოსპობის შემდეგ ლუი XI მოახერხა საფრანგეთის იმ დროს ჯერ კიდევ ძლიერ შეკვეცილი ტერიტორიის საფუძველზე იმდენად აღედგინა ეროვნული ერთიანობა, რომლის წარმომადგენელიც მეფის ხელისუფლება იყო, რომ უკვე მის მემკვიდრეებს შესაძლებლობა მიეცათ იტალიელთა შფოთში ჩარეულიყვნენ; ამასთან ეს ერთიანობა მხოლოდ ერთხელ, რეფორმაციის გამო, გახდა საეჭვო² და ისიც მოკლე დროის განმავლობაში.

¹ ბურგუნდიის საჰერცოგო დაიშალა ჰერცოგ კარლოს მამაციის სიკვდილის შემდეგ 1477 წ.; ბურგუნდიის სამფლობელოების უდიდესი ნაწილი საფრანგეთის სამეფოს შეუერთეს, ხოლო დანარჩენი ნაწილი (ნიდერლანდები და სხვ.) ჰაბსბურგებს ერგოთ. რე დ.

² ენგელსს მხედველობაში აქვს ჰუგენოტთა მოძრაობა, ე. ი. ფრანგი კალვინისტებისა, რომლებიც რელიგიური რეფორმაციის მომხრეები იყვნენ. ამ დროში XVI ს. მეორე ნახევრის საფრანგეთში მეფის ხელისუფლების წინააღმდეგ გამოდიოდნენ არა მარტო სეპარატისტულად განწყობილი სამსრეთის ქალაქები, არამედ აგრეთვე ფეოდალური თავადაზნაურობის მნიშვნელოვანი ნაწილი, რომელიც აბსოლუტიზმის უკმაყოფილო იყო და თავის შუასაუკუნებრივ პროვინციულ თაავისუფლებათა ალდვენისაკენ მიისწრაფოდა. ჰუგენოტთა მოძრაობას ლასვარი ჩასცეს ეგრეთწოდებულ ჰუგენოტთა (რელიგიური) ომების (1562 — 1593 წ. წ.) დროს, რომლებიც ჰეფის ხელისუფლების განმტკიცებით დამთავრდა. რე დ.

ინგლისმა საბოლოოდ ხელი აიღო თავის დონკინოტურ დაპყრობითს ომზე საფრანგეთში, რომლის წყალობითაც იგი დროთა განმავლობაში სისხლიდან დაიცილებოდა; ფეოდალურმა არისტოკრატამ სცადა დანაკლისის ანაზღაურება ვარდების ომით და მიიღო კიდევ იმაზე მეტი, რასაც ეძებდა: ურთიერთ რბევისა და თარეშის დროს იგი საბოლოოდ ამოწყდა, სამეფო ტახტზე კი ავიდა ტიუდორთა საგვარეულო, რომელმაც თავისი ძლიერებით ყველა წინამორბედ და მომდევნო მეფეებს გადააჰარბა. სკანდინავიის ქვეყნები უკვე დიდი ხნის გაერთიანებული იყვნენ, პოლონეთი, სადაც მეფის ხელისუფლება ჯერ არ იყო შესუსტებული, ლიტვასთან გაერთიანების შემდეგ თავის ბრწყინვალეების ხანას ეგებებოდა, და თვით რუსეთშიაც კი მოცილე მთავართა დამარცხება ფეხდაფეხ მოჰყვა თათართა უღლის ჩამოგდებამ, რაც საბოლოოდ იოანე III დროს მოხდა. მთელს ევროპაში ორი ქვეყანაღა დარჩა, სადაც არ არსებობდა მეფის ხელისუფლება და უმისოდ იმ დროს წარმოუდგენელი ეროვნული ერთიანობა, ანდა, სადაც ორივე ეს მხოლოდ ქალაქებზე არსებობდა: ეს ქვეყნები იყო იტალია და გერმანია.

«გლახთა ომისათვის»¹

რეფორმაცია — ლუთერისა და კალვინისა — ეს არის ბურჟუაზიული რევოლუცია № 1, რომელსაც კრიტიკული ეპიზოდის სახით თან ერთვის გლახთა ომი. ფეოდალიზმის დაშლა, ისევე როგორც ქალაქების განვითარება — ორივე { პროცესი } დეცენტრალიზაციას იწვევდა, აქედან წარმოიშვა პირდაპირი აუცილებლობა, შექმნილიყო აბსოლუტური მონარქია, როგორც ძალა, რომელიც ეროვნებათ ურთიერთთაკავშირებს. იგი უნდა ყოფილიყო აბსოლუტური სწორედ იმიტომ, რომ ყველა ელემენტი ცენტრიდანულ ხასიათს ატარებდა. მაგრამ მისი ეს აბსოლუტური ხასიათი არ უნდა გაევიგოთ ვულგარულად; აბსოლუტური მონარქია { ვითარდებოდა } მუდმივ ბრძოლაში ხან წოდებათა წარმომადგენლობასთან, ხან მემამბოხე ფეოდალებსა და ქალაქებთან; წოდებანი მან არსად არ მოსპო; ამრიგად, ყველგან უნდა აღინიშნოს, როგორც უფრო წოდებრივი მონარ-

¹ ეს ხელნაწერი ფრაგმენტი გამოქვეყნებულ იქნა 1948 წ. «მარქსისა და ენგელსის არქივში» ტ. X, რედაქციის მიერ გაკეთებული სათაურით: «რეფორმაციისა და გლახთა ომის შესახებ გერმანიაში». რ. ე. დ.

² განმარტებითი ტექსტი ფიგურალურ რკალში რედაქციას ეკუთვნის. რ. ე. დ.

ქია (როგორც ფეოდალიზმის დაშლის პერიოდის ჯერ კიდევ ფეოდალური, მაგრამ ამასთანავე უკვე ჩანასახობრივად ბურჟუაზიული მონარქია).

რევოლუცია № 1 — რომელიც თავისი მასშტაბით გაცილებით უფრო ევროპული იყო, ვიდრე ინგლისისა, და რომელიც გაცილებით უფრო სწრაფად გავრცელდა ევროპაში, ვიდრე საფრანგეთის რევოლუცია — გაიმარჯვა შვეიცარიაში, ჰოლანდიაში, შოტლანდიაში, ინგლისში, გარკვეული თვალსაზრისით აგრეთვე შვეიცასა (ჯერ კიდევ გუსტავ ვაზას დროს) და დანიაში — აქ, ორთოდოქსალურ-აბსოლუტისტური ფორმით, მხოლოდ 1860 წელს.

I¹ მიზეზები გერმანიაში. გერმანიის ისტორია დასაბამიდან. ზალზთა ადგილგადასახლების ჰეროიკული ხანის შემდეგ გერმანიას ბოლო მოეღო. მხოლოდ საფრანგეთმა მკვდრეთით აღადგინა იგი კარლოს დიდის წყალობით. ამასთან ერთად — რომის იმპერიის იდეა, რომელიც კვლავ გამოცოცხლდა ოტონთა დინასტიის დროს. ეს იდეა უფრო არა გერმანულია, ვიდრე გერმანული. გერმანიის გაჩანაგება ჰოპენშტაუფენთა დროს ამგვარი პოლიტიკის — იტალიის ქალაქთა ძარცვა-გლეჯის — შედეგად. ამის გამო, თუ აღარაფერს ვიტყვით ამბოხებათა შემთხვევებზეც, ძლიერდება დაქსაქსულობა. გერმანიის განვითარება «უმეფობის ხანიდან»² XV საუკუნემდე. ქალაქების აყვავება. მთავართა მომძლავრებით გამოწვეული დაცემა ფეოდალური სისტემისა, რომელსაც არასდროს არ მიუღწევია გერმანიაში სრული განვითარებისათვის (იმპერატორი, როგორც მფლობელი — მთავარი, საიმპერიო რაინდების მტერია, ხოლო როგორც იმპერატორი მათი მომხრეა). გლეხების თანდათანობითი განთავისუფლება, რაც XV საუკუნეში რეაქციამ შეწყვიტა. ეკონომიური თვალსაზრისით გერმანია სავსებით იდგა იმდრო-

¹ ტექსტი, რომელიც ენგელსმა რომაული ციფრით I აღნიშნა, ხელნაწერში მოთავსებულია იმ ტექსტის შემდეგ, რომელიც აღნიშნულია ციფრით 11. რ ე დ.

² უმეფობის ხანა, რომელიც მოჰყვა ჰოპენშტაუფენების დინასტიის შეწყვეტას (1254 წ.) და რომელიც 1273 წლამდე გაგრძელდა. ეს ის პერიოდი იყო როდესაც იმპერატორის გვირგვინს ერთმანეთს ეცილებოდნენ სხვა და სხვა პრეტენდენტები. იგი გამოირჩეოდა შეუწყვეტელი შეხლა-შემოხლთ და მთავრების, რაინდებისა და ქალაქების ურთიერთობებით. რ ე დ.

ინდელი ქვეყნების სიმაღლეზე. — გადამწყვეტი მნიშვნელობა ჰქონდა იმას, რომ გერმანიაში, რომელიც პროვინციებად იყო დაქსაქსული და დიდი ხნის განმავლობაში თავისუფალი იყო შემოსევებისაგან, ეროვნული ერთიანობის მოთხოვნილება არ იყო ისეთი ძლიერი, როგორც საფრანგეთში (ასწლიანი ომი), ესპანეთში, რომელიც ის იყო მთავრებს გამოპგლიჯეს ხელიდან, რუსეთში, რომელმაც იმ ხანებში განდევნა თათრები, და ინგლისში (ვარდების ომი). გადამწყვეტი მნიშვნელობა ჰქონდა აგრეთვე იმასაც, რომ იმპერატორთა ხელისუფლება იმ დროს საცოდავ მდგომარეობაში იყო.

II. რენესანსის ეპოქას თავისი ევროპული სახით ჰ საფუძვლად უდევს ჰ ფეოდალიზმის საყოველთაო გახრწნა და ქალაქების აყვავება. ამას მოჰყვა აბსოლუტისტური ეროვნული მონარქიების ჰ ჩამოყალიბება ჰ—ყველგან, გარდა გერმანიისა და იტალიისა.

III. რეფორმაციის დახასიათება, როგორც საერთო მისწრაფებათა და ა. შ. ერთად ერთი შესაძლებელი და პოპულარული გამონატულებისა.

შენიშვნები გერმანიის შესახებ

შ ი ს ა ვ ა ლ ი. 1500 — 1789

I. XV საუკუნის დასასრულისათვის გერმანია სულ უფრო და უფრო ქუცმაცდება, ხოლო მისი ცენტრი — სულ უფრო და უფრო სუსტდება, მაშინ როდესაც საფრანგეთი და ინგლისი უკვე ცოტად თუ ბევრად ცენტრალიზებული სახელმწიფოებია და იქ უკვე ერი ყალიბდება. გერმანიაში ეს შეუძლებელია, რადგან: 1) აქ ფეოდალიზმი უფრო გვიან განვითარდა, ვიდრე იმ ქვეყნებში, რომლებმაც დაპყრობები¹ განიცადეს; 2) გერმანიის შემადგენლობაში ფრანგული და სლავური ოლქები შედიოდა, იტალია მას თავის კუთვნილებად მიანჩნდა, ხოლო რომი — თავის ცენტრად; ამრიგად, გერმანია არ წარმოადგენდა ეროვნულ კომპლექსს; 3) რადგან — და ეს არის

¹ საუბარია დასავლეთ ევროპის ქვეყნების შესახებ, რომლებიც რომის იმპერიის შემადგენლობაში შედიოდნენ და რომლებმაც გერმანულ ტომთა დაპყრობები განიცადეს ხალხთა ეგრეთწოდებულ დიდი გადასახლების პერიოდში (III — VI ს. ს. ჩ. წ.). რე დ.

სწორედ მთავარი — ცალკეული პროვინციები და პროვინციათა გან-
ცალკევებული ჯგუფები ჭერ კიდევ საფსებით იზოლირებულები
იყვნენ ერთმანეთისაგან: მათ შორის არ იყო არავითარი ურთიერ-
ობა და ა. შ. (შეად. გლებთა ომს). ჰანზა, რაინის ქალაქთა კავშირი,
შვაბიის ქალაქთა კავშირი¹ ბუნებრივად აღმოცენებული, მაგრამ
ერთმანეთისაგან გათიშული ჯგუფების წარმომადგენლები იყვნენ.

1 კ უ ნ ქ ტ ი ს ა თ ვ ი ს. ესპანეთი, საფრანგეთი, ინგლისი XV
საუკუნის დამლევისათვის ეროვნულად შეკავშირებულ სახელმ-
წიფოებად ჩამოყალიბდნენ; ამ კონსოლიდაციას XV საუკუ-
ნეში ეპოქის შემქმნელი მნიშვნელობა ჰქონდა. (ესპანეთში —
კატალონიისა და კასტილიის ეროვნებათა გაერთიანება, პორტუგა-
ლიაში — იბერიულისა. პოლანდიამ ზღვაოსნობით მოიპოვა დამოუკი-
დებელი არსებობის უფლება, საფრანგეთმა — დინასტიური ძალაუფ-
ლების წყალობით, რომელმაც თანდათან თავის გავლენის სფეროში
მოაქცია მთელი ერი. ინგლისის კონსოლიდაცია მოხდა ვარდების
ომის დროს, რომელმაც კარის არისტოკრატის მუსრი გაავლო. და
ინგლისშიც ეს მოხდა მხოლოდ მას შემდეგ, როდესაც იგი აიძულეს
ხელი აეღო თავის იმ დონეიხოტურ დაპყრობათა გეგმებზე საფრან-
გეთში, რომლებიც წააგავდა გერმანელთა ლაშქრობებს რომის იმპე-
რიის წინააღმდეგ. სხვა შემთხვევაში იგი ისევე დაიცლებოდა სისხ-
ლიდან, როგორც გერმანელები ამ თავიანთ ლაშქრობათა დროს). —
გერმანია, მიუხედავად ეკონომიური კავშირის უქონლობისა, მაინც
მიიღწევა ცენტრალიზაციას და ამასთან კიდევ უფრო ადრე (მაგა-
ლითად ოტონების დროს), თუ არა, ჭერ-ერთი რომის იმპერატორის
ტიტული და მასთან დაკავშირებული მსოფლიო ბატონობის პრეტენ-
ზია, რომელიც შეუძლებელს ხდიდა ეროვნული სახელმწიფოს ჩამო-
ყალიბებას, და ძალთა განიაგება იტალიურ ლაშქრობებში (ამის
უკუმოქმედება ავსტრიაში ჭერ კიდევ 1866 წელს იგრძნობოდა!); —
ამასთან საერთოგერმანული ინტერესები სულ მუდამ ვერაგულად
ირღვეოდა. მეორეც, ამას ხელი შეუშალა იმპერატორის არჩევითო-
ბამ, რომელიც არა მარტო იმას უშლიდა ხელს, რომ იმპერატორის
დინასტიური ხელისუფლება ერის განსახიერება ყოფილიყო, არამედ
ყოველთვის — და განსაკუთრებით XV საუკუნეში — დინასტიებს
ამხობდა, როგორც კი იმპერატორის საგვარეულო ხელისუფლება

¹ სამხრეთ და დასავლეთ გერმანიის ქალაქთა შვაბიისა და რაინის კავშირები
შეიქმნა XIV საუკუნის 70-იან წლებში. მისი მიზანი იყო სავაჭრო გზების უშიშ-
როების უზრუნველყოფა და ფეოდალთა თარეშისაგან თავდაცვა. XIV ს. დამლევ-
სათვის ქალაქთა ეს სუსტი გაერთიანებანი დაიშალა. რ ე ჯ.

მთავრების თვალსაზრისით მეტისმეტ გაძლიერებას იწყებდა. საფრანგეთსა და ესპანეთშიც ჰქონდა აღვილი ეკონომიურ დაქსაქსულობას, მაგრამ იქ იგი ძალდატანების მეშვეობით დაძლიეს.

«კულტურკამფმა» იმპერატორსა და პაპს შორის¹ შუა საუკუნეების დროს გამოიწვია გერმანიისა და იტალიის დაქუცმაცება (იტალიაში, სადაც პაპი ეროვნული ერთიანობის დაბრკოლებას წარმოადგენდა, ამავე დროს ხშირად ერის მოჩვენებით წარმომადგენლად გამოდიოდა, მაგრამ იგი ისე მოქმედებდა, რომ, მაგალითად, დანტე უცხოელ იმპერატორში ხედავდა იტალიის მხსნელს). 1500 წლისათვის პაპი, როგორც საშუალო შეძლების მთავარი, თავისი სამფლობელოებით შუაგულ იტალიაში იჯდა და პრაქტიკულად შეუძლებელს ხდიდა იტალიის გაერთიანებას.

2. და მიუხედავად ამისა, — ვაჭრობის ბუნებრივი განვითარების, ქ პოლაბიელ ქსლავთა გაგერმანელებისა, აგრეთვე ფრანგული ოლქებისა² და იტალიის დაკარგვის შედეგად — შესაძლებელი იყო გერმანიის გამთლიანება, ვინაიდან მსოფლიო ვაჭრობის გზები სწორედ აქ გადიოდა. მაგრამ ამ დროისათვის ორი გადამწყვეტი მოვლენა მოხდა:

1) გერმანულმა ბიურგერობამ მოახდინა თავისი რევოლუცია, რომელიც, დროის სულისკვეთების თანახმად, რელიგიურ საქმეებში გამოვლინდა — რეფორმაციის სახით: მერე და რა საძაგლად! საიმპერიო რაინდობისა და გლეხობის გარეშე მისი განხორციელება შეუძლებელი იყო. მაგრამ წინააღმდეგობა სამივე წოდებას შორის ხელს უშლიდა მათ ერთად გამოსულიყვნენ: რაინდები — გლეხების მჩაგვრელები და ხშირად (მაგალითად, მანპოლდ ფონ ებერშტაინი) მძარცველები ქალაქებისა, რომლებიც თავის მხრივაც სამმაგ ტყავს აძრობდნენ გლეხებს (უღმის საქალაქო საბჭო და გლეხები!). პირველნი აჯანყდნენ საიმპერიო რაინდები, რომლებმაც სრული მარცხი განიცადეს, ვინაიდან ბიურგერებმა ისინი ბედის ანაბარა მიაგდეს. მათ კვალდაკვალ აღსდგნენ გლეხებიც, მაგრამ ბიურგერები აშკარად გამოვიდნენ მათ წინააღმდეგ. ამასთანავე

¹ შუასაუკუნეების დროინდელ გერმანულ იმპერატორთა ბრძოლას პაპებთან ენგელსი ირონიულად უწოდებს «კულტურკამფს» და ამით გადაკრულად გულისხმობს 1872 — 1879 წლებში მომდარ ბისმარკის მთავრობის იმ კონფლიქტს პაპსა და კათოლიკურ წრებთან, რომელიც ამ სახელწოდებით შევიდა ისტორიაში. რ ე დ.

² იტულისხმება ფრანშ-კონტე და საფრანგეთის ლოთარინგია, რომელიც თავდაპირველად შუასაუკუნეებრივი გერმანიის იმპერიის შემადგენლობაში შედიოდა, ხოლო შემდეგ საფრანგეთს მიეკუთვნა. რ ე დ.

ბიურგერთა რელიგიური რევოლუცია იმ ზომად დასაჭურისებელი აღმოჩნდა, რომ იგი ძლიერ მოეწონათ მთავრებს, რომლებმაც ხელთ იგდეს კიდევაც ხელმძღვანელობა. — XVI საუკუნის გერმანიის რევოლუციის სპეციფიკურად ლეთისმეტყველურ-თეორიული ხასიათი. განსაკუთრებული ინტერესები არა ამქვეყნიური ნივთებისადმი. უბადრუკი სინამდვილისაგან მოწყვეტა — საფუძველი გერმანელთა მერჰინდელი უპირატესობისა თეორიაში, ლაიბნიციდან ჰეგელამდე.

2) მსოფლიო ვაჭრობის გზებმა გადაინაცვლეს გერმანიიდან და იგი იზოლირებულ ჩიხში მომწყვდეული აღმოჩნდა. ამის შედეგად ბოლო მოედო ბიურგერთა ძალას და აგრეთვე რეფორმაციასაც.

3) ამის შედეგად — *cuius regio, eius religio*¹ და გერმანიის ფაქტიური დაშლა უმთავრესად პროტესტანტულ ჩრდილოეთად, ძირითადად კათოლიკურ, მაგრამ შიგა და შიგ ფრიალ აჭრელებულ სამხრეთ-დასავლეთად და საეხებით კათოლიკურ სამხრეთ-აღმოსავლეთად. ამაშია სწორედ 1740 — 1870 წ. წ. მანკიერი განვითარების წყარო (პრუსია, გათიშვა ჩრდილოეთ და სამხრეთ გერმანიას შორის, ბოლოს, მკირე გერმანია² და ავსტრია). საწინააღმდეგო პროცესი საფრანგეთში. ჰუგენოტების დათრგუნვა (იხ. «შენიშვნები», გვ. 2³).

3. გერმანიას, რომელიც სამრეწველო თვალსაზრისით განიციდიდა პასიურობასა და რეგრესს, ცვალებადი პოლიტიკური ვითარების ესა თუ ის გავლენა უფრო ძლიერ უნდა განეცადა, ვიდრე აქტიურ და სამრეწველო თვალსაზრისით მოწინავე ქვეყნებს (ეს დებულება ზოგადი სახით განვითარდეს). ორ ბანაკად გათიშვამ შინა ომი დააყენა დღის წესრიგში. ომების ჩამოთვლა; 1648 წლამდე სულ ერთიანად შინა ომებია. ფრანგები შემთხვევით სარგებლობენ. მათი კავშირი პროტესტანტ მთავრებთან, რომლებსაც ისინი ფულით უხდიან საზღაურს და რომელთა სამფლობელოებშიც ჰქრეფენ გერმანულ დაქირავებულ ჯარებს. თავის უმაღ-

¹ — «ვისიც ქვეყანა, სარწმუნოებაც მისია» (ლათ.) — პრინციპი, რომელიც საფუძვლად დაედო აუგსბურგის 1555 წ. რელიგიურ ზავს (იხ. შენიშვნა გვ. 47). რ ე დ.

² «მკირე გერმანია» — ასე ეწოდებოდა პრუსიის მეთაურობით გერმანიის სახელმწიფოთა «ზემოდან» გაერთიანების პროგრამას, რომელიც XIX საუკუნის 30 წლებში გავრცელდა გერმანელი ბურჟუაზიის პროსოფილურ წრეებში. ეს პროგრამა, რომელიც ვარაუდობდა ავსტრიის გამორიტხვას გერმანიის კავშირიდან, ზოგადი ნიშნებით განხორციელებულ ოქნა ბისმარკის მიერ 1866 — 1871 წლებში. რ ე დ.

³ იხ. ფრაგმენტი «გერმანიის შესახებ შენიშვნების» მეორე ხელნაწერიდან, ამ გამოცემის 206 — 207 გვ. რ ე დ.

ლეს წერტილს ამან ოცდაათწლიანი ომის დროს მიაღწია (ოცდაათწლიანი ომის დროს ირლანდიელები გერმანიაში, გერმანელები ირლანდიაში — 1693-სა და 1806 წლებში)¹. გაპარტახებულობის დახასიათება. ეკონომიური, სოციალური და პოლიტიკური შედეგები: დათმობანი საფრანგეთის სასარგებლოდ. შვეციისა და დანიის დამკვიდრება გერმანიაში; გარანტიის მქონე სახელმწიფოთა ჩარევის უფლება; ცენტრალური ხელისუფლების სრული მოშლა; იმპერატორის წინააღმდეგ ამბოხების, შინა ომის წარმოებისა და სამშობლოს ღალატის უფლება, რომლებიც ევროპაში აღუთქვა მთავრებს.

4) 1648 — 1789 წლები.

ა) გერმანიის პოლიტიკური მდგომარეობა. გერმანელი მთავრები ხელს ითბობენ ვესტფალიის ზავზე და ერთმანეთს ეჯიბრებიან იმაში, თუ ვინ უფრო მომგებიანად მიჰყიდის თავს უცხოეთს. საფრანგეთი იყენებს გერმანიის სისუსტეს, რათა ნელნელა წაართვას გერმანიას ყველა ფრანგულ სამფლობელო და გაამთლიანოს ელზასის ფარგლები (გერმანიის სისუსტით სარგებლობს თურქეთიც). საფრანგეთის ისტორიული უფლება და ტრეკონების მიერ ატეხილი აყალმაყალი «მიტაცების»² შესახებ. ენობრივი საზღვარი დაახლოებით 1000 წლიდან უცვლელი რჩება, გამონაკლისს შეადგენს ვოგეზის მარცხენა რაიონები (იხ. მენკე³). ეს ზოგადად. კერძოდ კი უნდა აღინიშნოს ავსტრიისა და იმპერიის მეტოქე სახელმწიფოს აღმოცენება ჩრდილოეთში — პრუსიის განდიდება. შესამჩნევი ხდება ქვეყნის გათიშვა ჩრდილოეთ და სამხრეთ ნაწილებად. პრუსიის ისტორიის კრიტიკა. ფრიდრიხ II. რუსეთის

¹ ენგელსს მხედველობაში აქვს გერმანიის დაქირავებული ჯარების გამოყენება ინგლისელების მიერ პოლიტიკური სამსახურისათვის ირლანდიაში და ირლანდიელთა ნაციონალურ-განმათავისუფლებელი მოძრაობის ჩახშობა. რ. ე. დ.

² ენგელსს მხედველობაში აქვს ის გარემოება, რომ გერმანელი შოენისტები იჩემებდნენ ელზასსა და ლოთარინგიას იმ საბაბით, თითქოს გერმანიის შუასაუკუნებრივ იმპერიას «ისტორიულია უფლებანი ჰქონდა ამ ოლქების მიმართ. მარქსი და ენგელსი მუდამ საზგასმით აღნიშნავდნენ, რომ ისტორიული ბედი ელზასისა, რომელიც ოცდაათწლიანი ომის დროს გადავიდა ფრანგების ხელში, და ლოთარინგიისა, რომელიც საფრანგეთმა საბოლოოდ 1766 წელს შეიერთა, განუყრელად არის დაკავშირებული საფრანგეთთან ჯერ კიდევ .1789 — 1794 წ. წ. საფრანგეთის ბურჟუაზიული რევოლუციის დროიდან და სასტიკად გმობდნენ ბისმარკის მთავრობას ამ ოლქების 1871 წელს ანექსიის გამო (იხ. კ. მარქსი და ფ. ენგელსი, ოხზულებანი, ტ. XVI, ნ. 1, გვ. 488 — 491). რ. ე. დ.

³ იგულისხმება შპრუნერ-მენკეს «შუა საუკუნეებისა და ახალი დროის ისტორიის სახელმძღვანელო ატლასი» (იხ. შენიშვნა 187. გვ.) რ. ე. დ.

განდიდება და ფრიდრიხ II დამოკიდებულება რუსეთის პოლიტიკისაგან. გერმანიის შინა ომები ამიერიდან იქცა საკონსტრუქციო ომად ავსტრიასა და პრუსიას შორის.

ბ) ეკონომიური მდგომარეობა. მიუხედავად ყოველივე ამისა — ოცდაათწლიანი ომის შედეგებისაგან ნელი მობრუნება და ბიურგერობის ცდები კვლავ ზედაპირზე ამოტივტივდნენ. არსებულ პირობებში ბიურგერობის ეს ამოტივტივება მხოლოდ მაშინ იქნებოდა შესაძლებელი, თუკი იგი უაღრესად სამარცხვინო თვისებებს გამოამჟღავნებდა. ამასთანავე ამჟამად წინსვლა მხოლოდ პოლიტიკური ინტერვენციების საშუალებით ხორციელდებოდა, მარტოოდენ მთავართა სამარცხვინო მოქმედებით და იმ ფულის მეშვეობით, რასაც მათთვის უცხოეთი გაიმეტებდა. ეს ამტკიცებს, თუ რაოდენ დამცირებული იყო გერმანია მაშინ ეკონომიურად. ეს ეპოქა წარმოადგენს პატრიარქალური რეჟიმის წყაროს. 1648 წლის შემდეგ სახელმწიფო მართლაც მოწოდებულია შეასრულოს სოციალური ფუნქციები — რისი მიზეზიც ფინანსური გაჭირვებაა. იქ, სადაც სახელმწიფო ამას არ აკეთებდა, შედეგად მოსდევდა სამეურნეო უძრაობა (ვესტფალიის საეპისკოპოსო). რაოდენი დამცირება! მეგრე და რა უზნიშვნელოა სახელმწიფოს ეს შეწევნა! მსოფლიო ვაჭრობაში მონაწილეობის მხრივ მდგომარეობა უაღრესად საეალალოა; მხოლოდ როგორც ნეიტრალური მხარეს შეეძლო გერმანიის სახელმწიფოებს რაიმეს გამორჩენოდნენ დიდ მსოფლიო ომებში (ამერიკისა და რევოლუციური ომები 1801 წლამდე), ხოლო ყაჩაღური სახელმწიფოების წინაშე კი ისინი სრულიად უმწეონი იყვნენ (გერმანიის ამ სამარცხვინო მდგომარეობას მხოლოდ საფრანგეთის რევოლუციის წყალობით მოელო ბოლო).

ც) ლიტერატურა და ენა სავსებით დაკნინებულია; თეოლოგიის გაქვევებული დოგმატიკა; სხვა სამეცნიერო დარგებში გერმანიის სრული ჩამორჩენილობა, თუმცა დრო და დრო მზის სხივის გაელვარება. იაკობ ბოძე (მოძავლის ფილოსოფიის ახალი მათწყებელი). კეპლერი, ლაიბნიცი. არსებულისაგან, სინამდვილისაგან კვლავ აბსტრაქტირება. ბ ა ხ ი.

დ) გერმანიის მდგომარეობა 1789 წელს. ა) მიწათ; მოქმედება და გლეხთა მდგომარეობა. ბატონყმობა, ფიზიკური სასჯელი, ღალა ხ) მრეწველობა პირდაპირ სავალალო მდგომარეობაშია, სჭარბობს ხელით მუშაობა. ინგლისში უკვე მსხვილი მრეწველობა იწყება, მაშინ როდესაც გერმანიის მრეწველობა, სასიკვდილოდ განწირული აღმოჩნდა, თუმცა განვითარებაც კი ვერ

მოასწრო. c) პასიური სავაჭრო ბალანსი. d) ბიურგერის სოციალური მდგომარეობა თავადაზნაურობისა და მთავრობის მიმართ. e) პოლიტიკური დაბრკოლებანი განვითარებისათვის — ქვეყნის დაქუცმაცებულობა; გადმოცემა მენკეს მიხედვით. სავაჭრო ბაჟები ხელს უშლიან სამდინარო ნაოსნობას. დაქუცმაცებულობის გამო ვაჭრობის თავისუფლება შინაგან საზღვრებშია მოქცეული. ბაჟები წარმოადგენენ უმთავრესად ქალაქების გადასახადებს მოხმარების საგნებზე.

გერმანელი მთავრები, განსწავლულნიც კი, — როგორც, მაგალითად, შუბარტის¹ მფარველები და კარლოს ავგუსტოსი, — უძლურნი იყვნენ რაიმე სასარგებლო გაეკეთებინათ და გაცილებით მეტი ხალისით არჩევდნენ რაინის ჯავშირში შესვლას, ვიდრე ომის დაწყებას. ამას მოწმობს 1806 წლის შემოსევა, როდესაც მას ყელზე ჰქონდათ დანა მიბჯენილი; ამასთან ამ 1000 მთავრიდან თვითეული — აბსოლუტური მონარქია. ესენი არიან უაღრესად ტლანქი, გაუნათლებელი არამზადები, რომლებისგანაც არასოდეს არ უნდა ელოდე ერთობლივ მოქმედებას, სამაგიეროდ ახირებულობას კი — უთვალავს (შლოცერი). დაქირავებული ჯარისკაცებით ვაჭრობა ამერიკის ომის დროს. მაგრამ მათი ყველაზე უფრო სამარცხვინო ბოროტმოქმედება მაინც თვით მათი არსებობის ფაქტია. მათ გვერდით კი აღმოსავლეთ საზღვარზე მდებარეობს პრუსია ჩრდილოეთით, ავსტრია სამხრეთით, რომლებსაც ხარბად გაუწვდიათ ხელები ახალახალი ოლქებისაკენ. ესენი იყვნენ ერთადერთი სახელმწიფოები, რომლებსაც ჯერ კიდევ შეეძლოთ მდგომარეობის გამოსწორება, ამ ორში რომ ერთი ყოფილიყო. მაგრამ გარდუვალი კონკურენცია მათ შორის ყოველგვარ გამოსავალს სპობდა. ნამდვილი ჩიხი — მხოლოდ გარედან შეიძლებოდა შეველა, იგი საფრანგეთის რევოლუციამ მოიტანა. მხოლოდ ორ დარგშიღა იყო სიცოცხლის ნიშნები: ერთი მხრივ, სამხედრო ხელოვნებაში და, მეორე მხრივ, ლიტერატურასა, ფილოსოფიასა და კეთილსინდისიერ, ობიექტურ მეცნიერულ კვლევა-ძიებაში. იმ დროს, როდესაც საფრანგეთში უკვე XVIII საუკუნეში სკარბობენ პუბლიცისტები, აქასთან პირველი რანგის პუბლიცისტები — გერმანიაში საქმე იმით განისაზღვრა, რომ სი-

¹ ენგელსს მხედველობაში ჰყავს ზოგიერთი გერმანელი მთავარი (პერცოგები ლეპოლდ დახაუ, ერნსტ-ფრიდრიხ კობურგსკი და სხვ.), რომლებიც XVIII საუკუნის გერმანელ აგრონომ შუბარტს მფარველობდნენ და თავიანთ მამულებში მის აგრონომიულ მეთოდებს იყენებდნენ. რ ე დ.

ნამდვილეს გაურბოდნენ და იდეალურ სფეროს ეტანებოდნენ. «ადამიანის» იდეა და ენის განვითარება; 1700 წლისათვის — ჯერ კიდევ ბარბაროსობა, 1750 წ. — ლესინგი და კანტი, ხოლო მალე მათ გვერდში ამოუდგნენ გოეთე, შილერი, ვილანდი, ჰერდერი, გლუკი, ჰენდელი, მოცარტი.

1789 — 1815

I. გერმანელი ყმა-გლეხები, რომლებიც ელზას-ლოთარინგიაში და ა. შ. ტერიტორიაზე ცხოვრობდნენ¹ და სანახევროდ საფრანგეთის ბატონობას განიცდიდნენ, შეუერთდნენ საფრანგეთის რევოლუციას — აქედან ომის საბაბი. პრუსია და ავსტრია უცბად ერთსულ ოვნად განწყობილნი აღმოჩნდნენ. ვალმი. სახაზო ტაქტიკის კრახი, რომელიც გაპირობებული იყო არტილერიის მასიური გამოყენებით. ფლერიუსი და ემპაპი. ავსტრიის კორდონთა² ტაქტიკის კრახი. რაინის მარცხენა ნაპირის დაპყრობა. გლეხებისა და თავისუფლების მოყვარულ ქალაქთა სიხარული, რისი შებღალვაც ვერ შეძლო ჩაგვრის ცალკეულმა შემთხვევებმა და ნაპოლეონის მიერ შემოღებულმა სისხლის გადასახადმა. ამიენის ზავი და საიმპერიო დეპუტაცია. მთავარი ბრძოლა. იმპერიის გაუქმება. რაინის კავშირი³. ნაპოლეონმა გასწმინდა გერმანია

საუბარია გერმანელი საიმპერიო მთავრების (უმთავრესად მღვდელმთავრების) სამფლობელოების შესახებ ელზასსა და ლოთარინგიაში. ამ ოლქების საფრანგეთისადმი შეერთების შემდეგ მთავრები ერთსადაიმავე დროს ფრანგი მეფეების და გერმანელი იმპერატორების ვასალები აღმოჩნდნენ. საფრანგეთის ბურჟუაზიულმა რევოლუციამ, რომელიც ელზასსა და ლოთარინგიაშიც გავრცელდა და რომელმაც საეკლესიო სამფლობელოების სეკულარიზაცია გამოაცხადა, გამოიწვია ამ მთავართა კონფლიქტი საფრანგეთის მთავრობასთან. მთავრების მიმართვა იმპერიისადმი გახდა საბაბი გერმანიის რეაქციულ სახელმწიფოთა ჩარევისათვის საფრანგეთის შინაგან საქმეებში. რ ე დ.

² 1792 წ. 20 სექტემბერს ვალმისთან ბრძოლაში საფრანგეთის რევოლუციურმა არმიამ გამარჯვება მოიპოვა ჰერცოგ ბრაუნშვაიგის პრუსიულ ჯარებზე. 1792 წ. 6 ნოემბერს ფრანგებმა გაანადგურეს ავსტრიის არმია ემპაპთან ბრძოლის დროს ბელგიაში. 1794 წ. 26 ივნისს ფლერიუსის ბრძოლაში შარლერუას მახლობლად, ფრანგებმა დაამარცხეს ავსტრიის ჯარები ჰერცოგ კობურგსკის მეთაურობით. რ ე დ.

³ ავსტრიასთან (1801 წელს ლიუნევილში) და ინგლისთან (1802 წ. მარტში ამიენში) ხანმოკლე ზავის დადების შემდეგ, ნაპოლეონმა განახორციელა წერილი საიმპერიო მღვდელმთავრებისა და «თავისუფალი ქალაქების» სამფლობელოების განაწილება თავისი გერმანელი ვასალების — მსხვილი საერო მთავრების — სასარგებლოდ. ამ მიზნით მსხვილმა საერო მთავრებმა მოიწვიეს განსაკუთრებული «საიმპერიო დეპუტაცია». საბოლოო ღახვარი შეასაუკუნებრავ გერმანიას ნაპოლეონმა

წერილი სახელმწიფოებისაგან; მაგრამ სამწუხაროდ ეს წმენდა საკმარისი არ აღმოჩნდა. ნაპოლეონი მუდამ რევოლუციურ როლს თამაშობდა მთავრების მიმართ და ამ მხრივ ძლიერ შორსაც წავიდოდა, რომ წერილ თავადებს მის წინაშე არ ელაქუცათ. 1806 წ. — ნაპოლეონის შეცდომა ის იყო, რომ მან პრუსია საბოლოოდ არ მოსპო; გერმანიის ეკონომიური მდგომარეობის შესახებ კონტინენტალური ბლოკადის დროს¹. ეს უდიდესი საგარეო დამცირების ხანა ემთხვევა ბრწყინვალე პერიოდს ლიტერატურასა და ფილოსოფიაში და მუსიკის განვითარების კულმინაციურ წერტილს ბეთჰოვენის სახით.

«გერმანიის შესახებ შენიშვნების» მეორე ხელნაწერიდან²

ჰუგენოტთა ომების დროს მეფის ხელისუფლების, როგორც ერის წარმომადგენლის ავტორიტეტი უკვე იპყნენ და დიდია, რომ მხოლოდ მეფის მიერ დადებულ კავშირს უცხოელებთან და ხელშეკრულებებს სამხედრო დახმარების შესახებ ეკიდება საზოგადოებრივი აზრი სერიოზულად და მხოლოდ მათ აღიარებს. ყველა დანარჩენი პირნი ხალხის თვალში მუდამ მემამოხეები და მოლაპატეები არიან. ყველაზე უფრო აშკარად ეს გამოემჟღავნა ჰენრიხ III სიკვდილის შემდეგ, როდესაც ჰენრიხ IV შესძლო საბოლოო გამარჯვების მოპოება მხოლოდ მეფის ტიტულის გავლენის წყალობით.

1805 წელს ჩასცა, როდესაც მან — ავსტრიასთან ომის განახლებისა და ახალი გამარჯვების მოპოების შემდეგ — შექმნა რაინის კავშირი 16 გერმანული სახელმწიფოსაგან, რომლებსაც ოფიციალურად გასწვევით კავშირითიერობა ავსტრიასთან. იმპერატორის ტიტული და საიმპერიო დაწესებულებანი მალე მოსპეს, ხოლო ჰაბსბურგთა დინასტია ავსტრიის იმპერატორის ტიტულით უნდა დაკმაყოფილებულიყო. რ ე დ.

¹ კონტინენტალური ბლოკად — ევროპის კონტინენტის ქვეყნებისათვის ინგლისთან უოველგვარი ვაჭრობის წარმოების აკრძალვა, რომელიც ნაპოლეონმა 1805 წელს შემოიღო. ნაპოლეონის სასტიკი მოთხოვნით ბლოკადას უნდა შემოერთებოდა საფრანგეთისაგან დამოკიდებული ყველა ქვეყანა, მათ შორის ავსტრია და პრუსიაც. რ ე დ.

² მეორე და შესამე ხელნაწერები, რომლებიც ცალკეული ფრაგმენტებისაგან შედგება და რომლებსაც საერთო სათაური აქვთ «შენიშვნები გერმანიის შესახებ. 1789 — 1873», გამოქვეყნებულია პირველ ხელნაწერთან ერთად «მარქსისა და ენგელსის არქივში», ტ. X. აქ ქვეყნდება მხოლოდ ერთი ფრაგმენტი, რომელსაც ენგელსი იმომებს თავის პირველ ხელნაწერში. რ ე დ.

პროტესტანტიზმის საბოლოო დახშობა საფრანგეთში უბედურება როდი იყო მისთვის — ამას მოწმობს ბეილი, ვოლტერი და დიდრო. მაგრამ, ამავე დროს პროტესტანტიზმი რომ მოესპოთ გერმანიაში, — ეს უდიდესი უბედურება იქნებოდა არა მარტო გერმანელებისათვის, არამედ აგრეთვე მთელი მსოფლიოსათვისაც. გერმანიას მაშინ თავს მოახვევდნენ რომანული ქვეყნების განვითარების კათოლიკურ ფორმას; რამდენადაც განვითარების ინგლისური ფორმაც ნახევრად კათოლიკურ, ნახევრად შუასაუკუნეებრივ ხასიათს ატარებდა (უნივერსიტეტები და მისი მსგავსი სასწავლო დაწესებულებანი, საშუალო სკოლები — ყოველივე ეს არსებითად პროტესტანტული მონასტრებია), ამ შემთხვევაში გაუქმდებოდა გერმანული პროტესტანტული განათლების ყველა სახე (შინაური აღზრდა, კერძო პანსიონები, სტუდენტები, რომლებსაც უნივერსიტეტის კედლებს გარეთ აქვთ ბინა და რომლებიც თვითონვე ირჩევენ თავიანთთვის სამეცადინო კურსს), და ევროპის სულიერი განვითარება უსასრულოდ ერთგვაროვანი იქნებოდა. საფრანგეთმა და ინგლისმა არსებითად დაამსხვრიეს ცრურწმენანი, გერმანიამ თავიდან მოიშორა ფორმა, შაბლონი, რითაც ნაწილობრივ აიხსნება ის, რომ ყოველივე გერმანული უფორმოა. ეს ბოლო დრომდე დაკავშირებულა დიდ მინუსებთან, როგორცაა წერილ სახელმწიფოებად დაქუცმაცება, მაგრამ ამას უდიდესი უპირატესობა აქვს ერის განვითარების უნარის მხრივ; იგი თავის მწიფე ნაყოფს მხოლოდ მომავალში მოგვეცემს, როდესაც გადალახული იქნება ეს თავისთავად ცალმხრივი სტადია.

ამასთან გერმანული პროტესტანტიზმი — ქრიტიკიანობის ერთადერთი თანამედროვე ფორმაა, რომელიც კრიტიკის ღირსია. კათოლიციზმი უკვე XVIII საუკუნეში იღგა ყოველგვარ კრიტიკასე დაბლა და უბრალოდ პოლემიკის საგანი იყო (მაინც რა ვირებია ეს ძველი კათოლიკეები!); ინგლისურ პროტესტანტიზმს, რომელიც ათიოდე სექტად დაიშალა, არ აზასიათებდა თეოლოგიის განვითარება, თუ მხედველობაში არ მივიღებთ ისეთ განვითარებას, რომლის თვითეული ეტაპი აღინიშნება ახალი სექტის დაარსებით. მხოლოდ გერმანელს გააჩნია თეოლოგია და ამდენად ისტორიული, ფილოლოგიური და ფილოსოფიური კრიტიკის ობიექტიც. ეს კრიტიკა

1 ძველი კათოლიკეები — გერმანულ კათოლიკე მოღვათა ჯგუფი; ეს ჯგუფი 1871 წ. პროტესტით გამოდიოდა იმ დოკუმტის წინააღმდეგ, რომელიც ანტიციებდა პაპის უტოლველობას და თავს ზოგიერი რეფორმის მომხრედ აცხადებდა. რ ე ღ.

გერმანიის პროდუქტია, იგი შეუძლებელი იქნებოდა გერმანული პროტესტანტიზმის გარეშე, და, მიუხედავად ამისა, იგი აბსოლუტურად აუცილებელია. ისეთი სარწმუნოების მოსპობა, როგორცაა ქრისტიანობა, შეუძლებელია მართოდ ედაცინვისა და თავდასხმების საშუალებით, იგი აგრეთვე მეცნიერულად აუცილებელია იქნეს დაძლეული, ე. ი. ისტორიული ახსნა-განმარტების გზით, ხოლო ამ ამოცანის შესრულება ბუნების მეტყველებასაც კი გაუძნელდება.

სახელთა საძიებელი

ა

აიზენჰუტ (Eisenhut), **ანტონ** (გარდ. 1525 წ.) — მღვდელი ეინჰენში (ჰფალცის საჟურფიურსტო); გლეხებისა და ქალაქელთა ადგილობრივი აჯანყების წინამძღოლი 1525 წ. გლეხთა ომის პერიოდში. ტრუხხესის დამსჯელი ლაშქრობის დროს ტყვედ ჩავარდა და სიკვდილით დასაჯეს. — 102.

აილვა სიარდ (Åylva Sjöerd) — ფრიხელ გლეხთა აჯანყების წინამძღოლი 1497 წ. — 64.

აიტელ (Eitel), **ჰანს** — 1525 წ. გლეხთა ომის დროს ტბისპირულთა (შვაბია) რაზმის წინამძღოლი; ხელი მოაწერა ტრუხხესთან ვაინგარტენის კაპიტულანტურ ხელშეკრულებას, შემდეგ დაშალა თავისი რაზმი. — 87.

ალბა (Alba), **ფერნანდო ალვარეს** და **ტოლედო** (1507—1582) — ესპანეთის მეფისნაცვალი ნიდერლანდიაში; განსაკუთრებული სისასტიკით აზშობდა სახალხო აჯანყებას XVI საუკუნის დამლევის ნიდერლანდთა ბურჟუაზიული რევოლუციის დროს. — 85.

ალბრეხტ I (1250—1308) — ავსტრიის ერცჰერცოგი; 1298 წ. გერმანიის იმპერატორი. — 195.

ალბრეხტ III (1443—1500) — საქსონიის ჰერცოგი; მეთაურობდა დამსჯელ ჯარს, რომელმაც ჩააზო სახალხო აჯანყება ნიდერლანდებში 1491 — 1492 წწ. და ფრიხელ გლეხთა აჯანყება 1497 წ. — 64.

14. ფ. ენგელსი

ანტონი (1489—1544) — ლოტარინგიის ჰერცოგი (1508—1544); 1525 წ. ელზასის გლეხთა აჯანყების სისხლში ჩახრჩობის ორგანიზატორი; რეფორმაციის ერთ-ერთი მოწინააღმდეგე. — 120.

არნოლდ ბრეშიანელი (დაახ. 1100 — 1155) — შუასაუკუნეების იტალიელი რეფორმატორი, პაპისა და სასულიერო ფეოდალების წინააღმდეგ რომსა და სხვა ქალაქებში მიმდინარე მოქალაქეთა მოძრაობის იდეოლოგი; სიკვდილით დასაჯეს როგორც ერეტიკოსი. — 40, 41.

ბ

ბადენის მარკგრაფი — იხ. ფილიპე I.
ბაკუნინი, **მიხეილ ალექსანდრეს ძე** (1814—1876) — ანარქიზმის ერთ-ერთი იდეოლოგი; მიუხედავად იმისა, რომ იგი იყო მუშათა საერთაშორისო ამხანაგობის წევრი, გამოდიოდა როგორც სასტიკი მტერი მარქსიზმისა და აწარმოებდა გააფთრებულ ბრძოლას I ინტერნაციონალის გენერალური საბჭოს წინააღმდეგ, რომელსაც მარქსი ხელმძღვანელობდა; I ინტერნაციონალის ჰააგის კონგრესზე (1872) გარიცხულ იქნა ინტერნაციონალის რიგებიდან. — 19.

ბამბერგის ეპისკოპოსი — იხ. ვეიგანდი.

ბანტელჰანსი (Bantellians) (ბანტელ, ჰანს) — «საწყალი კონრადის» კავშირისა და ვიურტემბერგისა და შვაბიის მთიანი რაიონების გლეხთა

- აჯანყების ერთ-ერთი ხელმძღვანელი 1514 წ. — 72.
- ბ ა რ ნ ა ბ ა** — უნგრელი მღვდელი, 1514 წ. უნგრეთში გლეხთა ომის აქტიური მონაწილე. — 74.
- ბ ა ტ ო რ ი** (Báthory), **ს ტ ე ფ ა ნ** (გარდ. 1535 წ.) — მსხვილი ტრანსილვანელი ფეოდალური საგვარეულოს წარმომადგენელი; მეთაურობდა ჯარს, რომელიც გაიგზავნა უნგრეთში 1514 წელს გიორგი დოჟას ხელმძღვანელობით მიმდინარე გლეხთა აჯანყების ჩასახშობად. — 75.
- ბ ა ხ ი** (Bach), **ვ ა ლ ტ ე რ** — ლანდსკნეხტი, რომელიც 1525 წ. მიეკედლა სამხრეთ-გერმანიის გლეხთა აჯანყებას; ალგაუელი რაზმის ერთ-ერთი მეთაურთაგანი; გადამწყვეტ მომენტში უღალატა გლეხობას და მიიმალა შვეიცარიაში. — 109, 112.
- ბ ა ხ ი** (Bach), **ი ო ჰ ა ნ** **ს ე ბ ა ს ტ ი ა ნ ე** (1685—1750) — დიდი გერმანელი კომპოზიტორი. — 205.
- ბ ე ი ლ ი** (Bayle), **პ ი ე რ** (1647 — 1706) — ფრანგი ფილოსოფოსი, ფრანგ განმანათლებელთა ერთ-ერთი წინამორბედი. — 209.
- ბ ე თ ჰ ო ვ ე ნ ი** (Beethoven), **ლ უ დ ვ ი გ ვ ა ნ** (1770—1827) — დიდი გერმანელი კომპოზიტორი. — 208.
- ბ ე რ ლ ი ნ** (Berlin), **ჰ ა ნ ს** — ჰაილბრონის ქალაქის მრჩეველი; 1525 წ. აჯანყებულ გლეხთა მიერ ქალაქის აღების შემდეგ ცდილობდა მუამბოხეთათვის თავზე მოეხვია უფრო ზომიერი პროგრამა. — 95, 105.
- ბ ე რ ლ ი ხ ი ნ გ ე ნ** (Berlichingen), **გ ი ო ც** (1480—1562) — გერმანელი რაინდი, ცდილობდა 1525 წ. გლეხთა აჯანყება გამოეყენებინა ანგარებიანნი მიზნისათვის; არჩეულ იქნა ნათელ სიონისანი რაზმის მეთაურად. გადამწყვეტ მომენტში უღალატა გლეხობას. — 93, 94, 95, 105, 170, 171.
- ბ ი ო მ ე** (Bismarck), **ი ა კ ო ბ** (1815 — 1898) — გერმანელი ფილოსოფოსი, თვითნასწაველი, ხალხის წიაღიდან გამოსული; მისტიურ ფორმაში გამოთქვა მთელი რიგი შორსმჭვრეტელოური იდეა მატერიის დიალექტიკური განვითარების შესახებ. — 205.
- ბ ი ო ჰ ა ი მ** (Büheim), **ჰ ა ნ ს** (მესტიერი ჰანსი) (გარდ. 1476 წ.) — მწყემსი, სახალხო ქადაგი ნიკლასაჟუხენში, გლეხთა მოძრაობის შთამბგომბელი ვიურტემბურგის სეპისკოპოსოსა და მის მხლობელ რაიონებში; დაწვეს კოცონზე. — 61, 62, 63, 64.
- ბ ი ს მ ა რ კ ი** (Bismarck), **ო ტ ო ვ დ უ - ა რ დ** (1815—1898) — პრუსიის სახელმწიფო მოღვაწე, უკიდურესი მონარქისტი; 1862 წლიდან პრუსიის მინისტრ-პრეზიდენტი; განახორციელა ზემოდან გერმანიის გაერთიანება რეაქციული პრუსიული მონარქიის ჰეგემონობით; გერმანიის იმპერიის პირველი კანცლერი (1871—1890 წწ.), რომელიც ატარებდა აგრესიულ საგარეო პოლიტიკას იუგრობისა და მსხვილი ბურჟუაზიის ინტერესების დასაცავად და რეპრესიულ ზომებს მიმართავდა სოციალისტური მოძრაობის წინააღმდეგ. — 141, 142, 178.
- ბ ო კ ა ჩ ი ო** (Boccaccio), **ჯ ი ო ვ ა ნ ი** (1313—1375) — ალორძინების ეპოქის გამოჩენილი იტალიელი ნოველისტი და პოეტი. — 41.
- ბ ო ლ** (Ball), **ჯ ო ნ ი** (გარდ. 1381 წ.) — ინგლისელი სოფლის მღვდელი; სახალხო ქადაგი, რომელიც მოუწოდებდა ფეოდალების ხელისუფლების დამხობის და ძველქრისტიანული თანასწორობისა და ქონების ერთიანობის დამყარებისაკენ; 1381 წლის ინგლისის გლეხთა აჯანყების ერთ-ერთი სულისჩამდგმელთაგანი, რომლის დამარცხების შემდეგ ნაკუწ-ნაკუწად აქციეს. — 40, 42.
- ბ ო ნ ა კ ა რ ტ ე**, **ლ უ ი - იხ.** ნაპოლეონ III.

ბ რ ა ი ტ ი (Bright), ჯონ (1811—1889) — ინგლისელი მეფაბრიკე და პოლიტიკური მოღვაწე, ფრიტრედერების ლიდერი, რომელიც გამოხატავდა სამრეწველო ბურჟუაზიის ინტერესებს; 60-იანი წლების დასასრულიდან ლიბერალური პარტიის ერთ-ერთი ხელმძღვანელთაგანი. — 9.

ბ რ ა ნ დ ე ნ ბ უ რ გ - ა ნ ს ბ ა ხ ი ს მარკგრაფი — იხ. კახიმირი.

ბ რ ა ნ დ ე ნ ბ უ რ გ ი (Brandenburg), ფ რ ი დ რ ი ხ ვ ი ლ ჰ ე ლ შ ი, გრაფი (1792—1850) — პრუსიის გენერალი და სახელმწიფო მოღვაწე; 1848—1850 წწ რეაქციული სამინისტროს მეთაური, რომელმაც პრუსიაში 1848 წ. ნოემბერ-დეკემბერში კონტრ-რევოლუციური სახელმწიფო გადატრიალება განახორციელა. — 164, 165, 166.

ბ უ რ გ - ბ ე რ ნ ჰ ა ი მ ი (Burg-Bernheim), გ რ ე გ ო რ — 1525 წელს ანსბახის სათავადოში გლეხთა აჯანყების ერთ-ერთი ხელმძღვანელთაგანი. — 106.

ბ

გ ა ი ე რ ი (Geier), ფ ლ ო რ ი ა ნ (გარდ. 1525 წ.) — გერმანელი რაინდი, რომელიც 1525 წელს გადავიდა აჯანყებული გლეხების მხარეზე; სარდლობდა შვე რაზმსა; დაიღუპა ბრძოლაში. — 92, 94, 95, 104, 107.

გ ა ი ს მ ა ი ე რ ი (Geismaier), მ ი ხ ა ი ლ (გარდ. დაახ. 1527) — ერთ-ერთი ყველაზე მოქმედი და ნიჭიერი მეთაურთაგანი ტიროლსა და ზალცბურგის საეპისკოპოსოში გლეხთა აჯანყებისა; მემთაძადნე მუშის შვილი, ზალცბურგის ეპისკოპოსის მდივანი, შემდეგში საბაერუს მოხელე, რომელიც აჯანყებული გლეხების მხარეზე გადავიდა; ბრწყინვალედ ხელმძღვანელობდა მუამბოხე ჯარების საომარ მოქმედებას 1525 და 1526 წწ. — 122, 123, 124.

გ ე ო რ გ (1471—1539) — საქსონიის ჰერცოგი (1500—1539); 1525 წ. ტიურინგიაში გლეხთა აჯანყების სისხლში ჩახშობის ერთი ორგანიზატორთაგანი. — 57.

გ ე რ ბ ე რ (Gerber), ტ ო ი უ ს — შტუტგარტელი მოქალაქეების რაზმის მეთაური, რომელიც 1525 წ. მიემბრო ვიურტემბერგის აჯანყებულ ფოიერბახერის რაზმს; ვიურტემბერგის გლეხთა აჯანყების დამარცხების შემდეგ გაიქცა შვეიცარიაში. — 98, 101.

გ ე რ ბ ე რ (Gerber), ე რ ა ზ მ (გარდ. 1525 წ.) — 1525 წ. ელზასელი გლეხების აჯანყების ერთი მთავარი ხელმძღვანელთაგანი; ცაბერთან აჯანყებულთა დამარცხების შემდეგ ტყვედ ჩავერდა და ჩამოახრჩვეს. — 119.

გ ლ ი უ კ (Glück), კ რ ი ს ტ ო ფ ვ ი ლ ი ბ ა ლ დ (1714—1787) — უდიდესი გერმანელი კომპოზიტორი; საოპერო მუსიკის რეფორმატორი. — 207.

გ ო ე ტ ე (Goethe), ი ო ჰ ა ნ ვ ო ლ ფ - გ ა ნ გ (1749—1832) — დიდი გერმანელი პოეტი. — 170, 207.

გ რ ა ი ხ ე ლ (Greisel), ფ ლ ო რ ი ა ნ — მღვდელი, 1525 წ. გლეხთა ომის აქტიური მონაწილე შვაბიაში; 1525 წ. მეთაურობდა ქვემოალგაუს რაზმსა და ტრუხზესის მიერ 1525 წლის აპრილის დასაწყისში ბალტრინგენტან განადგურებული რაზმის ნარჩენებს; შვაბიის გლეხთა მიერ კაპიტულანტურის ვაინგარტენის ხელშეკრულების დადების შემდეგ შვეიცარიაში მიიმალა. — 99.

გ რ ე ბ ე ლ (Grebel), კ ო ნ რ ა დ — ანაბაპტისტთა სექტის ხელმძღვანელი ციურიხში, მიუნცერის მიმდევარი; რევოლუციურ აგიტაციას ეწეოდა სამხრეთ გერმანიაში. — 59.

გ ი ო ე — იხ. ბერლიზინგენი, გიოც.

გ უ გ ე ლ - ბ ა ს ტ ი ა ნ (Gugel-Bastian) (გარდ. 1514 წ.) — 1514 წ. გლეხთა შეთქმულების ორგანიზატორი ბადე-

ნის სამარკგრაფოში; თავი მოჰკვეთეს ფრაიბურგში. — 74.

გუსტავ I ვახა (1496—1560); შვეციის მეფე (1523—1560); 1527 წ. გაატარა «სამეფო რეფორმაცია» (მეფე გამოაცხადა ეკლესიის მეთაურად), მოახდინა ეკლესიის ქონების კონფისკაცია ხაზინისა და თავადაზნაურობის სასარგებლოდ. — 199.

ღ

დანტე ალიგიერი (Dante Alighieri) (1265—1321) — დიდი იტალიელი პოეტი, «ღვთაებრივი კომედიის» ავტორი. — 202.

დიდროს (Diderot), დენი (1713—1784) — ფრანგი ფილოსოფოსი მატერიალისტი, XVIII საუკუნის ერთ-ერთი გამოჩენილი განმანათლებელთაგანი. — 209.

დიტრიხშტაინი (Dietrichstein), სიგმუნდ (1484—1540) — მეფის ნაცვალის შტირიაში. საიმპერატორო მხედართმთავარი შტირიასა, კარინტასა და ხემო ავსტრიაში; 1515—1516 წწ. ავსტრიის ალპების გლეხთა აჯანყების სისხლში ჩამხრჩობი, 1525 წ. აჯანყებულმა გლეხებმა დაამარცხეს და ტყვედ ჩავარდა გაათავისუფლეს მას შემდეგ რაც გლეხობამ ხელშეკრულება დადო ხელისუფლებასთან. — 76, 122.

დოჟა (Dózsá), გეორგ (გარდ. 1514 წ.) — მცირემამულიანი აზნაური ტრანსილვანიის სეკლერის ოლქიდან; 1514 წ. გლეხთა აჯანყების მეთაური უნგრეთში; მხეტურად აწამეს გამარჯვებულმა აზნაურებმა. — 74, 75.

დოჟა (Dózsá), გრიგორი (გარდ. 1514 წ.) — გეორგი დოჟის ძმა, 1514 წ. გლეხთა აჯანყების მონაწილე უნგრეთში; ძმასთან ერთად ტყვედ ჩავარდა და სიკვდილით დასაჯეს. — 75.

ე

ებერშტაინი (Eberstein), მანჰოლდ (გარდ. 1517) — ებერშტაინთა თავადაზნაურული საგვარეულოს ფრანკონური შტოს წარმომადგენელი. — 202.

ერნსტი (1464—1513) — მაგდებურგის არქიეპისკოპოსი (1476—1513). — 51.

ვ

ვაიგანდი (Weigand) — ბამბერგელი ეპისკოპოსი (1522—1556); 1525 წელს ფრანკონიაში გლეხთა აჯანყების ჩახშობის ერთი ორგანიზატორთაგანი. — 108.

ვაიტმოსერი (Weitmoser), ერაზმი — გაშტაინის (ხალცბურგის საარქიეპისკოპოსოს) შეძლებული ხელისანი, ხალცბურგელი სამთამადრომუშების და გლეხთა რაზმის მეთაური. 1525 წლის აჯანყების დროს. — 121.

ვასკო და გამა (Vasco da Gama) (1469—1524) — პორტუგალიელი მეზღვაური, 1497—1498 წწ. აღმოაჩინა ინდოეთის საზღვაო გზა აფრიკაზე შემოვლით. — 23.

ველჰე (Welle), იაკობ (გარდ. 1525 წ.) — ლაიპციმიელი პასტორი, მიუნცერის მიმდევარი; 1525 წ. ერთი ხელმძღვანელთაგანი ლაიპციმის გლეხთა რაზმისა, რომლის განადგურების შემდეგ იგი დასაჯეს. — 59, 88, 92, 98.

ველხერები — აუგსბურგელ ვაჰართა და ბანკირთაგარი; XV და XVI სს. სამხრეთ გერმანიაში ფლობდნენ მეტალურგიულ და სხვა სარეწებს. ეწოდნენ დიდი მასშტაბის სავაჭრო და სავაზრო ოპერაციებს. შემდეგში მრავალი ევროპელი მონარქის კრედიტორები იყვნენ. — 86.

ველინგტონი (Wellington), არტურ უელსი, ჰერცოგი (1769—1852) — ინგლისელი ფელდმარშალი და რევოლუციური სახელმწიფო მოღვაწე;

- ინგლისის არმიის მთავარსარდალი ნაპოლეონის ომების პერიოდში; პრემიერ-მინისტრი (1828—1830), კონსერვატორების ლიდერი. — 195.
- ვიკლეფი (Wycliffe), ჯონ (დაახ. 1320—1384) — ინგლისელი რელიგიური რეფორმატორი; იბრძოდა რომისაგან დამოუკიდებელი ინგლისური ეკლესიის შექმნისა და კათოლიციზმის რეფორმისათვის; გამოდიოდა ინდულგენციების გაყიდვის წინააღმდეგ; კათოლიკურმა ეკლესიამ ვრეთიკოსად გამოაცხადა. — 41, 43.
- ვილანდი (Wieland), ქრისტოფ მარტინ (1733—1813) — გერმანელი პოეტი, გერმანული ლიტერატურის ერთ-ერთი კლასიკოსთაგანი. — 207.
- ვილჰელმ (დაახ. 1470—1541) — სტრასბურგის ეპისკოპოსი (1506—1541); 1525 წ. მონაწილეობას იღებდა მაინცის საეპისკოპოსოში გლეხთა ამბოხების ჩახშობაში. — 108.
- ვილჰელმ I (1797—1888) — პრუსიის მეფე (1861—1888) და გერმანიის იმპერატორი (1871—1888). — 179.
- ვიურტემბერგის ეპისკოპოსი — იხ. კონრად III.
- ვოლტერი (Voltaire), ფრანსუა მარეი (არუფ) (1694—1778) — XVIII ს. ცნობილი ფრანგი განმანათლებელი; ფილოსოფოს-დეისტი, პუბლიცისტი, პოეტი, დრამატურგი და ისტორიკოსი. — 209.
- ვოლფი (Wolff), ვილჰელმი (1809—1864) — გამოჩენილი გერმანელი პროლეტარული რევოლუციონერი, კომუნისტთა კავშირის ცენტრალური კომიტეტის წევრი, ახალი რაინის გახეთის რედაქციის წევრი; მარქსისა და ენგელსის მოწაფე, თანამებრძოლი და უახლოესი მეგობარი. — 153, 164.
- ზაპოლი (Zápolya), იოჰან (1487—1540) — ტრანსილვანიის ვოევოდა; 1514 წ. ხელმძღვანელობდა გლეხთა მოძრაობის ჩახშობას უნგრეთში; 1526 წ. გამოცხადებულ იქნა უნგრეთის მეფედ. — 75.
- ზიკინგენი (Sickingen), ფრანც (1481—1523) — გერმანელი რაინდი, მიემხრო რეფორმაციას; 1522—1523 წწ. ხელმძღვანელობდა რაინდების აჯანყებას. — 47, 79, 82, 127, 170, 173, 175.
- ზინგერჰანსი (Singerhans) (ზინგერი, ჰანს) — ვიურტემბერგელი გლეხი; 1514 წ. «საწყალი კონრადის» კავშირისა და შვაბიის მთიანი რაიონების გლეხთა აჯანყების ერთ-ერთი ხელმძღვანელთაგანი. — 72.
- ზულცი (Sülz), რუდოლფი, — გრაფი, საიმპერიო სასამართლოს მოსამართლე როტვაილში. ფლობდა კლერგაუს; 1525 წ. სამხრეთ გერმანიაში გლეხთა ომის დროს გლეხთა აჯანყების ჩახშობის ერთ-ერთი ორგანიზატორთაგანი. — 110.

ი

- ივანე III ვასილისძე (1440—1505) — მოსკოვის დიდი თავადი (1462 წლიდან), უდიდესი რუსი სახელმწიფო მოღვაწე; მიღწეა რუსეთის საბოლოოდ განთავისუფლებას მონგოლ-თათართა უღლისაგან და ძირითადად დაასრულა რუსეთის მიწების შემოერთება მოსკოვის ირგვლივ, რითაც საფუძველი ჩაუყარა ერთიან ეროვნულ სახელმწიფოს. — 198
- იოაქიმ კალაბრიელი ან იოაქიმ ფლორელი (დაახ. 1131—1202) — იტალიელი მისტიკოსი; ქრისტეს «მეორედ მოსვლის» და «ათას წლიანი მეფობის» იდეის ერთ-ერთი გამავრცელებელთაგანი; მისი მოძღვრება კათოლიკურმა ეკლესიამ ერესად გამოაცხადა. — 51.

პ

პალტემბერგის არქიეპისკოპოსი — იხ. მათე.

ოსი (Ioss), ფრიც (გარდ. დახ. 1517) — XVI ს. დასაწყისის გლეხთა ფარული კავშირისა და შეთქმულების ორგანიზატორი სამხრეთ გერმანიაში. 1502 წ. აწალის შეთქმულების მონაწილე შპაიერის საეპისკოპოსოში; 1512—1513 წწ. აწალის კავშირის აღდგენის ორგანიზატორი ზემო რაინსა და შვარცვალდში, რომლის ცენტრი იყო ლევენში (ფრაიბურგის ახლოს); შეთქმულების აღმოჩენის შემდეგ გაიქცა შვეიცარიაში; 1517 წ. უშედგვოდ სცადა მოეწყო გლეხთა აჯანყება შვარცვალდში. — 67, 68, 70, 76, 173.

ოტან (1468—1532) — საქსონიის ჰერცოგი, 1525 წლიდან საქსონიის კურფიურსტი; მიუნცერის ერთი მღვწელთაგანი; 1525 წელს გლეხთა აჯანყების ჩამხშობი ტიურინგიაში; თავადაზნაურული რეფორმაციის გამოჩენილი მოღვაწე. — 56.

ქ

კახიმირი (1481—1527) — ბრანდენბურგ-ანსბახის მარკგრაფი, ჰოჰენცოლერთა გვარის ფრანკონიის შტოს წარმომადგენელი; ანსბახელი და როტენბერგელი აჯანყებული გლეხებისა და მოქალაქეთა სისხლში ჩახშობის ორგანიზატორი. — 104, 106, 108, 109.

კანტი (Kant), ემანუილ (1724—1804) — გერმანელი ფილოსოფოსი-იდეალისტი. — 207.

კარლოს დიდი (742—814) — ფრანკების მეფე (768—814), შემდეგში იმპერატორი (800 წლიდან). — 142, 144, 160, 199.

კარლ-ავგუსტ (1757—1828) — საქსონ-ვიმარის დიდი ჰერცოგი; მონაწილეობას იღებდა რეაქციული გერმანული სახელმწიფოების ლაშქრობაში რევოლუციური საფრანგეთის წინააღმდეგ. — 206.

კარლოს მამაცი (1433—1477) — ბურგუნდიის ჰერცოგი; მეთაურობდა

საფრანგეთის მსხვილ ფეოდალთა ბრძოლას მეფე ლუდოვიკო XI წინააღმდეგ; 1477 წ. შვეიცარიელებთან ომში, ნანსისთან ბრძოლაში სასტიკად დამარცხდა. — 191.

კარლოს V ჰაბსბურგი (1500—1558) — ესპანეთის მეფე (1516—1556) და გერმანიის იმპერატორი (1519—1556). — 36, 172, 173.

კარლინგები — ფრანკთა მეფეების დინასტია (VIII—IX სს.). — 190.

კაუტსკი (Kautsky), კარლ (1854—1938) — გერმანიის სოციალ-დემოკრატიისა და II ინტერნაციონალის ერთ-ერთი თეორეტიკოსი; ცენტრისტი; პირველი მსოფლიო ომის დროს სოციალ-პაციფისტი; მარქსიზმის რენეგატი და ფალსიფიკატორი, საბჭოთა კავშირის სასტიკი მტერი. — 181.

კეპლერი (Kepler), იოჰან (1571—1630) — გერმანელი ასტრონომი. — 205.

კინდლინგერი (Klinglinger), ნიკოლაუს (1749—1819) — გერმანელი კონსერვატორი ისტორიკოსი, ავტორი 1818 წ. გამოცემული ნაშრომისა — „გლეხთა დამოკიდებულების ისტორია გერმანიაში, განსაკუთრებით ეგრეთწოდებული ბატონყმობის უფლება“. — 177.

კნოპფი ლუიბასიდან — იხ. შმიდტი, იორგ.

კოვალევსკი, მაქსიმ მაქსიმეს ძე (1851—1916) — გამოჩენილი რუსი ბურჟუაზიული სოციოლოგი, ისტორიკოსი და იურისტი; ცნობილია თავისი გამოკვლევებით პირველყოფილ-თემური წყობილების შესახებ. — 133.

კონრად III (1466—1540) — ვიურტემბურგის ეპისკოპოსი (1519—1540); გლეხთა აჯანყებისა და ქალაქის დაბალი წრეების მოძრაობის სისხლში ჩახშობის ორგანიზატორთაგანი ფრანკონიაში. — 95, 108.

ლ

- ლაერენტი — იხ. მესაროში, ლაერენტი.
- ლაიბნიცი (Leibniz), გოტფრიდ ვილჰელმი (1646—1716) — გერმანელი ფილოსოფოსი იდეალისტი, მათემატიკოსი, ფიზიკოსი. — 203, 205.
- ლამპარტი (Lamparter), გრაფ-გორუსი (1463—1523) — ვიურტემბერგის ჰერცოგ ულრიხის მრჩეველი. — 72.
- ლასალი (Lassallo), ფერდინანდ (1825—1864) — გერმანელი ვეპილი და პუბლიცისტი, რომელიც მიემხრო მუშათა მოძრაობას; გერმანიის საყოველთაო მუშათა კავშირის ერთი დამარსებელთაგანი; იცავდა გერმანიის ზემოდან გაერთიანების პოლიტიკას, ელაქუცებოდა ბისმარკსა და იუნკერობას; საფუძველი ჩაუყარა ოპორტუნისტულ, მარქსიზმის მტრულ მიმდინარეობას გერმანიის სოციალ-დემოკრატიაში. — 169, 170, 171, 172, 176.
- ლევენშტაინები, გრაფები — წერილი თავადური გვარის წარმომადგენლები ფრანკონიაში. — 93.
- ლეონჰარდ (Leonhardt), ადოლფ (1815—1880) — პრუსიის რეაქციული სახელმწიფო მოღვაწე, იუსტიციის მინისტრი ბისმარკის კანცლერობის პერიოდში. — 142.
- ლესინგი (Lessing), გოტჰოლდ ფრაიხ (1729—1781) — გამოჩენილი გერმანელი განმანათლებელი; დრამატურგი, ლიტერატურული კრიტიკოსი და ხელოვნებათმცოდნე. — 207.
- ლიმპურგლები, გრაფები — გრაფის გვარი ფრანკონიაში. — 95.
- ლორხერი (Lorcher) — ვიურტემბერგის ჰერცოგ ულრიხის მრჩეველი. — 72.
- ლუდვიგ V (1478—1544) — პფალცის კურფიურსტი (1508—1544); 1522—1523 წწ. მონაწილეობას იღებდა

რაინდების აჯანყების ჩახშობაში; 1525 წ. ფრანკონიის გლეხთა აჯანყების ჩახშობის ერთი ორგანიზატორთაგანი, ტრუხზესის დამსჯელი ლაშქრობის მონაწილე. — 73, 82, 94, 96, 102, 107, 109.

ლუდვიკ XI (1423—1483) — საფრანგეთის მეფე (1461—1483); საფრანგეთის აბსოლუტური მონარქიის ერთი დამაარსებელთაგანი; თავდადებით იბრძოდა საფრანგეთის მიწების ერთიან სამეფოში გასაერთიანებლად. — 25, 197.

ლუთერი (Luther), მარტინ (1483—1546) — გერმანელი რელიგიური რეფორმატორი, ღვთისმეტყველი და პუბლიცისტი, ლუთერანული რელიგიის დამაარსებელი; გლეხთა ომის დროს გამოდიოდა როგორც აჯანყებულთა გლეხებისა და პლებეების სასტიკი მტერი; გამოხატავდა იმ ბიურგერული წრეების განწყობილებას, რომლებიც თავადების მხარეზე გადავიდნენ. — 46, 47, 49, 50, 51, 52, 55, 56, 57, 58, 59, 60, 77, 78, 83.

მ

- მაგდებურგის არქივისკოპოსი — იხ. ერნსტ.
- მათე (დაახ. 1468—1540) — ზალცბურგის არქივისკოპოსი (1519 წლიდან); რეფორმაციის მომხრეების სასტიკი მდევნელი, 1525 წ. აჯანყებულ გლეხთა და მოქალაქეთა წინააღმდეგ სისხლიანი რეპრესიების სულისჩამდგმელი ზალცბურგის საარქივისკოპოსოში. — 121, 123.
- მაიტენი (Meitzen), ავგუსტ (1822—1910) — გერმანელი ბურჟუაზიული ეკონომისტი და სტატისტიკოსი. — 167, 177.
- მანტელ (Mantel), იოჰან (დაახ. 1468—1530) — ღვთისმეტყველი, შტუტგარტის ქადაგი, მიუნცერის მიმდევარი. — 59.

მანტოიფელ (Mantouffell), **ოტო** **თეოდორ** (1805—1882)—პრუსიის სახელმწიფო მოღვაწე; რეაქციონერი; ბრანდენბურგის კონტრრევოლუციური სამინისტროს საშინაო საქმეთა მინისტრი. (1848 — 1850). — 165, 166.

მარქსი, კარლ (1818—1883). — 3, 4, 169, 175, 177.

მაურერ (Maurer), **გეორგ** **ლუდვიგ** (1790—1872)—გერმანელი ბურჟუაზიული ისტორიკოსი, ძველი და საშუალო საუკუნეების გერმანიის საზოგადოებრივი წყობილების მკვლევარი. — 134, 176, 177.

მაქსიმილიან I (1459—1519) — ავსტრიის ერცჰერცოგი, 1493 წლიდან გერმანიის იმპერატორი. — 67, 76, 85.

მენცინგენი (Menzingen), **სტეფან** (გარდ. 1525) — გერმანელი რაინდი; ხელმძღვანელობდა როტენბურგის წვრილი ბიურგერების და პლებეების აჯანყებას პატრიციების წინააღმდეგ; მარკგრაფ კაზიმირ ბრანდენბურგ-ანსბახის ჯარების მიერ როტენბურგის დაკავების შემდეგ სიკვდილით დასაჯეს. — 91, 109.

მენკე (Menke), **თეოდორ** **ჰაინრიხ**. — გერმანელი კარტოგრაფი. — 206.

მელანქტონი (Melanchton), **ფილიპ** (1497—1560) — გერმანელი ლეთისმეტყველი, ლუთერის უახლოესი თანამემწე; ავტორი ალგებურგის სარწმუნოებისა; ლუთერანობა შეახამა თავადთა ინტერესებთან. — 56.

მერინგი (Mehring), **ფრანც** (1846—1919) — გერმანელი სოციალ-დემოკრატი, ლიტერატურული კრიტიკოსი და ისტორიკოსი, გერმანიის სოციალ-დემოკრატიის მარცხენა ფრთის ერთ-ერთი ხელმძღვანელთაგანი; შემდეგში «პარტაკის» კავშირისა და გერმანიის კომუნისტური პარტიის წევრი. — 178, 179.

მეროვინგები — ფრანკთა მეფეების დინასტია (V—VIII სს.) — 144.

მესაროში (Mészáros), **ლაკრენტი** (გარდ. 1514) — ცეკლედის მღვდელი, 1514 წ. გლეხთა აჯანყების ერთ-ერთი ბელადთაგანი უნგრეთში; ტყვედ ჩაუვარდა ხელში უნგრეთის აზნაურებს, რომლებმაც მხეცურად აწამეს. — 74, 75.

მეტლერი (Metzler), **გეორგ** — ოდენვალდის (ფრანკონია) გლეხთა აჯანყების ერთი წარმომადგენელთაგანი, აგრეთვე ნათელ-სხვიოსანი რაზმის ერთ-ერთი მეთაური; ეკუთვნოდა ზომიერ პარტიას; კენიგსჰოფენთან ნათელ-სხვიოსანი რაზმის განადგურების შემდეგ გაიქცა. — 92, 93, 94, 105.

მიუნცერი (Münzer), **თომას** (დაახ. 1490—1525) — გერმანიის უდიდესი პლებეური რევოლუციონერი, თავადების, აზნაურების და სასულიერო წოდების ბატონობის რევოლუციური გზით დამბოზისა და სახალხო რეფორმაციის მქადაგებელი, წამოაყენა გამათანაბრებელი უტოპიური კომუნიზმის იდეა; გერმანიის გლეხთა ომის პერიოდში ქალაქის დაბალი ფენებისა და აჯანყებულ გლეხთა მარცხენა ფრთის ბელადი. — 3, 35, 40, 44, 49, 54, 55 56, 57, 58, 60, 66, 78, 83, 86, 105, 113, 115, 116, 117, 122, 181.

მიულერი (Müller), **ჰანს** (გარდ. 1525 წ.) — 1525 წ. შუარცვალდის გლეხთა წინამძღოლი; მეთაური ჰებგაუს რაზმისა, რომელმაც ულადატა გლეხებს; აჯანყების ჩახშობის შემდეგ სიკვდილით დასაჯეს. — 83, 84, 87, 109, 110.

მოცარტი (Mozart), **ვოლფგანგ** **ამადეუს** **გოტლიბ** (1756—1791) — უდიდესი ავსტრიელი კომპოზიტორი. — 207.

6

ნაპოლეონ III (1808—1873) — საფრანგეთის იმპერატორი (1852—1870). — 9.

ნაპოლეონ I ბონაპარტი (1769—1821) — საფრანგეთის იმპერატორი, (1804—1814 და 1815). — 150, 162, 207,

მ

- ო ტ ო ნ I (912—973) — გერმანიის მეფე (936 წლიდან), დამარცხებული და პირველი იმპერატორი (962 წლიდან) ე. წ. წმიდა რომის იმპერიისა. — 199.
- ო ტ ო ნ ე ბ ი — საქსონელთა დინასტიის გერმანელთა მეფეები და გერმანიის იმპერატორები (936—1002). — 201.
- ო უ ე ნ ი (Owen), რ ო ბ ე რ ტ (1771—1858) — დიდი ინგლისელი სოციალისტ-უტოპისტი. — 20.

პ

- პ ლ ა ტ ო ნ ი (დაახ. 427—347 წ. ე-მდე) — ძველი ბერძენი ფილოსოფოს-იდეალისტი. — 181.
- პ რ ა ს ლ ე რ ი (Prassler), კ ა ს პ ა რ, 1525 წ. ზალცბურგის საეპისკოპოსოს აჯანყებულ გლეხთა და მადნის მომპოვებელთა რაზმების წინამძღოლი. — 121.
- პ რ ე გ ი ც ე რ ი (Pregizer), კ ა ს პ ა რ — დანებისმკეთებელი შორნდორფში (ვიურტემბერგი), «საწყალი კონრადის» კავშირის ერთი ორგანიზატორთაგანი; 1514 წ. მონაწილეობდა ვიურტემბერგის გლეხთა და ქალაქელთა აჯანყებაში; აჯანყების დამარცხების შემდეგ გაიქცა. — 71.
- პ ფ ა ი ფ ე რ (Pfaifer), ჰ ე ნ რ ი ხ (გარდ. 1525 წ.) — 1525 წ. ქალაქელთა აჯანყების ერთ-ერთი ხელმძღვანელთაგანი მიულჰაუზენში; სიკვდილით დასაჯეს. — 113, 118. პ ფ ა ლ ც ი ს კ უ რ ფ ი უ რ ს ტ ი — იხ. ლუდვიგ V.

რ

- რ ა ბ მ ა ნ ი (Rabmann), ფ რ ა ნ ც (გარდ. 1525 წ.) — გრისანის ქადაგი, (სამხრეთ გერმანია); მიუნცერის მიმდევარი და სახალხო რეფორმაციის მომხრე; მონაწილეობდა შვარცვალდის დაკლვებულთა გლეხთა და პლებეების აჯანყებაში; 1525 წ. შემოდგომაზე გლეხთა

- მოდრაობის საბოლოოდ ჩანშობის შემდეგ მხეცურად აწამეს. — 59.
- რ ი ხ ა რ დ (1467—1531) — ტრიონს კურფიურსტი და არქიეპისკოპოსი — (1511—1531), რეფორმაციის სასტიკი მოწინააღმდეგე; მონაწილეობდა 1522—1523 წწ. რაინდებისა და 1525 წ. გლეხთა აჯანყების განადგურებაში. — 82, 109, 172.
- რ ო რ ბ ა ხ (Rohrbach), ი ე კ ლ ა ი ნ (გარდ. 1525 წ.) — 1525 წელს ფრანკონიის გლეხთა აჯანყების ერთი მთავარი მეთაურთაგანი; ნეკარტალელ გლეხთა რაზმის ხელმძღვანელი; გადამწყვეტი რევოლუციური მოქმედების მომხრე, გამოირჩეოდა ახალურებისადმი შეურიგებლობით; ტრუხზესის ბრძანებით სასტიკად აწამეს. — 92, 93, 94, 96, 97, 98, 102.

ს

- ს ა ლ ე რ ე შ ი (Szálerei), ა მ ბ რ უ შ — პეშტის მოქალაქე, 1514 წ. მიეზრო გლეხთა აჯანყებას უნგრეთში; დაინიშნა გლეხთა ერთ-ერთი რაზმის ხელმძღვანელად, მაგრამ, აჯანყებაში მონაწილე მოქალაქეების ჯგუფთან ერთად უღალატა ამბოხებს და ახალურების მხარეზე გადავიდა. — 75.
- ს ა ქ ს ო ნ ი ს კ უ რ ფ ი უ რ ს ტ ი — იხ. ფრიდრიხ III.
- ს ე ნ - ს ი მ ო ნ ი (Saint-Simon) კ ლ ო დ ა ნ რ ი (1760—1825) — დიდი ფრანგი სოციალისტ-უტოპისტი. — 19.

ტ

- ტ ა ი ლ ე რ ი (Tyler), უ ო ტ (გარდ. 1381 წ.) — 1381 წ. გლეხთა აჯანყების ხელმძღვანელი ინგლისში; პროფესიით — მეთუნე, იცნობდა სამხედრო საქმეს; აჯანყებული გლეხების წარმომადგენელთა მეფე რიჩარდ II მოლაპარაკების დროს ფეოდალებმა მოლატურად მოკლეს. — 40.

ტაციტი კუბლიუს კონენ-ლიუს (დაახ. 55—120 წ.) — რომაელი ისტორიკოსი, ძველი გერმანიის აღწერის ავტორი. — 136, 137.

ტელეკი (Teleki), იშტვან (გარდ. 1514 წ.) — მეფის მრჩეველი, შემდეგში ხაზინადარი უნგრეთში; 1514 წლის გლეხთა აჯანყების დროს ამბოხებულემა მოკლეს. — 75.

ტიუდორები — ინგლისის მეფეების დინასტია (1485—1603). — 198

ტირის არქიეპისკოპოსი. — იხ. რიხარდ.

ტრუხესი (Truchsess), გეორგ (1488—1531) — შვაბიის კეზირის სამხედრო ძალების სარდალი. 1525 წ. გლეხთა აჯანყების მთავარი დამსჯელი და ჯალათი. — 35, 85, 87, 88, 92, 98, 101, 102, 104, 107, 108, 110, 111, 112, 117.

ტუმბი (Thumb), კონრად (1465—1525) — ვიურტემბერგის ჰერცოგ შლარიხის მრჩეველი. — 72.

ტუნფელდი (Thunfeld), კუნც — გერმანელი რაინდი, ვიურტემბერგის ეპისკოპოსის ვასალი; 1476 წ. ჰანს ბიოჰაიმის გლეხთა შეთქმულების მონაწილე ნიკლასჰაუზენში (ვიურტემბერგის საეპისკოპოსო). — 63, 64.

ტუნფელდი (Thunfeld), მიქელი — კუნცის ვაჟი; 1476 წ. ჰანს ბიოჰაიმის გლეხთა შეთქმულების მონაწილე ნიკლასჰაუზენში (ვიურტემბერგის საეპისკოპოსო). — 63, 64.

უ

ულრიხი (1487—1550) — ვიურტემბერგის ერცოგი (1498 წლიდან); 1514 წელს ჩაახშო ვიურტემბერგის გლეხთა აჯანყება («საწყალი კონრადის» აჯანყება); 1519 წელს მისი პოლიტიკით უკმაყოფილო ახნაურებმა და ბიურგერებმა საჰერცოგოდან განდევნეს; ცდილობდა 1525 წელს გლეხთა აჯანყება გამოეყენებინა თავისი ძალაუფლების აღ-

სადგენად; 1534 წ. კლავ დამკვიდრდა ვიურტემბერგის ტახტზე. — 71, 72, 86, 88.

ფ

ფერდინანდ I (1503—1564) — ავსტრიის ერცჰერცოგი, 1556 წლიდან გერმანიის იმპერატორი. — 85, 109, 111, 122, 123.

ფილიპე I (1479—1533) — ბადენის მარკგრაფი; 1513 წ. მხეცურად გაუსწორდა «წალის» გლეხთა შეთქმულების მონაწილეებს და სხვა აჯანყებათა ცდების მთელ რიგ ინიციატორებს. 1525 წ. მონაწილეობდა სამხრეთ გერმანიის გლეხთა აჯანყების ჩახშობაში. — 70, 74, 109.

ფილიპე I (1504—1567) — ჰესენის ლანდგრაფი; მონაწილეობდა 1522—1523 წ.წ. რაინდების აჯანყების ჩახშობაში; 1525 წ. გლეხთა აჯანყების მთავარი ჩამშობი ტიურინგიაში. — 116, 118, 125.

ფლორიან — იხ. გრეიხელ, ფლორიან.
ფოიერბახერი (Feuerbacher), მატერან — ქალაქის საბჭოს წევრი და ბიურგერული ოპოზიციის ერთი ბელადთაგანი გროს-ბოტვარში (ვიურტემბერგი); 1525 წ. სათავეში ედგა ვიურტემბერგის აჯანყებულ გლეხთა და ქალაქელთა ნათელ ქრისტიანულ რაზმს. თავის გავლენას იმისათვის იყენებდა, რომ აჯანყება ზომიერი გზით წარმართულიყო. ბებლინგენთან ამბოხებულთა დამარცხების შემდეგ გაიქცა შვეიცარიაში. — 97, 101.

ფორნერი (Fornier), ანტონ — ნორდლინგენის (ფრანკონია) საიმპერიო ქალაქის მეორე ბურგომისტრი; 1525 წ. მიემხრო აჯანყებულ გლეხობას და სათავეში ჩაუდგა ქალაქის პლბეურ პარტიას; მეთაური ახალი მაგისტრატისა, რომელიც არსებობდა გლეხთა აჯანყების დამარცხებამდე. — 91.

- ფ რ ა ნ ც ი ს კ I (1494—1547)—საფრანგეთის მეფე (1515—1547). — 34, 84.
- ფ რ ი დ რ ი ხ II (1712—1786)—პრუსიის მეფე (1740—1786). — 161, 163, 204.
- ფ რ ი დ რ ი ხ III (1463—1525)—საქსონიის კურფიურსტი (1486—1525); მიუნცერის ერთ-ერთი მდევნელთაგანი. — 47.
- ფ რ ი დ რ ი ხ - ვ ი ლ ჰ ე ლ მ (1620—1688)—ბრანდენბურგის კურფიურსტი (1640 წლიდან). — 163, 179.
- ფ რ ი დ რ ი ხ - ვ ი ლ ჰ ე ლ მ III (1770—1840) — პრუსიის მეფე (1797—1840). — 161, 163.
- ფ რ უ ნ დ ს ბ ე რ გ ი (Fruntsberg), გ ე ო რ გ (1473—1528) — გერმანელ ლანდსკნეხტთა მეთაური; მსახურობდა შვაბიის კავშირში. 1525—1526 წწ. მონაწილეობდა შვაბიასა და ზალცბურგის საარქიეპისკოპოსოს გლეხთა აჯანყების ჩახშობაში. — 111, 123.
- ფ უ რ ი ე (Fourier), ფ რ ა ნ ს უ ა მ ა რ ი შ ა რ ლ (1772—1837) — დიდი ფრანგი სოციალისტ-უტოპისტი. — 20.

უ

- შ ა კ ე ლ ე რ ი (Schappeler), კ რ ი ს ტ ო ფ (1472—1551) — ლეთისმეტყველების დოქტორი, მიუნცერის მიმდევარი; 1524—1525 წწ. მეთაურობდა პლებების ოპოზიციას მემინგენში (ხემო შვაბია); მემინგენის ქალაქის მდაბოთა წარუმატებელი აჯანყების შემდეგ გაიქცა. — 59, 111.
- შ ი ო ნ ი (Schön), უ ლ რ ი ხ ი (გარდ. 1525 წ.) — 1525 წ. გლეხთა ომის მონაწილე; შვაბიის აჯანყებულ გლეხთა ლაიპჰაიმის რაზმის ერთ-ერთი წინამძღოლი; რაზმის განადგურების შემდეგ ტყვედ ჩავარდა და ტრუხხესის ბრძანებით სიკვდილით დასაჯეს. — 88, 99.
- შ ე ქ ს პ ი რ ი (Shakespeare), უ ი ლ ი ა მ (1564—1616) — დიდი ინგლისელი პოეტი და დრამატურგი. — 173.

- შ ი ლ ე რ ი (Schiller), ი ო ჰ ა ნ კ რ ი ს ტ ო ფ ფ რ ი დ რ ი ხ (1759—1805) — დიდი გერმანელი პოეტი და დრამატურგი. — 173, 207.
- შ ლ ე ც ე რ ი (Schlözzer) ა ვ გ უ ს ტ ლ უ დ ვ ი გ ი (1735—1809) — გერმანელი კონსერვატიული ისტორიკოსი, პუბლიცისტი და სტატისტიკოსი. — 206.
- შ მ ი დ ტ ი (Schmidt), ი ო რ გ (გარდ. 1526 წ.) — ცნობილი თავისი სახუმარო მეტსახელით «ენოფი» (სიტყვა-სიტყვით «ტეტია»). ლუიბასელი (ხემო შვაბია) გლეხი; 1525 წ. გლეხთა ომის აქტიური მონაწილე და ალგაუს რაზმის ერთ-ერთი ხელმძღვანელი; რაზმის დამარცხების შემდეგ გაიქცა, მაგრამ დაიჭირეს, აწამეს და სიკვდილით დასაჯეს. — 112.
- შ მ ი დ ტ ი (Schmidt), უ ლ რ ი ხ — მკვდელი, 1525 წელს აჯანყებულ შვაბიელ გლეხთა ბალტრინგენის რაზმის წინამძღოლი. — 87.
- შ ნ ა ი დ ე რ ი (Schneider), გ ე ო რ გ — ფრანგების სამსახურში მყოფი ლანდსკნეხტების ყოფილი კაპიტანი; მონაწილეობდა «წალის» შეთქმულებასა და ხემო რაინის 1513 წ. გლეხთა აჯანყებაში, რომელიც მარცხით დამთავრდა. — 68.
- შ პ ე ტ (Spitt), დ ი ტ რ ი ხ (გარდ. 1536 წ.) — გერმანელი აზნაური; ტრუხხესის დამსჯელ არმიაში შემავალი რაზმის მეთაური; 1525 წ. გლეხთა აჯანყების ჩახშობის მონაწილე. — 98, 99, 100, 105.
- შ პ რ უ ნ ე რ (Spruner), კ ა რ ლ (1803—1892) — გერმანელი ისტორიკოსი და კარტოგრაფი. — 189.
- შ ტ ო რ ხ (Storch), ნ ი კ ლ ა ს ი — ცვიკაუელი ფეიქარი; ანაბატისტთა სექტის მეთაური; მიუნცერის ხეგავლენით გახდა სასულიერო და საერო ფეოდალების წინააღმდეგ მიმართული აჯანყების მქადაგებელი. — 51.

- შტოფელ (Stoffel) (ფრაიბურგი-დან)—1513 წ. ზემო რაინსა და შვარც-ვალდში წაღისა გლეხთა შეთქმულების ერთ-ერთი ორგანიზატორი; შეთქმულების აღმოჩენის შემდეგ მიიმალა. — 68.
- შუბარტი (Schubart), იოჰან კრისტიან (1734—1787) — გერმანელი აგრონომი. — 206.

ჩ

- ჩაკი (Csáky), მიკლოშ (გარდ. 1514 წ.) — ჩენადის ეპისკოპოსი; 1514 წელს, უნგრეთის გლეხთა აჯანყების დროს, აჯანყებულებმა მოჰკლეს. — 75.

ც

- ცეხარი გაიუს იულიუსი (100—44 ჩ. ე.) — რომელი სახელმწიფო მოღვაწე და მხედართმთავარი; რომის იმპერიის დამაარსებელი; ავტორი ფალიის ომის ჩანაწერებისა, რომელშიც აღწერა აგრეთვე გერმანელთა ტომების ზნეჩულებები. — 134, 136.
- ციმერმანი (Zimmermann), ვილჰელმი (1807—1878) — გერმანელი წვრილბურჟუაზიული დემოკრატი, ისტორიკოსი; ხელოვნის შილი; მღვდელი და ისტორიის მასწავლებელი შტუტგარტში; 1848 წ. რევოლუციის მონაწილე, ფრანკფურტის პარლამენტის დეპუტატი, სადაც ემზრობოდა უკიდურეს მარცხენა ფრთას; ცერმანიის გლეხთა ომის ისტორიისა და სხვ. ნაშრომთა ავტორი. — 3, 55, 60

ჰ

- ჰოსა (Hoesz), ანტონ—1525 წელს გლეხთა აჯანყების ერთ-ერთი წინამძღოლთაგანი უნგრეთში. — 75.

ჰაბერნი (Habern), ვილჰელმი — ჰვალციის მარშალი, კურფიურსტლუდიკ ჰვალციელის მხედართმთავარი; მონაწილეობას ლებულობდა 1522—1523 წწ. რაინდების აჯანყებისა და 1525 წ. ჰვალციის გლეხთა აჯანყების ჩახშობაში. — 96, 109.

ჰანსენი (Hanssen), გეორგ (1809—1894) — გერმანელი ბურჟუაზიული ეკონომისტი და სტატისტიკოსი; ავტორი მთელი რიგი ნაშრომებისა აგრარული წყობილების ისტორიის შესახებ გერმანიაში. — 177.

ჰეგელი (Hegel), გეორგ ვილჰელმი ფრიდრიხი (1770—1831) — გერმანელი ფილოსოფოსი იდეალისტი, დიალექტიკოსი. — 19, 53, 203.

ჰელფენშტაინი (Helfenstein), ლუდვიგ, გრაფი (დაახ. 1498—1525) — ავსტრიის მეფისნაცვალ ვაინსბერგში (ვიურტემბერგი), ცნობილი თავისი ცბიერებითა და სისასტიკით გლეხობის მიმართ; 1525 წ. აჯანყებულმა გლეხებმა იგი დაატყვევეს და სიკვდილით დასაჯეს. — 92, 94, 104.

ჰენდელი (Händel), გეორგ ფრიდრიხი (1685—1759) — გამოჩენილი გერმანელი კომპოზიტორი. — 207.

ენრიხ III (1551—1589) — საფრანგეთის მეფე (1574—1589), უკანასკნელი მეფე ვალუას დინასტიიდან; როიალისტურ, კათოლიკურ და ჰუგენოტთა პარტიებს შორის გაჩაღებული ომის დროს საფრანგეთში იგი მოჰკლეს კათოლიკური ლიგის მომხრეებმა. — 208.

ჰენრიხ IV (1553—1610) — საფრანგეთის მეფე (1589—1610), ბურბონთა დინასტიის დამაარსებელი; რელიგიური ომის პერიოდში ჰუგენოტთა ჯარების ბელადი; პარიზელ კათოლიკეთა მიერ სამეფო გვირგვინზე მისი უფლებების აღიარების მიზნით მიიღო კათოლიკობა, ბოლო მოუღო რელიგიურ

- აღრეულობას და განამტკიცა მეფის ხელისუფლება. — 208.
- ჰერდერ (Herder), იოჰან გოტფრიდი (1744—1803) — გერმანელი ფილოსოფოს-იდეალისტი, პოეტი, ხალხური ლექსების შემკრები და ლიტერატურული კრიტიკოსი. — 207.
- ჰესენის ლანდგრაფი — იხ. ფილიპე I.
- ჰიპლერი (Hipler), ვენდელ (გარდ. 1526) — გერმანელი აზნაური, რომელიც 1525 წ. მიემხრო ფრანკონიის გლეხთა აჯანყებას; მთავარი ავტორი «ჰაილბრონის პროგრამისა», რომელშიც წინასწარ სკერეტდა გერმანიის საზოგადოებრივი წყობის ბურჟუაზიული გარდაქმნის იდეას; გლეხთა დამარცხების შემდეგ გაიქცა, მაგრამ 1526 წ. დააპატიმრეს და საპყრობილეში გარდაიცვალა. — 92, 94, 104, 105.
- ჰოჰენლოები, გრაფები — წვრილი თავადური გვარის წარმომადგენელი ფრანკონიაში. — 92, 93.
- ჰოჰენშტაუფენები — გერმანელ იმპერატორთა დინასტია. (1138 — 1254). — 199.
- ჰუმბაიერი (Humbmaier), ბალთახარ (გარდ. 1528 წ.) — სამხრეთ-გერმანიის ქალაქ ვალდსჰუტის მღვდელი, ლეთისმეტყველების დოქტორი, მიუნცერის მიმდევარი და სახალხო რეფორმაციის მქადაგებელი; შვარცვალდის გლეხთა და მოქალაქეთა აჯანყების ერთი შთამოგონებელთაგანი; 1528 წ. დაწვეს კოცონზე. — 59, 83.
- ჰუსი (Hus), იან (დაახ. 1369 — 1415 წ.) — გამოჩენილი ჩეხი რეფორმატორი, პრადის უნივერსიტეტის პროფესორი; თავისი გამოსვლებით მთელი რიგი კათოლიციზმის დოგმატებისა და კათოლიკური სამღვდლოების გამოძალვის წინააღმდეგ საფუძველი ჩაუყარა ჩეხიაში ფართო განმათავისუფლებელ მოძრაობას გერმანული სასულიერო და საერო ფეოდალების წინააღმდეგ. კონსტანციის ტაძარმა ერეტიკოსად გამოაცხადა და კოცონზე დაწვეს. — 41.
- ჰუტენი (Hutten), ულრიხ (1488 — 1523) — გერმანელი ჰუმანისტი, პოეტი; რაინდობის ერთ-ერთი იდეოლოგთაგანი და რაინდთა აჯანყების აქტიური მონაწილე 1522—1523 წწ. — 79, 82, 109, 170, 172, 173, 174.
- ჰუტენი (Hutten), ფროვენ — ულრიხ ჰუტენის ბიძაშვილი, რომელიც მიინციის ეკურფიურსტის კარზე იმყოფებოდა; 1525 წ. მონაწილეობდა გლეხთა აჯანყების ჩახშობაში. — 172.

შინაარსი

ქართული გამოცემის რედაქციისაგან	V
სკპ ც. კ-თან არსებული მარქსიზმ-ლენინიზმის ინსტიტუტისაგან	VII
წინასიტყვაობა	3
I	22
II	37
III	60
IV	77
V	83
VI	112
VII	124
დამატებანი	
I. ფ. ენგელსი. მარკა	133
II. ფ. ენგელსი. პრუსიის გლეხთა ისტორიისათვის	153
III. კ. მარქსისა და ფ. ენგელსის წერილებიდან	169
კ. მარქსი—ფ. ენგელსს, 1856 წ. 16 აპრილი	169
კ. მარქსი—ფ. ლასალს, 1859 წ. 19 აპრილი	169
ფ. ენგელსი—ფ. ლასალს, 1859 წ. 18 მაისი	172
ფ. ენგელსი—კ. მარქსს, 1882 წ. 15 დეკემბერი	175
ფ. ენგელსი—კ. მარქსს, 1882 წ. 16 დეკემბერი	177
ფ. ენგელსი—ფ. მერინგს, 1893 წ. 14 ივლისი	178
ფ. ენგელსი—კ. კაუცკის, 1895 წ. 21 მაისი	181
IV. ფ. ენგელსის ხელნაწერი მემკვიდრეობიდან	
ფეოდალიზმის დაშლისა და ეროვნულ სახელმწიფოთა წარმოშობის შესახებ	183
«გლეხთა ომისათვის»	196
შენიშვნები გერმანიის შესახებ	198
«გერმანიის შესახებ შენიშვნების» მეორე ხელნაწერიდან	206
სადავოთა	211

პ/მგ. გამომგებისათვის დ. ლაშქარაძე

ხელმოწერილია დასაბეჭდად 14/IX-1956 წ.
ანაწყოების ზომა 6X10. ქალაქის ზომა
60X92¹/₁₆. ნაბეჭდი თაბახი 14,75.
ტირაჟი 10.000. შეკვ. № 1004.

*

საქართველოს სსრ კულტურის სამინისტროს
მთავარბოლიგრაფიამომცემლობის 1-ლი სტამბა.
თბილისი, ორჯონიკიძის ქ., 50.

*

1-я Типография Главполиграфиздата
Министерства культуры Грузинской ССР.
Тбилиси, ул. Орджоникидзе, 50.

Ф. Зигельс

**Крестьянская война
в Германии**

(На грузинском языке)

Госиздат Грузинской ССР
Тбилиси 1958